

S T E N O G R A M
24. RADNE SJEDNICE
SKUPŠTINE KANTONA SARAJEVO
ODRŽANE 15.07.2025.GODINE

Elvedin Okerić (predsjedavajući)

Otvaram 24. radnu sjednicu Skupštine Kantona Sarajevo. Himna Bosne i Hercegovine.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice, svima nama želim uspješan rad i ugodnu radnu atmosferu.

Prema evidenciji službe sjednice prisustvuje 30 zastupnika, što je dovoljan broj za punovažan rad i odlučivanje. Izostanak sa ove sjednice opravdale su zastupnice Elza Gaković i Fatima Gavrankapetanović-Smailbegović.

Na osnovu člana 74. Poslovnika Skupštine Kantona Sarajevo, Kolegij Skupštine Kantona Sarajevo, na sjednici održanoj 04.07.2025.godine, utvrdio je Prijedlog dnevnog reda današnje, 24. Radne sjednice.

Obzirom da se na Prijedlogu dnevnog reda nalazi prijedlog jednog zakona po skraćenom postupku podsjetio bih vas da u skladu sa odredbama člana 158. stav (2) Poslovnika Skupštine Kantona Sarajevo o prijedlozima za donošenje zakona po skraćenom postupku, Skupština odlučuje kao o prethodnom pitanju prije utvrđivanja dnevnog reda sjednice.

S tim u vezi u okviru prethodnog postupka prelazimo na Prijedlog Zakona o izmjenama i dopuni Zakona o visokom obrazovanju, po skraćenom postupku.

Molim predstavnika predlagača da obrazloži razloge donošenja ovog Zakona po skraćenom postupku.

Ministrica Darja Softić-Kadenić. Izvolite, imate riječ.

Darja Softić-Kadenić (ministrica)

Dobro jutro svima. Hvala lijepa. Pozdravljam zastupnike u sali, pozdravljam gledatelje koji prate rad današnje sjednice. Imajući u vidu da Poslovnik Skupštine Kantona Sarajevo u članu 158, predviđa mogućnost da u slučajevima kada se radi o izmjenama koje nisu složene ni obimne, a ovdje zakon koji se predlaže ima 3 člana, podnosilac prijedloga zakona može umjesto nacrtu da podnese prijedlog i da predloži da se prijedlog pretresa po skraćenom postupku, bez nacrtu zakona. Znači prije svega sama količina, obim i činjenica da se radi o tehničkim izmjenama opravdavaju ovu vrstu postupanja. Uz to, želim reći i da korist toga govori i momenat u vremenu, imajući u vidu da su već u toku upisi u narednu akademsku godinu i da neusvajanjem, odnosno ne glasanjem za ovakvu vrstu procedure za ovu akademsku godinu bi već bilo kasno ukoliko bi se išlo u redovnu proceduru izmjena zakona, tako da molim da i to imate u vidu.

Elvedin Okerić (predsjedavajući)

Zahvaljujemo se uvaženoj ministrici Darji Softić-Kadenić. Otvaram raspravu. Zaključujem raspravu.

Molim zastupnike da pristup izjašnjavanju da se Prijedlog Zakona o izmjenama i dopuni Zakona o visokom obrazovanju donese po skraćenom postupku.

Zaključujem glasanje, molim službu objave rezultate glasanja. Za je glasalo 30 zastupnika, protiv i suzdržanih nije bilo.

Konstatujem da je Skupština usvojila prijedlog da se Zakon o izmjenama i dopuni Zakona o visokom obrazovanju pretresa, donese po skraćenom postupku.

Na Prijedlogu dnevnog reda današnje sjednice nalazi se Nacrt Zakona o sportu Kantona Sarajevo. S obzirom da je u izvještaju Zakonodavno-pravne komisije Skupštine Kantona Sarajevo navedeno da ne postoji pravni osnov za utvrđivanje Nacrtu Zakona o sportu Kantona

Sarajevo, skladu sa članom 139. Stav 3. Poslovnika Skupštine Kantona Sarajevo potrebno je da Skupština prethodno zauzme stav o Mišljenju Zakonodavno-pravne komisije.

Ima li potrebe da predsjednik Zakonodavno- pravne komisije obrazloži mišljenje? Može. Zastupnik Aljoša Čampara, predsjednik Zakonodavno-pravne komisije. Izvolite, imate riječ.

Aljoša Čampara (zastupnik)

Zahvaljujem predsjedavajući, pa evo vrlo kratko. Dakle, mi smo jučer održali Zakonodavnu-pravnu komisiju u formalno-pravnom smislu, komisija se izjasnila na način da ne postoji ustavno-pravni osnov, više iz razloga zato što su 2 zastupnika iz je li ovaj vladajuće parlamentarne većine kasnili na Komisiju i nisu bili prisutni, ali bez obzira na to, mi smo imali kvorum, razmatrali smo to pitanje i čini mi se, sa 3 glasa za i 2 glasa protiv Komisija nije, odnosno donijela je negativno mišljenje u ovom slučaju.

Elvedin Okerić (predsjedavajući)

Zahvaljujemo se zastupniku Čampari na uvodnim napomenama. Otvaram raspravu.

Zastupnik, oprostite, ministru prije nego što dam riječ zastupnicima, ministar Kenan Magoda, dio uvodnog obraćanja o ovoj tački dnevnog reda. Predlagač, izvolite, imate riječ.

Kenan Magoda (ministar)

Hvala uvaženi predsjedavajući. Mislim da se ovdje razgovara o ustavnosti Nacrta zakona, trebam reći da Ministarstvo kulture i sporta Kantona Sarajevo pripremilo ovaj tekst Nacrta Zakona o sportu, gdje je pravni osnov utemeljen bukvalno tom smislu Ustavu Kantona Sarajevo. U prilog tome govori i činjenica da su na ovakav tekst nacrta Zakona o sportu Kantona Sarajevo dali pozitivno mišljenje Ured za zakonodavstvo Kantona Sarajevo, Ministarstvo pravde i uprave Kantona Sarajevo, Pravobranilaštvo Kantona Sarajevo, Ured za borbu protiv korupcije i upravljanja kvalitetom Kantona Sarajevo i svi drugi relevantni subjekti, tj. institucije. Pitanje je bilo na Komisiji najviše privrednih društava, javnih poduzeća i želim da kažem Ministarstvo kulture i sporta je u svom Nacrtu imalo sugestije od Ministarstva pravde koje je ukazalo na pojedine odredbe ovog Nacrta koje bi eventualno mogle dovesti do pravne nesigurnosti a odnose se na transformaciju sportskog udruženja u sportsko privredno udruženje. Uvažavajući mišljenje Ministarstva pravde, i Ministarstvo kulture i sporta je izvršilo sve predložene korekcije i nakon toga je Ministarstvo pravde i uprave je dalo konačno pozitivno mišljenje na ovaj Nacrt. Ono što je bitno naglasiti jest da je član 85. Zakona o sportu Bosne i Hercegovine je propisana obaveza nadležnih organa entiteta i drugi nivoa administrativnog organizovanja u BiH da u roku od godinu dana od stupanja na snagu ovog zakona donesu, odnosno usklade sve zakonom i propise koji se odnose na oblast sporta. U skladu sa svim zakonskim obavezama, u tekst Nacrta Zakona o sportu Kantona Sarajevo preduzete su u nekim slučajevima doslovno pojedine odredbe Zakona o sportu i primjenjuju se u istom. Ono što je vama bitno za sve zastupnice i zastupnike Skupštine Kantona Sarajevo, da se na sve ovo navedeno smatra da je tekst Nacrta Zakona o sportu u osnovi usklađen sa Ustavom Kantona Sarajevo jer ima i poštuje postojeće pravne okvire za registraciju i rad nosilaca aktivnosti sportskih, garantuje slobodu i izbora pravnog oblika i osigurava zakonitost i ono što je najvažniji javni interes. Hvala.

Elvedin Okerić (predsjedavajući)

Zahvaljujemo se uvaženom ministru Magodi. Otvaram raspravu. Zastupnik Muamer Bandić javio se za riječ.

Muamer Bandić (zastupnik)

Zahvaljujem. Selamim i pozdravljam sve prisutne i one koji nas prate putem malih ekrana. Evo kolega Čampara je rekao ustvari da Komisija zakonodavno-pravna nije dala pozitivno mišljenje. Ja sam istakao prigovor, dakle zato što se radi o zakonu kojim se donosi na nivou Kantona, taj je zakon ovo, kako je rekao ministar, je usklađen sa Ustavom, a trebali su da nam pročitaju koji to član ustvari Ustava daje pravo Kantonu Sarajevo da uređuje propis iz nadležnosti federalnog nivoa vlasti, a koji se između ostalog, odnosi i na Zakon o privrednim društvima i Zakon o stečaju. Iz tih razloga ja sam bio protiv ovog zakona, smatram da nije ustavan zakon, bez obzira što se radi o Nacrtu zakona. Oblast Kantona Sarajevo je isključivo Ustavom predviđena za uređenje sporta, kulture i sporta svakako, ali nikako ne da ove nadležnosti prelazimo na način, dakle, da u pojedinim odredbama Zakona o sportu uređujemo nešto što je federalni propis. Samo pozivanje na Zakon Bosne i Hercegovine ili zakon Federacije, viši pravni akt, dakle, to su nivoi više nivoi više vlasti, oni imaju mogućnost, dakle, da na istom nivou uređuju jedan od tih zakona koji mi govorimo u konkretnom slučaju Zakon o privrednim društvima, dakle potpuno je neprihvatljivo da u ovom Zakonu imate odredbe koje praktično upućuju na Zakon o privrednim društvima na koji način će biti profesionalno sportsko udruženje registrovano. Okolnost da se radi o Zakonu o udruženjima i fondacijama koje također federalni propis, dakle, nikako nismo mogli ovim zakonom zadirati na nivo, dakle, federalnog nivoa vlasti, odnosno federalnih propisa. Sam sadržaj Zakona o njemu ću kasnije komentirati, ali kada govorimo o Ustavnom ovlaštenju, treba da nam neko kaže ko je to ustvari ustavno ovlaštenje daje Kantonu mogućnost da u svoj zakon edituje odredbe zakona višeg nivoa vlasti. I ustvari, ko bi bio nadležan, nadležan za provođenje ovog i nadziranje ovog zakona kada je u pitanju zakon više pravne snage kao što je Zakon o privrednim društvima i Zakon o stečaju. Hvala.

Elvedin Okerić (predsjedavajući)

Za riječ se javio zastupnik Mahir Dević. Izvolite, imate riječ.

Mahir Dević (zastupnik)

Hvala. U suštini, Skupština Kantona Sarajevo već duži vremenski period radi pod vašom vlašću izvan ustavnih i zakonskih okvira i uvodi neke nove prakse koje postaju ozbiljan problem u cijeloj Federaciji. Mi smo iz Kluba Stranke demokratske akcije često puta na to upozoravali, od propisivanja krivičnih djela preko nadležnosti koje se ne tiču Kantona Sarajevo do ovoga posljednjih pokušaja. Znači u suštini uopće nije dobro da se mišljenje Komisije relativizira na način da se ono rastavlja na dijelove koji sačinjavaju parlamentarnu većinu ili ne sačinjavaju parlamentarnu većinu ni jedan odgovor na ozbiljna pitanja koja su postavljena na samoj Zakonodavno- pravnoj komisiji u smislu ustavnih nadležnosti i drugih stvari i da kažem tako šume pravnih propisa s kojim mi ulazimo u koliziju, na to nije odgovoreno. Prema tome, svako ko je ozbiljan, u najmanju ruku jedan ovakav dokument bi povukao, pripremio adekvatnije obrazloženje, uvažio mišljenje struke. U toj Komisiji sjede većina ljudi koji su pravnici, neki od njih i advokati sa dugogodišnjim iskustvom koji su upozorili na probleme. Naravno, ja pretpostavljam da ćete vi ovo lomiti kao i sve do sada, kao što ste lomili poslovnički, mogućnost da nećete obazirati na ovu što mi govorimo. Međutim, ovu praksu koju mi uvodimo u Kantonu Sarajevo nemojmo da mislite da je neko drugi neće prepisati u drugim Kantonu i zloupotrijebiti itekako na negativan način po državu Bosnu i Hercegovu. Ova fragmentacija, ovo pravljenje Republike Sarajevo, pokušaj da se napravi neka predstava, kao da će sada Kanton Sarajevo preuzeti neki nadležnosti države i entiteta u brizi o sportu na ovakav način se itekako nama može vratiti kao bumerang. Znači, mi pozivamo da se pravni osnov, jasno utvrdi za donošenje čak i nacrta ovakvog zakona, u suprotnom mi nećemo dati podršku, naravno, u ovom vanustavnom djelovanju, koji je kod vas praksa već duži niz godina. Znači, u ovom

zakonu obiluje niz članova koji su bukvalno i brutalno prepisani iz drugih zakona čija je to nadležnost. Kakav to mi zakon donosimo ako prepíšimo član iz federalnog i državnog zakona identičan? Šta to mi donosimo? Prepisujemo neke članove čija je to nadležnost i kažemo da mi donosimo neki zakon. Mogu razumjeti intenciju i predlažače i ministra da se nešto unaprijedi, da se nešto uradi, međutim, put i način kako ste to krenuli, on je u svakom slučaju i neustavan i nezakonit i mi, naravno, ne možemo dati podršku bilo kom dokumentu da bez pozitivnog mišljenja Zakonodavno pravne komisije uopće uđe na dnevni red sjednice Skupštine Kantona Sarajevo. Pozivamo, naravno, predlažača, premijera, ministra ko je već, da se ovakav dokument povuče sa današnje sjednice, da se pripremi uz adekvatno obrazloženje, uz promjene koje je potrebno izvršiti u tom zakonu, uz jasne i precizne norme i da se predloži eventualno nekoj od naredne sjednice. Hvala vam.

Elvedin Okerić (predsjedavajući)

Dopredsjedavajuća Jelena Pekić se javila za riječ.

Jelena Pekić (dopredsjedavajuća)

Zahvaljujem se predsjedavajući. Budući da sam i sama članica Zakonodavno- pravne komisije, želim da iznesem svoj stav po pitanju ovog zakona i da razjasnimo neke dileme. Naime, zaista jučer se desila situacija da smo kolega Vibor Handžić i ja zakasnili i da smo mi došli na sjednicu, mi bi također diskutovali vezano za pravni osnov za ovaj zakon, gdje zaista nemamo apsolutno nikakvih dilema kada je u pitanju taj isti pravni osnov i zasigurno je da bi podržali ovaj zakon i čisto da ne bi bilo neki zabune, dakle, troje ljudi koji su bili prisutni na Komisiji, dakle smatraju da postoji pravni osnov, da je odnosno Zakon o sportu u skladu sa Ustavom Kantona Sarajevo. Pa samim tim još nas dvoje to bi bilo 5 članova koji misle da imamo pravni osnov, da je u skladu sa Ustavom u odnosu na 2 člana koji misli suprotno. Tako da mislim da nema ni formalno pravnih pretpostavki da se povuče ovaj tekst Nacrta zakona, pogotovo zato što Poslovnik Skupštine Kantona Sarajevo predviđa upravo ovu mogućnost da se, ukoliko imamo ovakvo mišljenje Zakonodavno- pravne komisije, koji zapravo ne oslikava trenutno pravo stanje u smislu da nedostaje određen broj članova, pa da smo se svi nas 7 izjasnili u tom zakonu, dakle, mislim da se Zakon ne treba povlačiti, kao što reko, upravo zato što Poslovnik predviđa da se Skupština izjasni o mišljenju Zakonodavno pravne komisije. I druga činjenica koja ide u prilog tome da zaista nema potrebe da ministar povlači ovaj zakon jeste što se radi o tekstu nacrta zakona. I evo kasnije, tokom realizacije dnevnog reda imat ćemo priliku da damo sve svoje sugestije, prijedloge, pa možda evo i u ovom dijelu o kojima je govorio kolega Bandić. Dakle, ja kao članica Zakonodavno- pravne komisije apsolutno nemam nikakav problem kada je u pitanju pravni osnov i usklađenost ovog zakona sa Ustavom. Hvala.

Elvedin Okerić (predsjedavajući)

Za riječ se javio zastupnik Faruk Selmanović. Izvolite, imate riječ.

Faruk Selmanović (zastupnik)

Zahvaljujem predsjedavajući. Selamim i pozdravljam sve kolegice i kolege u zastupničkim klupama, kao i naše građane kraj mali ekrana. Zakon o sportu je jako bitan zakon i nešto što je plemenito i nešto što nam treba u Kantonu Sarajevo kako bi se uredilo, da kažem, najvažnija sporedna stvar na svijetu, pa i ostali sportovi. Međutim, ja predlažem da Skupština Kantona Sarajevo u skladu sa članom 139. Stav 3i 4. Poslovnika Skupštine, prihvati mišljenje Zakonodavno- pravne komisije Skupštine Kantona Sarajevo koja je stava da ne postoji pravni osnov za utvrđivanje Nacrta Zakona o sportu Kantona Sarajevo. Pazite, sve je to procedura i ovakav zakon nemojte dozvoliti da vam padne na proceduri. Ako već želite da uredite stanje, nemojte ovim zakonom unositi dodatni nered, nego ispoštujte proceduru. Nadalje, u mišljenju Pravobranilaštva stoji da ocjenu saglasnosti odredbe predloženog Nacrt Zakona o sportu

Kantona Sarajevo i saglasnosti federalnih i kantonalnih zakona sa Ustavom Federacije Bosne i Hercegovine bilo koji usvojeni ili u fazi prijedloga, kao i saglasnost propisa koji donosi organ vlasti Federacije Bosne i Hercegovine sa Ustavom Federacije Bosne i Hercegovine vrši isključivo Ustavni sud Federacije Bosne i Hercegovine. Dajete da vidimo i sa Ustavnim sudom Federacije da li je sve usklađeno obzirom da ovaj Zakon preuzima odredbe zakona sa Federacije i Bosne i Hercegovine, obzirom da zadire u određena područja koja prelaze ingerencije Kantona Sarajevo nemojte da ovim zakonom, umjesto da regulišemo jedno područje, dodatno unesemo kaos i napravimo problem umjesto rješenje. Predlažem da ispoštujemo Poslovnik koji smo već i ova većina u Kantonu Sarajevo donijela, uvažimo član 139 stav 3) i stav 4), ponovno se vrati zakon u proceduru i na slijedećoj sjednici, onda raspravljamo o zakonu onako kako su ispoštovane sve procedure, koji nalaže Poslovnik i Ustav Kantona Sarajevo. Zahvaljujem.

Elvedin Okerić (predsjedavajući)

Za riječ se javio zastupnik Muamer Bandić. Replika kolegici Jeleni, kolegici Jeleni Pekić. Izvolite, imate riječ.

Muamer Bandić (zastupnik)

Zahvaljujem. Kolegica Jelena je, dakle, istinu rekla 5 osoba je bilo, dakle, na samoj sjednici Zakonodavno- pravne Komisije, što uopšte sada nije bilo adekvatno obrazloženje u kontekstu da nam pojasni odredbu Ustava koja daje mogućnost za donošenje jednog ovakvog zakona. Paušalno navođenje samo da je Ustav, dakle, daje mogućnost, dobro bi bilo da kaže tačno koja odredba Ustava vam daje ovu mogućnost, osim da Skupština može donijeti zakon u formalnom smislu, ali u materijalnom smislu, kada govorimo, dakle, da se ovim zakonom uređuje nešto što je u nadležnosti federalnog nivoa vlasti, niste nam dali odgovor na to pitanje i ja bih zaista volio u tom kontekstu da vodimo raspravu. Kada je u pitanju raspravljanje o ovoj tački koju sada imamo, dakle, izjašnjavanje zbog stava Zakonodavno-pravne komisije jučer je čak bio stav da se to ne treba raspravljati, ali evo ipak danas imamo stav da se treba raspravljati kao o prethodnom pitanju. Ja sam smatrao da se treba raspravljati i dobro mogu da razumijem da sve odredbe Poslovnika ne možemo svi znati na pamet, ali ono što jest bitno ukoliko zaista želim da donesemo kvalitetan zakon, za ovaj zakon su mnogi zainteresovani i mi smo zakon jako dobro pretresli. Pored toga što smo mi zainteresovani, zainteresovana je struka, pravna struka i mi naravno smo dosta konsultacija obavili sa njima i ono što jest za nas bitno, zakon zaista ima i pozitivnih odredaba koje ćemo mi podržati u kontekstu, dakle, ukoliko budu ustavne, međutim zaista ima stvari koje su neustavne i niste nam dali adekvatno obrazloženje osim formalno, Ustav Kantona Sarajeva daje Skupštini mogućnost da donosi zakon. Čak ni jučer prilikom predlaganja od strane predlagača, ne znam gospođa koja je bila, kada sam ja istakao taj prigovor, nije osporavala taj prigovor. Praktično ne mogu da kažem da je bila saglasna, mislim da je sekretar pravnik je u svakom slučaju, ne mogu da istaknem to da je ona bila saglasna s tim, ali se nije, dakle, uopće protivila tom što sam ja istakao kao prigovor ustavne povrede nadležnosti. I dakle, zaista, radi se o 3 zakona koja su sva 3 na federalnom nivou. Dakle, i degutantno je da mi sada uzimamo kao Zakon o privrednim društvima koji će regulisati sport. Ako pogledate samo odredbu, ključnu odredbu, izvinite samo evo završavam.

Elvedin Okerić (predsjedavajući)

Kolega Bandiću samo bih vas upozorio da ne ulazite u meritum zakona. Sada se samo izjašnjavamo da li da...

Muamer Bandić (zastupnik)

Kolega Okeriću ne ulazi u meritum, ja ću tek kasnije ući u meritum.

Elvedin Okerić (predsjedavajući)

Ulazite, ulazite, govorite o tačkama, ali evo, hajde, nastavite.

Muamer Bandić (zastupnik)

Rekao sam šta je bio osnov za osporavanje ustavni osnov jer nemoguć je Zakonom o sportu urediti, dakle, nešto što uređuje Zakon o privrednim društvima, dakle tamo Zakon o privrednim društvima, kaže ko može osnovati prirodno društvo i kako ono izgleda. Dakle, uopšte nisu uporedivi, dakle elementi Zakona o sportu sa Zakonom o privrednim društvima. Pored toga, dakle, što se radi o nadležnostima ne istog nivoa. Hvala.

Elvedin Okerić (predsjedavajući)

Zastupnik Davor Čičić se javio za riječ.

Davor Čičić (zastupnik)

Zahvaljujem predsjedavajući. Evo, pozdravljam sve prisutne i sve koji nas danas gledaju ispred malih ekrana. Ja bih samo da vezano, pošto je ovdje spomenuta procedura, ja apsolutno vjerujem da je ovdje procedura apsolutno ispoštovana. Znači predlagatelj je donio Nacrt zakona, sva mišljenja koja su bila potrebna da se prilože Nacrtu zakona su priložena, došla je Nacrt zakona na sve komisije u Skupštini. Prema Poslovniku, zbog takvog mišljenja Zakonodavno-pravne komisije mora se Skupština izjasniti kao prethodno pitanje i u ovom kontekstu procedura ja smatram da se apsolutno sve procedure ispoštovane i kako će se Skupština izjasniti po tom prethodnom pitanju, mislim i to je procedura koja je sasvim osnovana i na kraju krajeva, Skupština će se opredijeliti po tome da li ovaj zakon ide na ovaj način ili ne ide. Ja bih isto tako naglasio znači da su sva mišljenja koja smo mi kao zastupnici dobili u prilog ovog prijedloga zakona pozitivna. Neko ko bi nas kao zastupnik u biti trebao da upozori da ima nekih problema sa nekim zakonom je Ured za zakonodavstvo i Pravobranilaštvo, Ured za zakonodavstvo je u svom mišljenju ako ćete ga pročitati, naglasio i pozdravlja donošenje ovakvog Zakona o sportu i naglasio je da on može biti dobar osnov za, odnosno Nacrt može biti dobar osnov za javnu raspravu i za donošenje konačnog prijedloga Zakona o sportu koje bi uvažio i neke druge činjenice. Pa evo možda i ove stvari koje je kolega Bandić i kolega Dević spominjali. I to je u svakom slučaju sve ono što se može promijeniti kroz javnu raspravu, ako neko smatra da ima potrebe da se mijenja, ali ako je Ured za zakonodavstvo dao pozitivno mišljenje, ja kao zastupnik trebam sad da sumnjam u Mišljenje Ureda za zakonodavstvo. To su ljudi koji primaju plaću za to i trebaju da daju svoja mišljenja o svim zakonima koji dolaze u ovu skupštinsku proceduru. Mislim, svako ima pravo da sumnjam da ne sumnja, evo ja neću da sumnjam, pogotovo što se radi o nacrtu zakona, gdje je tamo jasno navedeno da je to osnov za javnu raspravu i za donošenje dobrog i kvalitetnog Zakona o sportu. Tako da ja ne bi da mi ubijamo u startu pozitivne intencije ministarstva i ministra da se napokon malo bolje uredi ova oblast sporta i puno bolje nego što je do sada uređena, nego da svi kroz javnu raspravu učestvujemo i pomognemo da se sve ova dileme i sva pitanja koja imamo riješe, jer kroz javnu raspravu mogu se svi ti članovi koji su problematični na neki način izmijeniti i promijeniti. Isto tako, pošto je ovdje spominjano više puta, znači Zakon o sportu Federacije ne postoji, znači ta nema se na osnovu čega, šta će se prepisati iz Zakona o sportu Federacije kad taj zakon ne postoji, ja ne znam da li to zastupnici znaju. Prepisane su odredbe Zakona o sportu u Bosni i Hercegovini, gdje isto tako kroz taj Zakon o sportu naloženo znači svim nivoima nižim nivoima od entiteta Kantona, da se taj da svi usklade svoje akte i svoje zakone koji imaju sa tim Zakonom o sportu Bosne i Hercegovine. Meni je žao što taj zakon davno donesen i nikad nije usklađen, ali evo i ta intencija da napokon nešto uskladimo i sa zakonom sa državnog nivoa. Mislim da je OK, ali kažem, ako ima bilo kakvih problema i sporova, sve se sve ova pitanja mogu riješiti kroz javnu raspravu, da na kraju i sva mišljenja, kad dobijemo prijedlog zakona, budu pozitivna, da neko

nema dileme da li je ovo dobro, a na ovaj način mislim i treba u javnosti otvoriti svu priču? Jel ovo zakon koji je, ja smatram, jako bitan za Kanton Sarajevo? I da svi oni koji imaju i želje i volje da se uključi u javnu raspravu i sa pravne strane i sa ove sportske strane treba da se uključe, daju svoj doprinos kako bi na kraju dobili zakon koji ćemo mi svi ovdje. Zastupnicu skupštine Kantona Sarajevo 1 glasno podržati, ali to je interes sviju nas, a ne nekih pojedinačnih partikularnih interesa bilo kojeg pojedinca ili bilo koje partije. Zahvaljujem.

Elvedin Okerić (predsjedavajući)

Za riječ se javio zastupnik Mahir Dević.

Replika, samo recite kome replicirate?

Mahir Dević (zastupnik)

Kolegi Čičiću i kolegici Jeleni, oboje. Koristim priliku pa ću pitanje povjerenja prema Uredu za zakonodavstvo u ovoj Skupštini je urušeno još prije nekih 7 godina. Kada ste vi došli ovdje na vlast, desetine puta se do sada desilo u Skupštini Kantona Sarajevo da imate pozitivno mišljenje Ureda za zakonodavstvo za protuzakonite stvari koje ste donosili ovdje na Skupštini. Znači ne jednu. Ovo Pravobranilaštvo je i donekle spasilo svoj dignitet. Kada bi sada čovjek izanalizirao kao neko ko je zastupnik dva mandata, ja sam tu, čini mi se da je to Pravobranilaštvo je znalo nekada po liniji, pa ono okruglo, pa na čoš vama da odgovor, ali ovaj ured za zakonodavstvo se pretvorio u klasični politički alat. Vaš i vaš. Osnovni problem je u slijedećem, upravo u onom tumačenju kojeg nam je dala kolegica Pekić, koja kaže da su važnije ruke na Zakonodavno pravnoj komisiji od stručnog mišljenja članova istaknutih članova te Komisije. E sva suština vašeg problema u ustvari leži u tome, jer vi ustvari mislite da većina može, da radi i šta hoće, da ono može, da ruši Ustav, da ruši proceduru i pravila, zakoni. I zato se mi nalazimo u ovakvim pravnim problemima, jer svo vaše objašnjenje ovdje danas se svelo u stvari na to da vi kažete mi nismo na toj komisiji imali većinu da donesemo tu odluku i zato je to došlo negativno mišljenje. Kada vas kolega Bandić pita a koji je Ustavni osnov za donošenje ovakvih zakona i propisa? Vi tada ne odgovarate na to, već kažete da, on nam je mišljenje, ured za zakonodavstvo. Pazite da je ured možda na nekom državnom nivou, pa da tamo sjede neki ljudi, možda bi imalo to smisla da se vjeruje mi iz Kluba ne vjerujemo uopće...

Elvedin Okerić (predsjedavajući)

Vrijeme kolega..

Mahir Dević (zastupnik)

...ovaj Uredu ni onome što on radi, jer smo se do sada osvjedočili desetine puta da su govorili nestručne i netačne stvari. Hvala

Elvedin Okerić (predsjedavajući)

Vrijeme, vrijeme. Zastupnik Muamer Bandić, kome replicirate?

Muamer Bandić (zastupnik)

Kolegi Čičiću. Ja razumijem vaš stav da vi imate povjerenje u Zakonodavno- pravnu, u Ured za zakonodavstvo, odnosno sve institucije koja su dala svoje mišljenje. Ta mišljenja su nama bila poznata, dakle i na Zakonodavno-pravnoj komisiji i upravo zbog tih mišljenja mi smo osporavali i tačno osporavamo ovo što sam sada naveo, odredbe Ustava i niko nam nije dao obrazloženje. Razumijem, evo intenciju ministarstva ja pozdravljam, ima dobrih stvari, ja sam rekao u ovom Zakonu, međutim, dakle, zaista ustavni osnov ne daje mogućnost da se određene, dakle, oblasti kako su to uređene, naravno, ministar i ne može ovo i ne treba da zna ni jedan ministar, ovo su više stručna pitanja gdje su trebali da se uključe, ne znam, ljudi koji dolaze iz struke, posebno iz pravne struke, i da daju svoje sugestije, ali na jedan, dakle, profesionalan

način, ne na politički. I ovo što vi govorite, dakle, nama su poznata mišljenja, sva i, dakle osporavamo kompletan materijal zajedno sa tim mišljenjima i ukoliko sada govorim da se Skupština treba izjasniti, onda bi nam zaista neko trebao da kaže pored činjenice, dakle, ja mogu da razumijem 18 ruku će donijeti bilo koju odluku, ali zaista bi nam neko trebao da kaže šta je ustavni osnov, evo mi ga osporavamo cijelo vrijeme. Kažete tačno, vrlo je ovdje precizno propisano Ustavom, koje su nadležnosti, dakle Skupštine i koje oblasti uređuje. Ako nam nađete jednu oblast, dakle, koja tim Ustavom dala mogućnost, ovakvu vrstu editovanja u ovaj zakon federalnih propisa ja ću ovo podržati i ja ću podržati možda najveći dio zakona, ali određeni odredbe kada dođemo, dakle do, o njima ćemo raspravljati. Hvala.

Elvedin Okerić (predsjedavajući)

Zastupnik Davor Čičić, odgovor na repliku.

Davor Čičić (zastupnik)

Pa evo, pokušat ću u svoj odgovor da odgovorim kolegi Bandiću i kolegi Deviću da sad ne bi dužili dalje. Uglavnom, možemo se mi slagati ili ne slagati, mi imamo svoj stav, vi imate svoj stav i OK. Donijet će Skupština odluku da li ide u to, ali evo kažem, sve ove stvari koje ste vi iznijeli sasvim možete argumentovano kroz javnu raspravu iznijeti, ja vjerujem da će svi oni koji budu smatrali da su ti argumenti OK, da će ih uvažiti, da će sigurno na neki način izmijeniti. Moje je mišljenje da ne trebamo dobru intenciju donošenja zakona, samo eto zbog toga što je neka Komisija to potvrdila, ali kažem jedna ključna stvar ovdje rekli, kaže; ljudi od digniteta, kako ste vi već naveli, stručni ljudi u Komisiji. Znači ispada da su samo stručni ljudi u Komisiji ovi koji su glasali protiv a ovi drugi nisu, nisu stručni ljudi. Ja ne bih želio da na takav način bilo koga dijelimo po komisijama, jel, vi ste to tako spomenuli, kaže, donijeli su ljudi od stručnosti, znači samo su stručni ovi koji su glasali protiv, ja ne bih na taj način da dijelim bilo koga. Znači, komisija je radila svoj posao, sada je na Skupštini da odluči da li ovo ima, da li po prethodnom pitanju, da li idemo dalje u ovaj proces donošenja Nacrta zakona i mislim da je iluzorno bilo kakve daljnje rasprave, daj da se odlučimo, svako ima svoje pravo glasa i da brani svoj stav i da javno, kada ga neko bude pitao zašto je donio da to brani. Svaka daljnja diskusija samo po meni razvodnjava sve ovo. Dajte ljudi, imamo svi svoj stav, da se glasa i da se odluči jer idemo dalje ili ne idemo. Hvala.

Elvedin Okerić (predsjedavajući)

Zamolio bih zaista kolege da ne komentarišu Zakon već, da se držimo dnevnog reda, odnosno poslovničke mogućnosti, da se izjasnimo o prethodnom pitanju, da se izjasnimo o svemu onome što sam na početku naveo. Kolega Mahir Dević se javio, replika.

Mahir Dević (zastupnik)

Ispravka je krivog navoda.

Elvedin Okerić (predsjedavajući)

Ispravka krivog navoda. Navedite, ne možete replici, odnosno ispravljate krivi navod kolegi Čičiću.

Mahir Dević (zastupnik)

Mogu li replicirati u prethodnom pitanju jer ovo nije točka dnevnog reda.

Poslovnički znači kao prethodno pitanje u kome se izjašnjava Skupština nije uređeno kao što su redovne tačke Poslovnika. Prema tome, ovdje je pitanju hoćete li vi meni dozvoliti da ja kolegi odgovorim ili nećete.

Elvedin Okerić (predsjedavajući)

Ne mogu vam dozvoliti, niste vi tumač Poslovnika, pa da nam kažete šta Poslovnik govori pa onda da vas mi podržavamo. Zastupnik Faruk Kapidžić se javio za riječ, izvolite imate riječ. Zastupnik Kapidžić.

Faruk Kapidžić (zastupnik)

Zahvaljujem. Očito, evo, iz ove diskusije vidimo da ne radi se ovdje, da se radi o problemu u Zakonodavno- pravnoj komisiji, gdje bi skupštinska većina, odnosno trojka jel sa nezavisnim, trebala da ima većinu u toj komisiji. E sad, iz nekog razloga ta komisija nije uspjela da izglasa pozitivno za ovaj zakon zato što, po vašem objašnjenju, dvoje nije došlo. Vi apsolutno kao vladajuća većina upravljate tom komisijom, dakle, to ne može biti izgovor. Moglo se prekinuti, moglo se ponovo zakazati, mogli ste kao većina imati tu većinu, odnosno te potrebne 4 ruke. Dakle, očito je neki problem između vas u Zakonodavno- pravnoj komisiji i neko SDP-ov zakon neće da pusti i to je vaš problem, ali problem naš svijetu nas je to što vama komisije onda faktički ne trebaju, jer komisije su potpuno formalne. Vi dođete ovdje i pregazite ih, jer ako se 1 ili 2 pobune kod vas, vi ga pregazite ovdje sa 18 ruku i tako anulirate. Dakle vi ovdje pravite jedno stanje gdje su komisije potpuno formalne, a u komisijama trebaju da budu ljudi i izvan skupštinskih klupa, dakle stručni ljudi izvan ovog političkog tijela. Kako će se ti ljudi onda postavljati? Kakav odnos imaju prema tim komisijama? Zašto bi dolazili? Zašto bi davali svoju stručnost na tim komisijama ako je vi ovako brutalno pregazite? Dakle, problem je neki kod vas, a vi inače znate da gurate i tako radite bez kvoruma, pa možete tako da radite i bez komisija, ali to je sve nije po Ustavu.

Elvedin Okerić (predsjedavajući)

Zastupnik Samir Avdić. Odgovor na repliku, zastupnik, repliciranje dopredsjedavajuće Jelene Pekić zastupniku Kapidžiću.

/dopredsjedavajuća Pekić govori bez uključenog mikrofona/

Elvedin Okerić (predsjedavajući)

Možete li uključiti dopredsjedavajuću Jelenu Pekić?

Jelena Pekić (dopredsjedavajuća)

Evo ga sad radi. Kolega Kapidžić, na vašu veliku nesreću, moram vas obavijestiti da zaista nije nikakav plan ni kolega, ni kolege Vibora, ni mene da osporavamo, kako vi rekoste, SDP-ov zakon, naprosto smo zakasnili na tu sjednicu Komisije i apsolutno ne postoji nikakva ovaj teorija zavjera, pa da ovdje neko nekog gazi, kako ste vi to naveli u vašem izlaganju. Ovaj nit se to dešava, možda je tu bio slučaj dok ste vi bili vlast, ali to trenutno nije takav slučaj kada je u pitanju ova struktura vlasti u Kantonu Sarajevo. Ja ne znam, s obzirom da govorimo o pravnom osnovu i ustavnosti ovog zakona, ne znam onda kako je uopšte Zakon donijet 2001. godine prvi put, kako i ostali kantoni, evo na primjer, Tuzlanski kanton ima jedan Zakon o sportu, tako da ovaj. Kao što sam već rekla, imamo javnu raspravu. Dobro će doći svi ovi prijedlozi i sugestije u okviru javne rasprave, tako da smatram da zaista evo možemo konačno i pristupiti, da se mi ovdje kao zastupnici izjasnimo da li je u skladu sa Ustavom i da li ima pravni osnov? Zahvaljujem.

Elvedin Okerić (predsjedavajući)

Odgovor na repliku zastupnik Kapidžić.

Faruk Kapidžić (zastupnik)

Zahvaljujem, ali to je neadekvatan odgovor. Obzirom ajde što ste vi zakasnili, a ključni ste u toj komisiji. Ta vaša neodgovornost spram tako bitnog zakona mene ne iznenađuje, samo me

iznenađuje zašto predsjedavajući te Komisije, koji je iz vaše većine, nije vas sačekao? Može li meni neko to odgovoriti, kako je moguće da vi kratko kasnite, a on brzo zatvori tu sjednicu i nemate mišljenja? Svaka čast predsjedavajućem što je to uradio.

Elvedin Okerić (predsjedavajući)

Zahvaljujemo se kolega Kapidžiću. Zastupnik Aljoša Čampara, izvolite, imate riječ.

Aljoša Čampara (zastupnik)

Zahvaljujem predsjedavajući. Evo kolegi Kapidžiću upravo da objasnim da je to, je li i odraz i odlika profesionalizma, da ne možemo čekati nekoga ko kasni. Dakle, Komisija ima svoj dnevni red koji je bio utvrđen. Evo, bile su kolega Bandić i drugi članovi Komisije i mi smo završili svoj posao i radila onako kako smo uradili i kako smo završili. Ja stvarno ovdje ne vidim nikakav problem, niti ja vidim ovdje razloge da ovoliko polemismo oko ovog pitanja upravo iz razloga što je Poslovnik riješio ovo pitanje. Pa ako mogu samo lagano da pomognem predsjedavajući da se bezveze ne iscrpljujemo, jer mi imamo obavezu kao Skupština u skladu sa Poslovnikom, u skladu sa članom 139. Stav (3) da se izjasnimo svakako o ovome pitanju, a taj stav (3) glasi: „Ako Zakonodavno-pravna komisija Skupštine Kantona Sarajevo da mišljenje da nacrt zakona nije u skladu sa Ustavom Kantona i pravnim sistemom, Skupština će prethodno zauzeti stav o mišljenju Zakonodavno-pravne komisije. I stav (4): „Ukoliko Skupština podrži mišljenje Zakonodavno-pravne komisije iz prethodnog stava, nacrt zakona će se smatrati odbijenim“. Dakle, nemamo o čemu stvarno ovaj više posebno šta raspravljati, mi se moramo kao Skupština izjasniti o mišljenju Zakonodavno pravne komisije. Ukoliko Skupština ova podrži mišljenje Ustavnopravne komisije, nacrt zakona ne ide u daljnju proceduru, ukoliko bude obrnuto glasanje, dakle ukoliko odbije ovakav stav, odnosno mišljenje Zakonodavno pravne komisije, Nacrt zakona će ići u proceduru. I mislim da nemamo razloga da se iscrpljujemo i da sada objašnjavamo ono što je poprilično jasno. Skupština mora da se izjasni o mišljenju i stavu Zakonodavno-pravne komisije kada je ovakav slučaj. Hvala.

Elvedin Okerić (predsjedavajući)

Zahvaljujemo se zastupniku Čampari. Više puta naravno da sam ponovio da izlazite iz merituma, tumačite članove zakona. Naravno, opozicija ima svoje stavove kako ne treba nešto raditi, ne trebamo se izjašnjavati, većina smatra da treba. Imamo poslovničku mogućnost, proceduru koja je propisana Poslovnikom, međutim zastupnice i zastupnici, pogotovo iz opozicije, imaju dodatno motiv da se vrtimo u krug, naravno, koriste poslovničku mogućnost. Ja vam dozvoljavam kroz raspravu i kroz repliku da kažete nešto, međutim, privodite kraju i dajte da se izjasnimo inače ću biti prinuđen da vam oduzimam riječ. Izvolite, zastupnik Kapidžić, replika.

Faruk Kapidžić (zastupnik)

Zahvaljujem. Evo, ja sve ovo kažem, tako je, ali mi onda recite zašto četiri negativna mišljenja od Komisije za borce niste ni spomenuli, a kamoli da ste se izjašnjavali. Dakle, dešava se ovo konstantno, mi ne možemo u javnost da izađemo, da ono što vam treba i što vam ne treba, tako se izjašnjavate. Obrazložite mi zašto za 4 boračka zakona, koja je Komisija bila negativna, niste ni spomenuli. E tu nastaje problem.

Elvedin Okerić (predsjedavajući)

Opet izlazite, izlazite od tačke dnevnog reda. Zastupnik Muamer Bandić, po kom osnovu se vi javljate.

Muamer Bandić (zastupnik)

Kao član Zakonodavne-pravne komisije?

Elvedin Okerić (predsjedavajući)

Ne možete se javiti kao član Zakonodavno-pravne komisije.

Muamer Bandić (zastupnik)

Kako ne mogu? Kako može kolega Čampara koji je predsjednik, što ja ne bih mogao?

Elvedin Okerić (predsjedavajući)

Da vas upoznam kolega Čampara je predsjedavajući Zakonodavno- pravne komisije.

Muamer Bandić (zastupnik)

Tako je.

Elvedin Okerić (predsjedavajući)

I po tom osnovu se javlja.

Muamer Bandić (zastupnik)

Ja sam član.

Elvedin Okerić (predsjedavajući)

I on je podnio uvodne napomene. Ne podnose svi članovi uvodne napomene.

Muamer Bandić (zastupnik)

Da ispravim krivi navod koji je kolega Čampara..

Elvedin Okerić (predsjedavajući)

Žao mi je kolega Bandić, moram vam oduzeti riječ. S obzirom da nema više prijavljenih, zaključujem raspravu.

/zastupnik Bandić govori bez uključenog mikrofona/

Molim zastupnike da se izjasne da li podržavaju Mišljenje Zakonodavno-pravne komisije po nacrtu Zakona o sportu Kantona Sarajevo.

Zaključujem raspravu. Za je glasalo 12 zastupnika, protiv 18 i suzdržanih ništa.

Konstatujem da Skupština nije podržala mišljenje mišljenja Zakonodavno- pravne komisije po Nacrtu Zakona o sportu Kantona Sarajevo.

S obzirom da smo riješili sva prethodna pitanja, prelazimo na usvajanje dnevnog reda.

Prije usvajanja, trebamo da informišem Skupštinu Kantona Sarajevo o zahtjevu za dopunu dnevnog reda 24. Radne sjednice Skupštine Kantona Sarajevo, koju je uputio zastupnik Bandić kao šef Kluba Stranke za Bosnu i Hercegovinu. Kolegij Skupštine Kantona Sarajevo nije mogao uvrstiti ovu tačku dnevnog reda na današnju sjednicu zbog klanjanja kolektivne dženaze i komemoracije u Srebrenici. Evo, dajem vam javno obrazloženje zbog čega i ovo je presedan da neko uputi baš na dan komemoracije da uputi zahtjev da se održi Kolegij Skupštine kada je poznato da su svi zastupnici ili većina zastupnika na komemoraciji. Zatim imamo inicijativu za izmjenu Zakona o odgoju i obrazovanju, osnovnoj i srednjoj školi Kantona Sarajevo, koja je prošla proceduru Kolegija, dobila je mišljenje Vlade Kantona Sarajevo, Zakonodavno-pravne komisije.

Stoga pozivam Skupštinu Kantona Sarajevo da se izjasni po ovoj inicijativi zastupnika Muamera Bandića. Imate li potrebu da. Zastupnik Muamer Bandić poslovnička intervencija. Izvolite, imate riječ.

Muamer Bandić (zastupnik)

Zahvaljujem se. Dakle, ja želim da skrenem pažnju, da sam ja prije nekih 10 mjeseci podnio inicijativu za izmjenu Zakona o odgoju i obrazovanju u osnovnim i srednjim školama iz 2024. godine. Taj Zakon je dakle, stupio na snagu, nekad u septembru, dva mjeseca nakon toga ja sam podnio inicijativu kojom sam tražio da se izmijeni određena odredba člana zakona, neću je citirati. Na samoj sjednici Kolegija ja sam tražio da se ova tačka uvrsti u dnevni red. Praktično kolega Okerić me obmanuo i Kolegij me obmanuo jer su rekli da ćemo zakazati novi sastanak kolegija 4 dana prije održavanja sjednice kako bi ustvari razmotrili mogućnost da ta tačka dnevnog reda konačno uđe, jel vidi svjetlo zakonodavne te procedure i da bude mogućnost moguće razmatrati tu tačku dnevnog reda na današnjoj sjednici. Ja poštujem ovaj Poslovnik i znam da zastupnici moraju biti pripremljeni na način da im svi materijali budu dostavljeni prije 8 dana prije, ali želim da skrenem pažnju kolegi Okeriću da ja nisam napravio propust, već me je on obmanuo, ja sam išao na njegovo povjerenje, a to povjerenje on 10 mjeseci, evo da kažem na neki način prolongirao i izigravao zajedno sa Ministarstvom, ovaj za obrazovanje i praktično je u svemu tome je saglasna bila Vlada, zaista jedan neprimjeren odnos, da nakon 10 mjeseci ne mogu da dobijem priliku kao skupštinski zastupnik, da inicijativu koju podnesem kao izmjenu zakona ili u donošenju zakona ne mogu da ostvarim u skupštinskoj proceduri. To je jedan neprimjeren odnos. Iz tih razloga želim to da naglasim, a ja ću, dakle poštujem svoju zakon, poštujem ovu državu, Ustav i Poslovnik, ja ću povući svoju inicijativu, za uvrštavanje dnevnog reda. I da vam skrenem pažnju, vi o ovome treba sada glasate da li će se utvrditi ili neće kao nova tačka dnevnog reda, bez Kolegija. To ste pogriješili, trebate pročitati taj Poslovnik da znate, dakle, vi ste trebali o ovome sada da se izjasnite, ali ja povlačim svoju tačku dnevnog reda zato što zaista ne želim da kršim Poslovnik, ja ću Poslovnik poštovati kada ide meni u prilog, a i onda kada mi ne ide.

Ovo je bila poslovnička intervencija, sada želim.

Elvedin Okerić (predsjedavajući)

Povlačite svoj zahtjev da se Skupština izjasni o uvrštavanju tačke dnevnog reda?

Muamer Bandić (zastupnik)

Ne, ne, ne. O uvrštavanju na dnevni red, da.

Elvedin Okerić (predsjedavajući)

Povlačite?

Muamer Bandić (zastupnik)

Da.

Elvedin Okerić (predsjedavajući)

Zahvaljujem se.

Muamer Bandić (zastupnik)

Sada želim dakle da svoju inicijativu pročitam. Sad ćete glasati. Dakle, radi se dvije tačke niste me razumjeli, očito.

/predsjedavajući govori bez uključenog mikrofona/

Uvrštavanju tačku dnevnog reda novu, a sada da vam obrazložim inicijativu.

Elvedin Okerić (predsjedavajući)

Ispravka krivog navoda. Vaša inicijativa, vaš odnos na Kolegiju Skupštine Kantona..

Muamer Bandić (zastupnik)

Poslovnička intervencija, poslovnička intervencija.

Elvedin Okerić (predsjedavajući)

Govori o vama, da koristite javni prostor, da kažete da vas je predsjedavajući, rukovodstvo i Kolegij obmanuli. Postoje datumi dostavljanja dokumenata koji dokazuju da nije bilo mogućnosti da se zakaže sjednica Kolegija koja bi omogućilo uvrštavanje ove tačke dnevnog reda. I vi, pored toga što znate, pozivate se da ste pravnik, svjesni ste toga, i iznosite neistine u javnost. Ne znam otkud vam hrabrost, otkud vam snaga da pored toga što čitate papire, imate pred sobom papire koji govore istinu, vi govorite da vas je neko obmanuo, to je sramota. A stav Kolegija i Skupštine će se upravo pokazati kada se omoguće sve prethodne procedure, šta je naše mišljenje kada je u pitanju uvrštavanje ove tačke dnevnog reda.

I mi sada kao Skupština pozvat ću vas da se izjasnimo o inicijativi o uvrštavanju tačke dnevnog reda u skladu sa Poslovnikom u proceduru. Ovo što ste na početku naveli da Kolegij i predsjedavajući nisu htjeli da uvrste ovu tačku dnevnog reda, zaista me iznenađuje od vas, iako imate pred sobom tačno kada je došao odgovor Vlade, kada je došao odgovor Vlade, vi ipak imate potrebu da populistički na bilo koji način oljagate, ocrnite rukovodstvo, kao i kolega Dević koji maloprije kaže da neustavno Skupština i rukovodstvo radi, iako zna i prošli put sam pročitao da rukovodstvo i Skupština Kantona radi u skladu sa Ustavom i u skladu sa Poslovnikom jer smo apelacije koje su podnošene od strane opozicije, dobili ih i javno ih pročitati, a vi, naravno, imate svoje mogućnosti i podnosite i dalje.

Poslovnička intervencija. Izvolite. Idemo na izjašnjenje, idemo na izjašnjenje dopune dnevnog reda. Poslovnička intervencija, možete govoriti o inicijativi svojoj da se izjasni Skupština o uvrštavanju dnevnog reda. Zastupnik Muamer Bandić.

Muamer Bandić (zastupnik)

Kolega Okeriću, prije 10 mjeseci sam podnio inicijativu i sve zapisnike sa Kolegija uredno imam. Pet puta ja vama govorio kada će doći na realizaciju moja inicijativa. Vi ste meni davali različita obrazloženja, zakazivali različite sastanke sa ministricom koji se nikad nisu ostvarili. Ministrica, narušavajući proceduru poslovničku, dostavila mi je odgovor kako ne bi mi Vlada na vrijeme dostavila odgovor, u stvari kako ta procedura ne bi nikada ugledala svjetlo dana. Na kraju, dakle na posljednjem Kolegiju, kad sam ja tražio, dakle, da se ovo uvrsti, tačno je to da nije bilo mišljenje Vlade, ja to nisam ni rekao da je bilo mišljenje Vlade, ali smo donijeli zaključak kolega Okeriću da ćete vi sazvati kolegij kada obavite razgovor sa Vladom i da me informišete šta da se u koju u koju fazu ulazi moja procedura, odnosno moja inicijativa. Vi to niste uradili. I nije tačno, kolega Okeriću, ja sam podnio, dakle, tačno, onog dana kada ste vi trebali da zakažete Kolegij, čuli smo se telefonski i ja sam bio kod sekretarke, dakle čuli smo se, ja sam tog dana podnio.

Elvedin Okerić (predsjedavajući)

Kojeg datuma ste podnijeli 10. 10. 7. jel tako? A komemoracija je bila 11. da vas podsjetim, petak. Kako da zakažem Kolegij za petak, kada nije bio dovoljan broj članova Kolegija? Kolega Bandiću ne dozvoljavam više da dezavuišete javnost. Ovo je sramota. Što radite 10. podnosite zahtjev za održavanje Kolegija, a 11. je komemoracija.

Muamer Bandić (zastupnik)

Kolega Okeriću, upali ste mi u riječ, nemate to pravo.

Elvedin Okerić (predsjedavajući)

Ajte, molim vas, a molim vas, govorite o inicijativi, govorite o inicijativi inače ću...

Muamer Bandić (zastupnik)

Imam poslovničku intervenciju..

Elvedin Okerić (predsjedavajući)

...ću vam uzeti riječ i da ću Skupštinu pozvati Skupštinu da se izjasni o vašoj inicijativi.

Muamer Bandić (zastupnik)

Sve Ok. Kolega Okeriću vi možete da radite što želite.

Elvedin Okerić (predsjedavajući)

Dobro, evo ne znam šta da kažem. Ne mogu vam dozvoliti da nas dalje zamajavate. Izvolite, imate riječ.

Muamer Bandić (zastupnik)

Kolega Okeriću, ako je ovo nivo obraćanja jednog predsjedavajućeg kolegama zastupnicima, dakle onda ja i to mogu da shvatim. Dajte da razgovaramo dakle, demokratski. Ja mogu da razumijem da su ovo možda za vas periferne stvari.

Elvedin Okerić (predsjedavajući)

Na neistine ne postoji drugačiji način, ne možete vi smireno govoriti neistine kako je neko kršio proceduru, a vi niste na vrijeme podnijeli zahtjev za uvrštavanje ove tačke dnevnog reda, na zadnju sjednicu Kolegija.

Muamer Bandić (zastupnik)

Kako ja i vi možete pravovremeno da razgovaramo? Kolega Okeriću, pa niste me vi obavijestili da neće biti Kolegija, kako da dostavim ranije jer smo imali obećanje da ste vi zakazati Kolegij?

Elvedin Okerić (predsjedavajući)

Zato što je 10. došao odgovor Vlade.

Muamer Bandić (zastupnik)

Kolega Okerić, pa ja cijelo vrijeme govorim o opstrukciji Vlade 10 mjeseci.

Elvedin Okerić (predsjedavajući)

A zašto spominjete predsjedavajuće, rukovodstvo i Kolegij?

Muamer Bandić (zastupnik)

Pa zato što vi na Kolegiju, sad sam vam rekao, dat ću zapisnike, pustit ću u javnost zapisnike, dakle, gdje ste vi predstavnik?

Elvedin Okerić (predsjedavajući)

Naravno da treba da pustite sve što imate od dokaza, pustite ako smijete.

Muamer Bandić (zastupnik)

... i vi meni dajete tumačenje Vladino. Ja sam skretao pažnju da to ne radite. U konačnici da završim, dakle, ne želim više da raspravlja sa vama, zaista, pet puta vam neko mora ukazivati na vaše propuste.

I dakle, sljedeća inicijativa se odnosi i želim zaista da skupštinski zastupnici ne glasaju politički, dakle, ovdje se ne radi o nekom političkom osnovu, ovdje se radi o biološkom osnovu. Radi se o izmjeni zakona. Vrlo kratak sadržaj te izmjene jeste član 80. Zakona koji ustvari diskriminira osobe sa poteškoćama u razvoju u cjeloživotnom učenju, invalide, ograničava ih do 26-te godina. Ovo pravo je bilo uređeno, dakle prije jednakopravno za sve. Osnov za

dobivanje ovog prava, dakle, nisu godine, osnov jeste njihov biološki status, njihov biološki opstanak generalno. Dakle, radi se osobama sa intelektualnim razvojem jako niskog nivoa i bez obzira da li imaju 3 godine, 26, 36, 56 ili 66 godina, dakle njihov intelektualni razvoj na nivou djeteta od 3 godine. Ja sam tražio, dakle, da se izmijeni član 80. Zakona i ono što jest najapsurdnije, dakle da je Vlada što zaista, ovo što kolega Mahir Dević u jednom momentu je rekao da je Vlada praktično nekom svojom uredbom, počela da uređuje zakonske propise, zakone. Vlada je omogućila pozivajući se na Konvenciju o pravima djeteta i osoba sa invaliditetom mogućnost, dakle, da ove osobe uživaju to pravo do određenog, dakle datuma. 31.12. čini mi se, dakle, što je neviđeno. Dakle Vlada.. Šta se desilo? Dobili smo zakon kao skupštinski zastupnici i vjerovatno nismo svi dovoljno bili upoznati, nisam ni ja bio dovoljno upoznat, kada su me te osobe upoznale, onda sam vidio ustvari o kakvom se propustu radi. Sad mi imamo Vladu koja je ispala, evo da kažem na neki način loše, loši đaci, dok pored toga imamo ministricu koja nam, dakle ono što nam je ponudila, sad je ona svojim aktom izmijenila i sad je ministrica fina jedna ministrica koja daje mogućnost tim osobama, dakle da oni uživaju to pravo. Dakle, to je jedan apsurd, jedan neviđeni. Ja zaista tražim da zastupnici, dakle ne na političkom nivou, dakle na jednom ljudskom nivou, podrže ovu inicijativu i da prihvate, dakle, da se Zakon izmijeni i da nam Vlada, dakle, predlažem i zaključak *da nam Vlada na sljedećoj prvoj radnoj sjednici pripremi inicijativu za izmjenu ovog Zakona. Ukoliko to Vlada, dakle, i ne uradi predlažem da ja, kao pokretač ove inicijative, dakle jednu takvu vrstu pripreme tih akata, uradim. Hvala.*

Elvedin Okerić (predsjedavajući)

Pozivam Skupštinu Kantona Sarajevo da u skladu sa članom 130. koji glasi: Da inicijativu za donošenje zakona predsjedavajući Skupštine dostavlja Zakonodavno-pravnoj komisiji Skupštine i Vladi Kantona na mišljenje“, što je učinjeno. „Po pribavljenim mišljenjima Zakonodavno-pravne komisije i Vlade, Skupština na sjednici donosi zaključak kojim su inicijative odbija ili se prihvata i određuje način pripreme i nosioce izrade Nacrta zakona. Bilo da inicijativu odbije ili prihvati, Skupština će svoj zaključak dostaviti podnosiocu inicijative“.

Zamolio bih zastupnice i zastupnike da se izjasne po ovoj inicijativi za uvrštavanje na dnevni red današnje sjednice Skupštine Kantona Sarajevo. Sada inicijativa sada vam je pročitao kolega Bandić, uvrstavamo tačku dnevnog reda, ovu inicijativu kolege Bandića. Zamolio bih sjednicu Skupštine.

Naziv inicijative za izmjenu Zakona o odgoju i obrazovanju u osnovnoj i srednjoj školi Kantona Sarajeva da se uvrsti na današnju sjednicu dnevnog reda.

Zamolio bih zastupnike da se izjasne. Zaključujem glasanje. Za je glasalo 27 zastupnika, protiv ništa, suzdržan 1.

Konstatujem da je Skupština prihvatila uvrštavanje ove tačke dnevnog reda na današnju sjednicu Skupštine Kantona Sarajevo.

Prelazimo na utvrđivanje dnevnog reda.

Na osnovu naprijed utvrđenog, Prijedlog dnevnog reda današnje, 24. Radne sjednice Skupštine Kantona Sarajevo glasi:

1. Poslanička/zastupnička pitanja inicijative i odgovori;
/zastupnik Muamer Bandić govori bez uključenog mikrofona/

Elvedin Okerić (predsjedavajući)

Kad ova tačka dnevnog reda dođe na red onda ćemo omogućiti i obraćanje.

Izjašnjavamo se neposredno prije tačke dnevnog reda.

1. Poslanička/zastupnička pitanja inicijative i odgovori;
2. Prijedlog Zakona o izmjenama i dopuni Zakona o visokom obrazovanju-skraćeni postupak;
3. Prijedlog Zakona o izmjenama i dopunama Zakona o sudskim taksama;
4. Nacrt Zakona o sportu Kantona Sarajevo;
5. Prijedlog Odluke o usvajanju Programa uređenja građevinskog zemljišta i realizacije kapitalnih investicija za 2025. godinu;
6. Prijedlog Odluke o standardima i kriterijima za izbor i imenovanje na pozicije predsjednika i članova Nadzornog odbora Kantonalne agencije za privlačenje investicija i privatizaciju;
7. Nacrt Odluke o zaštiti izvorišta vode za piće „Djevojačke vode“;
8. Prijedlog Odluke o imenovanju predsjednika i članova Upravnog odbora Kantonalne agencije za privlačenje investicija i privatizaciju;
9. Izvještaj o radu sa finansijskim izvještajem Kantonalne agencije za privlačenje investicija i privatizaciju za 2023. godinu;
10. Izvještaj o radu sa Finansijskim izvještajem Kantonalne agencije za privlačenje investicija i privatizaciju za 2024. godinu;
11. Izvještaj o poslovanju Kantonalnog javnog preduzeća „Veterinarska stanica“ d.o.o. Sarajevo za 2022. godinu;
12. Izvještaj o poslovanju Kantonalnog javnog komunalnog preduzeća “RAD” d.o.o. Sarajevo za 2023. godinu;
13. Izvještaj o radu Univerziteta u Sarajevu za period od 01.01. do 31.12.2023. godine;
14. Izvještaj o radu Odbora za žalbe javnosti za 2024.godinu;
15. Izvještaj o izvršenju sankcija u Kantonu Sarajevo za 2023. godinu;
16. Izvještaj o izvršenju sankcija u Kantonu Sarajevo za 2024. godinu;
17. Izvještaj o realizaciji Plana povratka u i iz Kantona Sarajevo za period 01.01.-31.12.2023.godine, sa osvrtom na problematiku obezbjeđenja alternativnog smještaja - privremenog smještaja i Plan povratka u i iz Kantona Sarajevo za 2024. godinu;
18. Izvještaj o stanju u oblasti socijalne zaštite, zaštite civilnih žrtava rata i zaštite porodice sa djecom u 2023. godini;
19. Studija o Zdravstvenom stanju stanovništva, odrednicama zdravlja i zdravstvenoj zaštiti u Kantonu Sarajevo u 2022. godini, sa prijedlogom mjera za poboljšanje zdravstvenog stanja stanovništva u Kantonu Sarajevo i Mišljenjem Ministarstva zdravstva Kantona Sarajevo;
20. Izvještaj o Zdravstvenom stanju stanovništva, odrednice zdravlja i zdravstvena zaštita u Kantonu Sarajevo u 2023. godini sa prijedlogom mjera za poboljšanje zdravstvenog stanja stanovništva u Kantonu Sarajevo;
21. Izvještaj o provedenoj jesenjoj preventivnoj sistematskoj deratizaciji u 2024. godini.
22. Inicijativa za izmjenu Zakona o odgoju i obrazovanju u osnovnoj i srednjoj školi Kantona Sarajevo u skladu sa članom 130. Skupštine Kantona Sarajevo.

Molim zastupnike da se izjasne o predloženom dnevnom redu. Zaključujem glasanje. Za je glasalo 22 zastupnika, protiv 5, suzdržana 3.

Konstatujem da je Skupština za 24. Radnu s sjednicu Skupštine Kantona Sarajevo usvojila Dnevni red, kako je i predložen.

Također uz poziv sjednicu, dostavljeni su vam sljedeći informativni materijali:

- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec april 2025. godine;

- Informacija o provođenju Zakona o prijavljivanju i postupku provjere podataka o imovini nosilaca javnih funkcija u Kantonu Sarajevo;
- Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec maj 2025. godine.

Prije nego što pređemo na realizaciju prve tačke dnevnog reda, obavezni smo da razmatramo Zapisnik sa stenogramom 18. Radne sjednice Skupštine Kantona Sarajevo.

Ima li primjedbi na dostavljeni Zapisnik? Nema.

Molimo da se izjasnite o Zapisniku sa 18. Radne sjednice Skupštine Kantona Sarajevo.

Zaključujem glasanje. Za je glasao 21 zastupnik, protiv ništa, suzdržana 2.

Konstatujem da je Skupština usvojila Zapisnik sa 18. Radne sjednice Skupštine Kantona Sarajevo održane 11.12.2024 godine i 11.02. i 21.05.2025 godine.

Prelazimo na prvu tačku dnevnog reda, sada je tačno 11 i 45 minuta.

AD-1.

Poslanička/zastupnička pitanja, inicijative i odgovori

Zastupnik Faruk Kapidžić se prvi javio, izvolite, imate riječ.

Faruk Kapidžić (zastupnik)

Zahvaljujem. Imam dva pitanja. Prvo je za Ministarstvo financija i direktno ministra Kalamujića. Tražim usmeni i pismeni odgovor koliko je novaca danas na Trezoru Kantona Sarajevo rezervisano po pojedinim računima koji čine Trezor, ukupno stanje računa na dan 14.07.2025? I koliko ima neizmirenih obaveza od dobavljača i drugih strana u Trezoru koje čekaju plaćanje na isti dan? Dakle plus i minus računa da građani znaju, a i da i mi znamo jel ima para ili nema. I drugo pitanje je pitanje za premijera Kantona Sarajevo i Stručnu službu Vlade Kantona Sarajevo. A ono se odnosi, predao sam ga na protokol, ali ću i pročitati. Tražim i usmeni i pismeni odgovor. Dakle, u skladu sa Zakonom o slobodi pristupa informacijama u Federaciji Bosne i Hercegovine („Službe Novine Federacije Bosne i Hercegovine broj 32/01 i 48/11), u svojstvu predsjednika Kantonalne organizacije Stranke demokratske akcije dana 29.04.2025 godine, premijeru Kantona Sarajevo i Stručnoj službi Vlade Kantona Sarajevo podnio sam zahtjev za pristup informacija koje se nalaze pod kontrolom Vlade Kantona Sarajevo, odnosno Stručne službe Vlade Kantona Sarajevo. Zahtjev se odnosi na dostavu informacija o terminima održavanja određenih sjednica, trajanju sjednica i predsjedavanju sjednicama Vlade Kantona Sarajevo. Tražim kao odgovor zašto kao podnosiocu zahtjeva ne dostavljaju tražene informacije koje su pod njihovom kontrolom, iako je od podnošenja zahtjeva proteklo nekoliko mjeseci? Zašto uopšte ne reaguju na to? I kako se kršenje Zakona o slobodi pristupa informacijama u Federaciji BiH uklapa u izjave premijera Kantona da postupi transparentno i da u ovom svom radu poštuje zakon? Samo ću dati malu opasku da građani znaju, a možda se tu krije i odgovor. Dakle, tražili smo stenogram sa zvanično tražili stenogram 29.04.2025 i stenogram sa 11. i sjednice i nastavka 10. sjednice Vlade Kantona Sarajevo koja je održana 02.07.2015., stenogram sa 28. sjednice 07.01.2016. i stenogram sa nastavka 66. 69 i 70. sjednice 23.01.2017. Ovo se traži u smislu popunjavanje dokumentacije za krivičnu prijavu o ovaj diplomirani tadašnjeg premijera Vlade, sadašnjeg ministra vanjskih poslova Elmedina Konakovića, koji je na te datume imao i sjednice Vlade i položio je nekoliko vrlo bitnih ispita da bi diplomirao. Dakle, je li se zbog toga ne dostavlja nama podaci da vidimo da li je čovjek u mogućnosti da bude na dva mjesta istovremeno, ako je to u mogućnosti, onda možda danas nije u Americi, možda i ovdje i u Americi. Hvala.

Jelena Pekić (dopredsjedavajuća)

Zahvaljujem uvaženom zastupniku Kapidžiću. zastupnik Selmanović, izvolite.

Faruk Selmanović (zastupnik)

Zahvaljujem predsjedavajuća. Danas uputit ću tri pitanja. Moje prvo zastupničko pitanje upućujem Ministarstvu unutrašnjih poslova Kantona Sarajevo. Na osnovi informacija objavljenih u medijima, a koje se odnose na odobrena kreditno zaduženje Kantona Sarajevko za nabavku tri specijalno oklopna vozila za potrebe MUP-a Kantona Sarajevo, postavljam sljedeća pitanja, odnosno postavljam sljedeće pitanje. Na osnovu kojih kriterije i stručne analize su izabrana upravo ovaj proizvođač vozila, obzirom da na dostupne liste ovo vozilo ne rangiraju između top 10 u svijetu, te da li na području Kantona Sarajeva postoji serviser za ova vozila i, naravno, koji je? Sljedeće pitanje upućuje Ministarstvu komunalne privrede i infrastrukture prostornog uređenja, građenje i zaštita okoliša Kantona Sarajevo i Kantonalnom javnom komunalnom poduzeću RAD. A pitanje je kako je određen termin odvoza kabastog otpada na području Kantona Sarajevo, na osnovu kojih kriterija se realizuje samo dva puta godišnje? I zašto je to u terminima radnih dana? I moje treće pitanje i zadnje za danas. Ministarstvu komunalne privrede i infrastrukture prostornog uređenja, građenje i zaštite okoliša Kantona Sarajevo, Ministarstvu financija Kantona Sarajevo, Uredu za borbu protiv korupcije i upravljanja kvalitetom Kantona Sarajevo i Kantonalnom javnom komunalnom preduzeću Vodovod i kanalizacija Sarajevo, koji su ključni uslovi koje je Kanton Sarajevo i Javno komunalno kantonalno poduzeće ViK trebao ispuniti prije aktivacije treće tranše EBRD kredita, te da li su isti ispunili i kad? Molim da dostavite tačne datume kada je Upravni odbor projekta Vodovod Sarajevo razmatrao ili odobrio povlačenje treće tranše EBRD kredita i kada je izvještaj bio, kada je izvještaj PIU tima bio,? Molim da Na sva ova pitanja dostavite pismeni odgovor. Zahvaljujem.

Jelena Pekić (dopredsjedavajuća)

Dopredsjedavajuća Kristić, izvolite.

Danijela Kristić (dopredsjedavajuća)

Zahvaljujem dopredsjedavajuća. Pozdravljam sve prisutne i gledaoce kraj malih ekrana. Podnosim inicijativu za nabavku sanitetskog vozila sa pratećom opremom za potrebe Javne ustanove Psihijatrijske bolnice Kantona Sarajevo. Javna ustanova Psihijatrijska bolnica posjeduje sanitetsko vozilo koje je kupljeno u 2014 godini, korišteno je u punom kapacitetu, ali i pored uložених napora, dotrajalo. Novim sanitetskim vozilom doprinijelo bi podizanju standarda rada Javne ustanove Psihijatrijske bolnice Kantona Sarajevo, čime bi se direktno unaprijedila zdravstvena zaštita, kao i standard rada ove ustanove. Također, bitno je naglasiti da je vozilo važno za brzi transport bolesnika u druge ustanove gdje se trebaju raditi druge dijagnostičke pretrage. Zahvaljujem.

Jelena Pekić (dopredsjedavajuća)

Zastupnica Bešlija, izvolite.

Vildana Bešlija (zastupnica)

Hvala. Pozdravljam sve koji prate rad današnje sjednice. Ja imam inicijativu za izradu posebnog propisa kojim će se regulisati održavanje i sanacija fasada zgrada koje se nalaze u urbanom krajoliku i koji su pod posebnom zaštitom, te uključivanje općina, Grada i Kantona Sarajevo, iako je ovo obaveza stanara zbog sigurnosti građana i složenosti, mišljenja sam da je ovu oblast neophodno dodatno unaprijediti. Također, podnosim inicijativu da se na Pedagoškom fakultetu Univerziteta u Sarajevu pripremi i od naredne akademske godine uvede i realizuje neciklični ili ciklični program u trajanju od 4 semestra, a koji će biti namijenjen

stručnom usavršavanju asistenata u nastavi koji su angažovani u inkluzivnom obrazovanju, odnosno kao podrška djeci i učenicima s teškoćama u razvoju. Naime, znamo svi da je preko 400 angažovano asistenata u nastavi kroz 3 nivoa obrazovanja u Kantonu Sarajevo, tako da dosta tih ljudi nisu stekli obrazovanje u stručno iskustvo ili stečene kompetencije na visokoškolskim ustanovama. Tako da smatram da bi ovo bilo vrlo korisno. Također bi inicirala da se na svim organizacionim jedinicama Univerziteta u Sarajevu, koje školuju kadar za angažman u oblasti obrazovanja, u skladu sa zakonskim procedurama i mogućnostima, inoviraju i programi sa fokusom na inkluzivno obrazovanje i direktni rad sa učenicima s teškoćama u razvoju. Također, ovaj inkluzivno obrazovanje, kao što sam rekla, jel već i navela, posebno zahtjeva određene sposobnosti. Mislim da u tom dijelu trebamo uraditi određene prilagodbe i po pitanju nastavnog kadra, kako bi u suštini ovaj, zajedno sa prethodnom inicijativom, ovo predstavljalo snažan doprinos jačanju systemske podrške djeci i učenicima s teškoćama u razvoju u Kantonu Sarajevo. I zadnju inicijativu podnosim kojom tražim da se obezbijedi financiranje rada Univerzitetskog džender resursnog centra kao dijela Centra za ljudska prava. Naime, ovaj Centar postoji od 2022. godine, definisan je statutom Univerziteta, i to članom 44 i Univerzitet ima također postojeći, znači važeći, već drugi po redu, odnosno revidirani Gender akcioni plan koji važi do 2026. godine. Ovo je veoma važno postojanje ovog Centra koji je do sada iz nekih donacija se finansirao. Međutim, on je de facto sastavni dio Univerziteta i vrlo je definisan statutom i u sistematizaciji, tako da je prilikom konkurisanja ili određenih javnih poziva Univerziteta i rangiranja uopšte Univerziteta u međunarodnom krugovima, veoma je važno da imamo Centar koji će nasmetano funkcionisati i iskreno se nadam da se ovo neće više dešavati, odnosno da ćemo konačno finansirati iz budžeta ovakav Centar. Ostale inicijative ću podnijeti u pisanoj formi. Hvala.

Jelena Pekić (dopredsjedavajuća)

Zastupnica Kapo izvolite.

Belma Kapo (zastupnica)

Hvala. Pozdravljam sve prisutne i naše drage građanke i građane. Moja inicijativa se odnosi, odnosno upućujem je Ministarstvu zdravstva Kantona Sarajevo kako bi ministarstvo, kao i u niz situacija do sada, pomoglo i bolničkim ustanovama u Kantonu Sarajevo, javnim ustanovama da se obezbijedi adekvatna ishrana za ležeće pacijente u našim bolnicama koji imaju Celijakiju. Kako ishrana, tako i uslovi boravka u bolnicama da ovi ljudi ne moraju donositi od kuće hranu koju oni smiju jesti, kako primarno ako su tu zbrinuti zbog Celijakije, tako i ako su po nekom drugom osnovu na bolničkom liječenju moramo imati sistem koji ćemo obezbijediti da je njima boravak u bolnicama u ovom smislu bezbijeđan. Ukoliko same ustanove procjene da nije moguće napraviti dio odvojeni i kuhinje i boravka tih ljudi u smislu da imaju poseban neki dio, možda se može na neki drugi način riješiti ovaj problem, ali ti ljudi tokom boravka u bolnicama, kako djeca, tako i odrasli, moraju imati sigurne uslove ishrane u bolnicama. Hvala.

Jelena Pekić (dopredsjedavajuća)

Zastupnik Kalem, izvolite.

Adi Kalem (zastupnik)

Zahvaljujem dopredsjedavajuća. Obzirom da se prvi put javljam, sve vas srdačno selamim i pozdravljam. Srdačno selamim i pozdravljam sve gledaoce pored malih ekrana koji prate današnji rad sjednice. Ja ću imati dva pitanja, odnosno dva zahtjeva, a tiču se ugovora o djelu, pa molim resorna ministarstva i Ured za borbu protiv korupcije da mi dostave se sljedeći ugovor o djelu, a to je u svim Kantonalnim javnim komunalnim preduzećima u Kantonu Sarajevo, obzirom da imam informaciju da pojedini uposlenici u pojedinim preduzećima sa

stalnim ugovorom o radu mimo zakona dobivaju ugovor o djelu od po 10 000 konvertibilnih maraka. Moje slijedeće pitanje, također, prema informacijama koje sam dobio, kojima raspolazem u 2024 godini je iz namjenskih sredstava potrošeno preko 5 000 000 konvertibilnih maraka za nabavku tzv. Naprednih tehnologija u šumarstvu, a sve za proizvodnju biomase za peletaru, a paletare nigdje. Kupljena su dva farvardera vrijednosti cirka 1,7 000 000 maraka, jedna drobilica 2 000 000 maraka, jedan kran sa dizalicom 1,4 milijuna maraka, AST mašina 400.000 maraka, ostali priključci 400.000 maraka. Plus tu je i Komisija koja je bila određena ispred Ministarstva za uspostavu ove peletare cirka 400 000 komercijalnih maraka. Mislim da je ovo jako ozbiljno pitanje. Mi još nemamo niti p od peletare. Moje pitanje resornom ministarstvu, kantonalnom, javnom komunalnom preduzeću Sarajevo šume, što se dešava sa ovim predizbornim obećanjem? Dokle ćemo više čekati na ove propale investicije? Svakako na oba ova pitanja tražim pismeni od odgovor. Hvala.

Jelena Pekić (dopredsjedavajuća)

Zastupnica Memić, izvolite.

Arijana Memić (zastupnica)

Zahvaljujem dopredsjedavajuća. Pozdravljam sve prisutne i građane koji prati naš današnji rad. Za danas imam jednu inicijativu koju zajedno sa kolegicama Mehmedagić i Gaković upućujem prema Vladi Kantona Sarajevo da se fondacija lokalne demokratije proglasi Udruženjem od posebnog interesa za Kanton Sarajevo fondacija lokalne demokratije lokalna nevladina organizacija sa više od 28 godina kontinuiranog rada na promociji, zaštiti ljudskih prava, s posebnim fokusom na žrtve rodno zasnovanog nasilja, sigurna kuća kojom upravlja Fondacija lokalne demokratije jedina je takva ustanova u Kantonu Sarajevo od 2000-te godine do danas, zbrinula je 2506 žrtava, a kroz SOS liniju primila preko 18 000 poziva. Sigurna kuća nudi dva skloništa za žene i djecu, te za djevojke žrtve seksualnog nasilja. Fondacija lokalne demokratije pruža psihosocijalnu podršku korisnicama, stručno osoblje radi na jačanju, samopouzdanje i samopoštovanje žrtava te njihovom ekonomskom osnaživanju i pripremi za samostalniji život nakon izlaska i skloništa. Centar za žene, koji također vodi i fondacija lokalne demokratije, godišnje pomaže oko 500 korisnica iz ranjivih grupa, uvažavajući dosadašnji doprinos fondacije lokalne demokratije u oblasti zaštite i ljudskih prava, a naročito prava žena i djece. Smatramo da ispunjavaju sve uslove za sticanje statusa udruženja od posebnog interesa za Kanton Sarajevo. Zajedno sa kolegicama imali smo priliku posjetiti sigurnu kuću gdje smo imali priliku iz prve ruke vidjeti važan i predan rad koji svakodnevno obavljaju u zaštiti žena i djece žrtava nasilja. Na temelju toga i pokrećemo ovu inicijativu. I pitanje upućeno Zavodu za pružanje besplatne pravne pomoći Kantona Sarajevo. Dakle da li planira u okviru svojih nadležnosti pojačati aktivnosti na promociji i pružanju besplatne pravne pomoći svim povratnicima iz Kantona Sarajevo. Naći do oblasti rješavanja imovinsko pravnih odnosa, s obzirom na tu da je to 1 od gorućih problema sa kojima se povratnici susreću. Zahvaljujem.

Jelena Pekić (dopredsjedavajuća)

Zastupnica Izetbegović, izvolite.

Sebija Izetbegović (zastupnica)

Zahvaljujem se. Dakle, ja imam dva pitanja i imam jednu inicijativu. Pitanja su upućena prema ministru Hasanoviću, uz napomenu da nisam dobila odgovor na pitanja postavljeno na prošloj sjednici, a u vezi sa dopisom o imenima ljekara koji rade i privatno i u javnozdravstvenim ustanovama, u kojim ustanovama rade i kolike su liste čekanja na njihove usluge. Dakle, moje prvo pitanje za ministra Hasanovića danas, odgovor na ovo pismeno očekujem, naravno, uskoro. Pitanje postavlja i tražim usmeni i pismeni odgovor. Prvo pitanje, ministar Hasanović bi trebalo da nam da odgovor javno šta se dešava sa djecom koja su zaražena sa Enterobacter

clocae, koja su posljedično dobila teške oblike meningitisa. Gdje se ta djeca trenutno nalaze? Ko vodi brigu o njima? Koliko te djece se nalazi u Turskoj na liječenju? Ko plaća te troškove? Ko će se brinuti o njihovoj rehabilitaciji itd. jer će ona biti neophodna. Drugo bi pitanje da li ministar Hasanović zna da danas na Klinici za nuklearnu medicinu Kliničkog centra Univerziteta u Sarajevu nema kodnih kapsula, tako da pacijenti sa karcinomom štitnjače već 7 dana ne primaju terapiju ?U prosjeku 4 pacijenta dnevno sa karcinomom štitnjače prima terapiju, što znači da ih je u ovom trenutku 28 već koji nisu dobili potrebnu terapiju. Inicijativa koju upućujem odnosi se na pomijeranje ovog izvještaja skidanja Izvještaja Univerziteta u Sarajevu sa dnevnog reda zbog velikog broja nedostataka koji se pojavljuju, između ostalog u ovom Izvještaju, plate, naknade i doprinosi nisu iskazani pojedinačno, onako kako je potrebno, nego su zbirno, tako da nemamo detaljne podatke. Izdaci za stalno, odnosno osnovna sredstva se ne prikazuju na način koji nam transparentno pokazuju kako su utrošena. Nisu jasno prikazali analitiku putnih troškova kako, gdje, kada je putovao, koliki su bili iznosi svih pratećih drugih troškova. Dakle, izvještaj je generalno loš i netransparentan, a mora biti jasan, nedvosmislen, detaljan i potpuno transparentno prikazan. Ostale detalje ću, naravno, navesti u diskusiji. Zahvaljujem se.

Elvedin Okerić (predsjedavajući)

Za riječ se javila zastupnica Mersiha Mehmedagić.

Mersiha Mehmedagić (zastupnica)

Zahvaljujem uvaženi predsjedavajući. Pozdravljam sve prisutne, kao i građane Kantona Sarajeva koji prate današnje zasjedanje. Za danas imam jednu inicijativu, a pitanja ću dostaviti pismenim putem. Inicijativu pokrećem, odnosno upućujem Kantonalnom javnom komunalnom preduzeću gradski saobraćaj d.o.o. Sarajevo da revidira red vožnje tramvajskog saobraćaj na relaciji Ilidža - Bašćaršija intenzivira frekventnost vožnje iz pravca Bašćaršije u periodu od 15 do 17 sati i da zabrani iskrcavanje putnika na ostrvu kružnog toka na Ilidži, uz sljedeće obrazloženje. S obzirom da su u periodu od 15 do 17 sati primjetne veće gužve u javnom gradskom prijevozu na relaciju od Bašćaršije ka Ilidži, posebno od 15, 30 do 16 i 30, potrebno je prilagoditi red vožnje protoku putnika, nerijetko putnici iz pravca Bašćaršije čekaju tramvaj duže od 15 minuta, a po dolasku na Ilidžu se često ne mogu odmah iskrcati na tramvajskoj, na tramvajskom stajalištu zbog velikog broja već parkiranih tramvaja na koje su prethodno čekali. Vozači, potom pribjegavaju iskrcavanju putnika na ostrvu kružnog toka, čime se dovode u opasnost kako putnici tako i učesnici saobraćaja u kružnom toku. Usput se uslijed nepropisnog iskrcavanja putnika uništava Zelena površina kružnog toka koju drugo javno preduzeće uporno pokušava održati uređenom. Gomilanje tramvaja na početnoj stanici, čekanje na isto na drugoj strani je očito posljedica neadekvatnog reda vožnje, a ne nedostatka vozila te molim da se hitno pristupi revidiranju reda vožnje shodno stvarnim potrebama putnika. Hvala.

Elvedin Okerić (predsjedavajući)

Za riječ, javila za zastupnica Miomirka Melank.

Miomirka Melank (zastupnica)

Zahvaljujem, pozdravljam sve koji prate sjednicu.

U dosadašnjih nekoliko pokušaja revitalizacije urbanističke cjeline Skenderije naišlo se na nepremostive prepreke, prije svega pravne, pa zatim političke i najviše administrativne prirode koje su javnosti izazvale stanovite konstrukcije i teorije zavjere. Još prije 6 godina bili su organizovani naučni skupovi, okrugli stolovi, konsultacije sa domaćim i međunarodnim stručnjacima iz oblasti razvoja, arhitektonskog planiranja, ekonomije i istorije arhitekture izrađene su i određene početne studije i aktivirana javnost, ne iznalaženi načina da se Skenderija ponovo osmisli i rekonstruira. Koristeći prvobitne regulacione planove kao osnov

za kreiranje ideja napravljene više izvještaja, analiza, čak i projekata. Bila su obezbijedena značajna finansijska sredstva, ali do realizacije implementacije tih sredstava nikad nije došlo, stoga sada podnosim inicijativu da Vlada Kantona Sarajevo osnuje stručni tim za izradu plana menadžmenta konzervacije objekta Centra Skenderija u Sarajevu. Taj je tim potreban iz nekoliko razloga. Na prvom mjestu je očuvanje kulturne baštine Centar Skenderija ima značajnu kulturni-historijsku vrijednost u smislu kulturno-istorijskog i arhitektonskog nasljeđa. Sličnu vrijednost imaju npr. Begova džamija i Skenderija. Plan menadžmenta konzervacije će izraditi tim stručnjaka u saradnji ili konzultacijama sa zavodima za zaštitu spomenika kulture, istorijske baštine, stake holderima, gradom, općinama, strukovnim udruženjima, naučnicima, fakultetima, svima koji su zainteresovani radi očuvanja i zaštite ovog objekta. Samo cjelovit pristup, uključivši detaljno snimanje stanja zapuštenosti i ukupne konstruktivne sigurnosti može unaprijediti očuvanje Skenderije, sistemski pristup će pomoći u identifikaciji, rješavanju konceptualnih, a prije svega građevinskih oštećenja i konstruktivnih problema koja su nastali zbog starosti ili prirodnog trošenja neredovnog održavanja, čime se planira inovirati, produžiti životni vijek i održivost objekta. Zadovoljavanje pravnih zahtjeva ključno je za konzervaciju Skenderije. Pokazalo se da je kompleksna vlasnička struktura prepreka za formulisanje integralnog plana i poštovanje zakonskih obaveza. Plan menadžmenta osigurat će da se i ovi aspekti konzervacije sprovedu u skladu sa važećim zakonodavstvom. Finansijsku efikasnost omogućit će dobro osmišljen plan te pomoći optimizaciji troškova konzervacije i pronalaženje izvora financiranja kao što su budžetska sredstva, investicije, grantovi ili donacije. Konzervacija će obezbijediti povećanje atraktivnosti, očuvanje kulturnog i sportskog i preduzetničkog sadržaja Centra Skenderija, a jasan plan će privući zanimanje za ulaganje u kvalitetne sadržaje za turiste, lokalno stanovništvo, doprinoseći razvoju lokalne ekonomije. Formiranje tima za kreiranje plana menadžmenta može konačno i ključno doprinijeti realizaciji kvalitetne i trajne konzervacije, predstavlja sistematičan pristup koji može osigurati historijsku i ekonomsku održivost Centra Skenderija. Hvala.

Elvedin Okerić (predsjedavajući)

Zastupnica Smiljana Viteškić se javila za riječ.

Smiljana Viteškić (zastupnica)

Zahvaljujem predsjedavajući, dobar dan svima. Ja imam jedno pitanje na koji je odgovor tražim od četiri institucije. Znači prvo da mi Ministarstvo odgoja i obrazovanja Kantona Sarajevo precizno odgovori od kada do kada je po ugovoru o djelu u tom Ministarstvu bio angažovan Ismar Selimović? Ko je poslove obavljao po ugovoru o djelu? Od Ureda za borbu protiv korupcije Kantona Sarajevo tražim dostavu pisanih podataka za gore navedeno lice od kada do kada je bio angažovan po ugovoru o djelu i kada je zvanično zasnovan radni odnos u Ministarstvu obrazovanja i odgoja? Upravne inspekcije tražim da mi odgovori da li je uopće kontrolisala ugovore o djelu kroz redovne nadzore ili samo po zahtjevu nadležnih institucija? I četvrto, od predsjedavajućeg Skupštine Kantona Sarajevo tražim odgovor po kojem osnovu je Ismar Selimović uporedo bio član Zakonodavno-pravne komisije Skupštine Kantona Sarajevo, ako je bio, i angažovan po ugovoru o dijelu u Ministarstvu i po kojem osnovu, do kada je bio član Zakonodavno-pravne komisije i kada je prestao biti član iste? Tražim pisani odgovor, zahvaljujem.

Elvedin Okerić (predsjedavajući)

Zastupnica Marijela Hašimbegović se javila za riječ.

Marijela Hašimbegović (zastupnica)

Zahvaljujem se predsjedavajući. Srdačno vas sve pozdravljam, posebno naše sugrađane koji prate rad ove sjednice. Za ovu sjednicu pripremila sam dvije inicijative. Iskoristit ću svoje

vrijeme da prezentiram jednu od njih. Dakle, upućujem inicijativu da se poništi Rješenje o prekidu radnog odnosa za radnika KJKP Vodovod i kanalizacija Samira Nunbegovića, koji je dobio otkaz u radu iako je zaštićeni svjedok u svojstvu prijavitelja korupcije. Tražim da Kantonalna uprava za inspekcijske poslove izvrši inspekcijski nadzor i preispita zakonitost cijelog procesa. Na ovaj način šalje se pogrešna poruka, zastrašuju se i degradiraju uposlenici koji prijavljuju korupciju, što je suprotno transparentnom i zakonitom radu. Ovakve radnje ohrabruju rukovodioce, direktore uprave na zloupotrebu položaja i ugrožavanje osnovnih ljudskih prava. Hvala lijepo.

Elvedin Okerić (predsjedavajući)

Dopredsjedavajuća Jelena Pekić se javila za riječ.

Jelena Pekić (dopredsjedavajuća)

Zahvaljujem predsjedavajući. Moja današnja inicijativa se odnosi na činjenicu, odnosno moj prijedlog da se poduzmu dodatne aktivnosti na uklanjanju nepropisno parkiranih vozila u suradnji Uprave policije i Kantonalnog javnog komunalnog poduzeća RAD Sarajevo. Uzimajući u obzir početak turističke sezone jer značajan porast broja registrovanih vozila na području Kantona Sarajevo upućujem inicijativu, dakle i prema Upravi policije i RAD-u, da od tačnije Pauk službi da se pojača nadzor i aktivnost na terenu s ciljem uklanjanja nepropisno parkiranih vozila. Naime, veliki broj vozila svakodnevno ometa normalno odvijanje saobraćaja i onemogućava sigurno kretanje pješaka. Zbog toga predlažem da se formiraju mobilni timovi sastavljeni od policijskog službenika i operativca iz Kantonalnog javnog komunalnog preduzeća RAD, da se osigura kontinuiran obilazak terena, te da vozila koja su očigledno i dokumentovano nepropisno parkirana budu odmah uklonjena u skladu sa važećim propisima. Također, iniciram da se organizuje rad Pauk službe i nakon 22:00 sata u toku ljetnog perioda, ne samo po pozivu. Ova mjera doprinijet će većoj sigurnosti svih učesnika u saobraćaju, boljoj protočnosti ulica, zaštiti pješačke infrastrukture, kao i povećanju ukupnog reda i disciplini u saobraćaju. I drugo. Upućujem prema Vladi Kantona Sarajevo da se ukine moratorij na upošljavanje na neodređeno vrijeme kvalificiranih odgajatelja koji kontinuirano ispunjavaju profesionalne obaveze i standarde pri Javnoj ustanovi Djeca Sarajeva. Naime, ja sam već ranije upućivala ovu inicijativu i dobila sam odgovor od resornog ministarstva da se poduzimaju sve neophodne mjere u cilju jačanja kadrovske politike pri ovaj Javnoj ustanova Djeca Sarajeva. Međutim, u tom odgovoru je navedeno da postoji moratorij Vlade Kantona, koji obuhvata i ovu instituciju. I s obzirom da sam u prošloj inicijativi objasnila da ovakav način dosadašnjeg zapošljavanja odgajatelja u našim vrtićima generira značajne negativne posljedice po psihosocijalni razvoj djece i smatram i iniciram prema Vladi Kantona Sarajevo da razmotri ukidanje moratorija na ovaj dio zapošljavanja. Toliko od mene.

Elvedin Okerić (predsjedavajući)

Za riječ se javio zastupnik Muamer Bandić.

Muamer Bandić (zastupnik)

Postavljam pitanje, odnosno inicijativu prema Fondu Memorijala, Ministarstva za boračka pitanja ili institucijama koje su u okviru tog ministarstva. Odnosi se na sljedeće. Odnos vlasti prema spomenicima koji svjedoče istinu odbrane ove zemlje često je poražavajući. Mezarje na Igmanu, Mrazištu, jedno je od mjesta koje traži i zaslužuje više pažnje. To je mjesto istine i istine da su ovom zemljom obuhvatili vitezovi, vitezovi koji su spriječili nakane kreatora svjetskih politika da se jednog prostora protjeraju, pobiju, izbrišu historiju jednog naroda, naroda koji oduvijek živi u Bosni i Hercegovini. Pozivam nadležne institucije da s jednakim poštovanjem, pažnjom i odgovornošću uređuju i održavaju sva spomen-obilježja i mezarja ovih

gazija. Jer ti ljudi su svojom hrabrošću, odlučnošću i požrtvovanošću pokazali kako se brani država, narod i zemlja koja se voli.

Imam pitanje za Ministarstvo sporta. Bokserski savez Kantona Sarajeva je podnio ovo zahtjev za upis u Sudski registar o promjeni organa. Iz određenih razloga nekih prigovora, žalbi, Ministarstvo pravde i uprave je na nadležno postupanje taj predmet dostavilo Ministarstvu sporta i kulture. Evo, pitam ministra, okolnost da je to već prije 3 mjeseca urađeno i da je podnijeta ta cjelokupni predmet vama na postupanje, zamolio bih zaista da mu odgovori u kojem vremenskom periodu će biti riješen ovaj njihov zahtjev. Okolnost da se bokseri moraju pripremati za određenu vrstu takmičenja, a veliki broj njih dolazi upravo iz Kantona Sarajevo. Evo, ako može ministar da mi odgovori usmeno dakle, kada će ovaj predmet konačno biti okončan. I evo, želim samo dvije informacije, pošto sam prije izvjesnog vremena podnio dvije inicijative. Jedna se odnosi prema Ministarstvu zdravstva, odnosi se na otvaranje nove ambulante u naselju Ciglane i druga je bila uređenje, dakle, odnosno dodjeljivanje trećeg doktora, ambulantu u Leščima i omogućavanje određenih vrste dodatne usluge koja je bila prije korone koja se odnosi na ispitivanje krvi, odnosno laboratorijske nalaze. Ni jedna od tih inicijativa nije u stvari okončana u konačnosti i u potpunosti. Imam još jedno pitanje, dakle, kada će mi svi oni koji sam sve institucije od kojih sam tražio da mi dostavljaju svoje pravilnike o sistematizaciji radnih mjesta dostaviti u obliku u kojem sam to tražio? Zaista, evo, zamolio bih, dakle, rukovodstvo i predsjedavajućeg, da u tom kontekstu pozovu sve one koji to nisu uradili, ja se već obavio i razgovor u Uredu za borbu protiv korupcije. Oni su me uputili da još jednom, dakle na ovaj način, evo reagujem, a u konačnici da uputim i njima jedan zahtjev, gdje bi oni svojom aktivnošću koja im je propisana njihovim zakonom, dakle, u konačnici tražili takvu vrstu, takvu vrstu dokumenata. Ali evo, da izbjegnemo odmah neka prejudiciranja, a okolnost da se radi o Uredu za borbu protiv korupcije i da se nešto tamo dešava, ja bih zamolio ipak predsjedavajućeg da na neki način proprati tu inicijativu i da sve one institucije koje nisu dostavile odgovor, a velik broj njih jeste, ipak da to dostave jer se radi o mojoj poslovničkoj, dakle mogućnosti. Ja želim da ona bude u potpunosti ispoštovana. Okolnost da me upućuju, dakle, na određenu vrstu, određenu vrstu moje spoznaje tih podataka na određenu stranicu. Institucije kojima ja to predajem nisu ustvari prihvatile takvu

Elvedin Okerić (predsjedavajući)

Vrijeme kolega Bandiću.

Muamer Bandić (zastupnik)

Evo, samo da završim. Nisu prihvatile takvu vrstu njihovog obrazloženja i treba nam pisani akt koji će biti opečaćen od strane, dakle instituciji i potpisane od strane tog rukovodioca. Hvala.

Elvedin Okerić (predsjedavajući)

Zastupnica Sanela Klarić se javila za riječ.

Sanela Klarić (zastupnica)

Zahvaljujem, pozdravljam sve prisutne. Moje pitanje ide prema Ministarstvu prostornog uređenja, komunalne privrede, odnosno ministru Pandureviću. Po mojim saznanjima, Komisija je završilo Uredbu izmjene i dopune Uredbe o uređivanju, održavanju zelenih i rekreativnih površina u Kantonu Sarajevo i Ministarstvu je praktično trebalo da iskomunicira te izmjene i dopune sa svim zainteresovanim stranama. Prošlo je već 2 mjeseca i voljela bih da znam kada će ministarstvo uputiti ovu važnu Uredbu da je usvoji Vlada, jer ona donosi vrlo važne promjene kada govorim o uređenju otvorenih zelenih površina. I naravno, još jedno pitanje vezano za Urbanistički plan, nadam se da je vrijeme da Urbanistički plan bude na dnevnom redu ove Skupštine. I također uputila sam, nakon što sam postavila pitanje Ministarstvu obrazovanja o kapacitetima i planovima za otvaranje novih muzičkih osnovnih škola, nisam

dobila odgovor. Iz tog razloga smo na terenu, zajedno sa kolegama iz opštinskog odbora Novi Grad, radili sa Opštinom Novi Grad koja je zeleno svjetlo. Onda smo radili anketu sa građanima gdje su preko 200 roditelja na teritoriji opštine Novi Grad, 96 % njih se slaže da na Opštini Novi Grad, na kojoj trenutno nema osnovne muzičke škole, je neophodno jer je ona i najveća opština u Kantonu Sarajevo, da se otvori 1 osnovna muzička škola jer većina njih, preko 70 % svoju djecu vodi u Novo Sarajevo ili Ilidžu ili plaća privatne Muzičke škole, što smatramo da nije dopustivo i da bi praktično sigurno, pogotovo nakon ove ankete, trebalo da Vlada Kantona Sarajevo zajedno sa ovim ministarstvom podrži otvaranje osnovne muzičke škole u Opštini Novi Grad i ovim putem se zahvaljujem Emiru Hadžialjeviću, prof. muzičkog obrazovanja koji je ustvari zajedno Adijem Škaljićem, pokrenuo ovu inicijativu. Zahvaljujem.

Elvedin Okerić (predsjedavajući)

Za riječ, javio zastupnik Mahir Dević.

Mahir Dević (zastupnik)

Hvala. 4. juli 1992 godine je najtragičniji i najteži datum za stanovnike vogošćanskog naselja Tihovići. Nakon što su zločinci izvršili napad na Tihoviće, ubijeno je 30 nedužnih stanovnika na monstruoan način te su ubijeni i zatrpani u masovne grobnice. Prestankom ratnih dešavanja i povratkom na svoja ognjišta, izvršena je ekshumacija te je klanjana đenaza na mjesnom mezarju Tihovići. Identifikacija posmrtnih ostataka izvršena klasičnom metodom, što je podrazumijevalo da su napravljene određene greške prilikom ekshumacije navedenih tragično ubijenih stanovnika vogošćanskog naselja Tihovići. 2020 i 22. godine nakon uzimanja i obrade DNK uzoraka koje je trajalo nekoliko godina, tijela su kompletirana, porodice su dale saglasnost za ukop i klanjanje đenaze. Kolektivna đenaza za 11 nedužno ubijenih i obilježavanje godišnjice stradanja je bilo 04 jula 2025. godine. Zašto se Vlada Kantona Sarajevo oglušila na proglašenje dana žalosti u Kantonu Sarajevo? I zašto predstavnici aktualne trojke vlasti u Kantonu Sarajevo nisu bili prisutni prilikom kolektivne đenaze u ovom mjestu? Tražim usmeni odgovor od strane premijera ili predstavnika Vlade Kantona Sarajevo, a mogli smo, barem i na početku sjednice Skupštine, da se sjetimo ovih ljudi, barem jednom fatihom ili minutom ćutnje, svako na svoj način. Drugo pitanje? Pitanje koje postavljaju uposlenici svih institucija u Kantonu Sarajevo, zašto se regres nije isplatio u Kantonu Sarajevo i kada planira, evo ministar financija, usmeni odgovor, da nam da kada planira ta zakonska obaveza da se izvrši prema svim uposlenicima u Kantonu Sarajevo? I jedna inicijativa koju sam postavio prema tadašnjem premijeru Forti, a evo sada je, ponavljam, i prema njegovom nasljedniku, gospodinu Uku, u smislu izrade registra službenih automobila u Kantonu Sarajevo. Naravno, gospodin Forto me je slagao da će tu inicijativu ovaj riješiti. Nadam se da njegov nasljednik, gospodin Uk, neće. Stotine službenih automobila u Kantonu Sarajevo koristite u privatne svrhe, čak neki razvoze i drogu po Kantonu Sarajevo. Da smo imali registar tih automobila u Kantonu Sarajevo i ne daj Bože, ugrađen sistem GPS koji bi pratio ponašanje, vidjeli biste da ti automobili hodaju i prave stranačku infrastrukturu po Federaciji Bosne i Hercegovine, vidjeli biste da se vozažu po vikendicama, došli bismo do podataka da se radi o stotinama automobila koje vi i vaše sekretarice i vaši drugovi, partijski i drugarice, koristite u privatne svrhe. Prema tome, pokrećem inicijativu prema premijeru i Vladi da se konačno uradi registar svih službenih automobila u Kantonu Sarajevo, da se isti evidentira i objavi na zvaničnoj stranci Vlade Kantona Sarajevo ili eventualno, ne znam neki od institucija, da se zna tačno s kojim vozilima mi raspolažemo službenim u Kantonu Sarajevo. Hvala lijepo.

Elvedin Okerić (predsjedavajući)

Zastupnik, Albin Zuhrić se javio za riječ.

Albin Zuhrić (zastupnik)

Hvala vam predsjedavajući. Imam jedno pitanje za ministra Pandurevića i Vladu. Podignute su cijene vode i podignute su cijene grijanja. I podigli ste cijene javnog prijevoza. I očekujemo podizanje cijena odvoza smeća. Dakle, u RAD-u i u Pokopu. Prvi ozbiljan politički potez ministra Pandurevića, dakle iz oblasti njegovog resora, je bio da podigne cijene, pardon, prvi politički potez mu je bio da ode na godišnji odmor kada je postao ministar, drugi mu je potez da podigne cijene. Ta povećanja dolazi na već postojeću, tešku situaciju u kojoj se građani nalaze, koja je uzrokovana radom vaših kolega na višim nivoima vlasti. Možda ste nekim ljudima sa minimalnom platom pomogli, ali danas, ako ste imali 200 maraka, ona vrijedi 1000 maraka zbog inflacije koju ste prouzročili. Od nekih 450 000 penzionera 240 000, više od pola je na minimalnoj penziji, a prosječna penzija, inače, u Federaciji nam je oko 760 maraka. Taj ministar Pandurević, koji je napustio sjednicu, bio je s nama ovdje na početku, je nekako s nipodaštavanjem govorio o nekoj svojoj maloj platici od 3,5 hiljade maraka, zadnji put kada je gostovao na Kliksu, ali mu ne smeta da diže i cijene za građane koji živi od 600 maraka u situaciji kada oni realno sada vrijede 400.

Elvedin Okerić (predsjedavajući)

Može li pitanje kolega?

Albin Zuhrić (zastupnik)

Može pitanje. Je li vas stid? Je li vas stid?

Elvedin Okerić (predsjedavajući)

Koga? Kome govorite?

Albin Zuhrić (zastupnik)

Dakle, cijeloj Vladi i ovoj skupštinskoj većini koja će nas zadužiti više nego i jedna ikada do sad, koja ne steže svoj kajš prije nego što počinje naplaćivati građanima, nego čak zapošljava sebi dodatne savjetnike, ali ljudima koji su u najgoroj situaciji, dakle penzionerima, naplaćuje veće usluge na sve moguće načine. Eto, to vam je pitanje, jel vas stid?

Elvedin Okerić (predsjedavajući)

Više puta ponudili vama populistu odgovore na ta pitanja, a pretpostavljam da će i ministar Pandurević također vam pismeno odgovoriti. Zastupnik Davor Čičić.

Davor Čičić (zastupnik)

Zahvaljujem predsjedavajući. Pošto je ovo tačka pitanja i inicijative, evo ja bih zaista zamolio da ne vršimo rasprave jer ovdje nije mjesto rasprave, rasprave imamo po tačkama dnevnog reda, pa nek svako raspravlja kako želi, ja evo samo skrećem pažnju. Mogu i ja sada ovo iskoristiti da ovdje ja raspravljamo 100 stvari koje nemaju veze sa ovom tačkom dnevnog reda, ali evo. Ja sam, evo, vezano je za ovu inicijativu zastupnika Devića, ja apsolutno podržavam vezano, ja sam tu inicijativu podnio već ima neko vrijeme, može se utvrditi u skupštinskim materijalima vezano i za označavanje službenih auta i za osnivanje registra službenih auta pri Uredu za borbu protiv korupcije jer oni imaju razne registre, mogu imati taj jedan registar, tako da to pitanje, ono i ja podržavam. Davno sam predao za to, tako da mislim da to na neki način treba da se riješi, ali ja neću sad populistički kao vi, kolega Dević, sad pričati ko koristi ta službena auta, a u vaše vrijeme vladavine ta auta su itekako korištena na puno gore načine nego na ovaj, kako ste vi naveli, ali ja neću o tome da diskutujem niti ovo vrijeme ni mjesto, a imat ćemo prostora da to kažemo. Tako da ne trebamo na ovaj način zloupotrebljavati. Inicijativa je dobra, ja je podržavam, podnio sam je prije, ali to populistički ko voda sekretarice, možemo milion primjera vaše vlasti, vaših ministara ko je koga vozao i gdje je vozao, ali ovo nije, ali

ovo nije, ali ovo nije ni vrijeme ni mjesto da se to. Ja samo nastavljam na ono što je kolega Dević, kolega Kapidžiću pričao tako, ako on, ako on ima pravo da priča, imam i ja pravo da pričam. Tako da ja ću podnijeti ovdje zastupničku inicijativu prema Ministarstvu za odgoj i obrazovanje, Javnoj ustanovi Djeca Sarajeva, a tiče se uređenja dječjeg igrališta i parka u vrtiću Košuta koje se nalazi u naselju Hrasno. S obzirom da je dosta vrtića i škola u proteklom periodu kroz inicijative i kroz radove Vlade i obnovljeno i dosta igrališta obnovljeno, ovaj vrtić na neki način, odnosno igralište ovog vrtića, nije došao na red što se tiče obnavljanja i zaista se nalazi u jako lošem stanju i već neko vrijeme već sam i prije podnosio inicijativu po pitanju rješavanja ovog igrališta, jer zaista sav mobilijar koji se tamo nalazi je, baš da tako kažem, lošije stanje, pa evo, podnosim još jednom inicijativu i zaista smatram urgentnim da se to pitanje riješi. Znam da Ministarstvo i djeca Sarajeva imaju neki plan rekonstrukcije toga, ali ovo je zaista se nalazi u jako lošem stanju. I evo, kroz ovu inicijativu zaista pokušavam da urgiram, da što prije dođe na red, da se taj vrtić, odnosno igralište u tom vrtiću, obnovi. Zahvaljujem.

Elvedin Okerić (predsjedavajući)

Zahvaljujemo se kolegi Čičiću.

Koristim svoje pravo da podnesem inicijativu prema Vladi Kantona Sarajevo i Ministarstvu pravde i uprave Kantona Sarajevo, Upravnom inspektoratu. Tražim od Vlade da mi dostavi pregled isplata po osnovu ugovora o djelu, ugovora o privremenim i povremenim poslovima po svim ministarstvima Kantona Sarajevo, od januara 2005 do decembra 2024 godine sa podacima predmet ugovora, isplaćen iznos, period na koji se ugovor zaključio. Tražim da mi Vlada Kantona Sarajevo dostavi informaciju o tome koliko inspekcijskih nadzora realizirao Upravni inspektorat Ministarstva pravde i uprave Kantona Sarajevo o kojima su predmet nadzora bili zaključeni ugovor o djelu ili ugovoru o privremenim i povremenim poslovima, i to za period od 2005. do 2024. Informacija treba da sadrži broj obavljenih nadzora po gore navedenim predmetima nadzora i to po godinama Kantonalnim organima uprave i općinskim organima uprave, ministarstva, te posebno za svaku opštinu u Kantonu Sarajevo, te koje su mjere inspektori naredili kao informaciju, da li su subjekti nadzora iskoristili pravo žalbe na rješenja u navedenim inspekcijskim nadzorima, te kako je drugostepeni organ odlučio po eventualnim žalbama. Tražim da Upravni inspektorat Ministarstva pravde i uprave Kantona Sarajevo obavi inspekcijski nadzor nad zaključenim ugovorima o djelu i ugovorima o privremenim i povremenim poslovima u svim organima Uprave Kantona Sarajevo, kao i općinskim organima uprave na području Kantona Sarajevo, sve to za period od januara 2012 do decembra 2020. godine.

Ovim smo iscrpili.

Vi ste postavili pitanje kolega Kapidžiću, Poslovnik vam ne dozvoljava da se dva puta obraćate kada postavljate pitanje i inicijative.

Prelazimo na odgovore. Tek se sada kolega Šaljić prijavio. Zastupnik Jasmin Šaljić. Izvolite, imate riječ.

Jasmin Šaljić (zastupnik)

Hvala. Inicijativa prema Vladi, Ministarstvu unutrašnjih poslova i Skupštini Kantona Sarajevo. Inicijativa za formiranje pomoćnog sastava Ministarstva unutrašnjih poslova Kantona Sarajevo. Naš odgovor ne treba biti samo reakcija, nego i racionalan odgovor na postojeće sigurnosne izazove. Pomoćni sastav policije Kantona Sarajevo bio bi od velike koristi i to iz više razloga. Evidentan je hroničan nedostatak policijskih službenika u Kantonu Sarajevo, nepokrivenost terena je očita, to vide i građani, a uz trenutne kapacitete Policijskih akademija na Vracama, samo kadetima iz Kantona Sarajeva bilo bi potrebne najmanje 3 godine da završe obuku, stupe u radni odnos i popune upražnjena radna mjesta, po sistematizaciji. U isto vrijeme

Akademiju koriste i ostali kantoni koji se suočavaju sa istim problemima. Dodatno, sektor policije prolazi kroz prirodnu smjenu generacija. Mnogi službenici zaposleni tokom i neposredno nakon agresije generacije iz 1996 i '97. godine ispunjavaju uslove za penziju. Očekuju se da će u ovoj godini iz MUP-a KS biti penzionisano oko 150 policijskih službenika, a slični brojevi se očekuju u naredne 2 godine. Nedostatak ljudstva direktno utječe na sigurnost građana, njihove imovine i javnog reda i mira. U posljednje 4 sedmice svjedočili smo različitim krađama, tučama, ubistvima, nasilničkom ponašanju, upotrebi vatrenog oružja, pa čak i bacanje ručnih bombi u naseljenim mjestima. Kamere, aplikacije i tehnologija ne mogu zamijeniti živog policajca. Građanima je važan osjećaj sigurnosti koje dolaze samo u slučaju kada vide pješачku ili autopatrolnu jedinicu u svojim naseljima, ulicama, parkinzima i raskrsnicama. Jedan od povoda za djelovanje su najave entiteta Republika Srpska o formiranju, tzv pomoćnog sastava Policije RS. Nije nikakav problem formirati rezervni pomoćni sastav policije, potrebno je samo politička volja da se raspiše javni poziv jer postoje kapaciteti u svim policijskim upravama. U javnom pozivu se može navesti da se prioriteto razmatraju kandidati koji su u prethodnim javnim konkursima učestvovali na testiranjima i ostvarili dobre rezultate i koji su zavedeni u dokumentaciji koju posjeduje MUP Kantona Sarajevo, uz uslov da nisu stariji od 30 godina. Rezervno pomoćnom policajcu u radu dodijeliti mentora, tj. aktivnog policajca, te u zavisnosti od rada i zalaganja, rukovodici policijskih uprava će ih slati na redovnu obuku na Policijsku akademiju Vraca. Za ove aktivnosti potrebno je izdvojiti određena tehnička sredstva koja će izdvojiti Vlada Kantona Sarajevu. Tačan broj nedostajućih policajaca i finansijskih sredstava nisam naveo iz opravdanih i sigurnosnih razloga. Ja vam predlažem da ozbiljno ovo razmotrimo. Ja kao i vi, računam da će Visoki predstavnik reagovati, da će Ustavni sud ovo proglasiti ništavnim, ali možda će i skupština entiteta RS u međuvremenu povući ovu odluku. Nama su potrebni ovi ljudi i ovo je jedno od rješenja kako da popunimo nedostajući kadar i da jednostavno ne čekamo nekakvu, da ne bude samo neka reakcija, nego da na ozbiljan način ovo prostudirate i razmislite.

Imam jedno pitanje za premijera Uka i resorna ministarstva socijale i boračka pitanja. Prošlu sjednicu sam pokrenuo inicijativu da ispravimo jednu nelogičnost. Radi se o ratnim vojnim invalidima koji imaju invaliditet 90, 100 %, manja su im, njihovoj djeci manji je dječji dodatak u odnosu na ratne vojne invalide od 20% do 80 %. Pa zamolio bih premijera Uka...

Elvedin Okerić (predsjedavajući)

Vrijeme kolega Šaljiću.

Jasmin Šaljić (zastupnik)

ili nekoga da vidim jesu li po tom pitanju nešto uradili. Hvala, izvinjavam se što sam prekoračio vrijeme.

Elvedin Okerić (predsjedavajući)

Prelazimo na odgovore na postavljena pitanja. Premijer Vlade Kantona Sarajevo, Nihad Uk se javio se za riječ.

Nihad Uk (premijer)

Hvala predsjedavajući i lijep pozdrav vama, kolegama u Skupštini i gledaocima pored malih ekrana. Dakle, imao sam jedno pitanje od strane uvaženog zastupnika Kapidžića po pitanju inicijative za pristup informacijama Kluba zastupnika Stranke demokratske akcije. Dakle, poprilično neprecizno je bila ta inicijativa i trebalo je dosta vremena kolegama iz Službe Vlade Kantona Sarajevo da preslušaju 5 sjednica, od toga preko 10 nastavaka je bilo pojedinačnih tih sjednica. Informacija od službenika za informisanje Vlade Kantona Sarajeva je upućena prema Klubu zastupnika Stranke demokratsko akcije u petak ili jučer. Tako da informaciju ćete imati, odnosno već imate u svojoj pošti. Ostale stvari, inicijative ćemo odgovoriti pismeno. Hvala.

Elvedin Okerić (predsjedavajući)

Zahvaljujem se premijeru. Ministar kulture i sporta Kenan Magoda, izvolite imate riječ.

Kenan Magoda (ministar)

Hvala. Imao sam pitanje od zastupnika Muamera Bandića. Mislim samo da prilikom izlaganja na postavljena nam pitanja imamo egzaktnu informaciju. Ne radi se o tri mjeseca kada je Ministarstvo kulture i sporta zaprimilo akt, ono je zaprimilo akt 28.05. što, vi ste postavili pitanje Ministarstvu kulture i sporta. Znači 28.5 smo mi dobili zvanično putem protokola da se izjasnimo. Odgovor je u pripremi. Upoznati smo sa problemima Bokserskog saveza kao i niz drugih problema u drugim granskim savezima. Radimo na tome. I dobit ćete odgovor, a mogu vam prosljediti dokument kada smo primili mi to u Ministarstvu kulture i sporta. Uglavnom, upoznati smo i ono što mi možemo uraditi u našoj nadležnosti ćemo dobiti i onda ide u proceduru prema Ministarstvu pravde. Hvala.

Elvedin Okerić (predsjedavajući)

Ministar Enis Hasanović se javio za riječ.

Enis Hasanović (ministar)

Zahvaljujem predsjedavajući, pozdrav svim zastupnicama i zastupnicima i gledaocima. Prvo je bila inicijativa Danijele, zastupnice Danijele Kristić novo sanitetsko vozilo za Psihijatrijsku bolnicu Jagomir. Kao što znate, to ide kroz budžet. Kao što znate, toga nema u ovom budžetu za ovu godinu. Možete podnijeti inicijativu za sljedeću godinu za budžet i sve vaše inicijative su razmatrane i za ovaj budžet i ostale. Bilo je još zahtjeva za sanitetska auta i vjerujem da ova bolnica ima dovoljno vlastitih sredstava, kao i ostale zdravstvene ustanove da kupe to auto ili za budžet za narednu godinu. Belma Kapo, zastupnica, inicijative adekvatna ishrana za ležeće pacijente koji imaju Celijakiju. Vrlo rado ćemo učestvovati u realizaciji ove inicijative. Sastanak, sve ostalo što treba sa rukovodstvom Kliničkog centra i Opće bolnice jer to zaslužuje, naravno, da se realizuje. Zastupnica Izetbegović pitanje djece zaražene sa Enterbakter sa Kliničkog centra. Za vrijeme trajanja ovog sata sam dobio neke informacije iz Kliničkog centra, pismeno ćemo dati potpune informacije da su sva ta djeca kod kuće, da su troje od njih bili u Turskoj na liječenju. Bilo je pitanje ko je to platio. Fond solidarnosti, uobičajeno. Trenutno su na fiskalnoj terapiji. Neki od njih imaju već poziv za kontrolu u Turskoj. Drugo je bilo pitanje za Klinikum za nuklearnu medicinu da nema kapsula za pacijente s karcinom štitnjače, ne primaju terapiju. I to smo dobili sada podatak da je bio zastoju sa nabavkama kapsule iz Južne Afrike, zastoj u produkciji, ne u nabavci, nego u proizvodnji. I trenutno su hospitalizirani pacijenti za snimanje dijagnostičke sintigrafije SAR 131 i to se obavlja, a isporuka i pojačan rad se očekuje sljedeće dvije sedmice, od 21. su sa pojačanim radom da se nadoknade pacijenti koji nisu primili sada terapiju. Doći do isporuke tih kapsula sa pojačanom dozom joda i terapije će pružiti svim pacijentima. Zastupnik Bandić inicijative za ambulantu u Velišićima i ambulate Ciglane nisu završene, mi smo to prosljedili Domu zdravlja i pričali i prosljedili. I naravno, u skladu sa mogućnostima probat će oni to kada budemo imali dovoljno kadra da to popune.

Još jedna inicijativa je bila nije sad spomenuo, prošli put sa prošle sjednice o psihološkoj pomoći, telefonu za stalnu psihološku pomoć, i na tome radimo i vjerovatno ćemo zajednički neki sastanak. Poslali smo svim relevantnim institucijama da nam daju svoje mišljenje i prijedloge kako da to realizujemo. Pozvat ćemo ga na neki zajednički sastanak da tu inicijativu sprovedemo. Ja nemam više pitanja i inicijativa. Hvala.

Elvedin Okerić (predsjedavajući)

Ministar finansija, Afan Kalamujić se javio za riječ.

Afan Kalamujić (ministar)

Zahvaljujem predsjedavajući. Evo pozdravljam sve uvažene zastupnike, zastupnice, kao građane i građanke koji nas gledaju ispred malih ekrana. Prvo pitanje je bilo uvaženog zastupnika Faruka Kapidžića vezano za stanje sredstava po računima. Znači, negdje na današnji dan to je bilo cirka 105 000 000 maraka po osnovu kreditnih sredstava, 117 000 000 maraka namjenskih sredstava i negdje cirka -10 000 000 na redovnom računu uslijed usporenih priliva od PDV-a, te da smo imali u prethodnim danima plate, socijalna davanja, te boračke naknade. Što se tiče drugog dijela pitanja u pogledu neplaćenih računa, oni variraju između 15 i 20 000 000. Kažem promjenjivo zato što svaki dan imamo određena plaćanja, te nove unose od strane budžetskih korisnika, tu prije svega radimo na valutnom usklađivanju sistemski prema budžetskim korisnicima, s obzirom da zbog neujednačene prakse imamo određenih i tu izazova. I, ovo bi trebalo jednim dijelom unaprijediti tu situaciju. Drugo je bilo vezano za Upravni odbor ViK-a i za Projekat Vodovod Sarajevo. Ovo će biti i po zahtjevu odgovoreno pisano, s obzirom da trebamo pregledati zbog datuma i rokova sve sjednice Upravnog odbora. Treće pitanje bilo od uvaženog zastupnika Mahira Devića vezano za regres. Dakle, po dogovoru u Vladi, isti bi trebao biti isplaćen prema jeseni, a detaljnije i preciznije informacije će po dogovoru komunicirati kabinet premijera. Hvala.

Elvedin Okerić (predsjedavajući)

Zahvaljujemo se ministrima i premijeru. Poslovnička intervencija zastupnik Mahir Dević.

Mahir Dević (zastupnik)

Hvala predsjedavajući. Član 12. Prava i dužnosti zastupnika, nisam dobio odgovor od premijera koji je, evo, napustio sjednicu ponovo prije nego što mi je dao odgovor, znači tražio sam usmeno da mi se odgovori zašto nije proglašen dan žalosti u Kantonu Sarajevo, a shodno inicijativi koja je dostavljena od strane Općinskog vijeća Vogošća i načelnika Općine Vogošća, 4. jula, kada je izvršen ponovni ukop nakon završene reekshumacije 11 ubijenih na svirep način stanovnika vogošćanskog naselja Tihovići. To je bilo jedno pitanje. I drugo je bilo pitanje zašto niko od predstavnika Vlade ili vlasti, razumijem da je možda premijer bio zauzet, nije bio prisutan, koliko sam ja informisan na toj dženazi? Tražio sam usmeni odgovor, premijer je evo upravo ponovo izašao, na koji način sada da vi predsjedavajući osigurate moja prava i dužnosti kao zastupnika da dobijem odgovor na to pitanje.

Elvedin Okerić (predsjedavajući)

U skladu sa Poslovnikom Skupštine Kantona Sarajevo, koji predviđa da ćete dobiti odgovor pismenim putem onako kako vam je premijer kazao.

Mahir Dević (zastupnik)

Ja sam tražio usmeni.

Elvedin Okerić (predsjedavajući)

Ali vam je premijer kazao da će vam dostaviti pismenim putem ukoliko je spriječen da vam kaže usmeno...

Mahir Dević (zastupnik)

Nije. Premijer je kazao da će na inicijative odgovoriti.

Elvedin Okerić (predsjedavajući)

...Dobit ćete pismeno, tako da neće biti vaše pravo povrijeđeno, dobiti ćete odgovor pismenim putem.

Mahir Dević (zastupnik)

Znači vi garantujete do naredne sjednice da ću dobiti odgovor? Hvala.

Elvedin Okerić (predsjedavajući)

Ja samo ponavljam ono što je premijer kazao da će dostaviti sve odgovore pismenim putem.

Prelazimo na tačku dva s obzirom da smo iscrpili poslovničke mogućnosti na tački 1. Pitanja i inicijative

Tačka dva glasi

AD- 2.

Prijedlog Zakona o izmjenama i dopuni Zakona o visokom obrazovanju- skraćeni postupak

Materijal ste dobili uz poziv za sjednicu. Zamolio bih predstavnika predlagача da ukratko podnese uvodne napomene. Ministrica Darja Softić-Kadenić. Izvolite, imate riječ.

Darja Softić-Kadenić (ministrica)

Hvala lijepa još jednom. Ministarstvo za obrazovanje, visoko obrazovanje, nauku i mlade je pristupilo izradi ovih izmjena i dopuna Zakona o visokom obrazovanju na nekoliko inicijativa podnesenih od strane zastupnika u ovoj Skupštini, ali i trećih lica, prvenstveno, Klub SDP-a je inicirao izmjene, pozivajući se na činjenicu da je ova Skupština već 2 puta ad hoc usvajala odluke o oslobađanju troškova školarine studenata Univerziteta u Sarajevu zbog nedovoljno precizno formuliranog člana 31., čija primjena je u praksi prouzrokovala probleme. Nekoliko fakulteta je s tim u vezi zahtijevalo instrukcije o primjeni ovog člana. Druga inicijativa, također iz skupštinskih klupa, podnesena od strane zastupnica Viteškić, Pekić i Kapo, se odnosila na produženje roka za završetak studija po predbolonjskom režimu, pošto je u važećem Zakonu taj rok određen do 30.09.2025. uz prijedlog da se ovim studentima dozvoli da okončaju u svojoj započeti studij zaključno sa 30.09.2028. godine, a čime je ovim izmjenama udovoljeno. Treća izmjena se desila na inicijativu Univerziteta u Sarajevu sa uvođenjem člana 172. a) kojom se definiše da prilikom donošenja normativa i standarda za obavljanje djelatnosti visokog obrazovanja uvodi se obaveza da u tijelu koje donosi i tumači normative i standarde učestvuju i predstavnici samih visokoškolskih ustanova. Dakle, upravo ove tri inicijative prate i ove tri donesene izmjene, preciziranje načina određivanja studenata koji ostvaruju pravo da budu oslobođeni od školarine, te uređenje načina donošenja normativa i standarda i produženje roka za predbolonjce.

Elvedin Okerić (predsjedavajući)

Zahvaljujem se uvaženoj ministrici. Za riječ se javio zastupnik, otvaram raspravu i dajem riječ Damiru Marjanoviću. Izvolite, imate, riječ.

Damir Marjanović (zastupnik)

Zahvaljujem predsjedavajući. Zahvaljujem v.d. ministrici koja je prezentirala pripremljeni materijal iz Ministarstva za visoko obrazovanje, nauku i mlade. Nekako je dobro kada se sve dešava u ciklusima, neko moje prvo zvanično izlaganje, a osvrnut ću se i na zakon, pa dozvolit ćete mi ovih desetak minuta. Neko moje prvo zvanično izlaganje u ovome časnome domu bilo je 2012. godine kada sam branio Zakon o visokom obrazovanju, te 2012. godine, a evo nekako ovo zadnje izlaganje zvanično u ovom istom domu, moje završit će se opet sa izmjenama tog Zakona o visokom obrazovanju. Moram primijetiti da ove izmjene nekako najmirnije prolaze

od svih ovih dosada koje su bile, sjećam se, te 2012. godine, upravo zbog Zakona o visoko obrazovanju i zbog onoga što se dešavalo na Univerzitetu sa izborom rektora, čini mi se da su se čak i Vlade mijenjale, sačekao nas je neki vrući krumpir i u pripremi ovoga izlaganja sam malo pročitao neke i svoje izjave i neke tendencije iz te 2013. i '14. godine i mogu reći da ovaj proces, ja ću navesti popravljjanje visokog obrazovanja u Kantonu Sarajevo, u proteklih 12 godina, definitivno nije revolucija, ali ima nekih evolutivnih pomaka. Te 2012. godine, ne znam koliko ćete se sjetiti, imali smo na svakome fakultetu Upravni odbor. U Upravnom odboru je bila većina izvan Univerziteta i bila je jako upitna autonomija akademska, tada. Te 2012. godine na Univerzitetu se nisu primale plate i Budžet Kantona Sarajevo nije financirao Univerzitet kao sve ostale institucije kantonalne, ako smijem tako reći iz budžeta, nego je bilo sa Granta, pa su se malo, čak i kršili neki zakoni da bi se plate isplatile koliko-toliko, a kasnilo se, čini mi se, po dva mjeseca, u tim platama. Plate su bile daleko, daleko ispod prosjeka plata u okolnim zemljama, barem za univerzitetske uposlenike i izdvajanja za nauku koja su mene kao ministra tada sačekala bila su, čini mi se, do 200 ili 300 000 maraka i bila su već potrošena negdje u šestom, sedmom mjesecu. Sa tim prvim zakonom napravili smo momenat u kojem su fakulteti, moment ka integracije Univerziteta i u kojem smo smanjili dosta troškova na taj politički kontroling, ako smijem reći, ukinuli smo upravne odbore pojedinih fakulteta, pa smo doveli do toga da imamo jedan Upravni odbor Univerziteta, pa smo otprilike izjednačili, još uvijek je tada politika, držala riječ, pa smo otprilike izjednačili i približili utjecaj akademske zajednice na svoj rad sa onim po broju članova Upravnog odbora sa onim što mu je politika diktirala, pa je dolazilo do nekih laganih napredaka, pa je dolazilo do toga da uskoro u tom Upravnom odboru preovladava akademska zajednica, pa je došlo do prvoga sindikalnog ugovora, pa drugoga sindikalnog ugovora, pa je došlo do naglog povećanja plata, pa je došlo do toga da Kanton Sarajevo trenutno izdvaja 4,5 do 5 miliona maraka za samo naučna istraživanja, a mislim da Univerzitet u Sarajevu konzumira otprilike oko 80 odsto tog novca, pored onih svih plata, pa je došlo do toga da se i povećao broj uposlenih, pa su projekti za Zlatne značke korišteni, pa su se i zapošljavale Zlatni značke. Dosta toga se dešavalo, normalno da je moglo mnogo bolje. Ove sada izmjene je pripremila profesorica Mesihović i oni su na tragu onoga što je profesorica Mesihović kroz svoju politiku započela i one su na tragu onoga što je obećano, između ostaloga, normalno pripremila je profesoricu Mesihović u suradnji i uz konzultacije sa pojedinim skupštinskim zastupnicima i odličnim inicijativama koje su dolazile, ali između ostaloga i sa iskustvom koje smo imali prošli put na jednoj sjednici kada je digla se i kuka i motika, kada je profesorica Mesihović primijetila da neki dokumenti nisu bili usklađeni sa zakonom i kada je inzistirala da se dobra rješenja usklade sa zakonom, kada su mnogi tvrdili da se na taj način ograničava neka akademska sloboda, da se želi ukinuti neko pravo studentima i gle čuda, znači upravo godinu dana poslije, kroz zakonski put je dobro rješenje i Statutom Univerziteta Sarajevo dobro rješenje za studente stavljeno u zakon i ozakonjeno je ono što ide u korist studentima. Nadam se dobrim studentima jer ja, koliko čitam ovaj član, govorim o tome da će najbolji studenti biti financirani od strane Univerziteta u Sarajevu i da će oni koji zasluže biti redovni, a oni koji izgube to pravo, koliko ja shvatam, polako će postajati samofinansirajući i boriti će se ljudi. To je sasvim normalno, to je sasvim OK. Ima ovdje jedan jako zanimljiv član u ovoj cijeloj priči, a to je bila priča i član vezano za određivanje normi, između ostalog određivanje pravila igre po pitanju napredovanja, to je ovaj član 172., ako ste to obratili pažnju. Sjetit ću se neke moje kolege odavde, te 2021. godine jedan fenomenalan zakon, mislim da je '21 godina bila ili 22. nemojte mi zamjeriti, tad je bila ministrica Melika Husić-Mehmedović, jedan odličan Zakon koji je ocijenjen kao najbolji zakon u ovome prostoru od čovjeka koji je upravljao Agencijom za akreditaciju univerziteta u Europi, znači, nekadašnji direktor Menke je pao samo zato što su se profesori koji nisu mogli da ispune uvjete napredovanja se zabrinuli za svoje pozicije i jako su izlobirali da taj zakon padne. Normalno, izgovori su bili različite, te favoriziraju se drugi univerziteti, te ne želi se, narušava se

autonomija. Ne, da se razumijemo, odgovornost za padanje tog zakona je na onima koji su se očigledno uplašili da neće moći napredovati po neki malo strožim uvjetima. E sad, gledajte što se desilo sa ovom izmjenom zakona i ovo govorim zbog javnosti jer sada imate Univerzitet na kojem rade najjači naš bosansko-hercegovački Univerzitet, koji mora biti najjači, koji se brani i izvana i iznutra, sa financiranjem koje Kanton daje, odbranio se izvana, sa financiranjem koje se daje za nauku odbranio se izvana, sa mladim ljudima koji su unutra, odlični, fenomenalni, koji pišu europske projekte koje napadaju, brani se iznutra, ali sad ima jedna nova dimenzija. Ta nova dimenzija je da je sada sve u rukama akademske zajednice. Sa članom 172. a) između ostaloga koliko vidite, da, Ministarstvo je to koje odrađuju komisiju, ali u Komisiji, između ostaloga će biti članovi akademske zajednice i oni će određivati pravila napredovanja i oni će odrediti da li će minimalni zakonski kriteriji koji su na nivou, u stvari koji su ispod svakoga nivoa, da se ne lažemo, za napredovanje, da li će se postrožiti i kako će se postrožiti? I to je jako bitno. Danas kada otvorite Šangajsku listu, naići ćete na trenutno imate 2 univerziteta iz Srbije, 1 univerzitet iz Hrvatske, kada malo prosurfate u proteklih par godina, 4 Univerziteta iz Srbije i 3 univerziteta iz Hrvatske su na toj Šangajskoj listi se pojavljivala, da li kao univerziteti ili kao pojedine članice njihove afilijacije. Znae što tzn.? Tzn. da Univerzitet u Beogradu i Zagrebu, što smo očekivali, ali Univerzitet u Splitu, Univerzitet u Kragujevcu, u Nišu, u Rijeci i u Puli su imali priliku da se dotaknu te famozne Šangajske liste. A znate zašto? Šangajska lista je exelentnost? Šangajska lista prikazuje koliko vrijedi jedan univerzitet. On vrijedi koliko vrijede ljudi koji predaju na jednom univerzitetu, to govorim za sve univerzitete ne govorim samo za UNSA, nego sve u Bosni i Hercegovini. Da bi vi postali, recimo, docent na jednom od ovih fakulteta i univerziteta na Šangajskoj listi, morate, recimo, objaviti nekih 9 radova, i to ne u onim bazama podataka koje vi samoproglasite, nego u vodećim bazama podataka. I znate šta je zanimljivo? Prilikom kreiranja tih stvari, tih pravila, akademska zajednica je insistirala da se postrože ti kriteriji. Zakoni u susjednim zemljama su poprilično liberalno to postavili, a Rektorski zborovi i članovi akademske zajednice kreiraju kriterije i traže ekselentnost jer ekselentnost znači kvalitet, jer kvalitet znači broj studenata. Univerzitet u Beogradu, Univerzitet u Zagrebu proteklih par godina nije izgubio broj studenata, iako oni isto imaju depopulaciju, očuvao je kvalitetom, privukao je studente iz drugih krajeva da studiraju tu zato što su ljudi kvalitetom htjeli tamo da idu. E, to je sada prilika akademskoj zajednici, stvoreni su uvjeti, ohrabrujem ih, ohrabrujem Ministarstvo, Vladu, sve ove buduće koji budu sudjelovali u tome kreiranju tih pravila igre da daju našoj djeci ono što zaslužuju, to je kvalitetno obrazovanje, jer univerzitetski profesor nije samo onaj koji prenosi znanje, nego koji i kreira znanje. Ja tako tumačim ovaj član 172. , a ove ostale članove normalno, vi ste već naveli tehničkoga su karaktera i imaju smisla, itekako i normalno da ću podržati, ali evo i uputiti ću javnost i reći stvoreni su uvjeti nakon 12 godina...

Elvedin Okerić (predsjedavajući)

Vrijeme kolege Marjanović.

Damir Marjanović (zastupnik)

Evo, dozvolite mi 20 sekundi. Nakon 12 godina su stvarno stvoreni uvjeti da se Univerzitet u Sarajevu i ostali univerziteti koji su na području Kantona Sarajevo, ubace u mnogo jače igre i da postanu kompetitivni na Europskom tržištu. Ministarstvo, Vlada obezjedili su novce, okrenuli su zakone, dali su akademskoj zajednici da upravlja tome, nadam se da će akademska zajednica i mi svi zajedno sa njom, i ja kao član akademske zajednice, početi konačno, nakon dugo vremena da se bavimo studentima i dobrobiti studenata, a ne sami sa sobom. Hvala velika.

Elvedin Okerić (predsjedavajući)

Zastupnik Mahir Dević se javio za riječ.

Mahir Dević (zastupnik)

Hvala. Prvo u nekoliko formalnih zamjerki na proceduru i način kako smo mi došli do ove tačke dnevnog reda, a naravno, nešto ću kazati suštinski. Znači prošlo je više čini mi se od 3 mjeseca kako je ministrica visokog obrazovanja u Kantonu Sarajeva uhapšena pod određenim optužbama koje su joj se stavljale na teret, provela je, čini mi se, u pritvoru, čini mi se, 2, 3 mjeseca. Nakon toga je puštena iz pritvora, i dalje je uposlenica Vlade Kantona Sarajevo, protiv koje Komisija za izbor i imenovanja vodi određenu vrstu disciplinskog postupka na prijedlog premijera Kantona Sarajevo. Na toj komisiji, čiji sam i ja član, ako sam dobro informisan, vi ste produžili tu suspenziju ministrici, ja nisam bio prisutan na toj sjednici Komisije, naravno da bih glasao protiv jednog takvog rješenja, kao i protiv onih prethodnih znači jer ste Komisiju za izbor imenovanja pretvorili u nešto što njoj ne pripada, a ta ministrica nema, koliko ja imam informacije, formalnu sudsku zabranu za obavljanje posla za koji je izabrana ovdje u Skupštini KS, ako sam dobro, naravno, informisanja. I danas nam, naravno, ministrica pravde, koja je zaista u jednom opravdanom momentu, koji je nastao kao splet okolnosti zbog hapšenja, obnašala tu, obnaša tu poziciju i predlaže nam ovu tačku dnevnog reda, naravno po skraćenom postupku. Ja sam zaista s ministricom razgovarao prije ove sjednice, jer ona je jedan od korektnijih ministara u ovoj Vladi Kantona Sarajevo, da ne bude opozicija samo nešto kritikuje, zna nekad i pohvaliti, jer je pokušala na neki način da ipak ostvari komunikaciju i interakciju sa opozicijom, ne ponašajući se bahato, kao rukovodstvo Skupštine Kantona Sarajevo i pokušala je da nam objasni zašto bi bilo važno da damo jednu podršku, da se ovo pitanje, koje zaista jeste u interesu studenata, riješi. Metod i način koji je odabran je jasan, to je skraćeni postupak koji poništava amandmansku fazu, jer, pazite, valja sada otvoriti Zakon o visokom obrazovanju u Skupštini Kantona Sarajevo u amandmansku fazu. Pa to je, naravno, atomska bomba koja bi pala ovdje u Skupštinu Kantona Sarajevo, pa je odabran onda ovaj skraćeni postupak koji bi u suštini trebao da se koristi ukoliko se radi o nekim nomotehničkim izmjenama unutar zakona, nekim gramatičkim greškama, ovo je ipak suštinsko pitanje ministrice koje definiše i precizno određuje određena statusna pitanja studenata. U najmanju ruku, ovdje se morao koristiti hitni postupak, eventualno, ako je htio da se izbjegne redovni, a u suštini, s obzirom da vi gazite sve procedure, ovo je morao biti redovan postupak u Skupštini Kantona Sarajevo. Ali evo, bez obzira na sve, intencija je na neki način prihvaćena i od strane studenata. I jasno mi je šta je ministrica htjela da uradi, mi možemo dati neku vrstu podrške jednoj ovakvoj izmjeni zakona, uzimajući u obzir šta je bio nijet, a cilj na koji način se do njega došlo nije baš pravno održiv, jer mi pokušavamo da se držimo određenih principa itd. Iako smatramo da je ovaj član kojeg mijenjate nije na najadekvatniji način i najpreciznije, čini mi se, formulisan i riješen. Vjerovatno će to nama vrijeme koje je pred nama ovaj pokazati, ali je sigurno pomak da se definiše, da se kaže ko su ti studenti koji mogu konzumirati takvu vrstu prava, a da ne bi sada to ostalo negdje, ovaj što kažu u nekom zamagljenom prostoru mi možemo dati, naravno, ja sam na neki način kao predsjednik kluba i obećao da ćemo dati podršku koja u konkretnoj situaciji se tiče, evo interesa studenata. Razumijem i ulogu ministrice koja je u stvari ministrica pravde, ali koristim i ovu govornicu da za vas isto apelujem da se ponašamo ozbiljno. Gospodo, vi ste vlast. Znači, ako imate ministricu koja nema sudske zabrane da obavlja svoj posao, imate dvije opcije ili vratite tu ženu na posao i politički stanite i za njeni postupaka za koje se ona tereti ili pod B. Predložite izmjenu ministra, bez obzira što o tome misli kolega Damir Marijanović, jer ovo što vi radite u Skupštini, to je cirkus. Znači nama danas zakon predlaže ministrica, koja je ministrica nad ministricom, bez određenih sudskih zabrana i naredbi. Prema tome, apelujem na vas, dat ćemo podršku ovome jer je u interesu i studenata i da se nešto pomakne, da ne bude opozicija, kako se naziva, uvijek nešto kao destruktivna. Znače, neki zastupnici nauče jednu, dvije, tri fraze pa ih stalno ponavljaju zadnja četiri mandata u Skupštini, evo da ne bude da je to barem djelimično tačno, ali od vas očekujemo razrješenje ove situacije. Znači, ne može Kanton Sarajevo u ovakvoj pravnoj

situaciji se biti u kojoj vi nas uvodite. Ovo je zadnja stvar za koju će vam Klub SDA dati podršku dok ne razriješite pitanje ministra visokog obrazovanja. Dali smo riječ, dao sam ja kao predsjednik kluba, da ćemo podršku ovome, ali više nijednu stvar dok ovo pitanje unutar Vlade pravno ne razriješite, preuzmete odgovornost, stanete iza tih postupaka ili odaberete novog ministra, nećete dobiti od nas podršku za ovakve obmane javnosti. Znači, ovo treba već mjesecima, nije u pitanju dan, ni 5 dana, ni 7 dana, već se radi o mjesecima. Mi smatramo da Ministarstvo za visoko obrazovanje, bez obzira na vaše partikularne i lične, eventualno interese koje imate u okviru ove vlasti, ne može biti talac takvih stvari. Vi ste Kanton i uništili zato što se tako ponašate prema javnim resursima, javnim dobrima, preduzećima itd. Znači, posljednja stvar za koju ću vam dati podršku u okviru ovog resora, dok ne razriješite ovo prethodno pitanje ko je ministar visokog obrazovanja u Kantonu Sarajevo. Hvala.

Elvedin Okerić (predsjedavajući)

Replika kolegi Deviću. Odgovor istinom na stalno dezavuisanje kolege Devića, javnosti. Kolega Dević je opet potvrdio da ne dolazi na sjednice stalnih radnih tijela Skupštine Kantona Sarajevo, kao što je Komisija za izbor i imenovanja. To je tijelo gdje se zastupnici pravovremeno informišu, a ne ovako kao što ste vi loše informisani. Zatim razmatraju pristigle materijale i donose odluke u skladu sa zakonskim i podzakonskim propisima. Vi ne dolazite naravno na te sjednice, a onda, čim vam se ukaže prilika da negdje kamera snima, iskoristite koji minut populizma kako bi obezvrijedili rad stalnih radni, tijela, rukovodstva Skupštine, skupštinske većine, rad Vlade, ministara. Istina je da vi ne dolazite i istina je da se vi pravovremeno ne informišete, istina je da vi ne učestvujete u razmatranju pristiglih materijala i istina je da vi ne učestvujete u donošenju odluka već svojim postupcima na svaki način želite da obezvrijedite rad zakonodavne i izvršne vlasti i naravno da umanjite, umanjite proceduru poslovničku koja je provedena. Znači, kolega Deviću, po ko zna koji put loše ste informisani, dolazite na stalna radna tijela i pravovremeno se informišite kako bi mogli da govorite istinu kada koristite poslovničku mogućnost i diskutujete u Skupštini Kantona Sarajevo.

Zastupnica Belma Kapo. Niste se prijavili, a dao sam riječ prije. S obzirom da se, zamolio bih službu da ipak da kolegi Deviću mogućnost da odgovori na repliku, pa onda zastupnica Belma Kapo. Izvolite, imate riječ?

Mahir Dević (zastupnik)

Hvala. Naravno, odgovor na repliku. U suštini ja najvećem dijelu komisija prisustvujem i Komisija za izbor i imenovanja ako bi ste uzeli zapisnik vidjeli biste da sam tamo u većini slučajeva. Međutim, do te mjere je besmisleno bilo gdje prisustvovati gdje ste vi predsjedavajući, da, zaista to čovjeku vrijeda inteligenciju, jer znate kako je slušati čovjeka koji je naučio četiri fraze: populizam, populist, najdestruktivnija opozicija, možete nas usporiti, ali nas nećete zaustaviti. Znači kako je to nama slušati kada vi to stalno, te četiri rečenice ponavljate, ponekad počnete i zamuckivati kada ih ponavljate i morate shvatiti da mi postoje ljudi koji drže do svog digniteta i ne žele da učestvuju u cirkusku kojeg vi napravite, ovo „cirkus“ pod navodnim znacima. Znači vi ste na prvoj tački dnevnog reda pregazili bukvalno mišljenje Zakonodavno pravne komisije, koja je jedina poslovnički postavljena da može ...

Elvedin Okerić (predsjedavajući)

Vrijeme kolega Deviću. Ovako govori populist, destruktivac, kolega Dević, dokazani, koji nema argumenata, na ovo što sam ja kazao, ali konstantno ima potrebu da vikom i galamom nadomjesti argumente koje nema destruktivac i populist, dokazani i vjerujem da ćemo do kraja ovog mandata neku plaketu dodijeliti u Skupštini Kantona Sarajevo kolegi Bandiću koji šapće kolegi Deviću šta da kaže i kolegi Deviću, najvećim destruktivcima i populistima u Skupštini

Kantona Sarajevo. Kolega Kapo, odnosno kolegice Kapo, izvolite, imate riječ. Evo nakon kolegice.

Belma Kapo (zastupnica)

Hvala.

Elvedin Okerić (predsjedavajući)

Kolegice Kapo, izvolite, imate riječ. Zato što smo prije dali riječ kolegici Kapo, može. Nakon što završi, onda će dobiti riječ kolega Bandić.

Belma Kapo (zastupnica)

Mogu li vas stvarno zamoliti da se ponašamo ozbiljno kako je dolikuje zastupnicama i zastupnicima u Skupštini Kantona Sarajevo. Nemojte, molim vas, dobacivati, ja šutim i slušam vas kada govorite, evo ako vas mogu zamoliti, samo da malo spustite tenzije. Nema razloga za tenzijama. Ja želim da se zahvalim Ministarstvu nauke, visokog obrazovanja i mladih Kantona Sarajevo i Vladi Kantona Sarajevo, što je uvažila inicijativu mene i zastupnice Pekić vezano za izmjene ovog Zakona kojim smo omogućili i dali još jednu šansu ljudima koji su neki skoro pred odbranom doktorata, pred odbranom magisterija ili pred završetkom svog studija. Tačno je da jako dugo neki od njih studiraju, ali isto tako nisu svi imali priliku u životu da se bave samo studiranjem. Neki su ljudi morali da rade i da na taj način stječu uopće životnu egzistenciju da bi mogli završiti svoje školovanje. Tako da još jednom želim da se zahvalim svima koji su učestvovali u ovom dobrom rješenju kako bismo omogućili našem društvu, evo da imamo još više akademski obrazovanog kadra, a želim da podsjetim ovom prilikom studente, magistrante, doktorante, ono što su obećali meni i zastupnici Pekić, da će završiti svoje započete studije u ovom roku, koji je, evo, Vlada Kantona Sarajevo produžila, ne daju samo političari obećanja i oni su nama dali obećanje da će završiti započete studije u ovom roku. Pa bilo bi sjajno zaista da svih njih 1500, koliko ih ukupno ima, prema podacima koji su nama dostavljeni, pridruže se akademskoj zajednici. Hvala.

Elvedin Okerić (predsjedavajući)

Poslovnička intervencija zastupnik Bandić. Pa onda nastavljamo dalje sa prijavljenim. Izvolite, kolega Bandiću, imate riječ.

Muamer Bandić (zastupnik)

Dakle, vi imate Poslovnik i ukoliko se služite tim Poslovnikom, nećemo doći u situaciju da jedni drugi vrijeđamo ovdje, ali vi konstantno radite mimo Poslovnika. Čist primjer je bio sada ovaj. Dakle, ako niste u stanju za 10 godina da naučite 240 članova Poslovnika, onda je to vaš problem, ali nemojte nas vrijeđati na način, dakle, da nas nazivate, ne znam, nekim populstima. Dakle, vidite, ovo je zakonodavno tijelo, ovdje se sučeljavaju mišljenja i politike i mi imamo pravo, da li je ono ispravno ili nije. Ne možete nam ga vi onemogućavati, vi nemate pravo da cijenite da li je to ispravno ili nije. I nemojte to da radite, stalno da nas vrijeđate nekim svojim. Dakle, ovo nivo predsjedavajućeg koji vi sada održavate ovdje. Dakle, zaista ovo nije ni za mjesne zajednice, a ne za jedno najviše zakonodavno tijelo u Kantonu. Ja vas molim, dakle, posebno ističem da nas ne trebate vrijeđati, mi iznosimo svoje mišljenje, vi ćete to mišljenje preglasati, to je u redu poslovnički dozvoljeno, mi ćemo vidjeti na Ustavnom sudu, da li imamo mogućnost da pokrenemo neku inicijativu i zahtjev. I na kraju ćemo utvrditi ko je bio u pravu. Ja sam bio napravio, dakle, inicijativu, odnosno amandman na ovaj zakon, ali ministrica je bilo korektno i nisam želio ustvari da vidim na Ustavnom sudu, to ćemo uraditi neki drugi put, da li zaista postoji mogućnost amandmanskog djelovanja. Okolnost da je ona bila korektna u svemu ovom i Vlada nismo htjeli, imali smo dogovor, ispoštovati ćemo dogovor, a vi na temelju svega ovoga što sam ja rekao nas još počnete vrijeđati. Dakle, mi smo neko ko će

podržati ovu, ovaj Zakon i postupak i vi onda date sebi za pravo da nas vi cijenite, ne znam na neki način da smo mi populist, jesmo mi destruktivci ili ne znam šta još. Ja vas zaista molim, evo ljubazno vas molim da to više ne radite. Ipak, svi smo dobili povjerenje građana i trebamo držati neki nivo i ukoliko prijedemo, mi granicu, dakle, zaista upozorite nas, skrenite nam pažnju, nije nikakav problem da se izvinemo ukoliko smo nešto uradili, ali ako Skupštinu Kantona Sarajevo neko posmatra i vidi na kojem nivou mi obavljamo naše diskusije, dakle, zaista je to poražavajući.

Elvedin Okerić (predsjedavajući)

Vrijeme kolega Bandiću.

Muamer Bandić (zastupnik)

Poražavajuće za ovo tijelo. Hvala.

Elvedin Okerić (predsjedavajući)

Kao što vi tražite pravo da imate svoje mišljenje, stav, također, ja kao predsjedavajući, rukovodstvo Skupštine Kantona Sarajevo ima svoje mišljenje i svoj stav i javno ga iznosimo. Ukoliko neko govori neistine, imamo obavezu da argumentima dokažemo da neko govori neistinu i da iznesemo istinu i mi se samo tim rukovodimo i vodimo. Vi kada god imate argumente da rukovodstvo i ja kao predsjedavajući griješim vi me argumentima nadglasajte, a nemojte opstrukcijama, vikom, galamom i ostalim neprihvatljivim metodama opstruiranja rada sjednice Skupštine Kantona Sarajevo.

Zastupnik Faruk Selmanović se javio za riječ, izvolite.

Faruk Selmanović (zastupnik)

Zahvaljujem. Ima tu dosta ovih nekih stvari, ali evo, ja neću učestvovati u tvojoj diskusiji, samo ponekad predsjedavajući morate i vi sebe vidjeti, govorite, iako vam to Poslovníkom nije definisano, pa vas, evo, molim da prije nego krenete svojom diskusijom, ipak se držite Poslovníka. Ja ću početku ove diskusije da pozdravim ovaj Zakon i v.d. ministricu za donošenje ovakvog jednog zakona, odnosno izmjena i dopuna Zakona o visokom obrazovanju iz razloga što je to jedna kategorija koju smo već nekoliko puta do sada, pa hitne neke odluke, pa da vidimo šta se dešava, pa kako ćemo. I uvijek su studenti u nekom stresu. I tamo u obrazloženju koje je nama dostavljeno stoji da se ovaj Zakon o visokom obrazovanju navodi da je cilj donošenje izmjena i dopuna zakona i rješavanja nejasnoća u postojećem, odnosno važećem zakonu. E sad, pošto je ovo u skraćenom postupku nismo baš imali puno prostora za djelovanje, pa ću ja svoju diskusiju iskoristiti kao priliku da predložim ministrici da neke stvari malo dodatno definišemo, da ne bi opet za godinu dana donosili izmjene i dopune, izmjene i dopune zakona. Kada donosimo ovakav važan zakon, vidjeli smo ovdje i izlaganje mojih kolega prije mene, doista je ovo jako bitno. Visoko obrazovanje je za nas, mogu reći posebno bitno, jer mi smo država, Kanton koja nema baš nešto puno prirodnih bogatstava, ali ono čime se mi posebno možemo ponositi jeste naša pamet, jeste naša inovativnost i mi moramo stremiti ka izvrsnosti, da budemo najbolji u onome što radimo. E sad u članu 1. Predložene izmjene člana 31. Zakona kojim se uređuje pitanje oslobađanja od plaćanja školarine studenata, što je za pohvalu. Međutim, na osnovu ostvarenog prosjeka ocjena ulazi 20 % najbolje rangiranih studenata na svakom studijskom programu. Dakle, praktično znači da se oslobađa 20 % studenata po svakom studijskom programu, a različiti fakulteti imaju različit broj studijskih programa. Sad postavljam ovdje pitanje zašto se od mogućnosti oslobađanja plaćanja školarine isključivo isključeni vanredni studenti, kao i studenti koji su po DL modelu studiranja? Zakon predlaže oslobađanje studenata na osnovu prosjeka ocjene koji spadaju u 20 % najbolje rangiranih studenata, a onda u stavu 8) navodi broj studenata koji se po ovom osnovu može osloboditi. Pa jel 20 posto ili je broj studenata? To moramo definisati. Kako je moguće predložiti da se

oslobađa 20 % najbolje rangiranih studenata, a onda pod tačkom a) navede da se oslobađa 1 student, i to onaj koji je prvi na Rang listi, dok se pod tačkom b) predviđa oslobađanje prva 2 studenta sa rang liste 20 najbolji rangiranih studenata. Ako se oslobađa 1 ili samo prva 2 studenta sa rang liste od 20 najboljih studenata, onda to nužno ne znači da se oslobađa 20 % najbolji rangiranih studenata kako se to navodi u Zakonu. 1 ili 2 studenta nužno ne znači procenat od 20 od najbolje rangiranih studenata. Dakle, postavlja se pitanje da li je predložena zakonska odredba jasna i hoćemo li u praksi imati problem sa ovim. Pa dajte prije nego što ovo ode u praksi da ovo ispravimo, da odmah definišemo. Može predlagač. I onda ne definiše prosjek ocjena kao uslov za oslobađanje. Pazite, nije bitno da li student rangiran u 20 % najboljih na nekom studijskom programu, dok prosjek ocjena uopšte nije relevantan. Znači, najbolji može biti i sa šestom, ako nema drugih. Pa vidite da li smo onda uzeli aspekt da svi studijski programi podjednako teški ili nisu teški, pa čak imate između različitih, odnosno na istom fakultetu različitih programskih studije nisu iste težine. Također, poseban problem stavlja zakon u samom zakonu i oslobađanje plaćanja školarine, a studenti iz tzv. boračke populacije; Djeca su šehida, poginulih boraca, dijete ratnih vojnih invalida, djeca dobitnih iz ratnih priznanja, otklanja kao djeca bez oba roditelja, što je za pohvalu, ali koji imaju prijavljeno prebivalište u Kantonu Sarajevo. A vidjeli smo, evo profesora Dr. Marjanovića, koji je kazao da Univerzitetu u regionu privlače studente iz drugih gradova, iz drugih regija. Kako ćemo mi ovdje privući studente? Nemojte da ova bude diskriminirajuća odredba u zakonu. Jer i to su djeca i poginulih boraca i šehida, RVI i oba roditelj i u drugom Kantona, a nemojte onda da imamo fiktivan priliv ljudi koji će se prijaviti godinu dana prije u Kanton Sarajevo da bi osiguralo sebi ovu zakonsku odredbu. Sljedeći je pitanje. Molim? Ali evo ovdje stoji u prebivalištu u Kantonu Sarajevo. Nemojte da ove stvari, ovo što možemo da ispravimo, jer pazite, ovo je nešto što nam je jako bitno. Dajte da ispravimo prije nego što krene u primjenu u praksu i onda ćemo imati puno veći kaos, pa onda nismo ništa dobili. Opet ćemo imati sljedeće godine neku odluku koju ćemo morati nešto da popeglamo. Sljedeće pitanje koje se može u praksi pojaviti kao sporno jeste činjenica da u stavu 6 predlaže se da se plaćanje od skoro školarine oslobađaju redovni samofinansirajući studenti koji su prvi put upisuju u tekuću studijsku godinu. Dakle, ovo praktično znači da ovo pravo neće moći ostvariti student koji u tekuću studiju obnovio godinu i koji je, kao onaj koji ponavlja, ostvario prosjek ocjena na osnovu koji ulazi u 20 % najboljih studenata. U predloženom zakonu u članu 2. Predlaže se da, pored ostalog, i formiranje komisija za tumačenje standarda i normativa za obavljanje visokog obrazovanja na području Kantona Sarajevo. A vidite sad ovo? Ajde možda i dobro što se formira ova komisija, ali je to zabrinjavajući. Kakvi su nam to standardi i normativi kada nam treba komisija koja će nas tumačiti? Nemojte da nam to bude ista ova stvar i sa zakonom, da mora imati neku tamo komisiju, koja će nam tumačiti sam zakon. Dajte da ga definišemo, tako da ono nema problema u primjeni u praksi. U obrazloženju zakona, ali u mišljenju Ministarstva financija, navodi se da za provedbu zakona nisu potrebna dodatna sredstva iz budžeta Kantona, pa kako nisu dodatna sredstva iz budžeta Kantona potrebno kada će to osloboditi studente? Plaćanja školarine znači da će priliv budžeta biti manji, samim tim će se za plate za financiranje samog univerziteta morati naći sredstva negdje u budžetu? Malo je to nejasno. Odakle se onda finansira? Kako se finansira, ako umanjenjem sredstava, odnosno priliva sredstva za financiranje neće, kaže, nema nikakvog financijskog efekta. U član 3. Pored ostalog, predviđa se da student koji je započeo studij po predbolonjskom studiju ima pravo, u skladu sa zakonom, isti okončati po istom sistemu do 30.9.28.godine Naravno, to je za pohvalu. I nisu im stigli da završe u roku iz raznih obaveza. Međutim, jel to u praksi znači da će fakulteti morati za ove studente organizovati i nastavu po predbolonjskom sistemu? Kako se to organizovati? Na koji način? Po kojim krilima? Ja mislim da je to trebalo sve dodatno objasniti. Da ne bi imali opet za godinu, godinu i pol dana. Dajte, produžite nam jer nismo stigli da sve ovo uradimo na

osnovu svega ovoga. Zakon, iako ima dobre namjere i ako je u dobrom pravcu i doista rješava neke probleme s kojim se studenti svake godine susreću.

Elvedin Okerić (predsjedavajući)

Vrijeme, kolega Selmanoviću.

Faruk Selmanović (zastupnik)

Zahvaljujem.

Elvedin Okerić (predsjedavajući)

Zastupnica Marijela Hašimbegović se javila za riječ.

Marijela Hašimbegović (zastupnica)

Zahvaljujem se predsjedavajući. Pa evo u cijelosti bih podržala diskusiju svog kolege Selmanovića i ujedno bi rekla da su ove izmjene zakona koje su nam dostavljene u skupštinsku proceduru jesu korektne, one održavaju volju skupštine i održavaju ono što su potrebe naših studenata. Međutim, zacijelo se uočava jedna potreba da sve ove klauzule budu na neki način još dodatno precizirane kako ne bi došli u situaciju nekog pogrešnog tumačenja. Evo, kao što je kolega Selmanović dao par nekih plastičnih primjera šta se može desiti u primjeni ovih izmjena zakona u narednom periodu, jer ipak želim da podsjetim da svaki zakon, ne samo ovaj, bez obzira radilo se jelo, izmjenama ili novim zakonima, oni treba da sve procese čine prohodnim, zakoni ne trebaju da budu prepreke, zakoni treba da urede određene ovlasti, da nema više dodatnih podpitanja, da nema nekih dodatnih radnji koje će stavljati određene procese u neku sumnju ili u okolnosti, da se na neki način pogrešno tumače, tako da kažem, izmjene jesu korektne, ali su zacijelo trebale imati još dodatna obrazloženja. U jednom je jako drago da smo ipak za određenu populaciju studenata koji su započeli svoje studije, dakle prije bolonjskog procesa, da ćemo im ovim izmjenama zakona ipak omogućiti dati priliku da, vjerujem, okončaju svoje studije do 28. godine. Ja sam imala priliku razgovarati sa grupom studenata koje predstavlja ovih, čini mi se, oko 1.000,5 studenata koji još nisu završili studije po predbolonjskom procesu i vjerujte da su bile potresne potresne priče sa kojima su oni došli, zbog čega su zaista njihovi studiji bili prekinuti. Radilo se to o bolesti roditelja, bolesti djeteta. Kažem, razne su, razne su tu sad okolnosti. Nekako čovjek može da to protumači, da se radi o možda o nekoj indiferentnosti, da možda nisu bili tako dovoljno ažurni. Međutim, vjerujte da su u pitanju vrlo, vrlo specifične okolnosti, ali ja ono što želim pozdraviti, tu je njihova volja i njihova želja i njihova spremnost da završe svoje studije, bez obzira na činjenicu u kojim se godinama nalaze. Evo, ispred kluba Demokratske fronte i mi ćemo podržati ove izmjene zakona i evo, ja se nadam u budućnosti da nećemo imati puno izmjena na izmjene zakona. Hvala lijepo.

Elvedin Okerić (predsjedavajući)

Za riječ se javio zastupnik Haris Zahiragić

Haris Zahiragić (zastupnik)

Zahvaljujem se. Prije svega Zakon o visokom obrazovanju nikada ne bi smio dolaziti u skupštinu u skraćenom postupku, s obzirom da na taj način se onemogućuje rad zastupnika, adekvatne ulaganje amandmana i kroz javnu raspravu, upravljanje drugih rješenja koji se nalaze u ovom zakonu, a ne samo onoga što je predloženo kao izmjene, složiti ćete se da aktualni zakon otkada je usvojen ima mnogo problema, da su se obistinile sve one i naše najave koje smo, kojima smo zapravo upozoravale vlast šta će se desiti ukoliko se ovaj aktualni Zakon tada kao takav usvoji. Drago mi je da je vladajuća većina i Vlada Kantona Sarajevo i ministrica obrazovanja osjetila na jednom ličnom primjeru kakva ovlaštenja je dala rektoru i kako su

zapravo od rektora napravili formalno faraona Univerziteta u Sarajevu, koji ima neograničene nadležnosti, kada da vas je rektor pobijedio sam iako ste se svi udružili protiv njega da preuzmete Univerzitet u izborima za rektora Univerziteta u Sarajevu. I na tome i prošlom i aktuelnom rektoru upućujem najiskrenije čestitke, a prema vama upućujem najozbiljnije podsmijehe kako su vas ljudi vašim rukama u Skupštini Sarajeva u Skupštini Kantona Sarajevo pobijedili. Dalje, kada su teme koje se nalaze u ovom skraćenom postupku ustvari u pitanju, imamo otprilike dvije, evo, ajmo reći i tri teme. Prva tema je produženje roka i za završetak studija studentima koji su prije Bolonje jel upisali fakultet. Čuo sam potresna ustvari svjedočanstva kolegice Kapo kako su mnogi ljudi nisu imali priliku da studiraju, da završe. Ja ću vam pročitati jedan tekst iz medija, citiram iz medija, 2015 godina je u pitanju. „Krajnji rok za završetak studija prema starom predbolonjskom planu je 30 septembar ove godine. S obzirom na to, vjerovatno mnogi studenti neće uspjeti završiti studije, što bi značio polaganje razlike predmeta, poništavanje ispita, povratak na neke niže godine, i nove troškove, što bi tim mladim ljudima koji su bili onemogućeni da završe fakultet iz objektivnih okolnosti, umnogome otežalo životnu situaciju“. To je bilo prije 10 godina, prije 10 godina i nemojte da za 10 godina slušamo iste argumente kao što smo slušali prije 10 godina. Ova se odredba zakona mijenjala, čini mi se peti ili šesti put, ista se ovakva donosi. Tako da mi nemamo šta, sad su obećali jel da će završiti, ma neka završe, hajmo mi staviti odredbu da ljudi koji su prije Bolonje studirali imaju pravo studirati dok god su živi i to je poštenije. Ovo izigravanje sistema, datuma i rokova je ustvari izigravanje, karikiranje i tih ljudi i zakona i institucija, pa ne može Skupština 10 puta produžavati rok. Ja mislim da ga trebamo zauvijek produžiti. Hajmo ukinut uopće rok i reći da ljudi koji su upisali u predbolonjskom sistemu imaju pravo završiti u tom sistemu i riješili smo problem. Evo, zapamtite, nek uđe u zapisnik za 3 godine će ponovno doći isti zahtjev i ponovno će Skupština Kantona Sarajevo usvojiti ga i ponovno će neki zastupnik pokušati pokupiti jeftine političke poene tako što će imati razumijevanja za te, to nisu studenti, to su ljudi svi po 40, 50 godina. I neka završe fakultet i ne trebamo im zabranjivati i ne trebamo ljudima ono što su stekli oduzimati, ne trebamo ni na koji način im stajati na putu, ali hajmo onda staviti odredbu da ljudi koji su upisali po predbolonjskom imaju pravo završiti po predbolonjskom. Neka se akademska zajednica trudi, neka drži te paralelne programe, ja nemam ništa problem s time. Imaju dobre plate, neće im ništa biti, ali nemojmo da produžavamo rokove i stavljamo rokove jer sami sebe ismijavamo, izvirgavamo ruglu. A posebno nemojte da na tome nekim patetičnim diskusijama pokušavamo pokupiti koji jeftini politički poen. Ovo je već 20. put tema u ovoj Skupštini. Kada su u pitanju školarine, drago mi je da je pronađeno rješenje koje nije sretno rješenje koje je ziheraško koje će omogućiti to da Kanton Sarajevo, ne daj Bože, ni na koji način ne potroši koju marku više za troškove studiranja redovnih studenata da bi valjda imali novca za nauku, za neke druge stvari koje ne doprinose nauci u Univerzitetu u Sarajevu, nego financiranjem nekolicine profesora koji pišu te projekte koji usko sarađuju sa ministarstvom i sa Vladom. Dakle, mi smo, evo lično, kada je kolega Marjanović govorio pa i ja ću reći, lično je moja ideja bila da studenti koji su dobri i dobiju šansu, a oni koji nisu dobri da izgube tu šansu, da imaju budžetsko financiranje, također, prije 10 godina, kad sam bio član Komisije za izradu Zakona o visokom obrazovanju kao predsjednik studentskog parlamenta, dakle ova inicijativa dolazi od mene. 10 godina ova nesposobna vlast nije u stanju jednu običnu studentsku inicijativu realizirati na način da to bude i na uštrb loših studenata, a u korist dobri studenata, nego svake godine pravimo farsu od toga. Podsjećam vas sad, šta se dešavalo sa Stomatološkim fakultetom koji je uprkos zakonima, Statutu, odlukama Senata, odlukama Skupštine, odbijao da realizira ono što smo mi ovdje propisali i onda je cijela Skupština bila taocem jednog ili nekolicine ljudi koji evidentno vladaju Kantonom Sarajevo, kojih se Vlada i ministarstva uporno boje i koji su iznad zakona. Nadam se da nakon ovog Zakona neće imati takvu vrstu mogućnosti da to urade. Kada su standardi i normativi dobro je da Univerzitet u Sarajevu će biti zastupljen prilikom formiranja i definisanja

toga. Nadam se da neće ponovno to njihovo učešće služiti samima njima, nego da će ono što je kolega Marjanović rekao i to doprinijeti razvoju Univerziteta u Sarajevu, našeg položaja na međunarodnim relevantnim ljestvicama, ne samo na Šangajskoj, na kojoj nas uopšte nema, što je poprilično velika sramota, nego nas nema ni na jednoj relevantnoj, Webometrics, također padamo iz godine u godinu, imamo loše rezultate tamo iako smo puno novca uložili u naučnu relevantnost, mislim da se taj novac nije vratio nazad ni Univerzitetu u Sarajevu, a samim tim ni Kantonu, ni građanima Kantona Sarajevo, te je pitanje do kada ima smisla ulagati toliko novca u nauku i Univerzitet koji ne isporučuje i ne poručuje rezultate, što znači da mi na neki način smo negdje pogriješili i da negdje i dalje griješimo. I na kraju, iskoristit ću posljednjih pola minute da također kažem da je skandalozno da nemamo ministra visokog obrazovanja, da je ministrica uhapšena, da, nakon toga je puštena, da je i dalje nevina, dakle ja vjerujem u presumpciju nevinosti, da je svako nevin dok se ne dokaže suprotno, a da ne dolazi na posao, da je suspendovana i da je njen posao radi ministrica pravde koja je, ako mene pitate, odlično rješenje za ministra obrazovanja, s obzirom da jedan renomirani akademski radnik, možda najbolje kojeg imate rješenje za to mjesto i generalno među ministrima, ali to ne umanjuje činjenicu da imate ministra koji danas ne dolazi na posao i koji nije u stanju da predloži Skupštini Kantona Sarajevo određeni zakon. Ili smijenite ministricu ili neka se ministrica vrati na posao, ovo što radite je farsa. Hvala.

Elvedin Okerić (predsjedavajući)

Zastupnik Elvis Vreto.

Elvis Vreto (zastupnik)

Hvala predsjedavajući. U ime Kluba tražim pauzu 30 minuta, naravno, ako bude potrebe.

Elvedin Okerić (predsjedavajući)

Evo samo da zaključim raspravu.

S obzirom da nema više prijavljenih i zamolio bih Skupštinu da se izjasni o Prijedlogu za pauzu od sat i po minuta na osnovu prijedloga zastupnika Vrete.

Molim, niste bili prijavljeni kad sam zaključio?

Tek kada ja zaključim, onda vi imate potrebu da se javite. Svakako vam često dajem petnaestak, 20 sekundi vremena, čak i do minut kada probijete vrijeme kako bi vam izbio argumentaciju da ste na neki način podrijeđen u slučaju tako da ću vam, evo, dati ponovo mogućnost, iako sam zaključio raspravu da se obratite izvolite, kolega Bandiću, pa onda pauze.

Muamer Bandić (zastupnik)

Zahvaljujem kolega Okeriću na vašoj velikodušnosti.

Elvedin Okerić (predsjedavajući)

Ništa.

Muamer Bandić (zastupnik)

Nadam se da ovakva velikodušnost će biti prisutna u NiP-u i kada bude SIP-a ovo radila, što već radi, tamo pa budite tako velikodušni, kolega Okeriću.

Elvedin Okerić (predsjedavajući)

Samo vi, držite se tačke dnevnog reda da vam ne bi morao oduzimati riječ kolega Bandiću. Ukoliko budete kršili Poslovnik i biti ću prinuđen da vam oduzmem riječ, a evo, držite se sad tačke dnevnog reda, ako treba, da vam ponovim kako se tačka zove, kako bi znali šta ćete diskutovati, izvolite, imate riječ.

Muamer Bandić (zastupnik)

Zahvaljujem se. Dakle, ja prije svega želim, da istaknem da je ministrica pravde, želim da pohvalim, dakle, cjelokupnu Vladu. Omogućili su nam na neki način jednu vrstu javne rasprave. Ministrica je bar pozvala Klub Stranke za Bosnu i Hercegovinu kada je bila u pitanju donošenje ovog zakona i ona je tražila jednu vrstu podrške, dakle, da, nije amandmanski i na bilo koji drugi način, ne osporavamo kada već zakon uđe u skupštinsku proceduru, već ukoliko imamo neke primjedbe i prigovore da to pokušamo da riješimo, dakle je na tom nekom nivou rasprave koju je ona organizovala i u tom kontekstu zaista želim da istaknem, dakle, sve pohvale. Bez obzira, dakle, što uvijek se, dakle, spotiče nekome od nas da mi to radimo na način neki destruktivni ITD. Ono što jest za nas bitno, dakle, da je ministrica u tom kontekstu prihvatila određene prijedloge koje smo mi uputili, vidim da su čak i prijedlozi bili možda kompatibilni sa nekim drugim klubovima, ali ono što jeste interesantno da je ipak nas dovelo u jednu situaciju koje ne bi trebali da postupamo drugačije, osim onako kako smo se dogovorili. I ove sada prigovore koje je kolega Selmanović iznio na neki način možda smo, bar što se mene tiče, trebali iznijeti u toj raspravi. Sad smo se doveli u situaciju, amandmanski ne možemo djelovati, čak ne može se sada dodatni materijal uvrštavati jer bi nam trebalo dodatno priprema za ovu sjednicu, jel 8 dana, tako da, evo, ne znam, ovi neki njegovi prigovori možda su čak i osnovani, neću ulaziti u to, ali evo, uzimajući u obzir da ministrica ne dolazi iz visokog obrazovanja, odnosno da nije ministar u tom resoru, ja neću komentarisati, dakle, poziciju ove ministrice koja trenutno ne obavlja svoju funkciju, ipak ćemo, dakle, ispoštovati onaj dio dogovora sa ministricom da možemo staviti prigovor u toku javne rasprave koja je ona organizovala i stavili smo mi određene vrste evo, da kažem prijedlog, ona ih je ispoštovala i Klub Stranke za Bosnu i Hercegovinu će prihvatiti ovakav prijedlog i dat će podršku. Zahvaljujem se.

Elvedin Okerić (predsjedavajući)

Zaključujem raspravu. I molim Skupštinu da se izjasni o prijedlogu za pauzu u vremenu od sat i po. Zaključujem glasanje. Za je glasalo 19 zastupnika, protiv i suzdržanih nije bilo. Konstatujem da je prihvaćen prijedlog za pauzu od sat i po. Hvala.

NASTAVAK NAKON PAUZE

Elvedin Okerić (predsjedavajući)

Nastavljamo sa sjednicom Skupštine Kantona Sarajevo.

Raspravu po tački 2. Prijedlog Zakona o izmjenama i dopuni Zakona o visokom obrazovanju po skraćenom postupku smo zaključili.

U skladu sa članom 94. Poslovnika Skupštine Kantona Sarajevo predlažem da se o ovoj tački odmah izjasnimo. Molim zastupnike da se izjasne da li su saglasni da se izjašnjavanje po ovoj tački provede odmah?

Zaključujem glasanje. Za je glasalo 25 zastupnika, protiv ništa, suzdržan 1.

Konstatujem da je Skupština prihvata da se izjašnjenje po ovoj tački provede odmah.

Molim zastupnike da pristupe izjašnjavanju o Prijedlogu Zakona o izmjenama i dopuni Zakona o visokom obrazovanju. Zaključujem glasanje. Za je glasalo 26 zastupnika, protiv i suzdržanih nije bilo.

Konstatujem da je Skupština donijela ovaj Zakon.

Prelazimo na tačku tri.

AD-3. Prijedlog Zakona o izmjenama i dopunama Zakona o sudskim taksama

Materijal ste dobili uz poziv za sjednicu.

Molim predstavnika predlagača, ministra Kalamujića, da podnese uvodne napomene. Izvolite, imate riječ.

Afan Kalamujić (ministar)

Hvala predsjedavajući, evo još jednom da pozdravim sve prisutne. Dakle, napokon su došli u fazu Prijedloga Zakona o izmjenama i dopunama Zakona o sudskim taksama. Pravni osnov za donošenje ovog Zakona je član 18. tačka b) Ustava Kantona Sarajevo. Razlog za donošenje Zakona o izmjenama i dopunama Zakona o sudskim taksama je prije svega ažuriranje procedura i načina plaćanja sudske takse, tako da se taksa sad može vršiti gotovinski, bezgotovinski, ali i elektronskim putem kako bi bili spremni za dalje procese digitalizacije u Kantonu Sarajevo. Ovo će biti dalje regulisano adekvatnijim provedbenim aktima same Vlade i Ministarstva financija u pogledu štampanja, distribucije i prodaje sudske takse. Dalje izmjene se odnose na oslobađanje od plaćanja sudske takse u postupku upisa osnivanja privrednih društava u sudski registar. Dakle, to je nešto novo, a svi koji budu osnivali poduzeća u Kantonu Sarajevo bit će oslobođeni plaćanja sudske takse, a ovo je na inicijativu Udruženja poslodavaca Kantona Sarajevo i Ministarstva privrede Kantona Sarajevo. Također radi bolje naplate taksi, a shodno, evo praksama koje smo do sada primijetili, a u svrhu unapređenja prihoda Kantona Sarajevo, ovim izmjenama i dopunama smo uveli i uspostavili vođenje registra obračunatih sudskih taksi u Kantonu Sarajevo kako bi olakšali i ubrzali proceduru komunikacije između Ministarstva financija, Pravobranilaštva i suda. Do sada se dosta vremena gubilo na to i mislimo da ćemo na ovaj način uštediti i vremena i resursa svim navedenim institucijama. Skupština Kantona Sarajeva na 16. Radnoj sjednici održano dana 28.10.2024 godine utvrdila Nacrt Zakona o izmjenama i dopunama Zakona o sudskim taksama i donijela zaključak da se provede javna rasprava u trajanju od 30 dana. Nakon provedene javne rasprave, Ministarstvo financija je sačinilo izvještaj o rezultatima te javne rasprave, uvažavajući prijedloge i inicijative učesnika u javnoj raspravi. U Prijedlog zakona, odnosno Nacrtu, došlo je do smanjenja sudske takse i to u članu 13. u tarifnom broju 19, taksa za podnesak smanjen je iznos sa 15 KM na 10 KM, te u članu 14 izmijenjena je tarifni broj 21 takse za upis u sudski registar. Iznos sudske takse smanjen, visina takse pardon je vraćen na iznos koji je bio utvrđen izmjenama Zakona o sudskim taksama iz 2016. godine. Također smo uvažili primjedbe i Udruženja poslodavaca koji su istakli da određena povećanja bi trebalo da budu na istom nivou, a u svrhu održavanja povoljnije poslovne klime u Kantonu Sarajevo. I to smo također uvažili u ovom Zakonu. Hvala.

Elvedin Okerić (predsjedavajući)

Zahvaljujemo se uvaženom ministru Kalamujiću. Otvaram raspravu.

Zastupnik Faruk Selmanović se javio za riječ.

Faruk Selmanović (zastupnik)

Zahvaljujem. U ovom vaktu u kojem živimo kada sve poskupljuje, bilo je i za očekivat, obzirom na rupe u budžetu, da će doći do poskupljenja sudskih taksi. Ovaj dio koji se odnosi na elektronsko plaćanje sudskih taksi, to svakako pozdravljamo jer to je neki korak ka digitalizaciji i olakšavanju cijelog poslovanja. Međutim, ono kao što sam i predvidio, bit će ovdje riječi o članu 14 kojim se vrši izmjena tarifnog broja 21, a kojim se reguliše plaćanja taksi prilikom osnivanja privrednih društava, ovdje se takse smanjuju i to je za pohvalu, ali dok istovremeno se sve to kompenzira kroz druge administrativne takse i kroz uvođenje novih. Dakle, cijeli teret povećanja cijene sudskih taksa se prebacuje na teret građana, jer koliko vi

često osnivate neko privredno društvo, a potrebe za sudskim taksama građani Kantona Sarajevo imaju svakodnevno. Ovo se može podvesti pod narodnu mudrost: „Na mostu dobiješ, a na ćupriji izgubiš“, jer opet to građani Kantona plaćati. I onda se dovodi u pitanje šta je sama suština donošenja ovakvog zakona, a to je punjenje polupraznog budžeta Kantona Sarajeva. Sad, ovo je trenutak kada u kojem poskupljuje sve, pa imate električnu energiju, voda, odvoz smeća, grijanje, saobraćaj, sve je opet na teret građana. I sad poskupljenje administrativnih taksi onda se postavlja pitanje dobro, građani Kantona Sarajeva, onda će samo raditi za finansijske namete koja im vlast dadne, a u suštini imat će samo golo preživljavanje. Da li je to tako ili nije, možemo vidjeti kada dođe sve na naplatu i svi će ti poskupljenje da dođu meni se čini u mjesec, dva. Pa ovakva situacija može da podsjeća na onaj period nekad kada se iz historije učili o feudalnom sistemu, kada su oni koji su radili morali sve što zarade da dadnu u svom vlasniku u feudalnog sistema, nekom lokalnom šerifu, a njima ostaje tek toliko za preživljavanje, pa je tako došlo i danas. Brojnim poskupljenjima u Kantonu Sarajevo, pa došlo je red vjerovatno i da se poveća cijena sudskih taksi kako bi građani radili izgleda samo za komunalije i takse. Nakon talasa poskupljenja ne može biti nikakve sumnje da nema senzibiliteta. Ovo je nešto što možda nije bilo vrijeme da se sad uradi, nije bilo vrijeme da se takse povećavaju. Ovaj dio opet koji se odnosi na sama privredna društva, to je potpuno u redu i to pozdravljamo, međutim osnivanje privrednih društva ne vrši se svaki dan, a kakva je situacija u Kantonu Sarajevo pitanje je koliko će biti privrednih društava u narednom periodu? E sad, ono što je u ovom Zakonu izuzetno važno jeste i da je eventualni neposluh građana se ozbiljno sankcioniše, pa ovdje imamo cijeli sistem, počevši od pravomoćnosti suda koji je uveden za te prirodne naplate, pa se prijeti zapljenom imovine građana, što do sada nije bio slučaj, a ovdje se vidi da se radi o namjeri da se potraživanje naplate po svaku cijenu, a ovdje potvrđuje i sama izmjena člana 19. Zakona o sudskim taksama. Dosadašnji član nije predviđao ovakav oblik sankcionisanja građana u slučaju neplaćanja taksa. Međutim, ovim izmjenom zakona predloženim članom 5 mijenja se član 19 te se dodaje novi član 19. a) i mijenja se član 30. Upravo sa ovim članovima propisuje se prinudna naplata taksi, ali doda kazna takse za građane u iznosu od 50 % od ukupnog iznosa dugujuće takse. Ovakav predložena rješenje jasno pokazuju da ovdje imamo isključivo i samo brigu za funkcionisanje budžeta, odnosno punjenje budžetskih rupa i punjenje samog budžeta i otvorena spremnost da kažnjavamo građane. I pazite, za sudsku taksu bukvalno, da imamo skoro pa primjenu sile. Ovaj zakon je samo dio tog represivnog aparata. Moramo imati senzibilnost prema građanima, prema ugroženim, prema onima kojima ovo treba. Sudska taksa bi trebala da bude isključivo taksa za obradu podataka za one fiksne troškove koje imamo prilikom izdavanja određenih potvrda, prilikom obrade određenog predmeta, a ne da budu sredstvo punjenja budžeta u Kantonu Sarajevo. Imamo tolike izvore investicija, obećane investicije imamo danas na dnevnom redu, imamo i raspravu o Agenciji za privlačenje investicija. Kada pogledate oni su samo napravili gubitak. Zašto se preko tih stvari nisu punile budžetske rupe i nedostaci u samom Budžetu Kantona Sarajevo, a ne preko administrativnih taksi, odnosno sudskih taksi. I još se uvode prinudna naplata i dodatne kazne za građane. Pazite, mi ovdje kao izabrani predstavnici građana Kantona Sarajevo moramo imati senzibiliteta prema građanima, pa vas ja pozivam kao skupštinsku većinu, jer evo i na samom početku samog izlaganja ste pokazali da imate ruke i da možete ovo izglasati. Evo, pozivam vas da imamo senzibilitet prema građanima, da ovu izmjenu zakona u ovoj formi ne podržimo, da ne dođe do povećanja sudskih taksi za obične građane, a možda ovaj dio, koji se odnosi na privredna društva, da taj dio podržimo i samu digitalizaciju, što pozdravljamo radi olakšanja čitavog procesa, ali da imamo senzibilitet u trenutku kada sve poskupljuje, kada osnovni životni komunalije, namirnice divljaju, da ne poskupljujemo i ove takse, jer pazite, građani koji vade ove takse, koji plaćaju ove takse to moraju vratiti zbog potrebe, ne iz hira ili zato što eto dosadno im je, nego imaju neki problem ili moraju riješiti nešto, pa dozvolite da budemo dovoljno senzibilni, da im olakšamo tako što im nećemo

povećavati takse, nećemo nametati nove takse i nećemo uvoditi ovako represivne mjere prinudne naplate i dodatne kaznih od 50 % ukoliko ne budu izvršene na vrijeme. Zahvaljujem.

Elvedin Okerić (predsjedavajući)

Zastupnik Jasmin Šaljić se javio za diskusiju. Izvolite, imate riječi.

Jasmin Šaljić (zastupnik)

Hvala. Govorio sam i prilije nekoliko mjeseci kada je ovaj Zakon bio u nacrtu vezano za takse i tada sam skretao pažnju na ovim takse od 5 maraka. To su ovo gdje se rješavaju statutarna pitanja, ZK. U obrazloženju vidim da ste djelomično prihvatili moj prijedlog. U Nacrtu je bilo 15 maraka, evo u Prijedlogu je 10, a po važećem Zakonu je 5 maraka su ove takse koje sam naveo za ZK i statutarna pitanja i djelomično mi je i drago. Prihvatili ste znači, tarifni broj 20 i tarifni broj 21 su isto mišljenje imaju iz Općine Stari Grad, identično kao ja. S tim što oni su još tražili da se ukinu ove takse, baš ove takse od 5 konvertibilnih maraka. Možda ste trebali prihvatiti prijedlog Ministarstva unutrašnjih poslova, oni su imali dobar prijedlog vezano za žalbe. Kada dobijete prekršaj, ako želite sudsko odlučivanje da se žalite, vi, ranije ste morali da uplatite 10 maraka, a sad evo po ovom prijedlogu, 20. Ministarstvo unutrašnjih poslova traži da to bude besplatno do drugostepenog tog okončanja, jel ako stranka bude kriva da plati tih 20 maraka. To ste odbili, trebali ste prihvatiti ovo jer ovo je realno bilo, jer ovo bukvalno tjera ljude da se ne žale, da im se ne isplati da ulože žalbu ili ako je kazna, eno, vidjeli smo, ne znam, 100 maraka, ako imate mogućnost da uplatite pola, to je 50, sada vi idete na naručivanje, sudsko da još uplate 20 i ljudi dignu ruku, prihvate kaznu. Trebali ste ovo prihvatiti. Ovo je sasvim korektno bilo. Dobra stvar je ovdje što za osnivanje privrednih društava i preduzeća bit će ljudi oslobođen taksi. Uspostavljen je i registar i to je dobra stvar. Vjerujte mi u ovoj opštoj, evo što kaže kolega Selmanović, inflaciji, preko taksi ne bi trebalo da ganjamo prihode u budžetu. I prošli sam put rekao, taksa nije porez, taksa je ekvivalent za učinjenu uslugu zakonom propisanim iznosom. Znači da neko planira da ćemo imati treba 2,5 miliona maraka od taksi, nije korektno. Ja se slažem, kao što sam rekao, da inflacija ne možemo dopustiti je li da neko bude u minusu ili da se osjeti to na poslovima na kojima rade, ali, recimo, sud vrši pritisak da se povećaju takse. Ja ne znam zašto, svi su ti ljudi na budžetu. A kao što sam maloprije rekao, taksa je ekvivalent za učinjenu uslugu. Znači ako ona, evo, ponoviti ću šta sam rekao i prije 6 mjeseci. Ako onaj službenik gdje vi stojite i podnesete zahtjev za taksu za statutarna pitanja ili ZK iz računara isprinta nešto što je već arhivirano, izađe ona dva lista, potpiše se, udari pečat, a ne mora nigdje da izađe na teren, da ima dodane troškove, sasvim je korektno bilo da smo ostavili ovu taksu od 5 maraka, ali i 10 je bolje nego 15. Evo toliko, da ne uzimam vrijeme pa mi predsjedavajući negdje zabilježi.

Elvedin Okerić (predsjedavajući)

Zahvaljujem se kolegi Šaljiću. Zastupnik Mahir Dević se javio za riječ.

Mahir Dević (zastupnik)

Hvala. Naravno jedna ovakva izmjena Zakona o sudskim taksama, kojim se u nekoj oblandi pokušava ublažiti u stvari poskupljenje i povećanje taksi ne zaslužuje nikakvu vrstu podrške, pogotovo jer je u konkretnoj situaciji ona neopravdana. Jadna je vlast koja pokušava na sudskim taksama, a naravno sutra i na kaznama u saobraćaju i na sličnim stvarima, da rješava ekonomsko stanje Kantona Sarajevo na koje mi upozoravamo, koje ste vi uništili u ovih 6, 7 godina vaše vlasti. Znači 640 miliona kredita, desetine milijardi konvertibilnih maraka koje ste potrošili i sada je krenuo val poskupljenja. Imamo, evo poskupljenje struje, to je federalna vaša priča, ali to su isti vaši ljudi gore koji su uništili Elektroprivredu, pa imamo sada poskupljenje vode, pa će biti smeća, evo sada taksi itd. Znači, nije ovo slučajno ovako napravljeno. Ovdje je urađena analiza strukture taksi, sudskih taksi koji se plaća više, koji se plaća manje. I onda

se pokušalo na neki način kazati evo, mi smo ispoštovali Udruženje poslodavaca, znate, oni su tražiti da prilikom osnivanja nove firme mi ne plaćamo te takse. Kao da se u Kantonu Sarajevo na godišnjem nivou osnuje 300 000 firmi. A naravno da to nije tako. Sada, evo ja, pitam nas sve zajedno ovdje, da li postoji i jedan građanin Kantona Sarajevo koji u toku ili porodica koja u toku godine barem jednom ne izvadi ZK uložak za rješavanje nekog svog statusnog pitanja? Teško. Neko to radi više puta. E sad, dragi građani, to je prije koštalo 5 konvertibilnih maraka, sada, a što netko Enter udari klik i isprinta vam taj dokument, udari se pečat, sad će vas to koštati deset konvertibilnih maraka. I ovdje je bilo zanimljivo da ste vi napravili strukturu tih taksi, da vidimo mi koliko ćete vi oprihodovati sada od ovoga. Ne, naravno, vi to nama niste dali ni u obrazloženju izmjena zakona, niste dali u uvodnim napomenama, prethodno ste nam, naravno, kroz Poslovnik o radu Skupštine ukinuli postavljanje pitanja da nam odgovorite i kad vam postavimo pitanja, vi nam kažete da ćete to uraditi u pismenoj formi. Naravno, vi to nikada ne uradite i dođemo u stanje u koje smo došli. Pitanje prinudne naplate, to smo čuli da vi već to na neki način najavljujete i kroz ovu komunalnu privredu spram dužnika itd, itd. Međutim, ovo je jedan ozbiljan udar dodatni na džepove građana Kantona Sarajevo, koji u ovom momentu možda ne shvataju što ovo znači, ali će ih ovo dočekati kada krenu prvi put, da izvode ZK uložak, da izvade neku drugu potvrdu, a toga sigurno ima u Kantonu Sarajevu 400.000 ljudi više puta broj tih potvrda, vidjet ćete do kojih ćete stavki doći. Naravno, pretpostavka zašto vi ulazite u ovakvu vrstu priče uz obrazloženje to je, kao, tražio sud. OK, traže i druge budžetske institucije u Kantonu Sarajevo, budžetske zahtjeve prema vama u visini 10 milijardi. Kada pošaljete svima dokument oko okvirnog nacrtu budžeta, svi vam traži milione i milijarde, pa nekom date 2 marke, nekom ne date itd. Sama činjenica da vi sada ulazite i u ovu stvar, naravno na pola godine, jasno govori i nakon izvještaja o punjenju budžeta, evo nakon problema da niste bili u stanju kao prethodnih godina, da budžetskim korisnicima isplatite regres do godišnjih odmora, da ljudi mogu to planirati, ovaj potez dodatno potvrđuje našu sumnju da se vi nalazite u ozbiljnom deficitu i ozbiljnoj dubiozi u koju ste nas uveli. I, naravno, za takvo nešto tražiti ruku od opozicije, da naplaćujete ZK izvadak 10 konvertibilnih maraka, da vam mi glasamo za to, pa, naravno, ne pada nam na pamet da to uradimo jer ne postoji ni jedan ozbiljan razlog zašto bi se to u uradilo. I dobro je kolega Selmanović, čini mi se kazao, to je ono kao mi smo stimulisali privredu kao da ćemo otvoriti 10 000 firmi u Kantonu Sarajevo, a od običnih građana ćemo za svaku potvrdu uzet 10 ili 20 maraka. Ja sebi nekad postavljam pitanje da li ste vi uopće svjesni da bi se neko statusno pitanje bilo kog građana riješilo, bilo na bilo kom nivou, vi ste napravili takvu administraciju u Kantonu Sarajevo, da čovjek ne može običnu stvar riješiti za 100 KM. Potvrda, ovjere dokumenata, taksi itd, itd. E, tako ste vi napravili u Kantonu Sarajevo. Ako vi mislite, gospodo iz trojke, iz vlasti, iz Vlade, da ste vi svrha sami sebi, da ste vi Bogom dati samo da vi imate, da rasipate, da trošite i kada vam nestane, da onda ruke zavučete u džepove građana, ja mislim da je to ponašanje jedne neozbiljne i neodgovorne vlasti. Znači jednu ovakvu izmjenu zakona u ovom momentu, bez ikakvog ozbiljnog obrazloženja. Znači, ovdje ne postoji nikakvo obrazloženje zbog koga bi se trebala podići ruka da se podrži ovakva izmjena Zakona o taksama. Naravno, vama je to nemoguće objasniti i vi ćete vjerojatno to ponovo izglasavati, ali građani će vidjeti posljedice te vlasti koju ste vi ovdje formirali u Kantonu Sarajevo, a stanje će biti sve gore i gore. Nestat će u jednom momentu i taksi i kredita i poskupljenja, a stanje će biti haotično. I vi zbog svoje neodgovornosti to stanje vodite u još gore stanje. Znači ne zaslužujete podršku za ovakvu izmjenu zakona, naravno, Klub SDA neće dati podršku ovome. Hvala.

Elvedin Okerić (predsjedavajući)

Zastupnik Muamer Bandić javio se za riječ.

Muamer Bandić (zastupnik)

Zahvaljujem se, Zakon je prošao javnu raspravu, praktički imali smo mi nacrt u svemu ovome. Ono što jest bitno, ne znam koliko su sada zastupnici još upratili, dakle, ovo je jedan dogovor između suda, pretpostavljam i Vlade i predstavnika, odnosno trojke, i da na neki način smanje sudske troškove jer se povećava advokatska tarifa. Sada praktično imate udvostručenu advokatsku tarifu i jako će biti teško pokrenuti socijalnim kategorijama neku vrstu postupka pred sudom, ali vjerojatno da bi se smanjili nagomilani ti postupci koji se vode i predmeti na sudovima došlo se do tog zaključka ustvari da se na ovaj način umanjiti neki priliv tih tužbenih zahtjeva. Predložene izmjene Zakona o sudskim taksama donose značajne promjene u visini i strukturi naknade, to sam čuo od kolege Devića, koje građani i pravna lica plaćaju u upravnim sudskim postupcima. Iako je razumljivo jer smo vidjeli strukturu u stvari budžeta kad je predlagao da se očekuju prihodi na određenim pozicijama, kao što je prihod od povećanog strukture budžeta u prekršajnim postupcima. I mi smo to već mogli da vidimo da je to neki, čini mi se, projicirano u Ministarstvu unutrašnjih poslova, nešto više od 13 miliona, tako da ova izmjena legislative u svakom slučaju je bila očekivana na ovaj način. Koliko je to pravedno i pravično prema građanima, vidjet će se, naravno, kada, Zakon stupi na snagu jer imamo određene takse koje do sada nisu postojale. Imamo one koje su uvećane, da kažem i za 100 %. Sada imate uspostavu Zemljišno-knjižnog uloška po osnovu elaborata o etažiranju koje košta 10 konvertibilnih maraka. U principu ukoliko pogledamo srazmjer učinjene radnje i ove naplaćene usluge, dakle, to bi bilo zaista jedna banalna radnja, jedan banalan postupak u Zemljišno-knjižnom uredu koji će građani morati ovog puta da plate 10 konvertibilnih maraka. Ako pratimo, dakle, sve izmjene legislative od nivoa Federacije, kako je to već neko rekao u svom izlaganju, onda je za očekivati da je ova neka možemo je nazvati, inflatorna kretanja izazvana, naravno, politikama pogrešnim na višim nivoima vlasti, za očekivati jeste da dođe do promjena, ali nažalost, što je najpogubnije, dakle, i same izmjene ove ne doprinose oslobađanje određenih socijalnih kategorija, više se oslobađaju ustanove socijalne zaštite, npr od ne plaćanja, iako ustanove socijalne zaštite su pravna lica koja se financiraju iz Budžeta Kantona Sarajevo. Bilo bi pravednije da se oslobađaju npr. te takse građani koji imaju status socijalno ugroženih kategorija. Taksa za predbilježbu povećana je sa 10 KM na 25, a zabilježbe sa 10 na 15, što najviše pogađa građane koji vode jednostavne i često nužne postupke upisa u zemljišne knjige. Jedan od tih vam je upis, ne znam, vođenje sporova bilo kojih upravnih ili građanski, upis prava putem tužbe itd. Čak i imat ćete na bračnim parnicama. Nedostatak diferencijacije za socijalno ugrožene, to sam već istakao. Upitna je svrha povećanja prekršajnih taksi, udvostručuje se, dakle, taksa u prekršajnim postupcima sa 10 na 20 konvertibilnih maraka. To više djeluje kao kazneno neko evo kao kaznena odredba, nego kao administrativna, kako se ona u stvari sama predstavlja, ima obeshrabrujući efekat na pravnu zaštitu, čak i na pravo na žalbu, da se u tom kontekstu građani izlažu troškovima. Ono što jeste najpogubnije jeste da se nagomilavaju troškovi u kombinovanim postupcima i u tom slučaju nemamo, dakle, oslobađanje od taksi, što je možda jedan previd evo da kažem u ovom zakonu i trebali bi da ti kombinovani troškovi bar donekle budu ublaženi građanima na neki način da se ne moraju plaćati dvije takse. Građani koji žele etažirati stan, u ovom slučaju izvršiti uknjižbu, provesti zabilježbu, moraju se suočiti sa ukupnim troškovima koji prelaze preko 100 KM, što će pored svih ostalih troškova koji imaju za notara obradu notarske ispravi i u konačnici plaćanja poreza sasvim sigurno utjecati na njihov budžet, ne u pozitivnom smislu. Ukoliko to posmatramo, ove odredbe su, dakle, više, evo da kažem, usmjerene prema punjenju budžeta nego što su ustvari srazmjera stvarne potrebe za nekom radnjom koju će pružiti ustvari službenici koji u konačnici naplaćuju svoju uslugu. Ono što ima određenih stvari jest elektronski način plaćanja za one postupke, to možemo pofaliti koji idu putem preko 50 KM i na taj način, evo, u tom kontekstu mogu da pohvalim intenciju ministarstva. Naravno, veliki broj građana neće moći ovo pravo čak ni iskoristiti, ali evo, radi o pravnim licima, advokatima i onima koji će moći ovo da urade

na neki način. To je jedna od pozitivnih stvari i na tome želim evo, da istaknem kao jednu pozitivnu odredbu. Sama modernizacija, naravno, ide u prilog svima nama, kao što je već poznato da je pokrenuta i od strane Ministarstva pravde digitalizacija i u tom kontekstu, evo mogu da kažem da Ministarstvo financija je na neki način i pratilo te intencije i opredjeljenja Ministarstva pravde. Kada govorimo o proširenju subjekata koji su oslobođeni od plaćanja, dakle, tu je jako bitno naglasiti da bi zaista trebali određene kategorije građana da budu oslobođeni plaćanja ovih taksi. Zbog čega? Jako dosta postupaka imate, koji su, evo da kažem, sporovi male vrijednosti, ne znam tamo utvrđivanja međa, neki postupci koji ustvari su jako prisutni kod nas u Kantonu Sarajevo, generalno u Bosni i Hercegovini i Bosna i Hercegovina je jedna od onih zemalja koja sada ima harmonizaciju propisa iz razloga zato što su imovinsko-pravni odnosi neriješeni, to je jedan hronični nedostatak u Bosni i Hercegovini, pokušava da se prevaziđe nedostatkom pravnog kontinuiteta pravnih poslova koji omogućavaju prijenos prava vlasništva. Okolnost da se sada radi o jednom novom propisu, harmonizaciji, dakle, to ukazuje da ti postupci nisu vođeni na pravi način, da jako veliki broj postupaka imam upravo iz ove nadležnosti. Zato bi bilo dobro da je ovim zakonom propisano, da kažem najosjetljivije kategorije građana budu oslobođeni, bar na neki način od ove takse. Također, ono što jest pozitivno treba istaći da je predviđeno oslobađanje takse za upis osnivanja privrednog društva u sudski registar, što do sada nije bila, dakle, praksa. I tu možemo pohvaliti. I evo da kažem na neki način privrednicima, odnosno onim osobama koje žele da se opredijeli da na neki način svoj poslovni angažman nađu na slobodnom tržištu, u privredi dakle, evo, u tom kontekstu je ministarstvo evo imalo da kažem senzibiliteta. Već sam istakao da ustanove socijalne zaštite ne trebaju biti oslobođene bilo kakve povlastice plaćanja punog iznosa sudskih taksi, jer se radi o ustanovama, institucijama, koje su na Budžetu Kantona Sarajevo, oni sarađuju sa socijalnim kategorijama, te kategorije trebaju biti oslobođene, a nikako ne bi trebali biti oslobođeni dakle, institucije. Dakle, u tom kontekstu Klub Stranke za Bosnu i Hercegovinu, s obzirom da ne vidimo srazmjer između donošenja ovog zakona i stvarnih efektivnih postupaka i radnji od službenika koji ustvari institucija koja će provoditi ove postupke u kojima se mora izdvojiti sudska taksa, mi nećemo podržati ovaj zakon i bit ćemo suzdržani. Hvala.

Elvedin Okerić (predsjedavajući)

Replika zastupnik Mahir Dević.

Mahir Dević (zastupnik)

Naravno, iskoristit ću priliku da se nadovežem na ovu diskusiju kolege Bandića koji je spomenuo ovo pitanje harmonizacije stvarnog stanja na terenu, zemljišnoknjižnih uložaka itd, itd. Možda vas dobar dio koji stanuje u zgradama i u stanovima se nije susretao s ovom vrstom problema kako to izgleda kada imate ZK uložak u kome se vi vodite kao suvlasnik sa 1/300? To praktično znači sljedeće da vam treba jedno 10 000 konvertibilnih maraka i jedno otprilike do desetak godina pravne borbe koju treba neko lošijeg imovnog stanja da provede da bi došao do čistih papira koji su mu potrebni za niz drugih radnji koje treba da rješava u životu. E sada, vi, umjesto da ste u fokus stavili tu situaciju, vi ste ovdje počeli da pravite društvo bogatih, da ćemo imati sljedeću situaciju, da će se liječiti isključivo onaj koji ima para, da će se školovati isključivo onaj ko ima para, da će pravnu zaštitu imati isključivo onaj ko ima novce da plati advokate itd, itd. Vi ste krenuli tim putem, gospodo, bez obzira koliko je vama smiješno, koliko se vi cerekate u ovom momentu dok ja to govorim, ponašate se neozbiljno, ja vam ozbiljno govorim da treba da se stavite u kožu običnih građana koji muku muče sa ovim problemima na terenu. Igrom slučaja pratio sam ove stvari kroz općine pa da vidite kako izgledaju te stvari, da dođete do čiste dokumentaciju, umjesto da ste vi te stvari olakšali, ovo što je kolega Bandić upravo maloprije kazao, da oslobodite ljude, da ih stimulirate, da svi ljudi dođu do čistog imovinsko pravnog stanja koji je preduslov bilo kakvog infrastrukturnog razvoja, naravno, taj infrastrukturni razvoj generiše i ekonomski razvoj, vi se ovdje smijete, cerite se dok mi

diskutujemo o tome iz opozicije. Naravno, glasat ćete za to i vi ćete dodatno napraviti pravni haos i nered u imovinsko pravnim poslovima u Kantonu Sarajevo, evo npr. sa ovakvom izmjenom zakona. Garantujem da ovo sigurno, destimulirajuće, utječe na svakog čovjeka koji krene u ovu pravnu bitku, pravnu bitku primjera radi da riješi samo jedan ZK uložak. Evo, uzmite od uknjižbe koja će sada koštati jel 20, 25 konvertibilni maraka puta broj parcela, puta ovo, puta ono, pa ćete vidjeti kako to izgleda od jednog običnog ugovora koji bude sastavljen od više ZK uložaka, stotine i hiljade konvertibilnih maraka će svakom pojedincu trebati da izvrši samo uknjižbu prometovanja neke nekretnine, zemljišta, bilo čega. Naravno, vama je to smiješno, ali za jedno četiri, pet godina će biti jasno da ćete vi biti upisani, da ste napravili dodatni haos u imovinsko pravnim odnosima u Kantonu Sarajevo. Evo, sa ovakvom izmjenom Zakona. Hvala.

Elvedin Okerić (predsjedavajući)

Odgovor na repliku zastupnik Muamer Bandić.

Muamer Bandić (zastupnik)

Zahvaljujem. Pored činjenice da će se povećati, evo na neki način prihod u Budžetu Kantona Sarajevo i da će to sve morati građani uraditi, nažalost, najozbiljniji prigovor možemo staviti sudovima kada su pitanju u imovinsko-pravni odnosi i ustvari naš nesređen način regulisanja imovinsko-pravnih odnosa, odnosno provođenje pravnih poslova koji za shodno imaju uknjižbu ili promjenu prava vlasništva. Nažalost, sudovi su zauzeli jedan stav da praktično ovaj čak ne odgovaraju ni na tužbe za dosjelost, gdje bi vi sada, na primjer, na neki način advokati bi imali mogućnost da određenu vrstu pravnih poslova riješe vrlo efikasno, što je zakonom dozvoljeno, nažalost, to sudovi ne dozvoljavaju. Ukoliko se radi, ne znam o osobama koje ne žive u Bosni i Hercegovini, ne pronade sa adresa za 30 dana, ne znam odgovora na tužbu, to bi trebalo da prijeđe prijenos prava vlasništva, što oni to dodatno komplikuju. Imate, dakle, onda tu se otvaraju neki novi procesi, za neki ne znam tamo mešetare koji se bave nekim poslovima i po opštinama i po sudovima, onda imate tu, imate, imamo ustvari jedan pravni haos, potpuni. E na sve to, ukoliko ovo što kaže kolega Dević, sada povećavamo ove sudski takse, naravno da će sve više sve manje biti oni koji će se opredijeliti za sud da vode postupke pred sudom, nažalost, to možemo najviše staviti ka prigovor sudu, jer zaista postoji neka tamo praksa koju je čak i Vrhovni sud zauzeo i to je nešto za nepovjerovati, ali to je tako kako je. U principu to možemo više stavljati njima na teret nego, evo, da kažem, ovaj čak i nama, zakonodavnim organima, ne na ovo možda na višim nivou koji donose propise, propis postoji, zakon je vrlo jasan, nažalost, sud taj sam zakon ovaj ne provodi na način kako ustvari ta sama norma i predviđjala jednu vrstu pravičnosti u tom postupku. Hvala.

Elvedin Okerić (predsjedavajući)

Za riječ se javio zastupnik Elvis Vreto.

Elvis Vreto (zastupnik)

Hvala predsjedavajući. Pa evo, ovaj Zakon o sudskim taksama usvojili smo u nacrtu, prošao je javnu raspravu do prijedloga zakona i želim da se zahvalim prije svega ministru financija koji je pripremio ovaj zakonsko prijedlog zakonskog rješenja. Ja ovaj zakon zaista vidim kao jednu vrstu unapređenja postojećeg sistema. S druge strane, po pitanju posebno elektronskog plaćanja i ovih taksi, dalje oslobađanje od plaćanja taksi kod osnivanja firmi, što je sigurno jedan pozitivan segment. S druge strane, što se tiče kaznenih odredbi, koliko vidim, one su tretirane i usklađene sa zakonom na državnom nivou, tako da tu Kanton Sarajevo nije ništa dodatno suštinski mijenjao. Dalje, zaista me određene diskusije i moram da kažem da su potpuno neprincipijelne, Kanton Sarajevo se zadnji odlučio udovoljiti zahtjevima suda po pitanju iznosa ovih taksi koje se spominju po pitanju ovog 5 i 10. Pogledajte Kantone tamo gdje su vlast ovi

što danas govore i kritikuju ovu odredbu, kolike su te takse i da su par Kantona koji su administrativnom linijom povezani sa Kantonom Sarajevo i dijele taj prostor puno ranije povećali sve ove takse i naplaćuju to građanima, a danas se Kantonu Sarajevo, koji se zadnji odlučio na ovaj korak da bi uskladio određena kretanja i sve ono što nosi troškovnik, prigovara kako to radi. I zaista, jedan neprincipijelan pristup političkih stranaka koje čine vlast u drugim Kantonima, koje su mnogo ranije sve ove takse digli na te nivoe na koje su digli, a osporava se Kantonu Sarajevo, zašto usklađuje te stvari. Eto toliko. Hvala predsjedavajući.

Elvedin Okerić (predsjedavajući)

Nema više prijavljenih, zaključujem raspravu.

Poslovničku Davor Čičić, neko je tražio pauzu u ime Kluba petnaestak minuta. Pauza, 15 minuta.

NASTAVAK NAKON PAUZE

Elvedin Okerić (predsjedavajući)

Nastavljamo sa radom sjednice Skupštine Kantona Sarajevo.

U skladu sa članom 94. Poslovnika Skupštine Kantona Sarajevo predlažem da se o ovoj tački odmah izjasnimo. Molim zastupnike da se izjasne da li su saglasni da se izjašnjavanje po ovoj tački provede odmah.

Zaključujem glasanje. Za glasalo 22 zastupnika, protiv 2, suzdržanih ništa. Konstatujem da je Skupština prihvatila da se izjašnjenje po ovoj tački provede odmah.

Molim zastupnike da pristupe izjašnjavanju o Prijedlogu Zakona o izmjenama i dopunama Zakona o sudskim taksama.

Kolega Bandiću sačekat ćemo vas da se izjasnite. Jeste li pogriješili ili ste se izjasnili? Jeste. Zaključujem glasanje.

Za je glasalo 19 zastupnika, protiv 5, suzdržan 3.

Konstatujem da je Skupština donijela ovaj zakon.

Prelazimo na tačku četiri.

AD- 4. Nacrt Zakona o sportu Kantona Sarajevo

Materijal ste dobili uz poziv za sjednicu, molim predstavnika predlagača da podnese uvodne napomene.

Ministar kulture i sporta, Kenan Magoda. Izvolite, imate riječ.

Kenan Magoda (ministar)

Poštovani predsjedavajući, dopredsjedavajuće, zastupnice i zastupnici, Dragi mediji, sportski radnici, sportisti. Danas svjedočimo istinski historijski trenutak za Kanton Sarajevo nakon više od 20 godina tačnije od 2001. godine kada je usvojen aktuelni važeći Zakon o sportu, donosimo novi Nacrt Zakona o sportu Kantona Sarajevo koji je savremen, koji naš Kanton svrstava među uređene sportske jedinice i sisteme kako Sarajevo zaslužuje. Zamislite samo da je prošlo 24 godine od kako smo posljednji put uredili ovu oblast. Sport je najveći ambasador jedne države, jednog grada, pa tako i našeg Kantona. Za sve to vrijeme sport se drastično promijenio, više je nego ikad prije. Potrebe su nove tehnologije digitalizacije podignuti svi veliki međunarodni standardi i velika rastuća potreba svih klubova, sportista i sportskih radnika. Zato ovaj zakon ne dolazi samo kao nadogradnja postojećeg, već kao potpuno novi okvir koji prepoznaje sport

kao djelatnost, kao javni interes i uvodi zakonski zagaranirano financiranje, modernizira upravljanje digitalizacije procesa precizirane centralizirani informacijski sistem osigurava jednake prilike i šanse za sve, uključujući i sportske sa invaliditetom. Na ovom zakonu nisu radili samo pravnici, na ovom zakonu su radili ugledni profesori, stručnjaci iz oblasti sporta, sportski autoriteti, predstavnici sportskih saveza, naši proslavljeni sportisti koji su svojim znanjem, iskustvom na terenu, u praksi, u akademskim krugovima izgradili ovaj zakon zajedno sa Ministarstvom kulture, sporta, koji će biti kičma sportskog sistema Kantona Sarajevo. Ovaj zakon donosi ključne pomake, a posebno želim glasati ovaj dio zakona, koji čini ustvari progresivni i moderni dio. On jasno prepoznaje jednakopravno učešće svih sportista, uključujući i sportiste sa invaliditetom i naše paraolimpijce. U ovom zakonu inkluzija i ne diskriminacija nisu samo fraze, nego konkretna prava i mehanizmi koji omogućuju ravnopravno priznavanje sportskih postignuća svih naših sportista. Ovim zakonom. Po prvi put precizno su utvrđene trajne novčane naknade za naša vrhunska sportska postignuća, za sportiste koji su usvajali medalje na Olimpijskim i paraolimpijskim igrama, medalje na seniorskim svjetskim prvenstvima u olimpijskom i paraolimpijskom sportu i medalje na europskim prvenstvima u olimpijskom i paraolimpijskom sportu. Također, ovim zakonom jasno su definisani i nagrade Kantona Sarajevo za sport, čime se dodatno vrednuju trud, zalaganje i uspjesi naših svih sportista svim ovim normativnim rješenjima ne samo da pratimo savremene trendove, međunarodne standarde u oblasti sporta i ljudskih prava, već stvaramo društvo jednakih mogućnosti, što treba biti cilj svih nas u kojem sport postaje prostor afirmacije inkluzije. Na kraju, uvjeren sam da će nakon ove javne rasprave ovaj zakon biti jednoglasno podržan od strane svih zastupnica i zastupnika Skupštine Kantona Sarajevo. Jer ovo nije zakon jedne većine i nije zakon jedne Vlade i nekih politika, ovo je zakon svih nas, ovo je zakon koji treba da pripadne sportistima, trenerima, roditeljima i djeci, a u stvari cijeloj našoj zajednici. Zato danas pred svima nama stoji ogromna odgovornost i istinski vjerujem da ćemo svi zajedno stati iza ovog zakona i time pokazati da nam je istinski stalo za sporta i budućnosti svih naših sportista. Hvala vam.

Elvedin Okerić (predsjedavajući)

Zahvaljujemo se ministru Magodi. Otvaram raspravu po ovoj tački dnevnog reda. Zastupnica Vedrana Vujović se javila za riječ.

Vedrana Vujović (zastupnica)

Zahvaljujem predsjedavajući. S obzirom da se danas javljam prvi put, želim vam svima dobar dan. Zahvaljujem se uvaženom ministru na uvodi napomenama i mogu reći nakon duga vremena, drago mi je da evo ovaj zakona na dnevnom redu i skupštini i nije prvi put da je na dnevnom redu ovaj zakon je, bar po nazivu, bio prije neke dvije godine, prilikom imenovanja ove Vlade na dnevnom redu Skupštine, on je tada, čini mi se, i povučen iz procedure i nekako sam, pripremajući se za ovu sjednicu, poredila sve. Vidim da je ovaj tekst poprilično doraden, odnosno na inicijalni prvi koji je ranije prethodna Vlada, jer bila ga je i uputila u proceduru. Ja moram reći da nismo mi ti. Nije. Svako od nas se kašem. Stručnjak iz oblasti menadžmenta u sportu, upravljanja sve u sportskim kolektivima i sportskim društvima, tako da je možda nezahvalno da kroz javnu raspravu, čak kroz ovu diskusiju dajemo mi neke sugestije kako i na koji način klubovi trebaju, kako i na koji način treba upravljati sportskim klubovima i udruženjima u Kantona Sarajeva? Ono što možemo zaista s ovog mjesta, pogotovo kada je pitanje ovaj naziv, jeste dati podršku. Jutros smo na početku same sjednice diskutovali oko određenih zakonitosti ili nezakonitosti kada je u pitanju ovaj zakon. Pozivajući se, kolege su se pozvale na neke propise sa federalnog nivoa i da li da li su oni u koliziji ili da li se, je li može ova ovlast na neki način regulator na nivou Kantona Sarajevo. Ja mislim da može i zaista mi je drago što ćemo danas, evo i kao klub. Demokratski front je podržati i, sigurna sam, učestvovati u javnoj raspravi kako bi ovaj sam prijedlog dugoročno bio još bolji i još kvalitetniji. Ali opet

se nekako po strani ovaj zakon, ministar je rekao da jeste zakon svih građana, naročito djece, roditelja, sportskih radnika, klubova, udruženja, nekako zakon svih nas i on treba takav da bude, a treba najmanje da bude upravo zakon politike. I, nažalost, politika je ušla duboko u sport, u sve sfere sporta, društvo naročito možemo u ovim lokalnim nivoima i prethodni period smo imali dosta previranja unutar pojedinih sportskih saveza. U Kantona Sarajevo. Ja mislim da je krajnje vrijeme da se tome stane u kraj, da ovaj zakon, kao krovni jedan zakon, naš kantonalni i možda jedan od dobrih načina kako se te stvari mogu zaustaviti mogu unaprijediti, a prvenstveno drago mi je što ovaj zakon i propisuje. Nakon usvajanja prijedloga, usvajanje Strategije razvoja sporta za dva olimpijska ciklusa, odnosno za period 2025.- 2033. godina. Tako da se iskreno nadam da ćemo i to imati uskoro u proceduri, bar u formi nacrt, jer je vrlo bitne i vrlo značaj, pogotovo znajući koliko vrlo naši uspješni i sportski klubovi, ali i pojedinci sportisti zaslužuju mnogo veća ulaganja. Da igraju danas mnogi naši klubovi, evo 3 najveća kluba u Sarajevu, košarkaški klub Bosne, fudbalski klubovi Sarajevo, Željezničar igraju kvalifikacije, igraju te evropske lige, regionalne lige. Jako su bitni i prepoznatljivi na toj jednoj i Europskoj i međunarodnoj sceni i mislim da Kanton Sarajevo, kao i nekako domaćin, treba ulagati u te klubove, ali ponovno ne samo u njih, nego i u razvoj omladinskih pogona svih tih klubova i drugih klubova. I nekako omogućiti da svako dijete ima priliku, mogućnost da se bavi sportom i da na kraju budemo mi ti koji ćemo proizvoditi uspjezne sportiste, ali na kraju krajeva i ambasadore našeg, kako grada, tako i države. Ja ću, evo, iskoristiti ovu priliku da kažem da su dva zakona u proceduri, na neki način na nivou Federacije, prvi je zakon u proceduri Zakon o doživotnoj mjesečnoj naknadi zaslužnim sportistima. On je prošao javnu raspravu. Dvije kolegice iz Predstavničkog doma i Doma naroda su ga uputile. Ja očekujem da će on biti usvojen do kraja ove godine, tako da vjerujem da neće biti u koliziji sa ovim našim zakonom, ali svakako tretira ove naknade i mislim da je dobra stvar da i Kanton Sarajevo opredijeljen ka tome da ipak sve sportiste i sportske klubove iz Kantona Sarajevo na neki način nagrađuje i da daje jedan veliki poticaj, motivaciju za dalji rad i uspjeh. Također, jedan po meni vrlo bitan zakon, je kolega Denis Grac uputio u parlamentarnu u proceduru prije, evo, skoro dva mjeseca, još uvijek se čeka očitovanje Vlade Federacije. To je Zakon o sportskim dioničkim društvom u Federaciji Bosne i Hercegovine koji propisuje mogućnost da trenutni sportski klubovi, većinom registrovani kao udruženja građana, budu transformirani u Privredna d.d. sa posebnim statusom u sportu, tu su određene stvari kojima bi se unaprijedilo ne samo poslovanje sportskih klubova i kolektiva, nego da bi se sutra mogle vršiti privatizacije, ali i mnogo veće investicije, kako u klubove, tako i generalno u razvoj sporta u Federaciji, ali i u Bosni i Hercegovini generalno. To nije neka novina, to se dešava svugdje, i po regiji i po svijetu, tako da se nadam da ćemo zajednički biti opredijeljeni da evo ovaj sport kao takav, evo prvenstveno u Kantonu Sarajevo, ali i na višim nivoima, zajednički unaprijedimo i da zaista ne moramo biti upravo oni ti koji će nekako, da kažem vrlo često, kada se napravi neki dobar sportski rezultat ili uspjeh, da ćemo imati sve moguće, sve mogućnosti da još više ne samo nagrađujemo, nego da zaista kontinuirano i ulažemo u razvoj sporta. Ja ću, evo pošto, s obzirom da ova diskusija će biti, nekako i prilog javnoj raspravi samo predložiti, s obzirom da je već 15. juli i da je na neki način već počela sezona godišnjih odmora, javna rasprava je predložena da traje 45 dana, ja bih predložila da ona traje možda čak i 60 ili 90. Evo, koliko god ministarstvo i Vlada misli da treba, svakako da traje duže, jer po ovome, ukoliko danas usvojimo, a usvojiti ćemo nacrt, javna rasprava bi trajala otprilike do nekih početka septembra, a nisam sigurna koliko bi možda zainteresovane strane, s obzirom da su s jedne strane pripreme i za ovu sportsku sezonu, već u Toku, neki su klubovi već i na nekim, pripremaju se ili su već otišli na neka regionalna, europska takmičenja, tako da evo da produžimo tu javnu raspravu kako bi zaista imali što kvalitetniju javnu raspravu i u suštini u konačnici što kvalitetniji prijedlog. I evo, s ovog mjesta koristim priliku da pozovem zaista sve, ne samo zainteresovane aktere, nego prvenstveno one ljude koji se bavi sportom i menadžmentom u sportu, koji

poznaju upravo suštinu kako treba i da se unaprijedi kvaliteti razvoja sporta u Kantonu Sarajevo, da se uključe u ovaj u kreiranje ovog prijedloga zakona, jer mislim da je vrlo bitan i vrlo značajan, a sve ostale eventualni dileme koji su kolege jutros imale po pitanju ovog zakona, a vjerujem da će oni isto tako iskoristiti priliku i učestvovati u javnoj raspravi i dati nekako konkretnija i prijedloge i rješenja, jer ovaj zakon je nešto što je nama neophodno. U svakom slučaju, podrška je na ovaj je tekst zakona od Kluba Demokratske fronte. I evo, ja pozivam i ostale kolege da razmisle i da nekako svi zajednički budemo opredijeljeni da ovaj zakon dugoročno zaživi i da svi malo više budemo opredijeljeni ka sportu, kontinuirano i konstantno, a ne samo onda kada je u pitanju dodjela budžetskog novca prema pojedinim sportskim klubovima. Toliko. Hvala lijepo.

Elvedin Okerić (predsjedavajući)

Zahvaljujemo se. Za riječ se javio zastupnik Mahir Dević.

Mahir Dević (zastupnik)

Hvala. Obzirom da su nosioci sportskih aktivnosti u Bosni i Hercegovini pravna i fizička lica registrirana za obavljanje sportskih aktivnosti u skladu sa Zakonom o sportu u Bosni i Hercegovini, Zakonom po udruženjima i fondacijama Bosne i Hercegovine, Zakonom o udruženjima i fondacijama entiteta, zakonima o sportu entiteta, zakonima o preduzećima entiteta i drugih nivoa, administrativnog organiziranja u Bosni i Hercegovini, potrebno je predloženi Nacrt Zakona o sportu uskladiti sa istim. Mi smo naravno, jutros ovdje raspravljali o mišljenju Zakonodavno pravne komisije koje ste vi kasnije preveli da je to neki politički stav, a ne stručni stav, ja sam spominjao tamo da postoje stručni ljudi u toj Komisiji koji su godinama u sistemu, u institucijama koji rade, prate, jako su dobro informisani i takvi ljudi generalno su jedna memorija koju treba da koristimo, a ne da odbacujemo, na način da je ruka važnija od nečijih 20, 30 godina pravne struke unutar različitih organa države Bosne i Hercegovine. Naravno, vi ovaj zakon kao i sve drugo možete slomiti sa onom nekom tijesnom većinom 18, 19, 20, itd., usvojiti itd. i gurati ovaj Kanton u pravcu u kojem ste vi odredili da to gurate. Znači ovdje treba kazati sljedeće: nije ovo nikakva historija, niti vi ispisujete neku historiju, ovdje u Kantonu Sarajevo, ako je uopće ispisujete, ovo je najcrnja historija koju ispisujete u Kantonu Sarajevo, ako je uopće ispisujete. Znači nemojte se uopće hvaliti s onim čega bi se trebali na neki način stidjeti. E sada, ukoliko je ministar zaista odlučio da određene norme ugradi u zakon, da određene pravne probleme, pitanja ekonomske prirode i funkcionalne prirode pretoči u zakon da bi olakšao funkcionisanje sporta u Kantonu Sarajevo, evo, mi pozdravljamo to i mi bi sada mogli pincetom izvaditi neke članove iz ovog zakona koji funkcionalno, evo od ove inkluzije pa nadalje, nude neku priču koja jeste nadogradnja u odnosu na postojeće stanje koje je ministar zatekao itd. Itd. Međutim, Nacrt zakona sam sadrži odredbe, to sam kazao jutros, koje odredbe koje su preuzete, prepisane bukvalno iz zakona viših nivoa, parafrazirane na neki način, bez jasnih principa, namjere šta se želi uraditi s tim zakonom itd. U principu, svakom nacrtu zakona bi trebalo dati neku priliku da vidimo da li je tačno ovo što je ministar danas kazao. Ja ako sam dobro ministra razumio, ustvari, on je to kazao, da ministar želi zakon u kome će učestvovati svi, da on želi da se ovaj zakon usvoji jednoglasno, da se napravi određena vrsta interakcije i između pozicije i opozicije. Neki ministri to znaju uraditi, ja sam maloprije kazao, ministrica Kadenić to znao uraditi, međutim predsjedavajući Skupštine to ne zna uraditi. E sad, da li kolega Magoda će uspjeti u tome, ja, ja ću vas podržati, to govorim sada kao predsjednik Kluba, mi ćemo iščitati, ja govorim šta su činjenice, ja uopće se ne referišem ovdje na način kako to kolega radi i to su činjenice, ne postoji ta vrsta interakcije, to su činjenice koje vidi stotine hiljada građana ovdje. Znači mi ćemo uzeti aktivno učešće u ovome. Za nas je ovo upravo ono što smo kazali jutros. Ovo što ste predložili danas na Skupštini Kantona Sarajeva nema ustavnog okvira, nije u skladu sa zakonom. Možda je vaš nijet bio dobar, vaša namjera možda bila dobra da uredite određene oblasti, da definišete šta podrazumijeva određen sportski

uspjeh u smislu nagrade, evo vam odmah podrška za to da mi ne pravimo sada te profesionalne sportiste nekim socijalnim slučajevima od kojih će zavisiti da li će se uslikati sa premijerom Kantona ili predsjedavajućim Skupštine da bi dobili 5000, 100000 konvertibilnih maraka ili ništa. Evo vam odmah podrška da se to sistemski riješi. Međutim, to je samo jedan od segmenata zakona, jedan od članova koji to definišu. I tu, naravno, imate podršku. Međutim, vi ministre, ovo naprosto morate uokviriti u pravni sistem Bosne i Hercegovine, jer mi nećemo podržavati kao Klub nešto što nema svoju ustavnu i zakonsku utemeljenost. A sve ono što popravite u odnosu na ovaj prethodni tekst, mi ćemo to pozdraviti i dati vama podršku. Da li ćete vi sada htjeti da s nama komunicirate uopće, kao što ste rekli, pozdravljam to, evo nek teče javna rasprava, mi ne možemo dati, odnosno ovome danas, iako bi to rado uradili, jer je Nacrt zakona u pitanju. U pravilu se nacrtu da, međutim, za nas ovo što je izašlo kao nacrt je vanustavno, čak niste dali ni odgovore kada smo vas pitali što je ustavna odredba na koju se vi pozivate, vi se pozivate na jednu opću ustavnu odredbu koja kaže da Skupština Kantona donosi zakone, pa hvala Bogu da donosi zakone, neće ih donositi Općinsko vijeće, ali koje zakone, u kojim oblastima, na koji način, znači i vi ovdje imate probleme sa zakonom, privrednim društvima u fondacijama, udruženjima, Zakon o sportu na državnom nivou. Uskladite te stvari i probajte, evo, riješiti barem ovih nekoliko stvari što vam je intencija, mi ćemo vam dati podršku, ali to mora biti naprosto uokvireno u pravni sistem Bosne i Hercegovine, a ne da se pravi ovdje Republika Sarajevo. Zapamtio sam ovo što ste kazali da želite da se ovaj zakon usvoji, jednoglasno. Pred nama je vrijeme, nek teče, mi nećemo vam više to što vrijeme, jutros smo kazali da je po nama naopako krenulo, ovo je naopako krenulo. Ovaj, da li ćete vi to u međuvremenu uspjati ispraviti, da li ćete predložiti neki tekst prijedloga zakona koji će biti usklađen sa pravnim sistemom Bosne i Hercegovine, odnosno Kantona Sarajevo, to je pred nama, mi ćemo vidjeti, mi ćemo uzet aktivno učešće, tačno onoliko koliko vi budete to uvažavali. Nećemo biti tu, sigurno neko s čijom će se podrškom mahati, a da se neki naši stavovi ne uvažavaju, sve što nas argumentima uvidite da ste u pravu, mi uopće nemamo problema, a da argumentaciju podržimo. Evo, ja vam želim zaista da uspijete to uraditi do prijedloga zakona. Ovakav nacrt nije predložen u skladu sa Ustavom i mi ne možemo kao Klub dati podršku da on ide u dalju proceduru. Predlagali smo ga povučete, da napravite pravni osnov, da određene članove izmijenite koji vas vode u koliziju. Neću sada detaljisati o tim članovima, nema potrebe, to ćemo, uraditi naravno, i u javnoj raspravi i u prijedlogu kojeg vi u međuvremenu eventualno pripremite i predložite. Hvala.

Elvedin Okerić (predsjedavajući)

Zastupnica Marijela Hašimbegović.

Marijela Hašimbegović (zastupnica)

Zahvaljujem se predsjedavajući. U potpunosti podržavam diskusiju svoje kolegice Vujović. Evo još par samo crtica kao doprinos ovom materijalu koji je trenutno u pretresu. Dakle, Nacrt Zakona o sportu jeste strateški dokument kojim uređujemo oblast sporta, dakle definišemo prava i obaveze sportista, prava i obaveze klubova, saveza itd. I ono što mene interesuje i ono što je meni bilo važno u ovom dokumentu jeste način na koji se vrši, dakle, prijenos budžetskih sredstava svim faktorima koji se tiču u oblasti sporta. Jer nekako, čini mi se da je do sada to bilo poprilično netransparentno iz razloga što nisu postojale određene kriteriji koji bi tačno, precizno definirali, dakle, ove stavke. I čini mi se sada da u ovom materijalu postoje bolje, povoljnije prilike koje će na jedan transparentniji način prezentirati dakle, ono što je prijenos budžetskih sredstava u oblasti sporta i mislim da je to jako važno jer obzirom da Skupština raspravlja o izvršenju budžeta, mislim da je ova stavka koja nas se posebno tiče na neki način. Također, ono što je jako važno jeste da ovaj materijal tretira Strategiju razvoja sporta i da je na neki način svojim klauzulama definisao kriterije na koji način će se prezentirati i kako će se raditi na Strategiji razvoja sporta i mislim da je to jednako važno i da su to oblasti koje se vežu

također za federalne zakone koji isto tako na neki način prezentiraju i preciziraju ovu stavku. Dalje, ono što mi je bilo jednako važno, to je status zaslužnih sportista. Mislim da su to teme koje su nekako ostavljale prostor da se proizvoljno tumače, mislim da to jednako treba da ima određene kriterije, određene klauzule, na koji način se formiraju i na koji način se može dobiti taj status jer, evo, danas smo govorili više, jel kako na dnevnom redu imamo zakon i o tome sam govorila, koliko je važno imati zakone koji nisu prepreka, već zakoni koji ustvari omogućavaju sve procese da budu prohodni i zato i ovaj zakon treba da svoje klauzule uredi na što bolji način kako bi u primjeni jednostavno izbjegli sve moguće nejasnoće koje su se nekako, evo sada, pojavljivale, dakle u realnom, u realnim aktivnostima i djelovanjima. I na kraju, ono što mi je jednako važno, to je sve što se tiče sporta i osoba sa invaliditetom. Prepoznala sam u materijalu stavke koje definišu ovu oblast. Mislim da se ta oblast može još urediti, da tu treba pružiti još određenog doprinosa, ali evo, vrijeme je pred nama. Postoji prostor javne rasprave gdje možemo još bolje unaprijediti ovaj materijal i dati mu nekako priliku da postane na neki način još učinkovitiji. I na kraju, ono što je bila na neki način dilema kolega koja se tiče ustavnosti samog dokumenta, ja se nadam da će postojati neka pravna olakšica i neke prilike koje će u ovom prostoru javne rasprave ipak dovesti do niveliranja svega onog što su pravne nejasnoće i da ćemo u konačnici prijedlog nacrtu zakona, kada dođe u skupštinsku proceduru, ipak biti izvan svih prostora koje imaju pravni nered. Evo toliko od mene. Kao što je moja kolegica rekla, mi ćemo sa zadovoljstvom podržati ovaj zakon, a ministar zna da naš Klub željno iščekuje Nacrt Zakona o kulturi i nadam se da ćemo ga uskoro imati na dnevnom redu. Hvala lijepo.

Elvedin Okerić (predsjedavajući)

Zahvaljujemo se uvaženoj zastupnici Hašimbegović na podršci koju daje Nacrtu današnjeg zakona. Zastupnik Samir Avdić, diskusija, izvolite imate riječ.

Samir Avdić (zastupnik)

Hvala predsjedavajući, evo, i ja se pridružujem ovim zahvalnicama kolegicama iz DF-a na podršci ovom Nacrtu. Jutros kada smo razgovarali o ustavnosti ovog zakona jednu sam rečenicu posebno zapamtio, kolega Dević, evo, pokušati ću ga citirati, je rekao: „Nemojte misliti da neki drugi Kantoni neće preuzeti praksu Republike Sarajevo“, u kontekstu toga da donosimo zakon za koji on smatra da mi nemamo ustavno pravo. Mi bismo iz ove parlamentarne većine voljeli zaista da i drugi Kantoni se ugledaju na nas i da preuzmu naše prakse, pa da i oni uvedu besplatan prijevoz za sve učenike i studente, za penzionere sa najnižim penzijama, besplatan noćni prijevoz, porodijske naknade za sve zaposlene i nezaposlene porodilje, subvencije za vrtiće, riješeno stambeno pitanje za sve porodice šehida i poginulih boraca itd, itd. Ovom prilikom pozivamo sve druge Kantone da preuzmu praksu Republike Sarajevo. Kada je u pitanju nadležnost, odnosno ustavnost, mi u materijalu smo mogli pročitati da je Ured za zakonodavstvo, Ministarstvo pravde i uprave te Pravobranilaštvo Kantona Sarajevo dalo pozitivnu ocjenu ovom Nacrtu. Kada u pitanju usklađenost sa entitetskim zakonom, a to je maloprije ovdje problematizirano, moramo još jednom ponoviti da ne postoji entitetski, odnosno federalni Zakon o sportu, pa se postavlja pitanje kako je zakon usvojen 2001. i sa kojim je nepostojećim entitetskim zakonom tada usklađen? Mi ne možemo čekati više nivoe vlasti da bismo unapređivali svoja zakonska rješenja, jer da smo čekali, nikada ne bi usvojili lex specialis za sedam institucija kulture i obrazovanja od interesa za BiH, iako se radi o nadležnosti i obavezi Države Bosne i Hercegovine. Da smo čekali više nivoe vlasti, nikada ne bismo donijeli uredbu kojom smo postigli da u Kantonu Sarajevu više ne postoji lista čekanja onkoloških pacijenata, iako se primarno radi o entitetskoj nadležnosti i obavezi. Ovim putem pozivamo posebno svoje kolege iz Zeničko-dobojskog Kantona da donesu sličnu uredbu.

Vratit ćemo se na ustavnost. Kada je u pitanju ova potreba i zašto mi ovo radimo, podsjetit ću vas da Zakon o sportu Bosne i Hercegovine u svom članu 75 propisuje obavezu nižih nivoa vlasti da donesu i usklade sa tim državnim zakonom svoje zakone i propise koji se odnosi na ovlasti sporta. To je urađeno 2001 godine i to ovim novim zakonom mi radimo danas. Čuli smo i o Zakonu o privrednim društvima itd. Kada su u pitanju privredna društva i javna preduzeća, još 2022. godine prilikom izrade Nacrta ovog zakona Ministarstvo pravde je sugerisalo određene izmjene odredaba koje se odnose na transformaciju sportskog udruženja u sportsko privredno udruženje, a Ministarstvo kulture i sporta je te sugestije uvažilo, nakon čega uslijedilo pozitivno mišljenje Ministarstva pravde Kantona Sarajevo. Cilj ovog sporta je, cilj ovog Zakona je sport prepoznati kao djelatnost od javnog interesa i stvoriti stabilan pravni i finansijski okvir kakav danas u Kantonu Sarajevo ipak nemamo, posebno u ovom pravnom smislu, bolje definisati pojmove, a oni u starom Zakonu nisu najbolje definisani jer je Zakon star 24 godine, zatim bolje definisati nadležnosti, ulogu klubova, saveza i organizacija, te uz posebnu pažnju baviti se suzbijanjem nasilja nad sportskim objektima uz digitalni sistem praćenja. Za razliku od prethodnog Zakona, ovaj Zakon uvodi olakšice za privredne subjekte koji žele ulagati u sport, te potiče razvoj javno-privatnog partnerstva u izgradnji sportskih objekata. Zakon predviđa i uvođenje centralnog informacionog sistema, evidenciju svih sportskih subjekata i objekata, te digitalno praćenje ulaganja i rezultata. S obzirom da u poslijeratnom periodu nije razvijan školski i univerzitetski sport generalno u Bosni i Hercegovini, pa i u Kantonu Sarajevo, ovaj novi Zakon uvodi obavezu školama i univerzitetima da razvijaju školske i univerzitetske sportske klubove, ovo je možda i najvažniji dio ovog Zakona. Mi danas imamo samo sporadično školske sportske klubove i takmičenja i možda je najbolji primjer onoga što se želi postići, a da je drugačije u odnosu na trenutnu situaciju, jeste da mi imamo npr. na privatnom fakultetu Burč košarkaški klub, dok to nemamo na Univerzitetu u Sarajevu. Detaljno se uređuje uloga jedinica lokalne samouprave u oblasti razvoja sporta u Kantonu Sarajevo. I njima ćemo ovim zakonom pomoći u njihovom, u njihovoj namjeri da pomažu sport, da ulažu u sport, da ulažu u školski, u sportske stipendije itd. Ističe se važnost uključivanja struke i nauke u sportu kroz angažovane kvalifikovanih stručnjaka sa odgovarajućim diplomama i licencama, što trenutno u ovom zakonu nemamo. Tako da ne morate uopće imati diplomu i licencu da bi se bavili treniranjem, odnosno da biste trenirali druge u nekom sportu. Ovim se vraća dignitet ljudima koji završavaju DIF. Precizno se utvrđuje način trajnog nagrađivanja uspješnih sportista, a posebno onih koji osvajaju olimpijske i paraolimpijske medalje s ciljem poticanja razvoja sporta i nagrađivanja izuzetnih sportskih uspjeha. Konačno se propisuje pravo na trajnu novčanu naknadu kao priznanje za ostvarene vrhunske međunarodne uspjehe i samim tim doprinosu promociji Bosne i Hercegovine. Zakon predviđa dodjelu sportskih stipendija, odnosno školarina. I na kraju posebno treba istaći da ovaj Zakon prepoznaje značaj jednakopravnog učešća svih sportista, uključujući i sportiste sa invaliditetom, te u tom smislu afirmiše principe inkluzije i nediskriminacije. Uvrštavanjem paraolimpijaca i drugih sportista sa invaliditetom u kategoriju vrhunskih sportista ovaj Zakon osigurava ravnopravan tretman sportskih dostignuća i za sportiste sa i za sportiste bez invaliditeta. Zašto nam je to važno u ovom Zakonu? Najbolje da pitamo naše šampione iz kluba sjedeće odbojke Fantomi ili našu dvojicu šampiona Ismaila Barlova ili Ismaila Zulfića. Zahvaljujem.

Elvedin Okerić (predsjedavajući)

Replika zastupnik Mahir Dević.

Mahir Dević (zastupnik)

Hvala. Djelomično bi se morao složiti s vama kolega, naravno, drugi Kantoni, ako mislite gdje je SDA trenutno vlast, možda sutra neko drugi bude, je li, nisu u stanju da isfinanciraju ovu vrstu određenih benefita koje ste vi ovdje pobrojali, ali oni to nisu u stanju da urade iz sljedećih

razloga; jer nisu podigli 640 000 000 konvertibilnih maraka kredita, jer nisu potrošili 5, 6 milijardi konvertibilnih maraka. I znate što je novina u tim Kantonu? U njihovim vladama nemate tri ministra koja su uhapšena i u pritvoru po 3 mjeseca, to je kod vas ovdje u Republici Sarajevo, tako da ta neki jeftini populizam s kojim vi sada hoćete da nama kažete da ste vi nešto kao napravili, treba da pogledate i onu drugu stranu, da ste vi ekonomski potpuno uništili srozali Kanton Sarajevo. Da ništa ovdje niste spektakularno unaprijedili, da nam pričate neke bajke i priče. Evo danas o sportu. I da se krijete iza nekih populistički objava, članaka itd. Znači, ako treba, da raspravljamo nešto o meritumu, nikakav problem nije, mi ćemo raspravljati što kažu o meritumu zakona, a da se hvalite s ovim, vrlo je malo onoga čime biste se vi pohvalili, mogli pohvaliti. Pazite, vi ste nas doveli kao Kanton Sarajevo, da bi vas mi sada trebali pohvaliti ako isplatite regres do septembra. Ja sam danas to pitao. Pazite, danas vas pitaju u Sarajevu gdje vam je regres, a vi ste kao neka historijska, najbolja Vlada, itd. To se nekada podrazumijevalo, kolega Samire. Ali naravno jedna neozbiljna vlast, jedna neozbiljna parlamentarna većina koja troši nemilice ono što nema, naravno da će Kanton dovesti u bankrot i u probleme itd. Itd. Tako da nisam imao neku namjeru da ulazimo u neko prepucavanje....

Elvedin Okerić (predsjedavajući)

Vrijeme kolega Deviću.

Mahir Dević (zastupnik)

...Ili raspravu, al možemo i tako, nije sporno. A vi se pohvalite sa vaša tri uhapšena ministra, to bi možda bila najbolja slika vaše vlasti, hvala.

Elvedin Okerić (predsjedavajući)

Odgovor na repliku, izvolite, imate riječ. Zastupnik Samir Avdić.

Samir Avdić (zastupnik)

Zahvaljujem se predsjedavajući, a ja se opet moram vratiti na jutrošnju diskusiju kolege Devića koji je upozorio predsjedavajućeg i spomenuo, a on je to nazvao frazama, da nije lijepo kada često koristi termin populizam, pa mi je žao što, evo, i on maloprije koristi taj termin kada je iskomentarisao moju diskusiju koju je nazvao lažni populizam, šta god to značilo, žao mi je jer ja na taj način ne komuniciram sa poštovanim kolegom Devićem. Nema problema. A kada je u pitanju Zeničko- dobojski Kanton, za one koji to ne znaju, oni su u ovom Rebalansu budžeta sada planirali čak suficitu 13 000 000, što niko nikada nije planirao, tako da nije istina da nemaju novca da bi kroz uvođenje određene uredbe na način na koji smo to uradili mi u Kantonu Sarajevo. Molim vas, možete li obezbijediti mir u sali, da, ako možete, malo, hvala. Tako da, iako nisu digli kredit od 640 miliona ovaj, digli su našu lovu kroz ponder, tako da imaju dovoljno novca. I još jednom ih ovim putem i u ime udruženja onkoloških pacijenata, sa kojima smo jučer sjedili ovdje u Kantonu, u Zeničko- dobojskom Kantonu još jednom pozivam kolege da usvoje uredbu poput naše i na taj način pomognu onkološkim pacijentima u Zeničko- dobojskom kantonu, a ne bi bilo loše i da i oni uvedu besplatan prijevoz za sve učenike i studente, za penzionere sa najnižim penzijama, besplatan noćni prijevoz, porodijske naknade za sve zaposlene i nezaposlene porodilje u iznosu od 1.260 maraka, subvencije za vrtiće, riješeno stambeno pitanje za sve porodice šehida i poginulih boraca, lex specialis za sedam institucija kulture itd. Itd. Zahvaljujem.

Elvedin Okerić (predsjedavajući)

Kolega Čičiću, kome replicirate? Ne možete njemu, ustvari možete, možete, možete na diskusiju. Samo sam ih malo trznuo kolega Čičiću da vidim hoće li su upecati i odmah se upecaše. Izvolite, imate riječ.

Davor Čičić (zastupnik)

Evo zahvaljujem kolegi Bandiću što smo utvrdili da imam pravo da repliku kolegi Samiru Avdiću. Ja bih se samo nadovezao na par stvari. Kolega Avdiću, zaista ste u pravu. Većina ovih koji problematiziraju sada stanje u Kantonu Sarajevu uopće nisu se udostojili da brane izmjenu Zakona o pripadnosti javnih prihoda u Federaciji Bosne i Hercegovine kada je Kantonu Sarajevo uzeto za samo jednu godinu 130 000 000, a ovo protekle 3 godine 350 000 000 konvertibilnih maraka. Isti ti su i branili zastupnike koji su predlagali predlagачe iz svojih stranaka kada su to predlagali na način da treba drugim kantonima da se osigura neki ravnomjeren razvoj Federacije. Nismo mi nikada bili ni protiv ravnomjernog razvoja Federacije, ali isto tako, evo, sada su dobili ta sredstva, tih 350 miliona od Kantona Sarajevo u prethodne 3 godine i šta su napravili? Šta su unaprijedili, šta su unaprijedili od tih prava? Evo kaže Zeničko-dobojski kanton je usvojio rebalans, gdje su planirali 13 000 000 suficita, odnosno ne znaju kako da potroše tih 13 000 000 koje su uzeli od Kantona Sarajevo. To je pravim rječnikom zašto su planirali tih 13 000 000 jer nemaju projekte, nemaju viziju, nemaju ništa, a to su ti vaši kantoni gdje vi vladate. Tako da evo, ja bih vas zamolio ako su već uzete te pare, dajte, uozbiljite, uozbiljite te svoje ljude u kantonima da naprave barem projekte, da naprave stvari koje Kanton Sarajevo već napravio, ne kao te, neka od tih suficita, evo, kao što je predložio kolega Samir Avdić, neka, barem kao što je Kanton Sarajevo, pronađu način da pomognu onkološke pacijente, neka pronađu način da evo vaša Vlada u Tuzlanskom kantonu, da nije više karta 150 maraka za studente, neka subvencioniraju, neka bude besplatna karta kao što je u Kantonu Sarajevo. Tako da te stvari se financiraju iz Budžeta Kantona Sarajevo, tako da i u Tuzli mogu iz Kantona financirati, odnosno subvencionirati kartu u javnom prijevozu koje koštaju 150 maraka po studentu, a vi nam ovdje držite predavanja kako mi podižemo neke takse. Znači koliko, pa izjednačili smo sa vašim u Tuzlanskom kantonu i u Zeničko-dobojskom kantonu, gdje su već godinama te takse. Mi smo zadnji to, zadnji to napravili. Znači, kad već pričate o tome, evo ako je već uzet taj novac od Kantona Sarajevo, evo uozbiljite svoje Vlade, gdje vi imate vlast, neka daju svom narodu i svojim građanima barem onu što smo mi dali u Kantonu Sarajevo. Hvala.

Elvedin Okerić (predsjedavajući)

Ispravka krivog navoda zastupnik Dević, pa onda, jel replika?

Pa onda kasnije replika Samiru Avdiću, izvolite kolega Deviću.

Mahir Dević (zastupnik)

Kratko ću da ne uđemo u ovu raspravu ispod vašeg je nivoa odgovora kolega Čičiću, vi to znate daleko bolje, ali ako već pitate oko tih Vlada, ja nisam, naravno, potparol Vlade ni Tuzlanskog kantona ni Zeničko-dobojskog kantona, ali kao odgovoran zastupnik mogu kazati da su to dobro bolje Vlade od ove ovdje u Sarajevu. Znači, ja sam malo prikazao činjenica da su vam tri ministra uhapšena dovoljno govori o vašem radu. Znači ne treba više ni jedan argument ovdje, znači to je jedan jedini argument i to je to. Pa evo replika.

Znači predsjedavajući mi je dao riječ ja sam zaista.

Elvedin Okerić (predsjedavajući)

Kolega Deviću, nažalost, zloupotrebljavate Poslovnik, niste naveli krivi navod, već ste opet nastavili sa vrijeđanjem, insinuiranjem

Mahir Dević (zastupnik)

Jesam, naveo krivi navod je...

Elvedin Okerić (predsjedavajući)

Tako da oduzimamo riječ. Dajem riječ kolegici Belmi Kapo. Replika, zastupniku Avdiću. Hvala.

Belma Kapo (zastupnica)

Želim da se zahvalim ministru na odličnom uvodu za ovaj Nacrt zakona i cijelom timu koji su radili na njemu, a replika kolegi Avdiću. Želim da mu se zahvalim na sve ovo što je iznio, ali moram da se osvrnem na ovaj dio kad kaže kolega Dević kako smo mi nikakva vlast. Pa gospodine Deviću, evo vratit ćemo se na našu generaciju. Kada je moj sin se rodio, porođiljna naknada je bila 300 maraka u Kantonu Sarajevo, sada da je 1300 maraka. Kada je moj sin krenuo u vrtić, nije bilo subvencija, a sada svako dijete ima subvencija. Kada je moj sin krenuo u vrtić, liste čekanja su bile po nekoliko mjeseci, sada ih nema. Kada je moje dijete krenulo u školu, udžbenike smo plaćali preko 100 maraka po razredu, sada sva djeca imaju besplatne udžbenike. Kada je moje dijete krenulo u srednju školu, sada ima besplatan javni prijevoz, ima stipendiju jer je odličan đak. Za 18. rođendan je dobio karte za sve pozorišne predstave i u kino salama za sve što je Kanton Sarajevo organizovao. Vlada Federacije je povećala platu minimalnu na 1000 konvertibilnih maraka u odnosu na vašeg premijera, gdje je ona bila društveno opasna, pod navodnicima, sa šesto maraka, svako dijete koje se rodi ima 1000 maraka naknada. Kao, naravno, replika. Ne možete tvrditi da je Kanton Sarajevo, da mi nismo ništa uradili u Kantonu Sarajevo u odnosu na vas. Ovo je samo dio činjenica. Kad budete spremni da napravite urede za borbu protiv korupcije u svojim kantonima u kojima imate većinu, onda se javite i nije tačno i nije tačno da su ministri uhapšeni, neki od ministara su bili privedeni pa su isti dan pušteni i ja se iskreno nadam da će vrlo brzo sud utvrditi šta je tu tačno bilo i vjerujem u pravosuđe ove zemlje, pa ćemo vidjeti ko je zapravo stajao iza svega toga, gospodine Dević.

Elvedin Okerić (predsjedavajući)

Vrlo sadržajno. Bit će vam teško ovo demantovati kolega Deviću. Replika kolega Bandić. Kome replicirate?

Samo da vidim da li pratite tok sjednice, kome replicirate?

Muamer Bandić (zastupnik)

Kolegi Avdiću sam htio da repliciram, ali sam zaboravio šta je čovjek rekao, poslije svega ovoga.

Elvedin Okerić (predsjedavajući)

Vidim ja da ste vi zaboravili i zato vas i pitam kome? Odustajete?

Muamer Bandić (zastupnik)

Odustajem od replike.

Elvedin Okerić (predsjedavajući)

Zahvaljujem kolega Bandiću.

Poslovnička intervencija zastupnik Mahir Dević.

Mahir Dević (zastupnik)

Povreda člana, povreda člana Poslovnika znači 12, stav 7, 8 i 9. Pošto ja koristim priliku da uvijek kažem zašto sam tražio poslovničku intervenciju. Znači predsjedavajući, vi ste dužni da osigurate ista prava i dužnosti ovdje, nama zastupnicima, što vi, naravno, na jedan sebi svojstven način ne činite, namjerno. Znači, ako je kolegica imala repliku spram kolege, ne

znam kako se ja mogu naći u toj replici. Na takve stvari, znači prava i dužnosti zastupnika treba da osigurate isti da budu, ne da dozvolite na neki način kolegici da ona replicira kao kolegi Samiru Avdiću, a u stvari meni nabraja sada neki stvari, meni se obraća bez mogućnosti da ja odgovorim na takvu stvar. To je jedna klasična zloupotreba prava.

Elvedin Okerić (predsjedavajući)

Ne prihvatim vam tu primjedbu. Imate apsolutno svi ista prava i pozicija i opozicija.

Mahir Dević (zastupnik)

U konkretnom slučaju predsjedavajući...

Elvedin Okerić (predsjedavajući)

Kolega Deviću bit ću prinuđen da vam oduzmem..

Mahir Dević (zastupnik)

...Šta više, vi ste se složili sa kolegicom pa rekli da će kao meni biti teško da joj odgovorim, vi učestvuje u tom, predsjedavajući. Nemojte to raditi.

Elvedin Okerić (predsjedavajući)

Imamo li prijavljeni za replike ili su ovo sve diskusije? Replika. Kome replicirate kolega Zahiragiću? Zastupnik Haris Zahiragić replika.

Haris Zahiragić (zastupnik)

Zahvaljujem se predsjedavajući. S obzirom da, evo opet kolegica Belma dobacuje, pa, Jelena, izvinjavam. Nisam. Dakle, kolege iz SDP-a su svašta govorile u korist ovog zakona, iskoristile su, zloupotrijebile su priliku poslovnički da govore na ovu temu kako bi se dotakli nekih tačaka, pa ću ja replicirati u ovoj replici svima njima. Dakle, Ured za borbu protiv korupcije je napravila SDA, gospodine Samire i gospođu Belma, ovaj Ured u Kantonu Sarajevo je napravila Stranka demokratske akcije i Vlada SDA, tako da niste vi napravili. I u drugim vladama kantonalnim, gdje SDA ima vlast, ima ured. Bolje i da ga nisu napravili, nego da jesu, ali evo, jesu. Nermin Nikšić je bio premijer Vlade Federacije kada je došao Fadil Novalić, tada je minimalna plata bila 300 konvertibilnih maraka i bio je deficit u svim oblastima, od penziono-invalidskog osiguranja do izvoza itd. Na kraju je zatekao skoro 700 maraka minimalnu platu, iako nisu donošene odluke preko koljena na štetu privrednika. I upravo to što ste rekli gospođu Kapo, vaše dijete je imalo subvenciju za udžbenike, vaše dijete je imalo subvenciju, vaše dijete ne treba da ima subvencije, u tome jeste trik, jer vi imate platu 4000 maraka. Zato što vaše dijete ima subvencije Kanton je u finansijskim dubiozama. I danas smo milijardu dužni. Subvencije treba da imaju ljudi koji su u potrebi, a ne naša djeca čiji roditelji imaju ogromne plate na budžetu. Ne možemo svi imati isto, neki imamo više i nemamo potrebu za subvencijama. To je ovo što vi donosite zakone da biste sebi olakšali onako velike budžete i dobro ste rekli, milijardu maraka duga Kantona Sarajevo je u vašim džepovima za subvencije vašem djetetu za karte, vašem djetetu za pozorišne karte, vašem djetetu. I ja vas pozivam da kupite karte, vaše dijete ne mora dobivati za 18.-ti rođendan, nisu skupe, to vam je topli obrok. Hvala.

Elvedin Okerić (predsjedavajući)

Vrijeme kolege Zahiragiću. Odgovor na repliku zastupnik Avdić.

Samir Avdić (zastupnik)

Može bilo kome pošto je bilo puno replika na onu moju diskusiju, žao mi je samo što, jesi se sjetio, super. Pa evo, odgovor na bilo koju. Stvarno Ured za borbu protiv korupcije nismo ni spominjali, ali evo svi spominjali novac i na koji način se troši ovdje, a na koji način se troši u

ZDK, pa kada smo već kod tog Kantona i uzimamo ga kao dobar primjer kada je Vlada Federacije kupovala vozila svi su kritikovali. Pa evo da informišemo isto da je premijer ZDK kupio jednako jednakog Tuarega kao i premijer Nikšić. Svaka čast. Pratite nas, pratite nas.

Elvedin Okerić (predsjedavajući)

Dopredsjedavajući Vibor Handžić se javio za riječ.

Vibor Handžić (dopredsjedavajući)

Zahvaljujem, predsjedavajući. Dobro dan svima pošto se javljam prvi put. Kaže kolega Bandić zaboravio je šta je kolega Avdić diskutovao, ja sam zaboravio koja je tačka dnevnog reda. Šalim se. Kratka će biti moja diskusija s obzirom da se radi o nacrtu i s obzirom da ispred nas period javne rasprave u kojem ćemo sigurno i kao Klub učestvovati. Brojne kolege koje su u ranijim diskusijama iznosile benefite novog zakona, i ja se s tim njihovim diskusijama apsolutno slažem. Ne znam od prvi put formiranja vijeća za sport, od obaveze pravljenja strategije nakon usvajanja ovog zakona od boljih uslova za bavljenje sportom osoba sa invaliditetom itd., ovaj, što su, naravno, sve jako važne stvari koje su sastavni dio ovog zakona. Ja bih iz ličnog ugla rekao šta je meni možda i najvažnija stvar ovog Nacrta zakona, a kolega Avdić se u svojoj diskusiji te priče dotakao. To je uvođenje u sistem po prvi put u istoriji školskog i univerzitetskog sporta. Ja posebno akcentiram ovdje školski sport, jel nešto igrom prilika i znam o tome. Pored svih benefita koje razvoj školskog sporta donosi, od psihofizičkog zdravlja djeteta, smanjenja maloljetničke delikvencije. Može li malo tišine predsjedavajući? Kolega Deviću nemojte molim vas. Od dakle, razvoja psihofizičkog zdravlja djece, smanjenja delikvencije i svih drugih benefita za razvoj djece, školski sport i njegov razvoj jeste sigurno i jedan, tako da kažem, temelj i šansa za bolji razvoj i profesionalnog sporta ukoliko je on adekvatno sistemski uklopljen i rasprostranjen. Mi smo imali takvo stanje da je školski sport u okruženju, Europi i svijetu do te mjere je poodmakao da postoji Svjetska asocijacija školskog sporta, Europska asocijacija školskog sporta, zemlje u okruženju oko Bosne i Hercegovine, dakle, imaju nacionalne saveze školskog sporta, gdje desetine hiljada djece godišnje prođe kroz taj proces takmičenja sa višestrukim benefitima za njihov razvoj i razvoj sporta generalno. Dakle, u drugom entitetu smo imali referat za školski sport koji postoji i dan danas, koji se nalazi i pri Ministarstvu za ovaj porodicu, sport i mlade, a u Federaciji Bosne i Hercegovine se to bukvalno svodilo na dobru volju lokalnih zajednica da organizuju, dakle, školske turnire na svom prostoru i izdvoje određeni budžet za to. Dakle, nikakvog sistema nije bilo. Dakle, iz tog aspekta posebno pozdravljam ovu novinu u zakonu i ja smatram da ćemo dugoročno posebno imati jako velike benefite i efekte kada se u konačnici uspostavi ovaj sistem školskog sporta u svakom smislu. I naravno dajem podršku punu Nacrtu zakona i najavljujem, naravno, učešće u javnoj raspravi.

Elvedin Okerić (predsjedavajući)

Zahvaljujem, zahvaljujem se dopredsjedavajućem Handžiću. Za riječ se javio zastupnik Faruk Selmanović.

Faruk Selmanović (zastupnik)

Zahvaljujem predsjedavajući. Danas smo ovdje imali dva vrlo važna zakona. Jedan je regulisao obrazovanje, a drugi reguliše sport i kao takav jako je bitan za funkcionisanje Kantona Sarajevo. Da li je historijski ili nije, to ćemo vidjeti, ali da je nužan i potreban samom Kantonu Sarajevo je to itekako. Dosta, ima stvari u samom zakonu koji reguliše područja koja nisu bila regulisana, koja otvara nove mogućnosti za sportiste jer ipak, Sarajevo je uvijek bilo grad sporta i to treba da bude i dalje. Međutim, evo, vidjeli ste i samu diskusiju i raspravu koju je izazvao ovaj zakon. Ono što mene je zabrinulo, a to jeste način na koji ovaj se zakon ugurao na dnevni red. Ja ne bih volio da ovdje budemo imali, da se obistini, da se po jutru dan poznaje,

pa onda da imamo problem sa ovim zakonom. Naime, ono što sam i upozoravao u samom početku, ipak smatram da mišljenje Zakonodavno-pravne komisije Skupštine Kantona Sarajevo, trebali smo uvažiti i ovako jednu lijepu priču da ne uprljamo na samom početku. Ono što je, pa joj, kod nas svašta nešto ne treba, pa ni kvorum, ali eto. Ono što je posebno zabrinjavajuće jesu navodi Pravobranilaštva Kantona Sarajevo, kao u svom mišljenju, prije svega ukazuje da ocjenu suglasnosti odredbe predloženoga Nacrta Zakona o sportu Kantona Sarajevo kao suglasnosti federalnih i kantonalnih zakona sa Ustavom Federacije Bosne i Hercegovine, bilo da je usvojen ili u fazi prijedloga, kao i saglasnosti propisane koju donose organi vlasti u Federaciji Bosne i Hercegovine, s Ustavom Federacije Bosne i Hercegovine, vrši isključivo Ustavni sud Federacije Bosne i Hercegovine, što ukazuje na činjenicu da predloženi Nacrt zakona nije u skladu ili možda neki dijelovi nisu u potpunosti u saglasnosti sa Ustavom Federacije te se poziva na saglasnost o odredbi koji vrši isključivo Ustavni sud Federacije Bosne i Hercegovine. Dakle, uvidom u dostavljeni Nacrt Zakona o sportu, Pravobranilaštvo je utvrdilo da se da odredbama dostavljenog Nacrta Zakona o sportu ne uređuju imovinskopравни odnosi, prava i obaveze prema stvarima u vlasništvu Kantona Sarajevo na direktan i neposredan način. Međutim, pazite ovo, član 157. Nacrta zakona je predvidio zaključenje ugovora o realizaciji programa koji će se na direktan i neposredan način urediti pitanje financiranja ili sufinanciranje određenih programa i projekata od strane Kantona Sarajevo, odnosno, isti će se, na direktan i neposredan način urediti pitanje potencijalno imovinskopравnih odnosa, prava i obaveza prema stvarima u vlasništvu Kantona Sarajevo. Također članom 183. Nacrta Zakona o sportu Kantona Sarajevo, propisana je lista pravilnika i podzakonskih akata koji će resorni ministar, bez skupštinske većine, donijeti nakon usvajanja predloženog Nacrta zakona, a kojim će se na direktan i indirektan način urediti pitanje potencijalno imovinsko-pravnih odnosa, prava i obaveza prema stvarima u vlasništvu Kantona Sarajevo. Pravobranilaštvo Kantona Sarajevo na kraju, u svom mišljenju konstatuju da je dostavljeni Nacrt Zakona o sportu Kantona Sarajevo ne utvrđuje imovinsko-pravni odnos, prava i obaveze prema stvarima u vlasništvu Kantona na indirektan i neposredan način, a isti će se u red posebnim ugovorima, pravilnicima, podzakonskim aktima, te stoga Pravobranilaštvo nema primjedbu na dostavljeni Nacrt zakona, malo kontradiktorno. Te smatram da Pravobranilaštvo Kantona Sarajevo na dostavljen i nacrt Zakona o sportu u suprotnosti sa Zakonom o pravobranilaštvu Kantona Sarajevo jer je Pravobranilaštvo Kantona Sarajevo državno tijelo koje preuzima mjere i pravna sredstva radi pravne zaštite i imovine interesa Kantona Sarajevo, te u postupku donošenja općih akata koje uređuju imovinsko-pravne odnose, prava i obaveze prema stvarima u vlasništvu Kantona Sarajevo, obavezno se pribavlja mišljenje pravobranioca. Pravobranilaštvo pruža stručnu pomoć organima, fondovima, preduzećima i drugim pravnim licima u rješavanju imovinsko-pravnih pitanja i daje mišljenje u vezi sa zaključenim ugovorima imovinsko-pravne prirode. Organi i pravna lica su dužni pribaviti pravno mišljenje pravobranilaštva prije zaključivanja ugovora o kupoprodaji, zamjeni, zakupu, prijenosa na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusu, ugovora o oblicima povezivanja preduzeća, kao i drugih ugovora kojima se pribavljaju stvari i druga imovina. U skladu sa navedenim, smatram da se ugovorima i podzakonskim aktima koje će donijeti resornim ministar, odnosno resorno ministarstvo, a koji su navedeni u Nacrtu zakona, ne mogu uređivati pitanje na direktan i neposredan način i urediti pitanje imovinskopравni odnosi, prava i obaveze prema stvarima u vlasništvu Kantona Sarajevo, bez prethodno pribavljenog mišljenja Pravobranilaštva Kantona Sarajevo. Ovako jedan bitan zakon, pazite sport, koliko god je on plemenit i koliko god je ovo i što je kolega Vibor kazao, dobar za razvoj, za odgoj, za sve ono što ide uz omladinu, sport nosi i ogroman novac. Sada na početku, ako ne definišemo sve ono što je potrebno da ovaj Zakon u svom punom kapacitetu definiše sve odnose, sve obaveze i sve ugovore koji će nastati, koji će biti

proizvod ovog zakona, gospodo draga, mi možemo biti u ozbiljnom problemu. Zbog toga, ne zbog same suštine zakona, evo, pozdravljamo one probleme, odnosno pozdravljamo intenciju ovoga zakona da riješi one probleme koji su u Kantonu Sarajevo, ali nemojte da ih rješavamo ad hock, nemojte da za godinu dana imamo izmjenu i dopunu zakona zato što ste nešto nismo usvojili, zato što nismo na vrijeme reagovali na neke stvari. Potrebno je da ovaj zakon u potpunosti ispoštuje sve procedure, da bude u skladu sa svim normativnim ili pravnim propisima. Jer pored svega ovoga što smo kazali, nemojte zaboraviti da sport nosi ogromna finansijska sredstva. A kada stvari nisu uređene, kada su ostavljene na tumačenje, neprecizno i neadekvatno definisane, otvaraju se sumnje i sve ono što dolazi sa tim. I umjesto da pomognemo sportu, mi sport možemo dovesti u još teži položaj u kojem se danas nalazi. Zahvaljujem.

Elvedin Okerić (predsjedavajući)

Mislio sam ja da se javim da diskutujem, ali evo, možete vi, pa ću onda ja na kraju. Izvolite, kolega Bandiću, imate riječ.

Muamer Bandić (zastupnik)

Nije replika, ali slušajte kolega Avdiću sada pošto ste imali dosta prerogativa na zakon, ja neću isticati te prerogative, iako Zakon ima dobrih pravnih rješenja koja se meni sviđaju, koja do sada nisu bila uređeni, nisu riješena, ali moram da istaknem kao opozicija, sada one zbog kojih ja ustvari osporavam sam Zakon. Prema Ustavu Federacije Bosne i Hercegovine kantoni imaju nadležnost nad obrazovanjem, kulturom i sportom, što znači da mogu uređivati oblast sporta, uključujući čak i profesionalni sport. Zakonom o sportu član 82 je propisano sljedeće: “Profesionalni sportski klubovi. Profesionalni sportski klub osniva se kao privredno društvo s ciljem obavljanja sportske djelatnosti“, ovdje ću se zaustaviti na tom članu, a sad ću vam pročitati Zakon o privrednim društvima koji uređuje kao sistemski zakon ovo pitanje, odnosno oblik pravnih lica, odnosno privrednih društava, tako da ovaj zakon to nije mogao tretirati. Opšta odredba znači, kaže, sljedeće: „Ovim zakonom se uređuje osnivanje, poslovanje, upravljanja i prestanak privrednog društva. Društvo je pravno lice koje samostalno obavlja djelatnost proizvodnje i prodaje proizvoda i pružanje usluga na tržištu radi sticanja dobiti“. Privredna društva dakle stižu dobit, sportska udruženja ne bi trebala da stižu dobit, oni trebaju da prave rezultate, sportske rezultate, a nikako dobiti. I mi sada komercijaliziramo praktično jednu vrstu ovog sporta, posebno kada govorimo o profesionalnom sportu, kasnije ću govoriti o amaterskom sportu. Nadalje, član 68 propisuje stečajno Zakon o stečaju propisuje sljedeće: „Nad sportskim udruženjima koji je platežno nesposobno, sprovodi se stečaj, odnosno stečajni postupak u skladu sa zakonom kojim se uređuje stečajni postupak“. Sada ću vam pročitati šta piše u Zakonu o stečaju, dakle, ko potpada. Prije svega, ovim zakonom nije uopće propisano koju vrstu pravnih lica, odnosno privrednih društava, nama ovaj zakon propisuje, iako to ne bi mogao da uređuje. Dakle, u tom kontekstu on nije dovoljno ni precizan. Šta su sportska udruženja? Većina sportskih klubova u Kantonu Sarajevo i Bosni i Hercegovini djeluju kao udruženje građana, osnovana su po Zakonu o udruženjima i po Zakonu o sportu na nivou, državnom zakonu. Ta udruženja nemaju svojstvo pravnog lica u privrednom prometu, kao što imaju d.o.o. ili bilo koje drugo privredno društvo, ne posluju s ciljem, dakle, ostvarivanja dobiti već u skladu sa ciljevima utvrđenim Statutom; sportska djelatnost, rad sa mladima itd. Zbog toga nad njima se ne može voditi stečajni postupak pred privrednim sudovima. Ko je subjekt stečaja prema Zakonu o stečajnom postupku Federacije Bosne i Hercegovine? Prema tom Zakonu, dakle, stečaj, predmet stečajnog postupka mogu biti privredni društva, samostalni poduzetnici i pravna lica koja su registrovana za obavljanje privredne djelatnosti sa ciljem sticanja dobiti, dakle isključivo sticanja dobiti. Udruženja građana nikako ne mogu biti subjekti na koje su ovaj Zakon primjenjuje. Zakon o sportu Kantona Sarajevo ne može propisivati stečajne mehanizme. Ako je Zakonom o sportu Kantona Sarajevo uvodi normu koja se odnosi

na stečaj ili uvjetuje postojanje ili nestanak sportskog subjekta kroz stečaj, onda on ulazi isključivo u nadležnost Zakon o stečajevima što u ustvari nije dopušteno. Pored toga, takva norma samo što nije pored toga što je nevažeća može proizvesti pravnu nesigurnost jer otvara pitanje ko je nadležna za eventualni stečaj nad ovim klubovima? Uvodi zabunu šta će se desiti sa imovinom koja postaje predmet stečaja. Šta će se desiti u slučaju ukoliko ima više spojenih sportskih klubova koji u principu unose zajedničku imovinu. Stečajni postupak nad sportskim udruženjima je pravni nonsens, ni po sadržaju ni po važećem zakonodavstvu nije moguće da takav subjekt bude stečajni dužnik. Zakonom o sportu ne može se ne smije uređivati to pitanje direktno, a ni indirektno. Osnovno pravilo dakle, pored toga, u Zakonu se pominju javna preduzeća, ali evo, taj dio ću izbaciti. Članom 40 dopušteno osnivanje klubova kao privrednih društava, ali definiše jasne mehanizme zaštite amaterskog sporta. Ovo kad govorimo, dakle, o profesionalnom sportu, ovo je bilo prethodno. U principu, na taj način se stvara komercijalna sfera koja ulazi u sport i u tom kontekstu, dakle, rezultati postaju u drugom planu, sportski rezultati. U članu 35 do 37. uključujući 38 stav. 4. Velika diskreciona ovlaštenja pripadaju ministru za odlučivanje o tome šta je sportska aktivnost i davanja rješenja o upisu mogu dovesti do političkog upljeva. Ono što je bitno jeste da određena sportska udruženja, pored upisa u registar Ministarstva pravde i Ministarstva, imajući obavezu upisa upisa u sudski registar. Dakle, što ustvari na neki način dovodi do podijeljeni nadležnosti. Nedovoljni je razvijen okvir za financiranje sporta, ono što je najključnije to nije dovoljno razrađeno, ali ovo očekujem u tom kontekstu u javnoj raspravi ovo može biti detaljnije razrađeno. Iako se spominju u članu 38. stav 5) nema jasnih kriterija za dodjelu sredstava, što je u praksi često dovodilo i do netransparentnog financiranja dosadašnjim zakonom. Ono što jest bitno jeste je sport je definisan i ja ću to pozdraviti, doduše, bez nekih konkretne razrade i nije predviđen model podrške z- sport zajednice, na primjer kroz saveze, dok u nekim drugim, uređenim europskim zemljama to je taj model je vrlo uspješan. Nacrti za adresiranje poticajnih potencijalne konfliktne nadležnosti, posebno za Saveze na entitetskom i državnom nivou, nisu razrađeni u potpunosti. Ono što su iznijeli kolege kao pozitivno, dakle, jasno se definiše subjekti sporta. Precizira se ko sve može biti nosilac sportskih aktivnosti i obuhvata širok spektar organizacije, uključujući osobe sa invaliditetom, školske i univerzitetski klubovi, što su zaista pozdraviti. Sportski registar uvodi se centralizovani evidencijski sistem, što može olakšati planiranje finansijskih kontrola. I to ću pozdraviti. Detaljna pravila za utvrđivanja člana 45 do 66 propisuje osnivanje organa uprave upravljanja, prava i obaveze članova, sukob interesa i upravljanja imovinom, što u dosadašnji zakon zaista nije bilo uređeno. U tom kontekstu i to možemo pozdraviti. Prevelika birokracija samog Zakona o člana 60, 58 do 61. to su dupli upisi u registar udruženja, i sportski i registarski, zatim prekratki rokovi od 30 dana mogu opteretiti neke male klubove koji nemaju administrativne kapacitete. Subjektivnost ministarstva kao što sam rekao, čak istaknuto u članu 57, 58. i 61., ministar daje saglasnost za korištenje naziva Kanton Sarajevo, odlučujuće unosu u sportski i registar raspodjele imovine, što je diskreciono pravo vrlo široko postavljeno u dispoziciju ministra. Sankcija, zabrana rada kojoj je istaknuta članom 58, stav 7) vrlo oštro mjera za klubove koji propuste upis u sportski registar. Ona bi mogla biti, evo da kažem na neki način olakšan, posebne za one klubove koji se rade, koji se bave amaterskim sportom. Nejasnoće kod prelaska sportista član 47. Otkazni rokovi, zabrane istupanja mogu ograničiti slobodu kretanja sportista, što je potencijalno sporno sa aspekta prava EU. Sukob interesa, to sam već naglasio. Uvesti pojednostavljeni postupke, za makar za male klubove, odnosno da udruženja koji bi automatski upis u sportski u sportski registar nakon registraciji. Ograničavajući diskreciono pravo ovlaštenja ministra, treba precizirati kriterije i odluke o raspodjeli imovine. Ono što je vrlo interesantno da ministar ima pravo raspodjele imovine, to je vrlo diskutabilno, da li u svojoj dispoziciji može jedna ovakva odredba da postoji. Propisati duže rokove za usklađivanje sa zakonom, možda do 90 dana. Kada je u pitanju član 90, član 87 čini mi se, nije precizno koja institucija vodi nadzor nad poštivanjem ovih

odredbi, osim inspekcije, ali inspekcija provodi inspekcijski nadzor, nadzor nad provođenjem zakona. Dakle, okolnost da niste mogli dobiti ovu mogućnost osnivanja privrednih društava, vi nemate jasno i precizno propisane odredbe ko će vršiti nalog po pitanju ovog zakona kada su pitanju ovi oblici sportskog udruživanja i vjerojatno ukoliko ste rekli ministre, evo ja sam dobio pet poruka, ukoliko ste rekli da su vam pomagali profesionalci, onda su vam ti profesionalci morali da kažu da ste morali da prije toga izmijenite zakon, sistemski zakon, koji se zove Zakon o privrednim društvima, to je Zakon koji nam omogućava neki drugi oblik privrednog, dakle registrovanja. Vi sada pokušavate, dakle, da taj zakon podvedete, da ove činjenice podvedete po taj Zakon, što je potpuno je neprihvatljivo, nemoguće uraditi. Stečajni postupak nad sportski udruženjima. Ko provodi stečajni postupak? Šta se dešava sa tom imovinom? Šta će se desiti sa imovinom kada se radi o udruženim sportskim udruženjima? Nemamo nikakvu konkretnu i preciznu, uređenu, uređenu legislativu kada je u pitanju ovo, ne definiše se šta se dešava sa pravima članova i sportista tokom stečaja, nema upute kako postupak ako su sportska udruženja, korisnici javnih sredstava ili javne imovine, ono što vam je rekao kolega kolege Selmanović, dakle, bio je u pravu, tada morate imati saglasnost ako se radi o javnoj imovini, ukoliko se radi o privrednim društvima osnivač im Kanton, onda morate imati saglasnost, dakle pravobranilaštva, odnosno osnivača. Kod transformaciju privrednog društva. Nije jasno šta se dešava sa članovima udruženja. Može doći do zloupotreba ako se imovina javnog interesa prenosi u privatna lica. Obaveza sačinjavanja finansijskih izvještaja to pozdravljam, dakle, to je zaista u jednom dijelu uređeno, mada se moglo i još preciznije da uredi na primjer da revizorski izvještaj provodi neke nezavisne kuće. Član 71. Prijavljivanje, spajanje sportskih udruživanja, pravni smisao, meni to ima neko opravdanje, ukoliko, naravno zanemarimo, činjenicu da je ova odredba neustavna, ukoliko je, dakle, sud oglasi ustavnom ili ako se usaglase nadležne institucije da je ovo ustavno, onda u tom dijelu bi morali zaista da poradite na izradi izmjeni ovog člana. Upis i pripajanje sportskog udruženja u sportski registar, pravni smisao, to uređenje upisa u pravni registar, problemi koji mogu nastati vezani su više za rokove i pogotovo kada se radi o ovim manjim sportskim udruženjima, odnosno klubovima, posebno koji se bave amaterskim sportom. I ono što je rekao kolega Samir Avdić, moram, dakle, da se zaista osvrnem. U jednom u ovom trenutku istakao, dakle, da profesionalni, dakle sportisti, odnosno radnici u ovim sportskim udruženjima bi trebali da imaju nivo obrazovanje, kako je to navedeno zakonom. Ja ću vas podsjetiti kolega Avdiću, da najmanji broj ovaj sportista koji dolaze iz borilačkih vještina imaju mogućnost da ispunjavaju ove uslove i onda se dovijaju na način da oni završavaju neke fakultete tamo negdje, na nekim privatnim fakultetima, iako se radi o vrhunskim sportistima, vrhunskim trenerima, ali ovo za njih neće biti, evo da kažem, ispunjavajući uslove. I u tom kontekstu, dakle, postoje podijeljena mišljenja kada je u pitanju ova odredba. Ja mogu da pozdravim zaista određena pravna rješenja, ali kao što sam rekao na početku, dakle, na Zakonodavno - pravnoj komisiji, evo završavam, ja ostajem pri svom stavu, dakle, tad sam izrazio svoj nesaglasnost sa usklađenošću ovog Zakona s Ustavom i tako ću glasati. Naravno, sve ove svoje sugestije ću dostaviti u javnoj raspravi Ministarstvu. Hvala.

Elvedin Okerić (predsjedavajući)

Zastupnik Haris Zahiragić. Replika, zastupnik Samir Avdić.

Haris Zahiragić (zastupnik)

Izvoli repliku. Ima prednost.

Samir Avdić (zastupnik)

Zahvaljujem se. Evo, ovo zadnje što je ovaj na što je upozorio kolega Bandić, mislim da je dobro i da treba da uđe kao dio javne rasprave i možda treba razmisliti da se na određeni na neki drugi način uredi taj član. Kada u pitanju ovaj vezivanje za Zakon o privrednim društvima, ja ću podsjetiti da kada je u pitanju kada su u pitanju privredna društva i javna preduzeća, još

2022. godine, prilikom izrade prvog nacrtu ovog zakona Ministarstvo pravde je sugerisalo određene izmjene odredaba koje se odnose na transformaciju sportskih udruženja u sportsko privredno udruženja, a Ministarstvo kulture i sporta te sugestije i uvažilo, nakon čega je uslijedilo pozitivno mišljenje Ministarstva pravde Kantona Sarajeva. Kada je u pitanju vezivanje tog zakona, odnosno tvrdnja da je ovaj zakon protivan, odnosno u koliziji sa Zakonom o privrednim društvima, ja bih samo podsjetio na ono što imamo ovdje u materijalu, a to je da je nekoliko članova ovog novog Zakona doslovno prepisano iz državnog Zakona o sportu Bosne i Hercegovine, poput člana 20. Zakona o sportu BiH, profesionalni sportski klub. Profesionalni sportski klub, klub osniva se kao privredno društvo, odnosno preduzeće s ciljem obavljanja sportske djelatnosti. Profesionalni sportski klub osniva se i registrira kao poslovni subjekat kod nadležnog suda u skladu sa okvirnim Zakonom o registraciji poslovnih subjekata u Bosni i Hercegovini, Službeni glasnik BiH broj 42/4 i odgovarajućim entitetskim zakonima kojima se uređuje osnivanje poslovnih subjekata. Ovim zakonom i zakonima o sportu entiteta i drugih nivoa administrativnog organiziranja, kao i statutima sportskih saveza. Ovo je član 20. Član 82 je sličan. Bavi se profesionalnim sportskim klubovima. Član 28. b) profesionalnim sportskim klubovima sa invaliditetom, član 95 profesionalnih sportski klub lica sa invaliditetom itd. Itd. Svi su ovi članovi doslovno prepisani iz državnog Zakona o sportu Bosne i Hercegovine i upravo uređuju ovaj dio koji ste kolega Bandiću govorili u vezi sa ovim zakonom i njegovoj korelaciji sa Zakonom o privrednim društvima. zahvaljujem.

Elvedin Okerić (predsjedavajući)

Odgovor na repliku minuta kolega Bandić.

Muamer Bandić (zastupnik)

Zahvaljujem se. Kolega Avdiću, ako ste me pažljivo slušali, vjerovatno vam je ministar dostavio taj Zakon i to na državnom nivou riješeno. Naravno to se radi o nivou državnom, oni imaju tu nadležnost. Ja sam vam pročitao nadležnosti Kantona, koje su. Dakle, u nadležnostima Kantona nemate eksplicitnu mogućnost mijenjanja ove vrste propisa. Ja sam to pročitao, to što vi ministre kažete da nije, ja kažem da jeste. Što se već tiče tog, trebate se javiti za riječ, nemojte nam upadati, dakle, dok mi govorimo, pa vi, vi ministre, upadate u riječ dok mi govorimo ovdje, zastupnici. Ministre, ja bih vas zamolio zaista na neko primjereno ponašanje sa vaš strane. Dakle, kada je u pitanju saglasnost. Jel možemo ovakvo raspravljati, kolega Okeriću? Nisam ga neopravdano prozvao jer je rekao da nisam u pravu, ja sam rekao ako on smatra da nisam u pravu, ja smatram, ali OK, da ne idem dalje. Sve OK. Dakle, kolega Avdiću, kada je u pitanju mišljenje Ministarstva pravde, ja ću vam reći da je Ministarstvo pravde dalo saglasnost na Pravilnik uredu za besplatnu pravnu pomoć u kojem je jasno, zakonom precizirano, precizno propisano da ispunjavanje uslova ko radi u tom Zavodu mora dakle imati položen pravosudni ispit. Imate osobu koja tamo nema položen pravosudni ispit, a Ministarstvo pravde dalo saglasnost na takvu vrstu Pravilnika. Ja više ne prihvatam ta obrazloženja eksplicitna, argumentom kada vi izađete, obrazložite to, ja ću to prihvatiti zaista, a u ovom slučaju, kad vi meni

Elvedin Okerić (predsjedavajući)

Vrijeme kolega.

Muamer Bandić (zastupnik)

Evo da završim.

Elvedin Okerić (predsjedavajući)

Pa evo završavate 2 minute replicirate.

Muamer Bandić (zastupnik)

.. Nekakvo argumentovano obrazloženje, neku fakturu ja ću to prihvatiti, ali zaista u kontekstu ovoga dali Ministarstvo pravde i dao je Ured za zakonodavstvo, dao ovaj da onaj, ja sada ovdje na raspravljamom sa Uredom za zakonodavstvo, ni sa Ministarstvom pravde, iznosim tačne odredbe Ustava za koje smatram da su povrijeđeni.

Elvedin Okerić (predsjedavajući)

Vrijeme kolega Bandiću, moram vas zaista prekinuti. 2 minute govorite odgovor na repliku.

Muamer Bandić (zastupnik)

..Dakle iznese neku drugu. (zastupnik nastavlja govoriti nakon isključenog mikrofona).

Elvedin Okerić (predsjedavajući)

Uključite zastupnika Harisa Zahiragića.

Elvedin Okerić (predsjedavajući)

Replika prvo. Možete prvo uključiti zastupnika Davora Čičića, replika Samiru Avdiću, pa onda.

Davor Čičić (zastupnik)

Ne Samiru, kolegi Bandiću.

Pa samo kratko. Ja bih samo skrenuo pažnju kolegi Bandiću.

Elvedin Okerić (predsjedavajući)

Da kolega Čičiću ne možete replicirati.

Davor Čičić (zastupnik)

Bandiću.

Elvedin Okerić (predsjedavajući)

Na diskusiju njegovu? OK.

Davor Čičić (zastupnik)

Imam 2 valjda replike, imam 2 replike, jel imam? Jesam li ispucao?

Elvedin Okerić (predsjedavajući)

Uključite kolegu Čičića.

Davor Čičić (zastupnik)

Zahvaljujem, evo, samo bih skrenuo kolegi Bandiću pažnju da obrati pažnju na član 18. Zakona o sportu, gdje piše shodna primjena zakona, odnosno odnosi se na shodnu primjenu zakona i u stavu 1, kaže: „Na pitanja koja nisu uređena ovim zakonom shodno se primjenjuju propisi kojima je uređena oblast obligacionih odnosa, oblast rada, privrednih društava, javnih preduzeća, udruženja i fondacija i posebnog registra lica pravosnažno osuđenih za krivična djela seksualne zloupotrebe, iskorištavanja djece i mladih i druga krivična djela zbog kojih je zabranjeno obavljanje funkcija, djelatnosti, aktivnosti u oblasti sporta“ i stav 2) „Na na sva ostala pitanja koja nisu urađena u ovom zakonu primjenjuje se Zakon o sportu u Bosni i Hercegovini“. U svakom slučaju, mislim da je ovim članom neke nedoumice su ono riješena, ali podržavam i njegovu diskusiju da ako ima još kakvih nedoumica koja se mogu riješiti kroz javnu raspravu, da u svakom slučaju ministar prihvati sve ono što je argumentovano da se mijenja do prijedloga zakona. Hvala.

Elvedin Okerić (predsjedavajući)

Odgovor na repliku kolega Bandiću, ali poslovnički minuta, izvolite.

Muamer Bandić (zastupnik)

Zahvaljujem. Kolega Čičiću, ja se slažem sa ovim što ste vi rekli da postoji odredba koja upućuje dakle na druge zakone, ukoliko postoji potreba za primjenom drugog zakona. Ali ono što jeste organizovanje sportskih udruženja koja će se baviti profesionalnim sportom po Zakonu o privrednim društvima, koji model tog organizovanja se podrazumijeva. Dakle, vidite, ne možete vi ovim zakonom to urediti, isto ko što niste mogli, dakle dok niste izmijenili sistemski zakon, donijeti zakon, ne znam tamo ovim policijskim, kako se zove ovim redarima, da, dakle, mi nismo mogli taj zakon da izmijenimo dok nismo izmijenili sistemski zakon koji nam daje mogućnost da registrujemo jednu takvu upravnu organizaciju. Isto tako dok vi ne promijenite Zakon privrednim društvom nećete moći registrovati ovo kako je to propisano u ovom zakonu jer se radi o sistemskom zakonu. Zakon o privrednim društvima je sistemski zakon.

Elvedin Okerić (predsjedavajući)

Vrijeme kolega.

Muamer Bandić (zastupnik)

Zahvaljujem. Propisuje modele privrednih društava.

Elvedin Okerić (predsjedavajući)

Zastupnik Haris Zahiragić. Diskusija izvolite, imate riječ.

Haris Zahiragić (zastupnik)

Zahvaljujem se. Pa imao bih dvije dimenzije svoje diskusije. Prva je ova formalno-pravna, a druga je suštinska. Kada je u pitanju formalno-pravna, tu se potpuno slažem sa kolegom Bandićem kojem je malo vremena 10 minuta da iznese sve probleme sistemske u koje ovaj zakon zalazi. Dakle, ja mislim da kolega Bandić imam problem što publici koja nije formalno na tom nivou znanja o društvu, državi i uređenju pokušava objasniti nešto. Pa evo, ja ću pokušati to uprostiti kolega, da ne koristim advokatski rječnik. Dakle, federalni propis o privrednim društvima je lex specialis zakon koji govori o osnivanju i formiranju privrednih društava. Ne možemo mi s kantonalnim nivoom proširiti dijapazon onoga što je propisano federalnim zakonom, ako me možete razumjeti na šta mislim, isto kao što da mi pokušamo npr. da u Kantonu Sarajevo izmjenama Ustava osnujemo još neki Kanton, ne možemo, jer Ustav Federacije poznaje samo kako bi pojedini ministri rekli iz Vlade Federacije 9 kantona, zapravo 10 kantona. Dakle mi ulazimo u nadležnost Federacije i zbog toga je vjerovatno Zakonodavno-pravna komisija, opravdano potpuno, dala negativna mišljenje, jer ne možemo nešto ovako ozbiljno raditi naopako. Kolega Bandić je iznio manji dio problema koji se mogu tu naći, ali evo, karikiram, maloprije je pitao šta će biti ukoliko klub neki ode u stečaj po Zakonima o privrednom postupku i Zakonu o stečaju koji se odnosi na privredna društva, da li će sportisti koji su formalno angažovani u klubu, a nisu uposlenici kluba, moći ostvariti svoja prava kroz postupak stečaja. Podsjećam vas da sportisti koji igraju u klubovima nisu zaposlenici klubova, nego imaju specifičan angažman, na njih se ne plaćaju puni doprinosi. Hajmo riješiti radno-pravni status sportista kantonalnim propisom, ne možemo, jer je to tema federalnog Zakona o penzijsko i imovinskom osiguranju i federalnog Zakona o doprinosima. Zato nemaju fudbaleri, košarkaši, rukometaši i generalno sportisti nemaju penziju, ne uplaćuje im se penzioni staž. Dakle, pozdravljam dobru namjeru da se riješi ovo, ali jednostavno pogrešan nivo vlasti koji pokušava riješiti sistemski problem. U Bosni i Hercegovini su nadležnosti podijeljeni za sport, država, nažalost, nema nadležnosti za sport, taj Okvirni Zakon o sportu u Bosni i Hercegovini

jeste prepoznao privredna društva kolega Samire, međutim to bi trebala realizirati entitetska ministarstva pravde i predložiti takve zakone. To što imamo problem sa HDZ-om, koji tvrdi da to nije nadležnost Federacije, nije možda sam sport u podijeljenoj nadležnosti Kantona i Federacije, ali sistem organizacije pravnih subjekata jeste u nadležnostist Federacije. I miješate kruške i jabuke i evo, uradite kako god želite, napraviti ćete goru stvar. Dovodite u opasnost cijeli sport u Kantonu Sarajevo. Put do pakla je popločen dobrim namjerama. Ja vas pozivam da prihvatite mišljenje Zakonodavno-pravne komisije, da vratite na doradivanje. I ne može Kanton Sarajevo uzeti nadležnost Federacije i ja bih volio da može u konkretnom slučaju, ali ne može i onda dajte da pokušajte te stvari riješiti na nivo Federacije, a ono što može Kanton riješiti dajte da riješimo kantonalnim Zakonom o sportu. E sada dolazimo do suštine zakona, pozdravljam intenciju i potrebu da se donese ovaj zakon i pozdravljam rad Ministarstva i želju da se popravi stanje u sportu. Stanje u sportu u glavnom gradu Bosne i Hercegovine je katastrofalno. Ja ću samo radi dobrog prikaza pročitati vam ko su prvaci u tri najpopularnija sporta posljednjih nekoliko godina. Evo, sada ćemo da krenemo od rukometa 2012. godina - Sloga Doboj, pa Borac -Banja Luka, pa Borac Banja Luka, pa borac Banja Luka, pa Izviđač Ljubuški, pa Borac Banja Luka, pa izviđač Ljubuški, Izviđač Ljubuški i Borac Banja Luka. Dakle Ljubuški i Banja Luka su u stanju proizvesti prvake, a Sarajevo to nije u stanju. Ako odemo u košarku, tu je stanje još gore. Osme godine, Široki Brijeg, devete Široki Brijeg, 10. Široki Brijeg, 11. Široki Brijeg, inače je Lištica poznata po generacijama sportista i uspjesima koji su nizali posljednjih par stoljeća, karikiram, naravno. Onda je još veći centar sporta Laktaši ili Aleksandrovac, Igokea, Igokea, Igokea, pa onda Zrinski, pa Široki, pa Igokea, pa Široki, pa Igokea, pa Igokea, pa Igokea, pa Igokea. To je rezultat našeg ulaganja u sport i našeg odnosa spram sporta. I da do najpopularnijeg sporta dođemo, evo, gospodin Dević kaže da korespondira, korespondira sa određenim političkim procesima u Kantonu Sarajevo. Tačno, možete po godinama pogledati kada je ko koju političku odluku donio i koju stranku napravio. U fudbalu '20.-te godine Borac Banja Luka, '21./ '22 Zrinski Mostar, '22. /'23 Zrinski Mostar, '23./'24. Borac Banja Luka, '24. /'25. Zrinski Mostar. I u uslovima, dok tri najpopularnija kolektivna sporta Sarajevo između 5 i 15 godina nema prvaka ni u jednom sportu. Mi pokušavamo riješiti sistemske probleme Federacije, a izostavljamo, recimo, u ovom zakonu, što bi možda bilo najpotrebnije donijeti da proglasimo da razdvojimo profesionalni sport i amaterski sport u kontekstu financiranja, da odredimo amatersko-amatersko jer amaterski nije amaterski, amaterski je zdravlje, stanje jednog naroda, jedne nacije, amaterski sport je podjednako važan kao profesionalni. I njima jednu nišu finansijsku jasni uslovi, transparentni pozivi i pravdanje sredstava da naša djeca mogu besplatno se baviti sportom i biti zdrava, i profesionalni da grad Sarajevo ponovno ima ponos i da ima položaj i status kakav je nekada imao, koji je zbog svojih neuspjeha na svim poljima, pa i u poljima sporta, izgubio i da prepoznamo koji su to klubovi do interesa za Kanton Sarajevo. Kada bismo definisali Sarajevo, Željezničar, KK Bosnu, RK Bosnu kao klubove od interesa za Kanton Sarajevo i omogućili im godišnje financiranje od milion ili dva konvertibilnih maraka u ovisnosti od zahtjeva i potreba, mi bismo puno bolji posao napravili nego da ulazimo u ove zakonodavno pravne probleme. Drugi dio sredstava predvidjeti za amaterski sport, omogućiti besplatne ili subvencija za sportove koji su potrebni ovom društvu, koje procijene zdravstveni sektor, socijalni sektor i razni drugi sektori, nemamo vojni rok također, u ovom društvu sport je ovdje puno važniji nego što mi ga uopšte doživljavamo i to ne uradimo, a radimo ove stvari. Evo, pozivam ministra da svoju energiju, koji evidentno ima i želju da popravi stanje u sportu, preusmjeri u to i da ovim nacrtom definiše te stvari, da promijeni, zapravo da ovaj Zakon o sportu bude ono što mi možemo uraditi, a da federalne teme svi zajedno pokušamo na nivou Federacije promijeniti. I da onda sportske kolektive definišemo kao posebna, ni privredna društva, ni udruženja, nego kao posebne oblike pravnih lica koji će djelovati po posebnom zakonu, koji će imati svoja pravila igre, odvojena i od privrednih društava i od udruženja. Ako mene pitate, ako već biramo

među privrednih društava i udruženja, puno je primjereniji da budu sportski klubovi registrovani kao udruženja ne Privredna društva radi hiljadu privilegija koje ta udruženja, odnosno privredna društva imaju i tj. ograničenja koja nemaju, za razliku od privrednih društava. Ja razumijem da postoji par privrednika koji su malo uložili u sport, pa željeli bi to potpuno komercijalizirati, pozdravljam i to, ali ne smije zbog toga biti žrtva cijeli sport u glavnom gradu Bosne i Hercegovine. Pozivam vas da adekvatnim zakonom vratimo Sarajevo, Željezničar, RK, KK Bosnu, odbojku i druge sportske kolektivne na pravo mjesto. Sve što treba od nas njima je novac, infrastruktura, to je u nadležnostima Kantona Sarajevo, a dok to ne damo, mi rješavamo neke stvari koje nisu u našim u nadležnostima i narednih 15 godina obećavam vam, osim ako neka privatna inicijative, kao u slučaju RK Bosne ili FK Sarajeva, ne dođe do izražaja, nećemo i dalje imati prvaka, nećemo igrati više ni finala, ni kupa itd. I to je ozbiljan problem i o tome bi se trebalo ovdje više razgovarati. Hvala.

Elvedin Okerić (predsjedavajući)

Replika zastupnica Vedrana Vujović.

Vedrana Vujović (zastupnica)

Zahvaljujem. Pa kolega Zahiragić vidim, vidim da niste bili prisutni u toku cijele diskusije kada smo počeli ovu tačku dnevnog reda, ja sam napomenula vjerujem da ste i upoznat s tim da je kolega Denis Grac, zastupnik DF-a u Parlamentu Federacije, uputio prijedlog Zakona o sportskim dioničkim društvima Federaciji Bosne i Hercegovine, međutim on je ovaj zakon nije uputio prvi put prije 2 mjeseca, uputio ga je 2017. godine, kada nije baš naišao na podršku tadašnje parlamentarne većine u Parlamentu Federacije. Evo ja se iskreno nadam da će ovaj put dobiti i pozitivno mišljenje Vlade i da ćemo, evo svi zajedno, bar političke stranke, evo i delegati koji su iz Kantona Sarajevo, da ćemo ovaj zakon podržati u oba doma parlamenta. A evo kada govorite, s obzirom da se iznijeli određene podatke ko, kada je i u kojoj mjeri osvajao titule, vidim da ste namjerno možda izostavili 2019. godinu kada je Fudbalski klub Sarajevo osvojio duplu krunu u prvenstvu, 2018. godine isto tako je Sarajevo je bilo Fudbalski klub Sarajevo je bio prvak Bosne i Hercegovine, KK Bosna je ove godine osvojila ABA 2 ligu, nije državno prvenstvo, slažem se, ali opet je Kanton Sarajevo možda najviše uz određena privatna lica, dao zaista veliki doprinos i može dati još veći kako bi KK Bosna na regionalnom prvenstvu najjačoj regionalnoj ligi, a u ABA ligi, idućoj sezoni bio, da kažem, ne samo mnogo bolji nego bio reprezentativniji kada ju su u pitanju, pogotovo finansije i ulaganje. Slažem, s vama se slažem samo u onom dijelu, a to se treba mnogo veća ulaganja, ali činjenica jeste da ovaj zakon je možda prva tačka te da ćemo eventualno nakon usvajanja zakona, strategijom koja treba da bude na 8 godina, detaljisati i ulaganja u fudbalske klubove, pojedinačne, ali isto tako ulaganje u infrastrukturu jer to je nešto što je Sarajevu neophodno, naročito da imamo, evo u najmanju ruku nacionalni stadion, što je i Vlada i niži nivoi vlasti i ranije su obećali. Toliko, hvala lijepo.

Elvedin Okerić (predsjedavajući)

Odgovor na repliku zastupnik Zahiragić.

Haris Zahiragić (zastupnik)

Nisam morao biti prisutan u sali da bi čuo to što ste vi pohvalili vašeg kolegu Denisa Graca. To što je on uputio, ja ću podržati i podržat ću i u Domu naroda i podržat će SDA u Predstavničkom domu. Međutim, to je tema federalnog nivoa i to nije nešto što nama treba biti osnova. Čestitam ja Denisu, ali pozivam i trojku koja je u Vladi, da tu stvar riješe na federalnom nivou, a ne da opozicioni zastupnici pokušavaju upućivati inicijative. Nisam ja, naravno, propustio sarajevsku titulu, ja sam rekao, nabrajao sam godine od kada nismo osvojili, ne kada jesmo, dakle od '20.-te godine do danas nismo osvojili titulu prvaka fudbala u Bosni i Hercegovini, iako imamo klubove Ivice Osima, Safeta Sušića i ne znam..

Elvedin Okerić (predsjedavajući)

Vrijeme kolega Zahiragiću.

Haris Zahiragić (zastupnik)

Samo sekundu, molim vas. Dakle, da ne nabrajam i Dine Konakovića, jest.

Elvedin Okerić (predsjedavajući)

Odgovor na repliku, minuta kolega Zahiragiću.

Haris Zahiragić (zastupnik)

Evo samo kratko, molim vas. ABA 2 liga je trivijalna liga, čestitam Bosni na njenom uspjehu, čestitam rukovodstvu KK Bosne, ali i dalje nisu osvojili prvaka Bosne i Hercegovine. Ja želim da osvoje, nadam da će osvojiti, da će u ABA 1 imati ligi imati bolji tretman. Ali to nije rezultat Kantona Sarajevo, ni opština, nego rezultat Dubravka Barbarića kada je u pitanju KK Bosna, a kada je u pitanju FK Sarajevo, koje je malo došlo do zraka gospodina Mirvića koji je preuzeo privatnom inicijativom taj klub. I nemoj da se kitimo tuđim perjem.

Elvedin Okerić (predsjedavajući)

Vrijeme kolege Zahiragiću.

Haris Zahiragić (zastupnik)

Hvala.

Elvedin Okerić (predsjedavajući)

Replika kolegi Zahiragiću na njegovu diskusiju. Ne vidim nikakav problem da se podrži javna rasprava, javna rasprava, između ostalog treba da proizvede što bolji prijedlog zakona. Prihvatam jedan dio diskusija koje ste imali i vi i kolege iz opozicije. Jedino od kolege Devića ne mogu da prihvatim, dosta su mu bile konfuzne i čak štaviše, pozivao je da se ništa ne radi, da sve ostane ovako. Zamolio bih vas malo tiše kolega Deviću. Tako da kolega Dević je koristio priliku da nas pozove da ništa ne radimo, da sve ostane ovako kakvo jeste, kao što je to govorio i kod nekih drugih zakonskih propisa. Mi smo imali sličnu situaciju kada je u pitanju Turistička zajednica gdje su nam također govorili nemojte to nadležnost federalnog nivoa, međutim, iskoristili smo ustavnu nadležnost Kantona Sarajevo, osnovali Turističku zajednicu koja sad prikuplja značajna sredstva i, naravno, upumpava ih u društveni sistem kako bi ojačala turizam u Kantonu Sarajevo. Tako da ostavite prostor javnoj raspravi, ja vjerujem da će ovaj neke od primjedbi koje je govorio kolega Bandić, kolegica Vujović, kolega Zahiragić iz opozicije i ostali zastupnici i zastupnice iz pozicije vjerovatno imati efekta do samog prijedloga zakona, ali sada a priori odbiti Nacrt zakona govori samo da se ne želi promijeniti stanje u sportu u kojem se nalazimo. A kolega Zahiragić je baš dobro poredao stvari kada je u pitanju trenutno stanje u kolektivnim sportovima. Mi imamo dosta vrhunskih rezultata koje osvajaju naši sportaši i sportašice i treneri u Kantonu Sarajevo, međutim, njima treba sistemsko rješenje. Zato pozdravljam napore Ministarstva kulture i sporta na čelu sa ministrom Magodom i svima onima koji su učestvovali u pripremi ovog Zakona da iznađemo najbolje rješenje za prijedlog zakona koji ćemo, evo u ovom roku, koji je predviđen 45 dana, u javnoj raspravi iznijeti sve svoje sugestije, primjedbe, prijedloge kako bi imali najbolji zakon. Sama činjenica da više od 20 godina jedna oblast se tretira po starom zakonu, a gdje smo vidjeli da izdvajanje sredstava nije jedino rješenje za sport, bez da se izmijeni u potpunosti Zakon o sportu u Kantonu Sarajevo kako bi imali pune efekte. Ne možemo dozvoliti da imamo višestruke državne prvake, a da nemamo višestruke europske svjetske prvake u pojedinačnim ili nekim kolektivnim sportova, da imamo samo faktički, da imamo faktički situaciju takvu da imamo slučajnost da se napravi neki rezultat, ali nemamo zbog nepostojanja sistema višestruke europske i svjetske prvake koji

ponavljaju ili nemamo u onoj mjeri koju to Kanton Sarajevo zaslužuje. Samo izmjene i dopune zakona, izdvajanjem značajnih sredstava možemo imati rezultate na vrhunskom nivou onakve kako zaslužuje Kanton Sarajevo na međunarodnoj sceni. Stoga podržavam ovu javnu raspravu i pozivam kolege iz opozicije da podrže ovaj zakon i javnu raspravu, a naravno u javnoj raspravi, da dostavi sve svoje prijedloge koji vjerujem da će sigurno unaprijediti zakon do prijedloga.

Zastupnik Muamer Bandić, replika. Kolegi Bandiću sam dao u riječ.

Muamer Bandić (zastupnik)

OK. Hvala. Imali ste 5 minuta za repliku kolega Okeriću, pa evo da to imate u vidu sada kada ja budem replicirao. Kolega Zahiragić je dobro jednu stvar rekao. Vi bi ovo kolega Okerić trebali dobro da znate i znate i ne trebate dozvoliti dakle, o jednu ovakvu vrstu prijelaza sportskih udruženja u privredna društva. Ovdje prije svega možda jedan oblik ovog udruživanja u privredna društva za kolektivne sportove jeste, možda bez obzira dakle, sada ne govorim o ustavnoj nadležnosti, materijalno govorim. Za kolektivne sportove možda bi ovo bilo i dobro, ali ukoliko govorimo o pojedinačnim sportovima ovo nije dobro, imate prijelaz, dakle, sa amaterskog na profesionalni. Gdje su ovdje olimpijski sportovi? Svi ovi dakle, iole bolji sportisti u pojedinačnim sportovima u borilačkim sportovima nek mi kaže neko ko je ispunio normu Olimpijadu, nije niko ispunio normu za Olimpijadu u Bosni jednom ispunio Sejdalija Hasanović, drugi put ispunio mali Ademović i više nikad niko. E sad će oni znate šta uraditi? Neće, ni trudit se da idu na Olimpijadu, odoše odmah u profesionalni sport, tamo je novac. E u tom kontekstu mi treba ne da razvijamo, dakle, profesionalni sport ovdje i njihov profit, mi treba da razvijamo sport i rezultate koji će promovisati ovu državu Bosnu i Hercegovinu. Sramota je, dakle, da Kanton Sarajeva nema ni jednog sportistu u pojedinačnom sportu koji je ispunio uslove za Olimpijadu, osim, čini mi se, u tekvandou ovog malog Hušića, ja ne znam. Dakle, dakle, u tom kontekstu, dakle zaista ovaj oblik, dakle, pored toga što sam rekao da je neustavan, kaže kolega Okerić nama treba promjena, slažem se kolega, ali promjena na bolje, nikako promjena nagore, a ovo, kako ja vidim, dakle, posebno kada se radi o pojedinačnim sportovima, nikako nije promjena na bolje. Hvala.

Elvedin Okerić (predsjedavajući)

Zastupnik Mahir Dević replika.

Mahir Dević (zastupnik)

Hvala, još jednom vas ja najljepše molim, predsjedavajući, da ne zloupotrebljavate Poslovnik, već da odreagujete u skladu sa članom 12. kad su u pitanju prava i dužnosti zastupnika. Nama je potpuno irelevantno šta vi mislite, jer mi u stvari možda vi nas niste razumjeli? Mi tvrdimo da je u Kantonu Sarajevo propalo sve kad ste se vi pojavili. Znači, to tačno korespondira sa ovom 2020. godinom ovu propast u sportu koju je kolega Zahiragić naveo. Vi ste od 2018 pa na dalje se sve ovo dešava, vi ste od tada vlast.

Elvedin Okerić (predsjedavajući)

Kolega Zahiragić čak nabrajao rezultate 201, 2011, 2012, niste slušali.

Mahir Dević (zastupnik)

Tad ste bili pod kontrolom SDA, a niste još sektu vašu bili napravili, pa su vas organi određeni Kantonalni odbor, centrala znali upravljati.

Elvedin Okerić (predsjedavajući)

Kome replicirate kolega Deviću? Ne možete mene replicirati, ja nisam diskutovao žao mi je, onda ću vam morati oduzeti riječ.

Mahir Dević (zastupnik)

Pa mislim.

Elvedin Okerić (predsjedavajući)

Ma vi ne znate ni šta pričate, ni kome replicirate, vama je važno samo da se javite kolega Deviću.

Mahir Dević (zastupnik)

Ja uvijek znam šta pričam. Ja razumijem da vas to malo boli...

Elvedin Okerić (predsjedavajući)

Deviću kako bi vrijeđali ljude?

Mahir Dević (zastupnik)

Nije to vrijeđanje. Ovdje je predsjedavajući sve propalo od kada ste se vi pojavili, ja ne znam da li je to vama jasno, ja to tvrdim.

Elvedin Okerić (predsjedavajući)

Nisam čuo argumentaciju na diskusiju, odnosno repliku kolegice Kapo da ste kazali nešto na to, niste znali odgovoriti i demantovati to što je kolegica Kapo kazala.

Mahir Dević (zastupnik)

Uodate mi u riječ predsjedavajući, a nemate, niste se javili za repliku, za ispravku krivog, niste se javili ni za zašto, oduzimate mi riječ, mislim, zloupotrebljavate Poslovnik.

Elvedin Okerić (predsjedavajući)

Moram oduzeti riječ, jer vi ste prekršili Poslovnik, javljate se da replicirate meni, a jednostavno ja nisam diskutovao kolega Deviću, meni se ne može replicirati. Zahvaljujem se. Zastupnik Adi Kalem, izvolite, imate riječ.

Adi Kalem (zastupnik)

Replika kolegi Zahiragiću.

Elvedin Okerić (predsjedavajući)

Izvolite, imate riječ.

Adi Kalem (zastupnik)

Zahvaljujem. Pošto ja prvi put onaj tražim repliku, pa onda nakači se na sve ostalo. Ne, ja se iskreno nadam da kolega Zahiragić kada je nabrojao, brojao ove uspjehe, odnosno neuspjehe naših, da tako kažem, sportskih kolektiva, ja moram istaći, a i kolegica Vujović je isto zaboravila. Znači, zaboravili smo da tako kažem, da to bude i Gender ravnopravno, zaboravili smo, RK Hadžići, zaboravili smo SFK Sarajevo, koji su šampioni, evo RK Hadžić su napravili izuzetan rezultat u prošloj godini itd. Spin itd. Itd. Tako da onaj ima, nije samo sport muški sport i nije samo sport u četiri gradske ovdje opštine, moramo malo gledati i šire, do granica do granica Kantona Sarajevo. Zahvaljujem.

Elvedin Okerić (predsjedavajući)

Zastupnik Zahiragić, odgovor na repliku da zaključujemo raspravu. Izvolite, imate riječ.

Haris Zahiragić (zastupnik)

Ja čestitam i RK Hadžićima i SFK 2000, međutim, broj publike i zainteresiranost poreskih obveznika za te vrste sportova nisu ono što Kanton Sarajevo plaća na desetine milijuna

godišnje, svaka čast ženskom sportu, ali ja, evo, nazovite me šovinistom, priznajem u fudbalu specifično, samo muški sport i taj me zanima. Pod punom pravnom, materijalnom, moralnom odgovornošću to tvrdim. Ako vas zanima ženski sport, gospodine Kalem, nemate razloga da se sekirate, nastavite posmatrati europska takmičenja SFK 2000. Ja čekam da moje Sarajevo, uz podršku Kantona Sarajeva, ponovno bude prvak i bit će ako Bog da, a naravno i da KK Bosna ponovno bude prvak države i da RK Bosna bude prvak države, a vi pratite te ženske selekcije. Evo i može kad smo kod ženskog košarkaškog sporta, moja majka je nekad igrala za Željezničar košarku, da se Željezničar vrati u vrh BiH košarke ženski itd.

Elvedin Okerić (predsjedavajući)

Zastupnice Kalem ne možete replicirati kolegi Zahiragiću. I čovjek zvani sjenka, zastupnik Faruk Kapidžić ušunjao se lagano na prstima, javio se da diskutuje. Izvolite, imate riječ.

Faruk Kapidžić (zastupnik)

Hvala, ja koliko sam upratio, imam diskusiju, jel tako? Da, javio sam se, javio sam se kada ste rekli da zaključim ovu tačku. Znači, neće biti kada vi hoćete, nego kada mi kažemo, imam pravo na diskusiju i sada ću da diskutujem. Dakle, dakle, te 2017. bio je jedan jako zainteresovan investitor da izgradi stadion FK Sarajeva i da kao uslov da izgradi i preda FK Sarajevu to da se u okviru stadiona izgradi hotel u okviru stadiona i sportska klinika za liječenje. Ja sam taj projekat napravio, naravno, kao navijač Sarajeva, napravio sam taj projekat i predao ovdje u Skupštinu Kantona, odnosno na ruke tada premijera Vlade Elmedina Konakovića. Ja sam bio privatnik i radovao sam se tom projektu, radio sam ga bez para u nadi da će idejni projekat biti usvojen. I sve što je trebalo to je da se potpiše pismo namjere od predsjednika, odnosno od premijera Vlade gospodina Konakovića, da žele jednu takvu investiciju i onda bi išlo, investitor bi registrovao, prebacio novčana sredstva koja su tada bila u procjenu vrijednosti od 30.000.000,00 EUR. To je stadion koji je bio i u javnosti nekoliko puta prezentiran, naravno, pred izbore, jednom mislim da je SDP na jednoj kampanji prezentirao taj stadion, odnosno stavio taj stadion koji je napravljen na stazi za brzo klizanje. Naravno, to je tada bilo ovaj u okviru ZOI-a i tada je bio direktor ZOI-a, gospodin Hubijar, a premijer Vlade je bio gospodin Konaković, inače najistaknutiji članovi lokalne vlasti Kantonalne vlasti SDA. Vi ste tada, gospodine Okerić, bili u Skupštini Kantona ovdje i vi ste uspjeli tog investitora da otjerate, al ekspresno iz ličnih sitnih ratova između Hubijara i Konakovića i vaših stvari, i to je bila slika SDA, tada. Dakle, meni se to gadilo, ta slika SDA, tada kada ste vi bili ovdje predsjedavajući Komisije za sigurnost, davali intervjuje itd. to je bilo očajno i vi ste, ne, ne, to je intervju koji je ovaj dat na visokom nivou, šta, ovaj mislim tako je, kako je, jel, čovjek se uči dok je živ. Tako bih volio da se i sad malo naučite. Dakle, vi ste bili ta SDA, ja nisam bio, vi ste taj sport doveli, dokle ste doveli, ja nisam bio. Mojim projektima je SDP ganjao vlast, ja nisam bio i sada sam ovdje da diskutujem o Zakon o sportu kojeg ste vi sada stavili mimo zaključaka ove Ustavno-pravne komisije, odnosno, kako se zove, zakonodavne komisije. Koliko ja shvatam ovaj sistem, to se nije moglo desiti, mogli ste fino ponovno sazvati Zakonodavno-pravnu komisiju, ali nažalost vi imate većinu, vi donosite odluke Poslovnike o radu, donosite pravila rada i onda se vi ne pridržavate. Ja ne znam, ja ne znam, stvarno mislim dobro, građani Sarajeva su bili ovaj, nisu mogli baš to uhvatiti, ipak, vi ste eksperti za tih 300 mjera, neakvih principa, hej, vi ste pričali o principima i neki 50 000 građana vam je dalo glas. Vi se ne sjećate ni jednog principa, ni jednog, sad da mi kažete evo vi ovdje, recite mi jedan princip, ne sjećate se, a princip o kome ste pričali, pričalo se i o sportu. I sad vi pogazite najobičniju, najobičniju proceduru koju vi imate pod kontrolom i napravite cirkus od Zakona o sportu koji nam treba. Sad ne ulazim u meritum tog zakona. Možda je to bajka, ali vi niste bajka, vi ste, vi ste jednostavno potpuno pogubljeni, vi ne možete gradonačelnika da sazovete, ne možete Klinički centar, evo ne možete ovaj Zakon o sportu da provučete u najnormalnijoj proceduri. Jel to moguće? I sada, naravno da nam ne dozvoljavate

da pričamo zato što je to glavni problem i onda se to i onda se to reflektuje na sport, reflektuje se na zdravstvo, reflektuje se na sve i jednog građanina Kantona koji je istrpio vas Okeriću u SDA, čitav jedan komad i Konakovića, pa vas sada trpi u NiP-u i vas i gospodina Čamparu itd. I onda držite predike nekom Mahiru Deviću, meni, Zahiragiću i bilo kome ovdje i vama se ne može replicirati. E sad ćete vi meni pričati o mojoj struci, održat ćete mi bukvicu, kao što je Konaković pričao, da se ne razumijem u ruže vjetrova. I sada imamo zgradu na zgradu.

Elvedin Okerić (predsjedavajući)

Možete li se samo držati tačke dnevnog reda, kolega Kapidžić. Evo, slušamo vas. Svako petu rečenicu spomenete sport, tako da budete na temi. Hajte pričajte.

Faruk Kapidžić (zastupnik)

vidite, ja očekujem da me prekinete, tako da govorio o temi ili ne govorio, vi ćete me prekinuti.

Elvedin Okerić (predsjedavajući)

Zato vi koristite da blatite.

Faruk Kapidžić (zastupnik)

Nije, nego vi znate da se ovo prenosi i da će se ovo prenijeti i dolazi do građana. Zato vi prekidate, a jedini način da me prekinete je kažete vratite se u temi, a svaki put sam u temi.

Elvedin Okerić (predsjedavajući)

Poslovnički vas prekidam.

Faruk Kapidžić (zastupnik)

Pa čekajte, zar nije tema Zakon o sportu? A jeste li došli u Zakon o sportu kršenjem procedura?

Elvedin Okerić (predsjedavajući)

Tako je. A nigdje ne piše ovdje u Nacrtu Okerić, Konaković i ostali

Faruk Kapidžić (zastupnik)

A jeste li došli do ove tačke kršenjem procedure? Zanimarivanjem uopće komisija.

Elvedin Okerić (predsjedavajući)

Ali Konaković se uopšte ne spominje nigdje u ovom Nacrtu?

Faruk Kapidžić (zastupnik)

Pa on je direktno odgovoran za stanje u sportu i za potrebu ovog zakona, on je odgovoran.

Elvedin Okerić (predsjedavajući)

Ajde vi ste dio organizovane hajke.

Faruk Kapidžić (zastupnik)

Da nije on...

Elvedin Okerić (predsjedavajući)

Iskoristite prilike koju minutu da kažete

Faruk Kapidžić (zastupnik)

Da nije on protutnjao 10 godina u Kantonu ovaj sport bi bio na kudi kamo većem nivou.

Elvedin Okerić (predsjedavajući)

Nepravedno. Ajde, recite još nešto.

Faruk Kapidžić (zastupnik)

Koliko imam vremena? Jel prošlo? Nemojte da profuram, nemojte da me zadužujete, da moram biti prema vama nježan jer ste me pustili 20 sekundi. Neću, ja sam profurao svoje vrijeme, čekat ću novu diskusiju. Hvala.

Elvedin Okerić (predsjedavajući)

Ispravka krivog navoda zastupnik Haris Zahiragić.

Haris Zahiragić (zastupnik)

Kolega Kapidžiću, ja mislim da ste vi preširoko u svojoj diskusiji postavili odgovornost. Nije lijepo da govorimo o njemu, ali evo, ne može se o Kantonu i o sportu govoriti bez da ga spomenemo, gospodina Konakovića.

Elvedin Okerić (predsjedavajući)

Kolega Zahiragiću, prije nego što vam da dalje da nastavite, samo se pozovite na tačku dnevnog reda.

Haris Zahiragić (zastupnik)

Navod da je Konaković. Ne, ne ispravka krivog navoda.

Elvedin Okerić (predsjedavajući)

Samo na član se pozovite kršenja, na član se pozovite.

Haris Zahiragić (zastupnik)

Nije diskusija, nisam poslovničku, fulate.

Elvedin Okerić (predsjedavajući)

Pa kazali ste poslovnička intervencija.

Haris Zahiragić (zastupnik)

Nisam rekao poslovnička intervencija.

Elvedin Okerić (predsjedavajući)

Ispravka krivog navoda.

Haris Zahiragić (zastupnik)

Vi ste napamet naučili predsjedavajući.

Elvedin Okerić (predsjedavajući)

Izvolite kolega Zahiragić.

Haris Zahiragić (zastupnik)

Pomiješalo vam se. Dakle, kolega Kapidžić je rekao da je Konakovićev rad zaslužan isključivo tome što mi danas donosimo ovaj zakon. Postavio je široku odgovornost gospodina Konakovića za sport u Kantonu Sarajevo. Ne bih rekao da je on jedini, ima tu i drugih koji su par milijuna godišnje nisu pravdali, a dobivali su, a gospodin Konaković jeste sigurno odgovoran za propast košarke u Kantonu Sarajevo. Ja bih volio kada bi ministar znam da se slaže sa mnom, bio dovoljno širok da u zakon, ako se to nađe u zakonu, ja ću glasati za njega da zabranimo gospodinu Konakoviću, gospodinu Stojanoviću, da prisustvuju događajima KK Bosne i to je jedina šansa, vidim da se opet muvaju tamo, da su opet došli, parket uzeli, to je jedina šansa da košarka u Kantonu Sarajevo ozdravi. I ako to stavite u zakon, ja sam spreman

da im damo sve milione, svu podršku, bezuslovnu, samo nek su oni u to ne petljaju. Eto, hvala vam.

Elvedin Okerić (predsjedavajući)

Kolegica Vildana Bešlija, replika, izvolite imate riječ.

Vildana Bešlija (zastupnica)

Hvala. Pa zaista ne kao žena, kao neko ko se bavio sportom i kao neko ko će sutra dići ruku za, odnosno danas, već za ovaj Nacrt zakona, onda za usvajanje u konačnici zakona i u ime žena, kratko smo se uspjele nekako usaglasiti, mislim, nije bilo dvojbe i ni sekunde i samo je bilo pitanje tko će iznijeti stav žena u ovoj Skupštini koje sjede. Znači zaista je sramno da se javno i na ovakav način žene sportistkinje i dovode u pitanje njihovi uspjesi, da nipodaštavaju i da se ovako javno hvali sa dizanjem nekog muškog sporta u neki fokus. Ja ću samo navesti par imena, ima ih jako puno, koje su veoma zaslužne za koje su branile boje Bosne i Hercegovine na međunarodnom nivou. Pa evo, možemo se sjetiti ovdje upravo s ovog Kantona, a to je, recimo, Lejla Njemčević, uspješna biciklistkinja, znači koja na nivou Europe brani boje naše zemlje. Sramota je, ja ne znam da li te žene gledaju ovo. Ovaj šta mogu pomisliti, Elvedina Muzaferija, ne znam da ne nabrajam dalje, ima tu ovaj, a da ne pričam o tome koliko, koliko smo daleko od inkluzivnog društva? Koliko smo daleko od toga, a da ne bude samo deklarativna podrška? Čak evo i djetetu Ismailu Barlovu, da ne idemo dalje, znači kakvu poruku? Mi to ljudi šaljemo ovdje, iz ove sale? Svim silama ćemo se boriti, evo ova većina ovdje, žene iz ove sale, a sigurna sam i mnoge kolege koji zajedno donose odluke danas i svaki drugi dan da samo da ne ostane ovdje u članu. 2. Što se spominje? Rodna ravnopravnost izraza ovog zakona, da ne ostane samo na tome. Vrlo vrijedno ćemo donijeti i dati adekvatne, ako treba, doprinose u javnoj raspravi da ovaj zakon zaista bude odličje toga, a da izjave i diskusiju ovog tipa koje sam spomenula zamru jednom zauvijek. Hvala.

Elvedin Okerić (predsjedavajući)

Poslovnička intervencija zastupnik Dević.

Mahir Dević (zastupnik)

Mislim da je najbolji način da se ova patetika kolegice Vildane Bešlije prekine jednom pauzom kluba SDA, od pet iz minuta, jer ovo je patetika, pauza klub SDA 15 minuta.

Elvedin Okerić (predsjedavajući)

Pauza 15 minuta pa nastavljamo dalje.

NASTAVAK NAKON PAUZE

Elvedin Okerić (predsjedavajući)

Nastavljamo sa sjednicom Skupštine Kantona Sarajevo. Prijavljen je zastupnik Muamer Bandić, replika ili? Replika kolegi Kapidžiću. Izvolite, imate riječ tako.

Muamer Bandić (zastupnik)

Pa evo kolega Kapidžiću ovaj zakon je zaista izazvao podijeljena mišljenja i turbulencije, što znači da smo svi bili zainteresovani, da nas zanima kakva će biti pravna rješenja ovog zakona. Vi ste istakli i to jeste činjenica da Zakonodavna pravna komisija nije dala pozitivno mišljenje, ali ipak je Skupština dala na glasanje ovaj jer je tako propisano Poslovnikom i u tom formalno su ispunjeni uslovi. Ono što jest bitno naglasiti da nam nisu objasnili koji je bio pravni osnov, odnosno Ustavni osnov, formalno smo dobili mogućnost, formalno smo dobili proceduru provedenu po Poslovniku, ali suštinski ustvari nije nam niko otklonio dilemu da li postoji

povreda Ustava ona na koju smo mi isticali Zakonodavnoj pravnoj komisiji, niti na toj Komisiji, niti danas u Skupštini nam je bilo ko dao odgovor na to pitanje, dakle šta je bio Ustavni osnov, ali smo glasali kako je propisano čini mi se članom 139 Poslovnika, dakle, Skupština se izjašnjava prije toga na stav Zakonodavno-pravne komisije i ovi su uslovi, dakle formalno ispunjeni. Ja bih zaista volio da ovaj zakon u konačnici epilog ovog zakona da bude u promociji, dakle, sporta, rezultata sportskih, nikako u smislu promocije profita, kako su određene odredbe dale određene mogućnosti i u tom kontekstu, evo, vaša replika je bila ispravna, svi ćemo se uključiti u sam ovaj zakon, odnosno u javnu raspravu o ovom zakonu, postoje mnogo zainteresovanih lica u svemu ovome je i putem nas zastupnika iz Kluba Stranke za Bosnu i Hercegovinu, a vjerujem putem drugih klubova će oni bi tu uključeni, nadam se u konačnici da ćemo dobiti najbolji zakon. Kolega Okerić je rekao da nam treba zakon, treba nam zakon bolji, nikako lošiji od ovoga koji trenutno imamo, ali ukoliko budemo dovoljno, evo da kažem posmatrali percepcionog položaja sportista, a nikako političara, onda možemo očekivati zaista da ovaj zakon bude dobar. Ukoliko budemo posmatrali to kako sad vidim da se to ustvari da se to pokušava..

Elvedin Okerić (predsjedavajući)

Vrijeme kolega Bandiću.

Muamer Bandić (zastupnik)

Ok, evo, završavam. Kako pokušava da se ovaj zakon donese sa aspekta i na političkoj ravni, onda zaista zakon neće ostvariti svoju svrhu. Hvala.

Elvedin Okerić (predsjedavajući)

Zastupnik Haris Zahiragić replika zastupnici Bešlija. Izvolite imate riječ.

Haris Zahiragić (zastupnik)

Jeste, zahvaljujem se. Pa naravno da bih imao potrebu replicirati kolegici Bešliji na ono u najmanju ruku patetično izlaganje koje je prethodilo Skupštini u kojoj je ona ponovno pokušala da izvrne ono što sam ja rekao, da na neki način ona kaže da ne želi više nikada da čuje tako strašne riječi, citiram, ja sam rekao, u replici kolegi Kalemu rekao: "Svaka čast ženskom sportu, ali mislim da je fudbal specifično muški sport i taj sport mene zanima". To ukoliko, pročitajte stenogram i ukoliko mislite da mi nemamo pravo kao konzumenti sporta i kulture imati preferencije spram muškog fudbala, nego trebamo sada propast sarajevskog sporta pravdati uspjehom SFK Sarajevo 2000, uz dužno poštovanje tim damama i tim ljudima koji tamo rade, to je karikiranje ovog društva i ovog grada. Ja razumijem, gospođo Bešlija, vi ste iz Goraža, tamo su postojala dva kluba RK, moja kolegica Aida Obuća..

Elvedin Okerić (predsjedavajući)

Vrijeme, vrijeme, vrijeme, minut.

Haris Zahiragić (zastupnik)

Samo da kažem. Molim vas, i 2 minute imam.

Elvedin Okerić (predsjedavajući)

Kolegica Vujović se javila.

Haris Zahiragić (zastupnik)

Imam 2 minute za repliku.

Elvedin Okerić (predsjedavajući)

Jeste htjeli vi se javiti.

Haris Zahiragić (zastupnik)

Imam 2 minute za repliku.

Elvedin Okerić (predsjedavajući)

Nemate.

Haris Zahiragić (zastupnik)

2 minute, minut je odgovor na repliku.

Elvedin Okerić (predsjedavajući)

Jel replika ili odgovor na repliku?

Haris Zahiragić (zastupnik)

Replika, nije odgovor na repliku.

Elvedin Okerić (predsjedavajući)

Imate ih 45 sekundi.

Haris Zahiragić (zastupnik)

Jeste. Tamo postoje klubovi uspješni ženski i postoje u Hadžićima, postoje i u Sarajevu različiti, moja majka je igrala u Košarkaškom klubu Željezničar itd. Međutim, svesti profesionalni sport i neuspjeh sarajevskih klubova na uspjeh ženskog nogometnog kluba je kariranje s tim, zbog toga sam ja to tako rekao. I kada ste već spomenuli uspješne sportistkinje, spomenuli ste neke, niste spomenuli našu Bibiju Kerlu, našu olimpijku ovdje koja s nama sjedila, vjerojatno zato što je...

Elvedin Okerić (predsjedavajući)

Vrijeme kolega Zahiragiću.

Haris Zahiragić (zastupnik)

Prekinuli ste me, dajete mi još sekundu. Raziju Mujanović i Larisu Cerić. Puno je žena koje su doprinijele sportu, međutim, uspjeh SFK Sarajevo ne može saprati propast sarajevskog sporta, ma koliko se u tome trudili.

Elvedin Okerić (predsjedavajući)

Zahvaljujemo. Zastupnica Vildana Bešlija, odgovor na repliku.

Vildana Bešlija (zastupnica)

Hvala predsjedavajući. Pa evo u najmanju ruku sam očekivala da ćete se postidjeti svoje šovinističke izjave, a ne da nastavite dalje sa vrijeđanjem. Tačno je, ja jesam iz Goražda, kao i mnogi, imate vi članstvo i u Goraždu, što fali Goraždu? U čemu je problem? Moj nije uopće problem.

Elvedin Okerić (predsjedavajući)

Nemojte se

Vildana Bešlija (zastupnica)

I tada i kada sam bila djevojka i djevojčica, a to ću vam objaviti, bila također uspješna sportistkinja, stoni tenis je bio u pitanju, doduše regionalno, ali znam ponešto o sportu, to je moj doprinos. Bibija Kerla i sve ostale žene imaju pravo, imaju zasluge za taj sport. Niko, ni vaša diskusija, ni vaše preferencije, nikada to umanjiti neće, nikad. A ja sam spomenula aktuelne žene koje su nastavile i svaka generacija ima uspješne žene koje nastavljale su da

doprinosu ženskom sportu, promociji države, ne samo regionalno, nego promociji države. Prestanite omalovažavati žene u ovoj sali, u životu uopšte. Hvala.

Elvedin Okerić (predsjedavajući)

Imali ste već ispravku krivog navoda kolega Zahiragiću, jeste, evidencija tako kaže, al morate tačno navesti koji član je povrijeđen, ukoliko ne budete uspjeli, moram vam oduzeti riječ.

Haris Zahiragić (zastupnik)

Član, član 12. prava i dužnosti zastupnika je povrijeđen na način da je moje pravo povrijeđeno diskusijom kolegice Vildane Bešlije, koja mene optužuje da sam ženomrzac, čini mi se, i tako. Molim vas, upozorite je naredni put. To što kažem da je fudbal muški sport, da sam zainteresiran za uspjeh naših klubova, Željo i Sarajevo, ne možete pokriti uspjehom ženske fudbalske selekcije, ma koliko se na prste napinjali. Nisam je uvrijedio sa Goraždem, moje je porijeklo iz Istočne Bosne, također ni jednu ja ružnu riječ za Goražde nisam rekao. Kolegica Vildana Bešlija je rekla da ja vrijeđam Goražde. To što vi imate problem s tim i što se osjećate kada ja kažem Goražde da vas vrijeđam, to je vaš lični problem. Za mene je Goražde grad heroj i draže mi je, ako hoćete, nego mnogi drugi bosansko-hercegovački gradovi. Ne znam zašto se vi osjećate drugačije. Hvala.

Elvedin Okerić (predsjedavajući)

Poslovnička intervencija zastupnica Melank. Izvolite, imate riječ.

Miomirka Melank (zastupnica)

Evo se drugi put pozivaju na član 12. u vezi s pravima zastupnika, član 12. govori o predsjedavajućem Skupštine. Dakle, ne piše da je dužan, znači, to nije član 12. kako. Dakle, vi ste se derali. Hvala.

Elvedin Okerić (predsjedavajući)

Zaključujem raspravu po ovoj tački dnevnog reda.

U skladu sa članom 94. Poslovnika Skupštine Kantona Sarajevo predlažem da se o ovoj tački odmah izjasnimo.

Molim zastupnike da se izjasne da li su saglasni da se izjašnjavanje po ovoj tački provede odmah? Zaključujem glasanje. Za je glasao 21 zastupnik, protiv 5, suzdržanih ništa. Konstatujem da je Skupština prihvatila da se izjašnjavanje po ovoj tački provede odmah.

Predlažem da Skupština po Nacrtu Zakona o sportu Kantona Sarajevo donese sljedeći Zaključak:

1. Utvrđuje se Nacrt zakona o sportu Kantona Sarajevo.
2. Nacrt zakona iz tačke 1. ovog zaključka stavlja se na javnu raspravu.
3. Učesnici u javnoj raspravi su kantonalni organi uprave, jedinice lokalne samouprave, obrazovne, naučne i stručne ustanove, sportske organizacije (udruženja, klubovi, granski sportski savezi, olimpijski komiteti), Federalno ministarstvo kulture i sporta i Ministarstvo civilnih poslova Bosne i Hercegovine, a trajat će 45 dana.
4. Primjedbe, prijedlozi, sugestije i mišljenja učesnici javne rasprave dostavljaju Vladi Kantona Sarajevo, putem Ministarstva kulture i sporta Kantona Sarajevo, koje organizuje i provodi javnu raspravu.
5. Vlada Kantona Sarajevo dužna je, nakon provedene javne rasprave, Skupštini Kantona Sarajevo dostaviti prijedlog Zakona o sportu Kantona Sarajevo vodeći računa o primjedbama, prijedlozima, sugestijama i mišljenjima kroz izvještaj o provedenoj javnoj raspravi.
6. Ovaj zaključak stupa na snagu danom donošenja.

Molim zastupnike da pristupi izjašnjavanju o predloženom zaključku.

Poslovnička intervencija zastupnik Čičić.

Davor Čičić (zastupnik)

Mislim da smo u toku rasprave utvrdili da smo se složili da je 60 dana rasprava, pa samo da to utvrdimo.

Elvedin Okerić (predsjedavajući)

Molim zastupnike da pristupe izjašnjavanju po predloženom zaključku, u skladu sa sugestijom kolege Davora Čičića da javna rasprava traje umjesto 45, 60 dana.

Zaključujem glasanje. Za glasao 21 zastupnik, protiv 5, suzdržanih, ništa. Konstatujem da je Skupština donijela ovaj zaključak.

Prelazimo na tačku pet.

AD-5.

Prijedlog odluke o usvajanju Programa uređenja građevinskog zemljišta, realizacije kapitalnih investicija za 2025. godinu

Materijal ste dobili uz poziv za sjednicu. Ima li potrebe da se obrati predlagač? Zamolio bih predstavnika predlagača da podnesu uvodne napomene.

Belma Barlov (direktorica Zavoda za izgradnju KS)

Pozdravljam sve prisutne u sali i zakonodavnu vlast Kantona Sarajevo. Dakle zaključkom Vlade, donijet je Program rada Vlade Kantona Sarajevo za period od 1. 1. do 31. 12. 2025. godine, koji je usklađen sa godišnjim programom rada Skupštine Kantona Sarajevo za 2025. godinu. Programom rada Vlade Kantona Sarajevo za period od 1. 1. do 31. 12. 2025. godine predviđeno je da Zavod kao nosilac izrade prema Vladi i Skupštini uputi Program uređenja građevinskog zemljišta i realizacije kapitalnih investicija za 2025. godinu radi razmatranja i usvajanja. Program se sastoji iz tekstualnog dijela s priložima, a u tekstualnom dijelu Programa označeni su izvori sredstava za uređenje građevinskog zemljišta, utvrđena namjena sredstava za njegovo sprovođenje, određen način korištenja sredstava i zadužen je Zavod za njegovo sprovođenje. Predloženim programom uređenja građevinskog zemljišta za 2025. godinu odnosi se na one lokacije za čije je uređenje Zavod preuzeo ugovorenu obavezu prema investitorima da će ih urediti za lokacije za čije su prethodno uređenje planirana sredstva u samom programu i lokacije sa ranijim programima predviđena za istu realizaciju. U priložima je dat pregled lokacija koje će se uređivati sa oznakom investitora i sa planiranim aktivnostima i sredstvima potrebnim za realizaciju planiranih aktivnosti. Iz programa je vidljivo da se na utrošena sredstva uređenja usmjeravaju prije svega na uređenje lokacija onih investitora od kojih je Zavod naplatio naknadu za uređenje gradskog građevinskog zemljišta i prema kojima je preuzeo ugovornu obavezu da s tim sredstvima izvrši uređenje građevinskog zemljišta, a zatim neizvršenje dospelih, a i neizvršenih obaveza Zavoda iz ranijeg perioda po knjigovodstvenim zatvorenim lokacijama, čiji su investitori već odavno u cijelosti izvršili sve obaveze prema Zavodu. Na isti način koristit će se i sredstva koja Zavod ostvari iz još nenaplaćenih naknada za uređenje Gradskog građevinskog zemljišta ili radi toga što je dospjela naplata još nije realizovana prinudnim putem. Zavod planira realizaciju kapitalnih investicija iako su sredstva u tu svrhu Budžetom Kantona odobrena ministarstvima Kantona, jer ministarstva Kantona i Vlada dio realizacije kapitalnih investicija povjeravaju ovome Zavodu u skladu sa nadležnostima iz člana 24. Zakona o ministarstvima i drugim organima uprave. Obzirom na sve navedeno, donošenje ovog programa je neophodno radi nastavka obavljanja djelatnosti iz

nadležnosti Zavoda za izgradnju Kantona Sarajevo, nastavka aktivnosti na uređenju zemljišta i realizacije kapitalnih investicija, radi čega se predlaže Skupštini Kantona Sarajevo donošenje odluke kojim se usvaja program uređenja gradskog građevinskog zemljišta i realizacije kapitalnih investicija za 2025 u godinu.

Elvedin Okerić (predsjedavajući)

Zahvaljujemo se direktorici Barlov. Možete se vratiti na svoje mjesto. Otvaram raspravu po ovoj tački dnevnog reda. Zastupnik Zahiragić se javio za riječ. Zastupnik Faruk Kapidžić se javio.

Faruk Kapidžić (zastupnik)

Zahvaljujem. Pošto je ovo moja oblast, moram da kažem, mada je evo već treći put dolazi materijal, a ja ga gledam još od 2020. otprilike isti. Dakle, ovo je standardna procedura, ne mogu ja tu nešto govoriti na Zavod za izgradnju i njihovo djelovanje, znam probleme, znam teškoće od prije 10, 15 godina u Zavodu za izgradnju, jako složena situacija, malo ljudi i stručnih, male plate, nema inženjera, nema građevinaca, ne može se vršiti nadzor itd. Sv tu priču znam i to je naslijeđena priča šestorke nekadašnje, sada trojke, dakle naslijeđena priča iz zadnjeg perioda. Međutim, ono što hoću da prodiskutujem, a to je jedna stvar, da u suštini kroz ovakav jedan dokument se vidi ovaj suština vlasti i njegovo djelovanje. Evo, ovo je treći put dakle, ovaj materijal koji dobivamo manje - više, ovo je identičan materijal kao prošle godine, kao preprošle godine. E to je najveći problem sadašnje vlasti, najveći problem, možda nekadašnjih prije vlasti i ne želim, evo, kažem jeste kako su prije SDA, jeste, nije valjalo. Nemojte mi više to kao argument uzimati. Dakle, ovdje ste 6 godina u komadu, sedma godina, uporno radite od 2018. radite, ali ne radite ništa da bi neko rekao e, dobro, promijenili smo nešto, a iz ovoga se vidi zašto tako govorim. Dakle, stavke, nekoliko sam stavki izdvojio, pa da kažem OK, nije riješeno. Otprilike tu se, evo, ovdje se barata zbirna cifra 19, 20 000 000, pa to je prošle godine itd. Sada ispade te pare stoje na računu godinama i ne troše se jer se ne može doći u realizaciju posla. I sve ove većina ovih stavki realizacija je potpuno anulirana, zato se ponavljaju, zato je Program predviđen i ovo što se usvaja po difoltu se uvijek usvajaju iste stvari i to se odvija godinu za godinu, godinu za godinu. I da razumijem neke stvari što se ne mogu realizirati, pa stoje pare, ali to imaju stvari koje stoje npr. 1.400.000 maraka rješavanja imovinsko-pravnih odnosa radi izgradnje poslovne zone IT Park ŠIP oblikovanje građevinske parcele. Ovo stoji od kada sam ja bio u Vladi 2020. Ista cifra stoji 5 godina. Ovakvih cifri i tački imate ono što sam ja vidio, ima cirka 10 ili 12 000 000, pa mogli ste oročiti 5 godina 12 000 000, pa da bar nešto imamo od toga, ovako stoje stavke i ništa se ne dešava. Ono što je novo, što se pojavilo ili ja nisam upratio, ali mislim da se pojavilo, Nulta transverzala rješavanja imovinskopravnih odnosa 1 000 000 maraka. To je da kažem, hvala Bogu, Nulta transverzala se pojavila, ali se pojavilo u veličini od 1 000 000 maraka. Tamo je problem privatnog privatnog vlasništva koji je otprilike koja treba za Nultu transferzalu, treba otkupiti, mislim, skoro trećinu tog zemljišta, a to zemljište je nedavnom transakcijom u doba vaše Vlade kupio privatni investitor, koliko sam ja upoznat, za 15 000 000 maraka. Znači ovaj 1 000 000 što je stavljen očito ne rješava ništa, stavljen je tu iz nekih razloga da se otvori taj proces i vjerovatno za silne pare da se otkupi to i riješi, a to, vidjet ćemo ishod il će ovaj 1 000 000 da stoji narednih 30 godina, a to je jedna od krucijalnih stvari u saobraćajnom smislu, komadić, Nulta transverzala, komadić saobraćajnice koje nismo u stanju da napravimo. Dalje, stavka, i tu se malo ne znam jel se promijenila, Kvadrant C, Marin Dvor, uklanjanje pomoćnih objekata MUP-a i izgradnja zamjenskih objekata na lokaciju u ulici Vitomira Lukića, Stup Ilidža 700 000. Ovo su objekti MUP-a koji trebaju da pređu u zgradu koju ste vi pokrenuli proceduru pravljenje zgrade centralnog MUP-a od nevjerovatnih 25 000 kvadrata, a potrebe su bile između 5 ili 7000 kvadrata. Vi ste tamo napravili 25 000 kvadrata. Plan promijenjen, Regulacioni plan, napravljen projekat i to ste krenuli raditi, a onda pravite zamjenski objekat na Stupu za

izmještanje MUP-a, izmještate ga zbog Marin Dvora, Kvadranta C gdje investitor treba da krene i napravi onaj ogromni onaj izmjenju plana da napravi i tako čekate gradonačelnika da to sve profurate i da, ondje se 5 puta uveća postojeća markica planirana, a ovaj MUP izmještate u neki privremeni zamjenski objekat, a gradite objekat od 25 000 kvadrata koji ne zna, niko ne zna za šta treba 25 000 kvadrata. Dakle ovaj privremeni na Stupu može vrlo lako, kako vi radite, ostati kao stalni, a 25 000 kvadrata može otići u Bog zna čije ruke. Ono što je najfascinantnije i što mi je najkatastrofalnije, to je da vodozaštitna zona Sarajevsko Polje nastavak na rješavanju imovinsko-pravnih odnosa, otkup vodozaštitne zone 164.123 marke. 164 000, ja kada sam bio u Vladi 2020 ta stavka je bila ravna 2 miliona, svake godine se sa 2 000 000 startovalo otkup zemljišta prve zone, vodozaštitne zone. Ova vaša stavka, a nije ništa otkupljeno, ova vaša stavka se poklapa sa vašim planom promjene prve vodozaštitne zone gdje vam neće trebati više od 160 000 maraka. Dakle iz neke projekcije kako radite ovdje se jako može povezati da vi niste odustali od promjene vodozaštitne zone, a trebalo bi biti svakoj Vladi to u Ustav ugrađeno da se ono pod hitno mora otkupiti kompletna sadašnja prva vodozaštitna zona i da se za to treba izdvajati iz budžeta, po 20 miliona svake godine dok se sve ono ne otkupi. Ne, vi ste smanjili na 160, a hoćete i da smanjite vodozaštitnu zonu i onda će vam se to poklopiti, to je to 160 000, možda ne treba ni toliko jer ste smanjili prvu vodozaštitnu, htjeli smanjiti samo na istočno mjesto. Dakle, projekcija vašeg rada kroz ovaj dokument je vrlo jasna i vrlo se fino vidi onaj ko zna šta se dešava u tom sektoru i ko zna kako se planira situacija. Ja bih volio da doživim situaciju, da ovdje imam izdvojeno uređenje građevinskog zemljišta i cifru, uređenje građevinskog zemljišta za neki javni objekat. Ovo ovdje, uređenje građevinskog zemljišta, gotovo sve, uređenje oko privatnih objekata i privatnih investicija. OK, privatni investitori plate i mora se to urediti, ali to su te pare, a nigdje nema oko javne investicije da ovdje, recimo, stoji izgradnja koncertne dvorane na Marin Dvoru, pa uređenje građevinskog zemljišta oko koncertne dvorane, pa da kažete, u budžetu izdvajamo 50 000 000 za to. Milijarda i pol je budžet, 50 000 000 nismo u stanju koncertnu dvoranu da napravimo da napravimo koja košta 200 000 000, ali da napravimo iz nekoliko budžeta po 50 000 000. To nije nikakav problem. Isto se odnosi za Muzej Ars a evi koji isto tako ne možete da otkočite, po istom principu ne vidim ni tu pare, uređenje tog zemljišta jer očito da nećete moći iznijeti te objekte. Naravno, nisu mogli ni neki prije, a eto Renco Pjano je dolazio i projektovao i dao je projekat ili Zaha Hadid koja je bila u žiriju koncertne dvorane. Mjesto da smo to napravili i da to nazovemo po imenima tih svjetskih velikana za koje se otimaju najveći velegradi i najbogatiji gradovi po arapskim zemljama, po Aziji, mi nismo u stanju, bar iz toga da profitiramo i da nazovemo to koncertna dvorana Zaha Hadid, a naravno da napravimo, ne da nema teorije, nema nikakve naznake. Tako da generalno, svaki put sa ovakvim dokumentom budem razočaran. Sad sam razočaran još više jer je vodozaštitna zona spala na 160 000, prva vodozaštitna zona. Dakle, vaše namjere su iz ovoga vidim jasne ili nesposobnost, neznanje ili ozbiljne namjere, pogodovanje privatnim investitorima, od kojih onda zavisi i vaš nastup na izborima itd. To je očajno, ja sam morao prodiskutovati ovako, evo ako sam potrošio vrijeme, završavam. Hvala.

Elvedin Okerić (predsjedavajući)

Zahvaljujem se kolega Kapidžić. S obzirom da nema više prijavljenih, zaključujem raspravu po ovoj tački dnevnog reda.

Prelazimo na sljedeću tačku, tačku šest.

AD-6.

Prijedlog Odluke o standardima i kriterijima za izbor i imenovanje na pozicije predsjednika i članova Nadzornog odbora Kantonalne agencije za privlačenje investicija i privatizaciju

Materijal ste dobili uz poziv za sjednicu. Kao predsjedavajući Komisije za izbor i imenovanja i administrativna pitanja Skupštine Kantona Sarajevo podnijet ću ukratko uvodne napomene po ovoj tački. Stupanjem na snagu Zakona o Kantonalnoj agenciji za privlačenje investicija i privatizaciju, izmijenjeni su naziv, ali i nadležnosti Kantonalne agencije za privatizaciju Sarajevo. S tim u vezi neophodno je izvršiti usklađivanje postojeće Odluke o standardima i kriterijima za imenovanje predsjednika članova Nadzornog odbora Kantonalne agencije za privatizaciju Sarajevo. Shodno navedenom, u skladu sa članom 37. Poslovnika Skupštine Kantona Sarajevo, Komisija za izbor, imenovanje i administrativna pitanja Skupštine Kantona Sarajevo na sjednici održanoj dana 4. 7. 2025. godine utvrdila je Prijedlog odluke o standardima i kriterijima za izbor i imenovanje na poziciju predsjednika i članova Nadzornog odbora Kantonalne agencije za privlačenje investicije i privatizaciju, koji je uz kompletnu dokumentaciju dostavljen Skupštini Kantona Sarajevo, na razmatranje i odlučivanje.

Otvaram raspravu, po ovoj tački dnevnog reda. S obzirom da nema prijavljenih i zaključujem raspravu.

Za sljedeću tačku dnevnog reda nemamo uvodničara, stoga koristim mogućnost u skladu sa dogovorom sa rukovodstvom Skupštine prekida sjednicu Skupštine Kantona Sarajevo i blagovremeno ćete biti obaviješteni o nastavku ove sjednice. Hvala vam.

S T E N O G R A M
PRVOG NASTAVKA 24. RADNE SJEDNICE
SKUPŠTINE KANTONA SARAJEVO
ODRŽANE 16.09.2025.GODINE

Elvedin Okerić (predsjedavajući)

Otvaram Prvi nastavak 24. radne sjednice Skupštine Kantona Sarajevo. Himna Bosne i Hercegovine.

Pozivam sve prisutne da svako na svoj način odamo počast onima koji su dali svoje živote za odbranu Bosne i Hercegovine od agresije.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji službe sjednici prisustvuje 24 zastupnika, što je dovoljan broj za punovažan rad i odlučivanje. Izostanak sa ove sjednice opravdali su zastupnice i zastupnici Belma Kapo, Admela Hodžić, Ilijas Pilav i Albin Zuhrić. Kašnjenje je najavio zastupnik Muamer Bandić.

Podsjećam vas da smo na prethodnom zasjedanju koje je održano 15.07.2025. godine obradili prvih šest tačaka dnevnog reda, tako da današnje zasjedanje započinjemo tačkom sedam, koja glasi:

AD-7.

Nacrt odluke o zaštiti izvorišta vode za piće „Djevojačke vode“

Materijal ste dobili uz poziv za sjednicu. Molim predstavnika predlagača da podnese uvodne napomene.

Ministar Zlatko Mijatović. Izvolite, imate riječ.

Zlatko Mijatović (ministar)

Hvala predsjedavajući. Sve vas, dobar dan, sve vas srdačno pozdravljam. Kao što ste rekli, tačka dnevnog reda Nacrt odluke o zaštiti izvorišta vode za piće „Djevojačke vode“. Ja bih rekao na početku da se ovdje radi o jednoj tački koja je duboko tehničke i stručne prirode, ali evo, ja ću kratkim crtama izložiti osnovne elemente iste. Prvo ću krenuti od pravnog osnova za njegovo donošenje, on je propisan u članu 42. stav 4. Zakona o vodama Kantona Sarajevo. Razlozi za donošenje iste jesu sljedeći: naime, općina Novi Grad je Ministarstvu privrede dostavila elaborat zaštite izvorišta za lokalni vodovod „Djevojačke vode“ zajedno sa izvršenom revizijom tog dokumenta. Na osnovu istog dokumenta, Ministarstvo privrede je predložilo Vladi formiranje stručne komisije koja je radila na izradi ovog dokumenta, tj. Nacrt odluke o zaštiti izvorišta vode. Ovdje se radi o lokalnom vodovodu koji se nalazi na području dvije općine, tj u većinskom dijelu, odnosno tri izvorišta se nalaze na Općini Novi Grad, a jedno izvorište se nalazi na općini Ilidža. S tim u vezi to i jeste u nadležnosti Skupštine Kantona Sarajevo da donese ovu odluku. Naime, zakonske nadležnosti za ovakvo postupanje utvrđenu Federalnom zakonu, i to članu 68. Stav (3) i Kantonalmom zakonu članovi 41. Stav (1) i 42. stav (4). Uzimajući u obzir sve navedene činjenice, Ministarstvo privrede, odnosno formirana komisija je pristupila izradi ovakvog akta, odnosno nacrtu odluke koje sadrži sljedeće elemente, naime, istom se utvrđuju sve, odnosno istom se utvrđuju zone sanitarne zaštite, što jeste i osnovni zadatak ovakve odluke, mjere zaštite, nadzor, te kaznene odredbe. Propisuje se šta je to prva zona, tj. područje sa najstrožim režimom zaštite, šta je to jedinstvena zona i šta je četvrta zona; utvrđuju se granice, zona sanitarne zaštite, površine, koordinate prijelomnih tačaka, te kartografski prikaz je dat u prilogima ove odluke; propisuje se koji su izvori, odnosno koja izvorišta čine jedinstven vodovodni sistem „Djevojačke vode“, ko je operator, i šta je njegova nadležnost, obaveze i drugo. Utvrđuje se način upravljanja objektima koji su izgrađeni

u prvoj zoni Sanitarne zaštite, kao i generalno pitanje zaštite, obilježavanja i pristupa zonama. Izvor, način financiranja i rokovi provođenja zaštitnih mjera su također utvrđeni ovom Odlukom, odnosno Prilogu 2 iste Odluke. Monitoring kvalitete i kvanteta vode je također propisan, istu provodi operator i Zavod za javno zdravstvo Kantona Sarajevo, svako u okviru svojih nadležnosti. Također je utvrđen Upravni nadzor, odnosno subjekti Upravnog nadzora, inspekcijanskog nadzora, ko je nadležan za inspekcijски nadzor, te kaznene mjere koje se mogu propisati. U postupku donošenja ovog Nacrta odluke su pribavljena sva pozitivna mišljenja nadležnih institucija, te ova Odluka sadrži, odnosno prilog ove odluke postoji nekoliko dokumenata, tj. Prilog 1., najznačajnije ću istaći; popis aktivnosti, nivo ograničenja njihove primjene po zonama sanitarne zaštite. To je dokument koji je u suštini preuzet iz Federalnog pravilnika koji uređuje ovu oblast. Prilog broj 2. Program mjera zaštite izvorišta koji je propisan elaboratom koji je dostavljen iz Općine Novi Grad i Prilog broj 3. Pregledna karta zona sanitarne zaštite. Predsjedavajući, toliko od mene, hvala vam puno.

Elvedin Okerić (predsjedavajući)

Zahvaljujemo se ministru Mijatoviću, otvaram raspravu po ovoj tački dnevnog reda. Zastupnik Mahir Dević se javio za riječ. Za riječ se javila zastupnica Marijela Hašimbegović, izvolite, imate riječ.

Marijela Hašimbegović (zastupnica)

Zahvaljujem se predsjedavajući. Zahvaljujem se uvaženom ministru na njegovom uvodnom izlaganju. Pozdravljam ovu inicijativu za izradu jedne ovakve odluke koja je u stvari početak rješavanja jednog dugogodišnjeg problema sa kojim se susreću stanovnici naselja Gornje Vlakovo i Ahatovići jer istina je da je izvorište ove pitke vode se nalazi na lokaciji Novog Grada. Međutim, voda koja se akumulira u kapitaži, ona se račva i ona se distribuira za naselje Ahatovići u Novom Gradu i za naselje, dakle Gornje Vlakovo koje se nalazi u opštini Ilidža. Ono što je važno za reći da je voda sa ovog izvorišta izuzetnog kvaliteta. Radi se o krećnoj vodi i ono što je jednako važno za reći da građani ustvari trenutno upravljaju ovim izvorištem i distribucijom ove vode, što znači da bi ova odluka bila početak rješavanja sistemskog problema distribucije pitke vode građanima koji žive u naseljima koje sam već navela. Međutim, bojim se da sam materijal u sebi sadrži par određenih problema za koje se nadam da će resorno ministarstvo naći rješenje, a radi se o tome da ViK, koji se spominje kao operater u ovom dokumentu, u ovoj Odluci on može preuzeti ulogu dakle, hlorisanje vode, ispitivanja kvaliteta vode sa ovog izvorišta. Međutim, ono što su pitanja distribucije pitke vode naseljima je po meni problematično u ovom dokumentu zato što se radi o korištenju infrastrukture na kojoj nije radio ViK i oni se ne mogu preuzeti odgovornosti za postojeću infrastrukturu i ne mogu preuzeti tu vrstu nadležnosti. S tim u vezi postavlja se pitanje, dakle, ovdje se spominje da će se uraditi zaštita izvorišta, da će se podići određeni zaštitni zidovi itd, što ja sve zaista pozdravljam, i to je zaista prijeko potrebno. Međutim, na koji način će se vršiti distribucija vode ako nismo ispitali izdašnost samog izvora i da li znamo, dakle, opseg, koliko stanovnika uopće koristi ovu vodu? Ja želim da prenesem činjenicu da su se stanovnici Gornjeg Vlakova ovog ljeta odlučili da naprave peticiju i da se obrate svim nadležnima. Dakle, od opštine Ilidža, ministarstva, resornog ViK-a itd. Jer oni naprosto traže sistemsko rješenje, odnosno priključak na gradski vodovod. Želim da skrenem pažnju da su svi strateški dokumenti koji se nalaze u ViK-u već od 2006. i sedme godine planirali rezervoar Kakrinje da bude osnovni rezervoar za ovo naselje, infrastruktura koja trenutno postoji je u državnom vlasništvu, odnosno postavljam pitanje da li ste vi uopće dobro ispitali čije je vlasništvo ovog izvorišta? Jer nekad je ovu infrastrukturu, dakle, napravio nekadašnji UPI koji je koristio istu za svoje potrebe i drugu infrastrukturu koju su napravili za ovo naselje. Dakle, ovom prilikom otvaram određena pitanja

kako bi na neki način ukazala na određene manjkavosti ovog dokumenta. Ali kao što sam rekla na početku, iznimno pozdravljam intenciju ovog Ministarstva, ali ujedno i postavljam pitanje zašto se resorno ministarstvo ViK-a nije udružilo pa zajedno sa Ministarstvom privrede radilo na ovom dokumentu. Malo je čudno, također, da ViK nije imao nikakve informacije po pitanju ovog dokumenta. Ja sam tokom ljeta iskoristila svoje zastupničko pravo i prisustvovala sam sastanku sa direktorom ViK-a i razgovarali smo o ovom dokumentu. I oni su tada izrazili svoje potpuno nepoznavanje materije, ali su u isto vrijeme pozdravili intenciju. I jednako dijelimo mišljenje da je ovo u stvari početak sistemskog rješenja problema dotoka kontinuiranog vodosnabdijevanja, kako naselja Gornjeg Vlakova, tako i Ahatovića, s tim da želim naglasiti da su oni u Ahatovićima u Novom Gradu dobili gradski vodovod, ali oni tokom ljeta dobivaju dodatno vodosnabdijevanje sa ovog izvorišta. Svugdje u svijetu da imate izvor tako pitke vode, tako kvalitetne pitke vode, sigurno bi se svi borili da zaštite ovo izvorište, međutim, evo, 30 godina nakon rata, mi pristupamo tek prvoj fazi koja će, evo u konačnici, vjerujem, omogućiti kvalitetnu vodu i njenu distribuciju. Ali evo, svojim kazivanjem, ukoliko ministar ima potrebu da možda kasnije odgovori na moja pitanja ili evo, neka ovo budu neke smjernice za razmišljanje, za dopunu, vjerojatno i za druge aktivnosti koje se vežu za ovu odluku. Evo, to će biti toliko za sada od mene. U svakom slučaju, mi ćemo podržati ovu Odluku. Hvala lijepo.

Elvedin Okerić (predsjedavajući)

Zahvaljujem se uvaženoj zastupnici. Za riječ se javio zastupnik Mahir Dević.

Elvedin Okerić (predsjedavajući)

Hvala. U pitanju je, ako sam dobro razumio ministra, Nacrt odluke koja će podrazumijevati određenu vrstu javne rasprave koja će se provoditi u pitanju, do konačnog prijedloga odluke koju će ponovo usvajati Skupština Kantona Sarajevo. Treba dati priliku da se vidi kakav ćemo dobiti prijedlog odluke. Ovo što je kolegica spominjala, nekoliko je tu bitnih stvari. I od imovinsko-pravnih odnosa koji se nalazi u obuhvatu samog izvorišta i način na koji će se ta infrastruktura, koju je vjerojatno gradila mjesna zajednica jel prenijeti i od strane Općine Novi Grad i od strane Općine Ilidža, vjerojatno na takav jedan prijedlog odluke će se morati ovaj također naći u proceduri, ali u suštini bi bilo važno da se ovo radi što je brže moguće ne bi li se došlo u situaciju da taj jedan, ajde da kažem, segment vodovoda koji je bio lokalni, posluži svojoj svrsi da građani ovih mjesta, koja smo spominjali maloprije, a koja se nalaze na dvije općine, imaju pitku vodu. Upoznati smo s tim da u ljetnim mjesecima u toku suši ova mjesta zaista imaju ozbiljne probleme u vodosnabdijevanju i ovo je vjerojatno put da se krene ka sistemskom rješenju. Ovo je stvar koja će sigurno potrajati, trebat će vjerojatno jako dugo vremena da se to sve stavi u funkciju, ali evo, nadamo se da će što prije to biti riješeno i da će građani imati ovu pitku vodu u sistemu, zdravstveno ispravnu, koja će biti pod direktnom kontrolom Zavoda za javno zdravstvo. Kada smo prije nekoliko godina mijenjali Zakon o vodama, ovdje, čini mi se, u Kantonu Sarajevo jedna od stvari koju sam tada inzistirao ispred kluba SDA je bio da ti lokalni vodovodi moraju ući u sistem, da je potencijalna opasnost da na nivou svake mjesne zajednice vi imate sisteme koji upravljaju nečim, odnosno vodom koja se distribuira do građana bez adekvatnog nadzora i ovo je sigurno jedan od načina da i ova voda uđe u sistem da bude u sistemu javnog zdravstva Kantona Sarajevo i da svaki građanin, bez obzira gdje živi, u kojoj tački da kažem jel ovaj ili na kom prostoru Kantona Sarajevo treba da ima zdravstveno ispravnu vodu koja je pod direktnom kontrolom i nadležnog preduzeća, bilo da je ono lokalno i Kantonalno i da je pod direktnim nadzorom Zavoda za javno zdravstvo Kantona Sarajevo. Tako da, evo, mi ćemo ispred Kluba dati podršku da se dođe do određenog prijedloga odluke, pa ćemo onda kada taj dokument zvaničan bude ovaj, izanalizirati ga i vidjeti

da li dati podršku. Što se tiče Nacrta, evo podržavamo da se krene u proceduru, da se ovo ozbiljno pitanje za građane ove dvije mjesne zajednice rješava. Hvala lijepo.

Elvedin Okerić (predsjedavajući)

Zahvaljujemo se zastupniku Deviću.

Replika, replika, zastupnica Marijela Hašimbegović.

Marijela Hašimbegović (zastupnica)

Zahvaljujem se predsjedavajući, zahvaljujem se i svom kolegi koji je, evo, na neki način još i dopunio moju diskusiju. Ja još želim istaći jednu stvar koja je vrlo važna, ona se možda tiče lokalnog nivoa, ali mi kao Skupština trebamo raspravljati o takvim stvarima. Dakle, svako ko je napravio objekat i kada je dobio građevinsku dozvolu u tom kontekstu je dobio garanciju da će sve komunalne usluge biti isporučene. Nažalost, ljudi su platili uslugu koju nikad nisu realizovali. Dakle, u tom kontekstu ja želim da vas podsjetim da stanovnici ovog naselja mogu zaista pokrenuti kolektivnu tužbu. Ona se, kao što sam rekla, tiče lokalnog nivoa, ali mi ovom Odlukom i svim aktivnostima na kojima će Skupština raditi trebamo spriječiti takve stvari i omogućiti građanima ono što im već pripada, a to je kvalitetna pitka voda. Hvala lijepo.

Elvedin Okerić (predsjedavajući)

Zahvaljujem se zastupnici Hašimbegović. Jel odgovor na repliku? Odgovor na repliku zastupnik Dević. Izvolite, imate riječ.

Mahir Dević (zastupnik)

Naravno, ne znam sve detalje, ali pretpostavljam da se radi o nekom lokalnom vodovodu kojeg je stanovništvo finansiralo, da li, e, to je sada već ozbiljniji problem. Znači, ako je to napravio UPI, to se mora razriješiti, a mogu prenijeti neku vrstu prakse jer sam učestvovao, naravno, i kao vijećnik u nekoliko odluka kada smo mi donosili vezano za ove zone zaštite, jer smo imali puno vodovoda, ima i vjerojatno u većini općina u Kantona Sarajevo, gdje su ljudi to gradili vlastitim sredstvima, samodoprinosima itd. I na kraju je bilo jedino rješenje da se sva ta infrastruktura prenese na nadležno preduzeće koje će to raditi, da se definišu određena međusobna prava i obaveze, jer vi znate, taj prijeratni sistem je podrazumijevao tu neku vrstu samodoprinosa, gdje ste vi skoro svu infrastrukturu koju ste imali, gradili iz tih samodoprinosa, bilo je to da su u pitanju i vodovodi i putevi i telefon smo taj plaćali kojeg smo na svoju kući doveli..

Elvedin Okerić (predsjedavajući)

Vrijeme kolega Deviću.

Mahir Dević (zastupnik)

Ako mogu da završim samo jednu rečenicu, ako ne može?

Elvedin Okerić (predsjedavajući)

Može.

Mahir Dević (zastupnik)

Ovaj, ali smo sada ušli u jedno drugo vrijeme gdje smo u poziciji da to na neki način predamo, pogotovo voda treba biti pod nadzorom. Međutim, ovo pitanje, ukoliko je to preduzeće, tu se

stvari moraju jasno definisati da ne bismo došli u određenu vrstu problema, ali se nadamo, evo do prijedloga te odluke da ćemo imati što kažu, jasniju situaciju. Kolegica očigledno poznaje to, bolje tu problematiku, ja sam samo iznio neka zapažanja, uopće, kako se to radilo u ovim odlukama koje sam, u kojima sam do sada učestvovao. Hvala.

Elvedin Okerić (predsjedavajući)

Zahvaljujemo se. Za riječ se javio zastupnik Samir Avdić.

Samir Avdić (zastupnik)

Zahvaljujem predsjedavajući. Evo zahvaljujem se i kolegici Hašimbegović i kolegi Deviću na njihovim diskusijama sa kojima se prilično ili u potpunosti slažem i neću koristiti pravo na repliku već ću se u početku osvrnuti na ono što su rekli, ali neću dalje širiti ovu temu, iako je jako zanimljiva i mislim da o njoj trebamo govoriti možda i kada budemo usvajali izvještaje Javnog poduzeća Vodovod i kanalizacija, ali obzirom da dolazim, obzirom na to da dolazim sa Općine Ilidža, gdje se nalazi određeni broj tzv. lokalnih vodovoda koje otprilike i opisao kolega Dević i da sam se i kao vijećnik susretao s tim problemima i svaki put kada diskutujemo o izvještajima ViK-a, naglasim tu potrebu da od strane uprave ViK-a dobijemo konačno neku vrstu strategije kroz koju će nam ponuditi rješenje tog problema koji sa kojim se ne susreću samo građani i građanke Općine Ilidža, već i u drugim jedinicama lokalne samouprave, a to je rješenje na koji način da lokalne vodovode uvrstimo u sistem ViK-a, u sistem tog Javnog preduzeća, obzirom na to da do sada smo imali odbijanje od strane ViK-a iz razloga što korišteni materijali, prije svega cijevi itd, koji su ugrađivani u te vodovode krajem '90-tih i početkom 2000- tih, budući da se to većinom radi o naseljima koja su nastala u tom periodu, ne odgovaraju onim cijevima i standardima ViK-a itd. da dalje ne širim temu. Drago mi je da smo je barem spomenuli ovom prilikom i evo ovaj obećavamo tim građanima da ćemo više o tome i kada budemo raspravljali izvještaje ViK-a. Ono što želim reći, a spomenuto je u vezi sa imperativom da Zavod za javno zdravstvo na određen način kontroliše i nadzire upotrebu vode u lokalnim vodovodima da smirim, da spriječim eventualnu paniku, samo ću podsjetiti da već i po postojećim zakonima i po postojećem Statutu te vrlo značajne Javne ustanove, Zavod za javno zdravstvo je već dužan da kontroliše upotrebu tih vode iz tih vodovoda, bez obzira da li se oni nalaze u sistemu ViK-a ili ne. A sada ću se osvrnuti malo i na ovu odluku, obzirom na to da me posebno zanima kao Ilidžanca i podsjeća me na jednu drugu odluku koju, eto, nismo usvojili, ali smo o njoj diskutovali na jednoj od prethodnih sjednica početkom prošle godine, a to je Odluka o izvoru o Sanitarnim zonama izvorišta pitke vode Sarajevsko polje. Drago mi je da se o ovim temama priča i svakako da će klub SDP-a podržati ovaj Nacrt, s tim da evo, sve ovo što ću reći molio bi da se ne doživi kao neka vrsta kritike ili otpora ovom prijedlogu nacrt, već kao moj doprinos javnoj raspravi koja će, evo, da obavijestimo građane, trajati 30 dana i vrlo je važno da i jedinice lokalne samouprave zadovolje svoju obavezu i da obavijeste građane Ilidže i Novog Grada o ovoj javnoj raspravi, kroz koju će i oni moći da se obrate s obzirom da nisu upisani kao subjekti javne rasprave, moći to da urade preko savjeta mjesnih zajednica, mjesnih zajednica i nadležnih službi općinskih. A vrlo je važno, s obzirom na to da, čini mi se da je kolega Dević to spomenuo, što mi i u ovom materijalu, a u elaboratu vjerojatno ti podaci postoje, nemamo podatak da li ima već izgrađenih građevinskih objekata na područjima koja su predviđena da se zaštite kao sanitarne zone. Prva zona, odnosno jedinstvena zona, odnosno druga i treća i četvrta sanitarna zona koja sa sobom opet nosi različite zabrane, poput zabrane izgradnji cesti, autocesti, autobuskih stanica, stočarstva, peradarstva, čak i za vlastite potrebe, u pravoj i u jedinstvenoj zoni intenzivne ispaše stoke, napajanja stoke, poljoprivrede uz korištenje vještačkih đubriva, navodnavanja bašti, prečišćenim otpadnim vodama itd. Znači, postoje različite različita ograničenja koja su popisana, a s druge strane, mi

nismo kroz ovaj materijal informisani da li su vlasnici katastarskih čestica, odnosno zemljišta koje na ovaj način, čija su upotreba na ovaj način ograničava, da li su u pitanju privatna fizička lica ili je to svaka od opština ili je to eventualno zadruga, bivši UPI itd. Vrlo je važno da znamo da znamo ko su vlasnici zbog buduće eksproprijacije, te u tom smislu naglašavam nešto što je već spomenuo Pravobranilaštvo Kantona Sarajevo u svom, da kažem mišljenju sa rezervom, s obzirom da nas oni informišu da u članu 23. Odluke u Prilogu 2. Koja uređuje Program mjera zaštite izvorišta pod rednim brojem 2., odnosno mjerama aktivnosti kao nosilac aktivnosti, navedeno je nadležni općinski i Kantonalni organi vlasti u saradnji sa operatorom. Dobro je da znamo ko je operator, a to je ViK, ovaj put, iz Pravobranilaštva smatraju da bi bilo potrebno programom mjera jasno odrediti, pored toga, ko su nosioci aktivnosti, ko će u budućnosti snositi troškove rješavanja imovinsko-pravnih odnosa, evo, čujem u pozadini, maloprije nego spominje tu eksproprijaciju, te postupak i način određivanja naknade, da nam se ne bi desilo, kao što se desilo nakon usvajanja Odluke 1987. godine za izvorište Sarajevsko polje na Ilidži, da, još uvijek ogroman broj građana Ilidže čeka da im se isplati naknada zbog određivanja ograničenja i da kažem zbog uznemiravanja njihovih ljudskih prava da koriste svoju imovinu s obzirom da kroz ta ograničenja ne mogu koristiti svoju imovinu, a s druge strane, nisu ovaj zadovoljavajućim naknadama obeštećeni od strane Kantona Sarajevo. Evo, već čekamo 40 godina da se to desi. Radi se u sredstvima prema nekim projekcijama, koja iznose čak blizu i 5 milijardi konvertibilnih maraka. Vrlo je važno, prije nego što donesemo ovu odluku, da i kroz nacrt sa znamo te informacije, kada budemo imali prijedlog da ne bismo i mi kao neki drugi ljudi prije nas donijeli nepravednu odluku po građane i građanke, ovaj put je li i Ilidže i Novog Sarajeva. Kada je u pitanju projekcija potrebnih troškova za rješavanje imovinsko-pravnih odnosa, u ovom materijalu saznajemo da je to 30 000 konvertibilnih maraka, odnosno da je predviđeno otkup, odnosno naknada samo za prvu zonu, a za drugu i treću, odnosno jedinstvenu i za četvrtu zonu, ne. Iz Pravobranilaštva smatraju da ovim programom treba predvidjeti i rješavanje imovinsko-pravnih odnosa u tim drugoj, trećoj i četvrtoj, odnosno jedinstvenoj i u četvrtoj zoni. Također, ne znamo da li ima već izgrađeni manevarski ili vojnih poligona, a znamo da u blizini ima jedna kasarna, zatim transformatorskih stanica ili formiranih lokalnih grobalja. To nismo dobili kao informaciju iz ovog materijala, iako pretpostavljam da je elaborat urađen na kvalitetan način i da eventualno te informacije postoje u elaboratu. I evo ponavljam, vrlo je važno da znamo ko su vlasnici, na koji način je predviđeno da se oni obeštete. I molim jedinice lokalne samouprave, prije svega Novi Grad, a onda i Ilidžu sa koje ja dolazim, da ozbiljno shvate svoj zadatak i obavijeste građane i građanke o javnoj raspravi koja će se dešavati u narednih 30 dana, te da nam se ne desi da eventualno neko od vlasnika ne bude informisan, da je u proceduri

Elvedin Okerić (predsjedavajući)

Vrijeme, kolega Avdiću

Samir Avdić (zastupnik)

dešava ovo što se u ovom trenutku rješava. Zahvaljujem se.

Elvedin Okerić (predsjedavajući)

Zastupnica Elza Gaković se javila za riječ. Prije zastupnice Gaković ispravka krivog navoda zastupnik Mahir Dević.

Mahir Dević (zastupnik)

Kolega Samir je spomenuo da je Zavod za javno zdravstvo, samo da ne ostane to čisto zbog stenograma, dužan uzimati uzorke vode i izdavati o ispravnosti. Jeste u ovih, da kažem, šest

općina gdje Vodovod i kanalizacija upravlja tim vodovodima. Imate sistem u Kantonu Sarajevo gdje Hadžići, Ilijaš, čini mi se i Trnovo, imaju svoja preduzeća koja s tim gazduju i moraju izlaziti na javne pozive. Evo, ja znam, praktično, primjera radi, da se to mijenjalo. Nekad je to radio Zavod za javno zdravstvo, a nekada i neke druge firme koje su dobile tu vrstu poslova i to nije dobra stvar, to nije dobra stvar, da te firme često puta koje su tašna, mašna firme, jel kolokvijalno kazano, dobivaju takvu vrstu javne usluge da je vrše, jer oni to obično odrade s damping cijenom daleko manjom prođu po javnom pozivu zato što su niži, a onda kvalitet usluge, odnosno sigurnost ispitivanja vode se na taj način, kako kažu, pada kvalitet. Znači, bilo bi dobro da u nekim izmjenama, evo pošto je ministar tu, se ta stvar da kažem zakonski, da bez obzira ko je osnivač preduzeća, da li Kanton, da li općine povjeri isključivo Zavodu za javno zdravstvo Kantona Sarajevo. Sada znači sada je sistem malo drugačiji. Hvala.

Elvedin Okerić (predsjedavajući)

Zahvaljujemo se. Zastupnica Elza Gaković se javila za riječ. Zamolio bih malo tiše.

Elza Gaković (zastupnica)

Zahvaljujem predsjedavajući. Ujedno se koristim se prilikom da pozdravim sve građane i poselamim one koji prate naš današnji rad, kao i kolegama koji su u sali želim uspješnu današnju sjednicu, to jeste nastavak današnje sjednice. Zahvaljujem se uvaženom ministru na uvodnim napomenama i zaista pozdravljam donošenje jedne jako bitne odluke, a to je Odluka o zaštiti izvorišta „Djevojačke vode“ jer znamo da nekako globalno svijet je, čini mi se, u problemu kada je u pitanju ova tema. Zato ministre zaista vam od srca hvala i nadam se da ćete u momentu javne rasprave, koja će, evo, trajati u rasponu od 30 dana, riješiti sve nedoumice, pravno formalne barijere i administrativne, kako bi našim građanima dali i usvojili najbolji prijedlog odluke o rješavanju ove jedne bitne stavke za život u Kantona Sarajevo. Pitka voda je nekako nezamjenjiv resurs, a znamo da su se i građani ovih općina koji konačno u konačnici imaju vodosnabdijevanje sa ovog izvorišta, nekako su se hronično susretali sa nedostatkom pitke vode i zato mi je danas iznimno drago da ćemo konačno imati pravila jasno postavljena, tko upravlja, a na koji način i da će građani bezbjedno moći da konzumiraju ovu vodu bez štetnosti po njihovo zdravlje. Ono što zaista želim istaći jeste da je donošenje ove odluke bitno sa više aspekata. Prvenstveno, tu je sa zdravstvene sigurnosti građana, jer znamo da neispravna voda zaista donosi mnoge i brojne posljedice po zdravlje za građane Kantona Sarajevo i mislim da donošenjem jedne odluke koja će jasno definisati sanitarne zone i sva moguća pravila kada se ovaj segment dovodi u pitanje. Zaista da, nećemo se susretati sa zdravstvenim izazovima kada je u pitanju konzumacija vode sa ovog izvorišnog vrela, tj izvorišta „Djevojačke vode“. Ono što je također jako bitno, pored zdravstvenog aspekta koje, čini mi se, najbitniji, jeste i očuvanje ovog dragocjenog resursa, pa znamo da nestručno i neadekvatno upravljanje sa bilo kojim izvorom može dovesti do smanjenja količine pitke vode, što nam nikako ni u interesu, već nam je u interesu da svi izvorišni kapaciteti pitke vode u Kantonu Sarajevo, kojih je jako puno na svim općinama, budu na adekvatan način zaštićeni i budu na adekvatan način u nekim mjerama zaštite jer moramo ih nekako do maksimuma koristiti, a ne kako smanjivati njihov obuhvat prirodnog davanja. Tako da sve u svemu, ja ću ministre također uključiti se kroz javnu raspravu, a vama zaista još jednom koristim se prilikom da čestitam na donošenju Nacrta ovakve odluke i zaista želim da kao odgovorni pojedinci i nekako odgovorni ljudi na odgovornim pozicijama isporučimo građanima što bolju uslugu. Toliko od mene, hvala.

Elza Gaković (zastupnica)

Zahvaljujemo se zastupnici Elzi Gaković. Za riječ se javio zastupnik Jasmin Šaljić.

Jasmin Šaljić (zastupnik)

Hvala. Želim da pozdravim građane koji prate našu sjednicu i vas kolege u Skupštini. Odluku o zaštiti izvorišta „Djevojačke vode“ je u pravi momenat. Pratio sam uvodnu napomenu ministra Mijatovića, nije bila duga, ali bila sažeta, poredao je prioritete; to su zone sanitarne zaštite, nadzor, jedinstveni sistem izvorišta, načina financiranja, kontrola, kvaliteta vode i pozitivna mišljenja nadležnih institucija. Elaborat je uradila Opština Novi Grad. Odluku ćemo donijeti mi kao Skupština zato što se izvoris nalazi između dvije opštine, pa to neće raditi opštinska vijeća. Slažem se sa kolegama Avdićem, Hašimbegović Nejasno je iz materijala ko će snositi troškove imovinsko-pravnih odnosa, te postupak i način određivanja naknade. Ovo se odnosi na prvu zonu, na ostale zone, nije predviđeno. Koleginica Hašimbegović je dobro upoznata s ovom situacijom. Ja sam iz Općine Novi Grad, često sam u tom naselju Dobrovoševići, koje, tu su naselja, Ahatovići, Butile, Djevojačke vode, oni desetinama godina imaju problem s vododopsnabjevanjem, to se naselja udvostručila ta mjesna zajednica, kapaciteti gradskog vodovoda su pa gotovo nevidljivi i kada se nešto uradi, čekamo, građani čekaju ViK po nekoliko mjeseci da ispred kuće pusti tu vodu. Ovo je točno što je Hašimbegović rekla građani su gore uradili improvizovanu mrežu, vodo-snabdijevanja. I kada sam razgovarao sa sa građanima i predsjednicima mjesnih zajednicama, kad sam čuo na koji način oni to rade i kako skupljaju sredstva i nešto uplaćuju u ViK-u, vjerujte mi da je to na ivici zakona i ovo je momenat da se to riješi i reguliše je da ti ljudi konačno dobiju pitku vode, voda je kao što ste čuli odlične kvalitete. Odluka je u nacrtu, podržat ćemo odluku, ima i rasprava, pa da čujemo i pozitivna i negativna mišljenja. Toliko od mene. Hvala.

Elvedin Okerić (predsjedavajući)

Zahvaljujem se zastupniku Šaljiću. Za riječ se javio zastupnik Elvis Vreto.

Elvis Vreto (zastupnik)

Hvala predsjedavajući i koristim priliku da pozdravim sve prisutne i gledaoce koji nas prate. Zaista želim da se zahvalim ministru Mijatoviću i Ministarstvu privrede, Vladi što su pripremili ovaj Nacrt odluke o zaštiti izvorišta „Djevojačke vode“, obzirom da on pokriva područje na nekom mikro planu, područje naselja Ahatovići i Dobroševići, odnosno Gornje Vlakovo na području općine Ilidža. Želim da istaknem da to sigurno ima ogroman značaj i interes tih stanovnika na tom lokalitetu i nadam se da će kroz javnu raspravu doći još tih sugestija i prijedloga i pitanja koje smo danas čuli kroz ovu diskusiju dilema da će one biti riješene i da će ta konačna odluka koja se nađe na ovoj Skupštini zaista ispuniti sve ono što ima nedoumica. Bitno je naglasiti nekoliko stvari koja metodologija na kojoj se temelji Nacrt ove odluke je ista metodologija koja se radila pripremala odluka, Nacrt odluke o privremenoj zaštiti izvorišta vodozaštitne zone Sarajevsko polje. Obzirom da su ta dva segmenta, naravno, ne mogu, teško je porediti, ova zaštita se odnosi sistemsko rješenje na nekom mikro planu kada se posmatra Kanton, vodozaštitna zona Sarajevsko polje, svakako je, obzirom da je gotovo u cijelosti snabdijeva Kanton Sarajevo sa pitkom vodom, donošenje te odluke zaista je nešto što nas čeka i ja očekujem i tražim od Vlade da što prije uputi, obzirom da se isto radi o Nacrtu i tu odluku u proceduru da ova Skupština raspravlja o njoj. Ponavljam, ista metodologija, puno je bilo, kako bih rekao, nedoumica i pogrešnih tumačenja u javnosti, ova odluka o kojoj danas raspravljamo je naslonjena na novi pravilnik, federalni, isto kao što je pripremana i Nacrt odluke vodozaštitne zone Sarajevsko polje. Tako da se nadam da su te dileme riješene i očekujem zaista po pitanju značaja naravno, za stanovnike ovih naselja ovo je najznačajnije pitanje, a kad se posmatra Kanton Sarajevo, naše najznačajnije pitanje je donošenje privremene odluke vodo-zaštitne zone Sarajevsko polje, jer obzirom na činjenicu da se Kanton Sarajevo gotovo isključivo snabdijeva pitkom vodom sa tog lokaliteta i rješavanje svih onih problema

koji su nagomilani istekom, nevaženjem ili važenjem, to je ta dilema Odluke iz '87. godine. Tako da moja puna podrška Ministarstvu privrede, ponovo da se zahvalim ministru Mijatoviću zaista na jednom sistemskom rješenju po pitanju ovog pitanja, kao i ostalih odluka koje smo donosili i zakona iz ovog ministarstva i zaista očekujem od Vlade, siguran sam da je Ministarstvo spremno, očekujem od Vlade da uputi u proceduru Nacrt odluke o vodozaštitnoj zoni Sarajevsko polje što prije, kako bi Skupština je mogla razmatrati i uputiti u javnu raspravu. Eto toliko, hvala.

Elvedin Okerić (predsjedavajući)

Zahvaljujem se zastupniku Vreti. S obzirom da nema više prijavljenih zaključujem raspravu.

U skladu sa članom 94. Poslovnika Skupštine Kantona Sarajevo predlažem da se u ovoj tački odmah izjasnimo. Molim zastupnike da se izjasne da li su saglasni, da se izjašnjavanje po ovoj tački provede odmah.

Zamolio bih službu da pripremi anketu i omogući zastupnicima da se izjasne. Zaključujem glasanje. Zamolio bih zastupnike da ostanete, da se izjasnimo o ovoj tački, ovo je sada samo za izjašnjenje.

Za je glasalo 24, protiv i suzdržanih nema. Konstatujem da je Skupština prihvatila da se izjašnjenje po ovoj tački provede odmah.

Predlažem da Skupština po Nacrtu Odluke o zaštiti izvorišta vode za piće „Djevojačke vode“ donese sljedeći Zaključak:

1. Utvrđuje se Nacrt Odluke o zaštiti izvorišta vode za piće „Djevojačke vode“.
2. Nacrt Odluke iz tačke 1. ovog zaključka stavlja se na javnu raspravu.
3. Učesnici u javnoj raspravi su kantonalni organi uprave, jedinice lokalne samouprave, naučne i stručne ustanove, a trajat će 30 dana.
4. Primjedbe, prijedlozi, sugestije i mišljenja učesnici javne rasprave dostavljaju Vladi Kantona Sarajevo, putem Ministarstva privrede Kantona Sarajevo, koje organizuje i provodi javnu raspravu.
5. Vlada Kantona Sarajevo dužna je nakon provedene javne rasprave, Skupštini Kantona Sarajevo dostaviti prijedlog Odluke o zaštiti izvorišta vode za piće „Djevojačke vode“, vodeći računa o primjedbama, prijedlozima, sugestijama i mišljenjima kroz izvještaj o provedenoj javnoj raspravi.
6. Ovaj zaključak stupa na snagu danom donošenja.

Molim zastupnike da pristupe izjašnjavanju o predloženom zaključku.

Zaključujem glasanje. Za glasalo 24 zastupnika, protiv i suzdržanih nije bilo. Konstatujem da je Skupština donijela ovaj zaključak.

Prelazimo na tačku osam.

AD- 8. Prijedlog odluke o imenovanju predsjednika članova Upravnog odbora Kantona agencija za privlačenje investicija i privatizaciju.

Materijal ste dobili uz poziv za sjednicu. Molim predstavnika predlagača da podnese uvodne napomene. Ministar Zlatko Mijatović. Izvolite, imate riječ.

Zlatko Mijatović (ministar)

Hvala predsjedavajući. Još jednom da iskoristim priliku da se zahvalim svim zastupnicama i zastupnicima na podršci po prethodnoj tački. Sljedeća tačka, odnosno ova tačka Prijedlog

odluke o imenovanju predsjednika i članova Upravnog odbora Kantonalne agencije za privlačenje investicija i privatizaciju. Pravni osnov je sadržan u članu 14. stav (2) Zakona o Kantonalnoj agenciji za privlačenje investicija i privatizaciju.

Jel do mene, trebam glasno? Mogu ja glasno, hvala vam puno.

Znači pravni osnov za ovu odluku Prijedlog odluke koja se nalazi pred vama jeste član 14. Zakona o Kantonalnoj agenciji za privlačenje, investicije i privatizaciju. Napomenut ću samo nekoliko stvari koje su bitne za uvertiru u čitavu ovu priču jeste da je Skupština Kantona Sarajevo donijela Zakon o Kantonalnoj agenciji za privlačenje, investicije i privatizaciju koja je objavljen u „Službenim novinama Kantona Sarajevo“, broj 19/22 od 12. 5. 2022 godine. Ovim Zakonom osnova je Kantonalne agencija za privatizaciju, privlačenje investicija i privatizaciju, utvrđen je njen pravni položaj, sjedište, djelatnost, nadležnost, upravljanje, rukovođenje i financiranje. Agencija je kao takva specijalizovana organizacija Kantona Sarajeva i ima svojstvo pravnog lica. Organi Agencije su Upravni odbor, Nadzorni odbor i direktor. U članu 14. stav (2) Zakona propisano je da se Upravni odbor sastoji od predsjednika i 2 člana koje imenuje Skupština Kantona Sarajevo na prijedlog Vlade Kantona Sarajevo. U prelaznim i završnim odredbama Zakona, tačnije u član 26 stav 1. Zakona propisano je da će Vlada imenovati Upravni odbor u roku od 30 dana od dana stupanja na snagu ovog Zakona. Vlada je u skladu sa istim donijela rješenje od 30.06.22. godine kojim imenuje vršioce, kojim je imenovala vršioce dužnosti Upravnog odbora. U članu 3. Stav 1 i 2. Odluke o standardima i kriterijima za izbor i imenovanje na pozicije predsjednika i članova Upravnog odbora Kantonalne agencije za privlačenje, investicije, privatizaciju propisano je da će na osnovu općih uslova utvrđenih u članu 7. Stav 1. Zakona o ministarskim, vladinim i drugim imenovanjima Federacije Bosne i Hercegovine kriterije iz ove Odluke, Vlada putem Ministarstva privrede raspisati javni oglas za pozicije predsjednika i članova Upravnog odbora Agencije i da će za provođenje ove Odluke Vlade imenovati Komisiju za provođenje javnog oglasa. Rješenjem Vlade od 30. januara '25. godine imenovana Komisija za izbor predsjednika i članova Upravnog odbora Kantonalne agencije za privlačenje investicija i privatizaciju. Javni oglas za imenovanje predsjednika i članova Upravnog odbora je objavljen na web stranici Ministarstva privrede Kantona Sarajevo, dnevnim novinama Dnevni avaz i u Službenim novinama Federacije 18.04.2025. godine i bio je otvoren 15 dana. Komisija je u skladu sa ovim nadležnostima, koja je dobila rješenjem Vlade, početkom, odnosno krajem januara '25. godine, imala zadatak da provede postupak izbora u skladu sa odredbama Zakona o ministarskim, Vladinim i drugim imenovanjima Federacije Bosne i Hercegovine, pregleda i utvrdi formalnopravnu ispravnost prijave, provede intervju sa kandidatima, sačini rang listu najboljih kandidata koji ispoljavaju kriterije propisane Odlukom o standardima i kriterijima za izbor i imenovanje na pozicije predsjednika i članova Upravnog odbora. Komisija izvršila navedeni zadatak, sačinila rang listu sa najboljim kandidatima. Napominjemo, napominjem da je prije ovog javnog oglasa za imenovanje predsjednika i članova Upravnog odbora Ministarstvo privrede bezuspješno provelo čak 5 javnih oglasa za imenovanje, odnosno predlaganja ovih kandidata. Tako su objavljeni javni oglasi 08.08.2022. godine, 01.12.2022. godine, 19.04.23. godine 14. 1. 25. i 19. 2. 2025. godine. Imenovanje predsjednika i članova Upravnog odbora Agencije se sve do danas nije moglo predložiti jer se dešavalo da ili nije bilo dovoljno prijava ili je bilo dovoljno prijave, a nisu bile formalno pravno ispravne. Shodno svemu navedenom predlažemo Skupštini Kantona da donese odluku kojom se imenuje predsjednik i članovi Upravnog odbora Kantonalne agencije za privlačenje investicija i privatizaciju, i to u slijedećem sastavu: Edin Omerčić kao predsjednik, Irma Zulović - Avdić kao član i Jasmin Česir, kao član. Hvala vam predsjedavajući.

Elvedin Okerić (predsjedavajući)

Zahvaljujemo se ministru Mijatoviću. Otvaram raspravu. Za riječ se javio zastupnik Mahir Dević. Izvolite, imate riječ.

Mahir Dević (zastupnik)

Valjalo bi se prisjetiti nacionalnog podviga ove parlamentarne većine kad ste najavili donošenje Zakona o privlačenju stranih investicija i javno nam obećali ovdje za govornicom, a to nije bilo tako davno, prije nekoliko godina, da ćete vi na bazi tog vašeg izuma zvanog Zakon o privlačenju stranih investicija gasiti, a paralelno ste s tim gasili Agenciju za privatizaciju, u Kanton Sarajevo privući stotine miliona konvertibilnih maraka investicija. Ne treba biti dovoljno mudar pa podsjetiti da je Klub SDA glasao protiv ovakvog zakonskog rješenja, upozoravajući da će ovo biti još jedna lakrdija u režiji sarajevske trojke, četvorke i ostalih zastupnika preletača. Rezultat toga je 5 konkursa, toliko je atraktivna ta vaša Agencija za privlačenje stranih investicija da ste provodili 5 konkursa i sva vaša stranačka vojska, koja u Kantonu Sarajevo čini stotine i hiljade stranačkih uhljeba se nije prijavila da bude u Upravnom odboru ove, za nas tako važne institucije, koja je u prethodnih nekoliko godina od kako ste je osnovali, donijela značajne investicije u Kanton Sarajevo u visini od 0 KM. I vi danas očekujete od nas iz opozicije, evo ja govorim konkretno ispred Kluba SDA, očekujete da mi izvršimo, još i neko stranačko ovdje imenovanje nekog Upravnog odbora koji treba da ozakoni rad ove institucije, jer ja vas sada pitam, a to ćemo na sljedećim tačkama, kako ste vi uopće radili ovolike godine, bez organa koje ste tamo morali formirati? Znači, vi ste u Kantonu Sarajevo apsolutno doveli sve do besmisla, do jednog ekonomskog kraha, sunovrata. Čovjek sada kada bi vama samo izračunao koja ste vi sredstva oko ovoga potrošili, šta ste vi s ovim doprinijeli, osim nekog pamfleta i nekog naslova o nekoj renesansi, znači stotine miliona konvertibilnih maraka ste najavili u investiciji. Naravno, mi smo tada govorili da od toga neće ništa biti i glasali protiv toga. Nažalost, ponovo smo bili u pravu. Evo, danas svjedočimo tome, tako da apsolutno ne treba dati podršku, pogotovo ovakvim stranačkim konkursima koje vi provodite. Na koji način ste formirali komisije, gdje vam je opozicija u tim komisijama, ali do te mjere ste vi to obesmislili, znači, kazao sam maloprije, ako provedite 5 konkursa za ovu Agenciju koja je trebala da donese stotine miliona konvertibilnih maraka investicija, to na najbolji način govori kako ćete vi donijeti te stotine miliona konvertibilnih maraka investicija. Vjerojatno vam ne treba Upravni odbor tamo da osmisli neku strategiju privlačenja stranih investicija, miliona koje ćete donijeti. Znači, to je sve jedan materijal koji ne zaslužuje nikakvu vrstu podrške kod bilo kog zastupnika koji je odgovoran, a mi smo upozoravali da na ovaj način vi pravite, samo dodatnu neku stranačku tamo instituciju i ništa drugo, da neće biti da trošimo određena budžetska sredstva i, naravno, mi nećemo dati podršku ovakvom imenovanju koje niti ima neki svoj strateški i značaj ni način na koji će Kantonu Sarajevo biti nešto bolje. Znači, ovo je nešto što je kontinuitet vaše politike, što ne zaslužuje nikakvu vrstu podrške. Hvala.

Elvedin Okerić (predsjedavajući)

Za riječ se javio zastupnik Faruk Selmanović.

Faruk Selmanović (zastupnik)

Zahvaljujem predsjedavajući i sve vas srdačno selamim i pozdravljam, kolegice i kolege u skupštinskim klupama i naše gledaoce kraj malih ekrana. Naravno, evo, šef Kluba Mahir Dević upravo kazao ono što je ključno jeste da smo ovdje prije nekih par godina slušali obećanja upravo od vladajuće većine, kako će izmjenom i dopunom ovog Zakona, odnosno kreiranjem ovakve jedne institucije, dobiti procvat u Kantonu Sarajevo. Međutim, nažalost, od toga se ništa

nije desilo. Naprotiv, sve suprotno od onoga što nam je obećano ovdje, a od investicija od toga nema ništa, nema ih ni na vidiku. Jednu ovakvu važnu instituciju koja bi trebala da privuče strane investitori u Kanton Sarajevo, pa možda da izbjegnemo dizanje tih enormnih kredita koje podiže Vlada Kantona Sarajevo, možda i to i razlog zbog čega nemamo imenovanja u ovoj instituciji već duži vremenski period, odnosno konkursi su padali, nije se niko javio na sam konkurs, a ono što je jako bitno jeste da evo čitajući ovaj materijal da vidimo šta su to uslovi, odnosno šta su to, šta svaki kandidat mora da ispuni, odnosno stručne reference samog tog, a što kaže i sam Zakon o ministarstvima, vladama i drugim imenovanjem Federacije u članu 7. Stav 2) da odgovorni javni službenik, u ovom slučaju Kanton Sarajevo, mora utvrditi standarde za izbor i ocjenjivanje i to u smislu stepena obrazovanja, znanja, iskustva, poznavanje stranih jezika i drugo što je potrebno da se određena vrsta posla obavlja. Ja neću uopće ulaziti sad u imena i stranačke kartice i pripadnost ovih ljudi koji su izabrani, ali evo ovako da krenemo redom, pa jedno od iskustava, odnosno sva tri po ovome što vidim su diplomirani pravnici. E sad, ako ćemo privlačiti investicije, ako ćemo međunarodna sredstva da povučemo, međunarodne fondove, naravno trebamo imati pravnika, treba neko da to proprati da li je to sve u skladu s pravom, ali tri, pa mislim da je i za vas to previše. Ali evo da vidimo sljedeće, zašto nema ekonomista, zašto nema nekih marketing stručnjaka, zašto nema nekih privrednika? Pa onda evo malo ako uzmemo da vidimo ljudi čime su se bavili. Vrlo interesantno recimo da imate upošljenje u Vodovodu i kanalizaciji gdje ovo Zenica, pa onda imamo ZOI neko radno iskustvo, pa bankar, opet to nema nikakve veze sa privlačenjem investicija i s onim što ova institucija treba da radi za Kanton Sarajevo. Hajde da vidimo, možda je dobar pravnik čovjek, ali da vidimo šta je sljedeća osoba, opet pravnik. Pazite opet pravnik, pa kaže radno iskustvo, Centar za sport i rekreaciju. To je sve u redu i to je sve, svaki taj posao ima svoj zadatak i nosi svoju težinu. Međutim, ovdje se radi o privlačenju stranih investicija. Gdje su nam ovdje dokazi o stranim jecima? Gdje su nam ovdje dokazi o poznanstvima možda negdje van teritorije Bosne i Hercegovine ko može da privuče te investitore, neko radno iskustvo vani, a vaš koalicioni partneri su upravo hvalili kako ćemo vratiti mlade izvana da rade ovdje. Pazite sad jedna tamo od referenci koje je navedeno, kaže, poznavanja rada na Microsoft Office 2000. Blago nama. To je prije 25 godina. Ajde, bar se nešto, ja se nadam da su se nešto edukovali u ovom periodu od 25 godina. Pazite, poznavanje rada na računaru u današnjem vremenu ne treba da bude posebna referenca ovdje. To se podrazumijeva. E sad moje pitanje koje su to bile reference, koji su to bili uslovi da bi ih ovi kandidati ispunili i da bi mi dobili najkvalitetnije ljude da vode ovako važnu instituciju u Kantonu Sarajevo. Ako niste postavili kriterije, onda ovakve stvari su sasvim normalne i prihvatljive. Jedno od tamo je i kaže bio pripravnik, volonter u općini Konjic, sve je to u redu, sve je to za pohvalu. Ali ono što nama treba i što je trebala biti suština same ove institucije, pošto, evo, privlačenje stranih investicija, a to je i sam zakon ovdje koji ste nam obećali jeste da vidimo koga to mi možemo, kakav novac, kakve investitore možemo donijeti u Kanton Sarajevo. Ja mislim da ovi ljudi koji će biti u Upravnom odboru, koji su zaduženi za upravljanje, a to je donošenje Statuta, upravljanje o radu same institucije, donošenje općih akcija, usvajanje finansijskog plana, šta ovi pravnici, uz dužno poštovanje, znaju o finansijskom planu? Što se tiče akata ja, jer vjerovatno će biti među boljima u Kantonu Sarajeva, ali nama ne treba samo to. Zašto među ovim ljudima nemamo različitih profesija, različitih iskustava, različitih backgrounda, da bi Kanton Sarajevo imao potpuni benefit od ove institucije. Bojim se da sa ovim i ovdje što smo sami, što nam je prezentirano, ovo je samo još jedna od institucija za uhljebljavanje kadrova i ništa od ovoga nećemo imati, osim dodatni teret na grbači građana Kantona Sarajevo, koji su već finansijski opterećeni jer treba neko ovo financirati, treba neko ovo platiti i bit će sami sebi svrsishodni. Da, evo, do kraja svog mandata neće donijeti nijednu investiciju, ja bih volio da budem u krivu, ali neće donijeti ni 5 maraka dodatnih investicija u Kanton Sarajevo jer se bojim

da intencija ove Vlade, što se tiče investicija, kreditno zaduženje što više i što brže i u što kraćem vremenskom periodu. Zahvaljujem.

Elvedin Okerić (predsjedavajući)

Za riječ se javio zastupnik Muamer Bandić.

Muamer Bandić (zastupnik)

Selamim i pozdravljam sve prisutne i one koji nas prate putem malih ekrana. Pa mi danas imamo jednu interesantnu tačku ali formalno, dakle, neko ispunjava uslove ili ne ispunjava. Ispunjava sasvim je evidentno da ljudi ovdje ispunjavaju uslove i sad, trebamo li ih posebno nešto kritikovati. U principu, dakle, Bosna i Hercegovina je predodređena država da u njoj ne može biti ekonomskog razvoja, a mi doprinosimo ovakvim postupcima toga, tim, realizacije tih aktivnosti. Samo naše ustavno uređenje, dakle, ne daje nikakvo mogućnost razvitka privrednog, a ako mi budemo birali najlošije kadrove među nama, onda, sasvim je sigurno da to nećemo uraditi. Naravno, ne možemo mi to sad spoticati samo ovoj Agenciji, ako budemo realni dakle, ne postoji ni jedno imenovanje na poziciji direktora na poziciji Upravnog odbora ili bilo kojeg drugog organa, a da nije unaprijed predodređeno politički. Dakle ko god to kaže, nije istina. To je uvijek bilo i uvijek će biti. Dakle, mislim, možemo tako konstatovati, ali šta želim da kažem. Nažalost, mi sami kršimo zakon, zato smo zakonom trebali da omogućimo pristup svima, dakle u kontekstu tog pristupa, da ne bi bilo to stranačko zapošljavanje, ali sve stranke i sve politike shvataju to kao neki politički plijen koji se na ovaj način dijeli. I ja se ne bih puno osvrtao na to, okolnost da smo mi to uzeli kao neku političku praksu, ono što bi bilo interesantno od nas je da ustvari tražim odgovornost onih koji preuzmu na ovaj način upravljanje ovom Agencijom. Okolnost da, ne ova Agencija je jako kratko tu, i sam u ovom samom zakonodavnom životu ne znam koliko im možemo sada, posebno neke stvari spoticati, ovdje sa radi o imenovanju organa, to ćemo nekom drugom, možda na neko drugoj tački da im stavljamo neke prigovore. Šta jest interesantno, da, ali je zakon ostavio mogućnost, nažalost, ja ne znam da li postoji i jedan organ kojeg Skupština imenuje, osim ove Agencije, dakle, bar ja to nisam do sad vidio, i to je možda iznenađujuće za nas. Ovo što nam je rekao ministar, da je bilo 5 javnih poziva koji su se ponavljali, a onda nam je kolega Faruk Selmanović pročitao uslove jel, onda je zaista bilo interesantno da se 5 puta moraju ponavljati, ponavljati javni pozivi, a da pri tome su uslovi bili na nekoj niskoj razini i da neka posebna stručna kvalifikacija nije ni bila potrebna. Kada je u pitanju kašnjenje i evo nepostojanje ovog organa, ovaj upravljanja u ovom vremenskom periodu, kako je rekao kolege iz Kluba SDA, dakle, to predstavlja jedan ozbiljan propust i taj propust treba da se ogleda u nekom sankcionisanju onih koji su ustvari trebalo ovo da provedu. General, to ne bi mogli da stavljamo na teret upravi, to bi mogli više ministru i Vladi, jer oni su ti koji provode ovu proceduru, imenuju Komisiju i na neki način su praktično jednu ovakvu Agenciju ostavili bez ijednog ozbiljnog organa. Postavlja se pitanje da li postoji mogućnost zakonitog djelovanja ovog organa, odnosno organa uprave bez organa koji su trebali da budu imenovani. Kada je u pitanju Klub Stranke za Bosnu i Hercegovinu mi nećemo pretjerano ulaziti dakle, u same kvalifikacije ovih osoba, politička vlast to su stranke trojke i trebaju da preuzmu odgovornost. I mi nećemo, naravno, podržati njihove prijedloge, ali za neke druge tačke smo se pripremili kada bi u pitanju ova Agencija, da vidimo ustvari kolike su te stvarne investicije, mada, eto, svi mi doprinosimo tim stvarnim investicijama, pravljenjem nekog ambijenta koji bi ustvari njima omogućio neku, evo jednake šanse kako bi se ustvari pojavio neko ko bi mogao da investira u ovu državu, mada sam rekao unaprijed da smo mi predodređeni da takve investicije ne budu predmet ove države. Hvala.

Elvedin Okerić (predsjedavajući)

Za riječ se javio zastupnik Mahir Dević. Izvolite, imate riječ, replika. Jel replika? Izvolite, imate, riječ.

Mahir Dević (zastupnik)

Hvala lijepo. Kolega Bandiću ja bih kazao da ova stranačka ideja koja je nama ovdje prezentirana od tadašnjeg NIP-a, odnosno ministra prethodnog, kao neka agencija koja će donijeti stotine miliona konvertibilnih maraka je ustvari bila zaboravljena ovih prethodnih nekoliko godina i ona je polučila rezultat koji je u konkretnoj situaciji potpuno nemjerljiv. Zašto je to ustvari tako? Nije da se tu ne bi prijavilo nekih stručnih ljudi, nego ljudi smatraju da je koncept na koji je ovo osmišljeno potpuno besmislen. On je smislen tačno onoliko i donio je finansijskog benefita Kantonu Sarajevo tačno onoliko koliko ona ekskurzija u Dubai od 3, 4 miliona konvertibilnih maraka. Znači, ti su rezultati vrlo mjerljivi, jer vrijeme najbolje govori, eto od te ekskurzije mi imamo stanje da nemamo ni dan danas izvještaja, da smo tu potrošili neka 3,5 - 4 miliona, da su se neki ljudi išli na to putovanje i to je taj benefit. Ali znate šta je rezultat takve politike kada se tako ponašate? Rezultat je to da danas nemate novca da platite djeci u osnovnim školama ekskurzije koje ste im predvidjeli u nastavnim planovima i programima, rezultat je to da nemate novac da isplatite regrese prosvjetnim radnicima. Rezultat takve politike populističke, neozbiljne, nekompetentne, nestručne je to da danas imate dobavljače u Kantonu Sarajevo kojima se fakture ne plaćaju po 8 mjeseci, da imate poljoprivredne proizvođače kojim se ne isplaćuju na vrijeme, poticaji u Kantonu Sarajevo, itd. I to je rezultat jedne neozbiljne politike koja, mi smo to na vrijeme prepoznali, da ovakav jedan model ne zaslužuje podršku, a nažalost, evo, to se danas praktično dokazuje. Hvala.

Elvedin Okerić (predsjedavajući)

Zastupnik Muamer Bandić odgovor na repliku. Izvolite, imate riječ.

Muamer Bandić (zastupnik)

Zahvaljujem. Ovo možda kolega Dević je u pravu, ja se s njim slažem, ali ovo je možda za neku drugu tačku, ovdje se radi samo o imenovanju i ovu što je on rekao ja slažem s tim, to ćemo na neku drugoj tački raspravljati. Jaz između zakonodavne i izvršne politike stranke trojke su, naravno, napravili nepremostiv. To je za neke druge materijale, za ovaj nije, pa ćemo kad dođe vrijeme za to, a s ovim što je rekao ja se slažem. Hvala.

Elvedin Okerić (predsjedavajući)

Zahvaljujem se. S obzirom da nema više prijavljenih, zaključujem raspravu.

Prelazimo na tačku devet.

AD-9. Izvještaj o radu sa finansijskim izvještajem Kantonalne agencije za privlačenje investicija i privatizaciju za 2023. godinu

Materijal ste dobili uz poziv za sjednicu. Molim predlagača da podnese uvodne napomene. Možete ovdje. Predstavite nam se zbog stenograma. Direktor je poslao poruku na putu je, opravdan izostanak. Izvolite, imate riječ.

Amra Hašimbegović (pomoćnica direktora Kantonalne agencije za privlačenje investicija i privatizaciju)

Zahvaljujem predsjedavajući. Poštovani zastupnici, uvaženi predstavnici Skupštine Kantona Sarajevo, dobar dan i moje iskreno poštovanje svima. Moje ime je Amra Hašimbegović i ja

sam pomoćnica direktora za Kantonalne agencije za privlačenje investicija i privatizaciju. Dozvolite mi na samom početku da izrazim prije svega svoje poštovanje i zahvalnost na ukazanom vremenu i vašem interesu za razmatranje izvještaja o radu Agencije za privlačenje investicija i privatizaciju Kantona Sarajevo. Vjerujem da ste imali priliku detaljno su upoznati sa našim dostavljenim izvještajima za '23 i '24 godinu, tako da ću se potruditi samo da vas ukratko podsjetim na ono sa čime ste već upoznati iz dostavljenih izvještaja. Radi racionalnog korištenja vremena, uvažavajući činjenicu da su dvije tačke dnevnog reda povezane, to je podnošenje izvještaja za '23. i '24. godinu predlažem da kumulativno sažeto iznesem oba izvještajna perioda. U svom obraćanju zadržala bih se. Da li me čujete? OK, oprostite.

Elvedin Okerić (predsjedavajući)

Poslovnička intervencija zastupnik Mahir Dević.

Mahir Dević (zastupnik)

Ne možemo, naravno, ove dvije tačke spojiti u jednu, poslovnički je to, mislim, ja suštinski ne bih imao ništa protiv da se vi jednom obratite za obje godine, ali ne možemo to poslovnički, tako da moramo to različito tretirati.

Elvedin Okerić (predsjedavajući)

Podnesite vi izvještaj za 2023 godinu, a kasnije ostavite ove podatke za 2024. Tako da.

Amra Hašimbegović (pomoćnica direktora Kantonalne agencije za privlačenje investicija i privatizaciju)

U redu.

Elvedin Okerić (predsjedavajući)

Izvolite, imate riječ.

Amra Hašimbegović (pomoćnica direktora Kantonalne agencije za privlačenje investicija i privatizaciju)

U redu. Agencija za privlačenje investicija i privatizaciju Kantona Sarajevo, kao što vam je poznato, iznio je to ministar Mijatović, je lex specialis direktno stavljena pod nadležnost Vlade Kantona Sarajevo. Donošenjem novog zakonskog okvira Agencija je pozicionirana kao centralna tačka za domaće i strane investitore koji traže pouzdane informacije o poslovnom ambijentu, konkurentnim prednostima, investicijskim potencijalima našeg Kantona. Uz to, Agencija pruža podršku tokom realizacije ulaganja, kao i postinvesticijsku podršku. Što se tiče finansijskog segmenta Agencije, možemo istaći da je u 2023. godini na osnovu ostvarenih prihoda imala višak prihoda nad rashodima u iznosu od 126.876 konvertibilnih maraka. Pored vlastitih prihoda, Agencija se u '23. godini financirala i dijelom iz tekuće podrške transfera Ministarstva privrede Kantona Sarajevo. Ono što bih htjela istaći jeste da su svi finansijski izvještaji za '23. godinu, kao i Izjava fiskalnoj odgovornosti i prateća dokumentacija, usvojeni i predati u zakonom predviđenim roku. Također, Agencija je izvršila registraciju OIB broja u Republici Hrvatskoj čim je osigurala legitimitet u administrativnom sistemu Republike Hrvatske. Radi jasnijeg shvatanja, važno je istaći da je Agencija na dan 31.12. 23. godine, u' 24. godini sa glavnog bankovnog računa izvršila prijenos vlastitih gotovinskih sredstava u iznosu od 242.209,44 konvertibilne marke. Prenesena sredstva Agencija je svjesno i namjenski utrošila u većem obimu, u odnosu na prethodne godine, i to za nabavku nove opreme, renoviranje prostorija u kojem je smještena Agencija, te nabavku materijalnih i drugih

sredstava koje su u Agenciji i zaposlenima dugoročno potrebna u poslovanju. Obzirom da je Agencija od momenta prelaska na sistem trezorskog poslovanja to je u '25 godini bilo u obavezi izvršiti prijenos svih novčanih sredstava sa bankovnih računa Agencije na jedinstveni račun trezora kao javni prihod Kantona Sarajevo. Smatrali smo opravdanim da Agencija da sredstvima agencije izvršimo gore pomenute sve nabavke te smo svjesno napravili veći iznos rashoda u odnosu na prethodne godine u iznosu od 64 017 konvertibilnih maraka. Agencija pored svega zaključno sa 31.12.2024 godine na glavnom bankovnom računu imala 81 866 konvertibilnih maraka. Na osnovu ostvarenih prihoda u '23. godini Agencija se nije isključivo finansirala iz budžeta, nego je, naprotiv, zahvaljujući sopstvenim prihodima napravila budžetske uštede te ostvarila višak prihoda nad rashodima u iznosu već spomenuti 126 876 konvertibilnih maraka. Na kraju važno je istaći da Agencija nije profitna organizacija i zakonom je usvojila Skupština Kantona Sarajevo iz '22. godine. Osnovana je kao budžetska organizacija koja je servis Vladi Kantona Sarajevo i kao takva se u potpunosti finansira iz Budžeta Kantona Sarajevo, što je već u primjeni usvajanjem Budžeta za 25 godinu. Što se tiče pravnog segmenta Agencije, u izvještajnom periodu, sektor je radio izuzetno odgovorno i efikasno, s posebnim fokusom na zaštitu imovinskih interesa Kantona Sarajevo. Od ukupno 7 sudskih postupaka koji su se vodili dugi niz godina, a okončani su tokom '23. godine, Agencija je uspješno riješila svi 7, uključujući i slučajeve u kojima su postignuti sudske nagodbe. Naglašavam da je većina ovih sporova u prethodnim godinama u prvostepenom postupku bilo presuđeno na štetu Kantona, ali je Agencija sve te sporove dobila u drugostepenom postupku, što znači da nijedan spor nije izgubljen, a vrijednost ovih predmeta prelazila je 23 000 000 konvertibilnih maraka, čime je značajna finansijska šteta po Kanton spriječena. Poseban uspjeh predstavljaju sudske nagodbe gdje bih izdvojila predmet UNIS Biokovo, gdje je poslije više od decenije riješen problem finansijskih potraživanja radnika preduzeća, njih 55, na način da su od strane kupca preduzeća isplaćena njihova dugogodišnja potraživanja u milionskom iznosu. Također, kroz kvalitetnu saradnju sa Pravobranilaštvom Kantona Sarajevo realizovan je povrat više od 300 nekretnina ukupne površine od 200 000 m². U predmetu Samos, gdje smo otkrili razliku nekretninama i imovinu koju je preduzeće svjesno izostavilo prijaviti prilikom provođenja privatizacije, u predmetu Poljooprema donesena je presuda kojom je utvrđeno vlasništvo Kantona na vrijednom nekretninom na Marin Dvoru, što je još jedan važan rezultat u korist javnog interesa Kantona Sarajevo. Što se tiče segmenta privatizacije, Agencija je u '23 godini izvršila privatizaciju imovine preduzeća koju ne koriste, a koja nije uslov za obavljanje osnovnih djelatnosti u postupku male privatizacije. Ukupno je ostvaren prihod u Kantona u iznosu od 7.688.643,25. Radilo se o 7 prodaja, od čega su 5 prodaja imovine u maloju privatizaciji, čime je ostvaren ukupan prihod preduzeća od 7.041.528 konvertibilnih maraka. Dvije prodaje imovine iz pasivnog podbilansa imovine poduzeća, čime je ostvaren ukupan prihod poduzeća u iznosu od 647.115, 25 konvertibilnih maraka. Agencija je također poduzela radnje povrata privatizovanih preduzeća zbog neizvršavanja ugovorom preuzetih obaveza koji su bili predmet ranije dugotrajnih sudskih procesa. Donesene su presude na osnovu kojih je upravljanje državnim kapitalom trebalo biti vraćeno u nadležnost Kantona Sarajevo. Radi se o postupcima koji traju više decenija, gdje su pojedinci, uprkos presudama, i dalje nastavili koristiti imovinu u vlasništvu Kantona. Agencija je tim postupke uspješno završila i vratila suštinsku kontrolu nad predmetnom imovinom Kantonu Sarajevo. Posebno ističemo pravna lica Projekt d.d., Zadrugar d.d. i hotel Maršal, kod kojih je Kanton nakon provedenih procedura preuzeo upravljačke strukture i ponovo uspostavio institucionalno upravljanje. Što se tiče pasivnog podbilansa Agencija je zaključkom Vlade Kantona zadužena za pasivni podbilans, tj imovinu poduzeća Kantona Sarajevo koja su imala svoju imovinu na teritorijama ex Jugoslavije. Samim tim kontinuirano poduzimamo pravne i administrativne radnje radi povrata i prodaje predmetne imovine u korist Kantona. Iako je proces uknjižbe složen zbog pravnih prepreka, Agencija je pronašla funkcionalni modalitet saradnje sa stečajnim upravicima,

likvidatorima. Ovi koraci predstavljaju značajan pomak u institucionalnom pristupu upravljanju pasivnim podbilansom i zaštiti imovine koja pripada Kantonu Sarajevo. Što se tiče Sektora za investicije, Sektor za investicije nije obavljao i nije bio utemeljen niti počinjao sa radom prije 2024 godine.

Elvedin Okerić (predsjedavajući)

Hvala vam na detaljnom obrazloženju Izvještaj za 2023 godinu. Vi se možete vratiti na svoje mjesto, otvaram raspravu. Za riječ se prvi javio zastupnik Faruk Kapidžić. Izvolite, imate riječ?

Faruk Kapidžić (zastupnik)

Zahvaljujem. Evo, naravno, u skladu s onim kako ovaj, kako ste i do sada radili nisam ni očekivao da se pojavi direktor ovdje, ovaj zato što na ovakvim tačkama obično direktori se izmaknu, opravdaju vam opravdani put, vi potvrdite da je put opravdan, dakle ne radite 3 mjeseca ništa, a Agencija ima jednu tačku u 3 godine i baš tad je put taj opravdan. Dakle, da je ova Agencija vjerojatno radila dobro, vjerojatno bi direktor odgodio sve puteve, došao bi iz Nikaragve, ako treba, da ovdje prezentuje svoj rad. Naravno, njega nema, to je prva indicija da nešto nije u redu ovdje. Druga stvar, ako se daje izvještaj, vjerujte mi, ovo ide građanima na televiziji, ko prati, novinari itd. Vrlo je jednostavan izvještaj, narodnim rječnikom. U '23. Agencija je Kanton koštala toliko, a donijela je investicija toliko. Mislim, naravno, takvi izvještaj neće biti zato što ako bi razmislili koliko je koštala Kanton, a koliko je donijela tih investicija, ona bi odmah išla na provjeru i obaranje takve Agencije. Zašto to govorim? Zato što ove cifre o kojima se spominje u Izvještaju o 26 000 maraka za to, o 38 000 maraka za to i Agencija za privlačenje stranih investicija u Kantonu Sarajevo mora da priča o stotinama miliona. Dakle, imati izvještaj da to ne treba biti profitabilna agencija, ona itekako treba biti profitabilna. To je jedina, možda jedina stvar Vlade i koja mora biti profitabilna za ovaj Kanton, dakle onoliko koliko je potrošila, mora dovući investicija u mnogo većem iznosu da bi bilo opravdano. Naravno, nešto se na sudu, kao što smo dobili na izvještaju, dobilo i oboreno je na drugostepenom, i to kada se stavi, a kada se stavi to na papir, kada se vidi sudski proces itd. To nije moglo biti drugačije, tako da agencija se može nakačiti na to, ali na drugim slučajevima se Agencija ne spominje, niti reaguje, nit se upetljava. U stvari, ja ću da građanima kažem samo jedan slučaj. Mi imamo fabriku tvornicu Čokolade Sarabon, nekadašnji, da li ito zna ovdje šta se dešava sa zemljom u epicentru Novog Grada, odnosno Ilidže sa 14 000 kvadrata, zemljom koja je enormno vrijedna, a gdje je to ovaj, gdje je ta Agencija, gdje je ta ovaj fabrika institucija pod stečajem i gdje je sudski proces doveo do toga da privatnik će tu fabriku, i to zemljište od 14 000 kvadrata završiti na kraju za nepuna nepunih 2 miliona, plus kamate koje opterećavaju to do nekih 9 miliona. 14 000 kvadrata zemljišta na kome se može napraviti investicija od 200 000 000 bit će u rukama privatnika za nepunih 9 000 000, na način kako smo u proteklih 20 godina sve živo izprivatizovali, znači pojedinci dolaze do zemljišta od 14 000 kvadrata sa svega 1 000 000 ili 2 efektivnih para i učešće u tome preko, naravno, neke Hypo Alpa Adrija banke i tih zakulisnih radnji. I mi sada imamo Agenciju za privatizaciju koja nije u stanju da se upetlja tu i da Vlada Kantona na osnovu njihovog izvještaja o privlačenju investicija spasi to tako što će ući i pokrit dug to i imati zemljište u vrijednosti od par miliona uplate od Vlade Kantona, sutra bi imala vrijednosti od 50 000 000 tog zemljišta. Ne, to ste vi napravili i ovu Agenciju i sve živo ste napravili da omogućite kojekakvim privatnicima da preko sudskih procesa dođu do razlike od četrdesetak miliona u džepu. E sada, ja vas pitam, pa pitam i Vladu Kantona, naravno i Agenciju, zašto mi nismo imali taj problem Sarabona i toga ovdje na Vladi, da diskutujemo? Zašto to niste otvorili, otvorili u javnost jer se tu radi i o privatizaciji i o privlačenju investicija. A onda ćete pričati o nekih 26 000 maraka ili neki sudski proces koji nije ni mogao otići u drugostepenom pozitivnom slučaju. OK, ja shvatam kumulativno

iznošenje toga je dobro, ali ako vi stavite Agenciju za privatizaciju posljednje 4 godine, stavite na papir koliko je koštala i šta je uradila, a nije sve da je privatizovano tek neke stvari isplivavaju sada u vidjelo. Naravno, to je sakriveno, kao što je slučaj 14 000 kvadrata zemljišta na opštini Ilidža u epicentru, gdje je bila tvornica fabrike čokolada. Da smo bili pametni, ta tvornica nikad ne bi prestala raditi, to bi tvornicom upravljao Kanton, izmjestio bi je na drugu lokaciju kao industrijsku zonu, prodavao bi dalje čokolade u Sloveniji, ne, mi ćemo sada nekom Slovencu to zemljište dati za par miliona i čovjek će reći pa evo, ne moram više ići u zemlje trećeg svijeta, pa ja imam lude ljude ovdje u sred Europe. Naravno, ja to moram iznijeti ovako, pa evo 2, 3 godine, 4 godine, iznosim te stvari, nema nikakvog efekta. Ok, ali ostaje zapisano šta ste radili i zašto se niste borili ni za šta, nego ste baš obrnuto radili. I ta Agencija za privatizaciju nek da izvještaj gdje je bila oborena, stara, formirana nova zbog prodaje hotela Igman i nakon, evo 4 godine, dokle ste došli sa hotelom Igman i dovlačenje strane investicije? Znači, taj investitor nije dobio dozvole nikakve i naravno da tereti vas, jel vi stvarno mislite da ćete moći privući investiciju u takvim okolnostima, bilo kakvu ozbiljnu investiciju? Neće moći. Znači najveću stvar koju možete uraditi da privučite investiciju jeste to da odete, jednostavno je tako da kažete mi ovo ne znamo raditi, možda će poslije doći neki investitor. Inače, dolazit će vam samo mešetari koji zemljište od 30, 40 miliona dobivaju za 2 000 000 i prave brze ruke ovdje 20, 30 miliona i ode u Dubrovnik i uživa, kao što je i Tibra i sve ostalo. Niste u stanju bili, spriječite ni jednu negativnu stvar koju ste naslijedili od prošlih garantura, niti jednu, a napravili ste mnogo više nego što je u proteklih 20 godina loših stvari bilo napravljeno, napravili ste za 6 godina, koliko ste ovdje. I šta ja sada treba da građanima kažem da je super? Dobro radite, ta Agencija dobro radi.

Elvedin Okerić (predsjedavajući)

Vrijeme.

Faruk Kapidžić (zastupnik)

Hvala. Zastupnik replika. Zastupnik Samir Avdić, izvolite, imate riječ.

Samir Avdić (zastupnik)

Zahvaljujem predsjedavajući. Zahvaljujem kolegi Kapidžiću, u posljednje vrijeme, a posebno kada u svojim diskusijama zvuči kao da se obraća na organima sopstvene stranke kada ih kritikuje. Evo, i ovaj put moram reći da sam vrlo sretan što iz prošlosti vraća temu privatizacije onakve kakva je bila fabrike Sarabon, koja se, evo, jednim dijelom nalazila i na području opštine Ilidža. I evo, da kažem, da u potpunosti podržavam ono što je rekao u kontekstu poruke ovoj Agenciji i ne da molim, nego evo zahtijevam zajedno sa kolegom Kapidžićem da već za narednu sjednicu dobijemo zvaničan odgovor ove Agencije sa dokumentacijom o potpunom historijatu privatizaciji i problemima stečaja fabrike Sarabon, da ne bi građani slučajno pomislili da eventualno ovaj direktor, koji je sad trenutno na službenom putu ili neki od prije koju godinu ili neki stečajni je odgovoran za ono što se dešavalo. Ono što bi bilo najpoštenije prema javnosti, prema građanima i prema nama jeste da dobijemo zvaničnu informaciju sa dokumentacijom po predmetu koji je kolega Kapidžić, još jednom mu zahvaljujem, maloprije u diskusiji spomenuo, a radi se o privatizaciji i stečaju fabrike Sarabon. Zahvaljujem.

Elvedin Okerić (predsjedavajući)

Odgovor na repliku zastupnik Faruk Kapidžić.

Faruk Kapidžić (zastupnik)

Pa evo, naravno da ćete se složiti s ovim, samo to što se kao iznenađujete, pa evo, ja otkako sam se pojavio na političkoj sceni, ne bježim od toga i naravno da bi volio i da se to istraži i svaki taj kriminal nek se istraži, i to ako je vodilo SDA, nek se istraži, samo morate, Avdiću, ću biti realni, za razliku od mene i čitave SDA, sadašnje, mi to govorimo, a vi ne bi uz to pridodali fabriku Duhana, na primjer, hotel Igman itd. Znači, niz stvari gdje su učestvovali vaši kadrovi vi to nikad niste spremni i tu je ta razlika zašto je SDA napravila iskorak. Nemamo problem da se sve to otvori, napravite sjednicu za Sarabon i da svi izdiskutujemo to, ali istovremeno ćemo da na toj sjednici budu i ostale privatizacije, tako je, i onda želimo od vas diskusiju da kažete, samo imate jedan problem, imate problem što su još uvijek aktivni ti članovi SDP-a pa ne znam kako ćete iznijeti, jako aktivni.

Elvedin Okerić (predsjedavajući)

Zastupnik Mahir Dević se javio za riječ. Samo momenat. Kolega Avdiću, zamolio bih vas da poštujemo Poslovnik. Zastupnik Davor Čičić, replika. Izvolite imate riječ.

Davor Čičić (zastupnik)

Apsolutno podržavam ovu diskusiju kolege Kapidžića. Samo on prešućuje jednu ključnu stvar, znači, ko je učestvovao u tim privatizacijama? Znači apsolutno kadrovi njegove stranke su upravljali i ovom Agencijom. Nije ova Agencija od jučer, ljudi moji. Ova Agencija postoji dugu niz godina i upravljali su kadrovi, ponajviše SDA i ko je provodio te privatizacije? Evo, ja se apsolutno apsolutno slažem sa kolegom Kapidžićem, evo da napravimo reviziju svih privatizacija i Sarabona i nemam problem sa bilo kojim što vi spominjete neke druge kadrove, da se sve stvari stave na vidjelo i da se zna ko je pravio te privatizacije, počev od onih privatizacija sa certifikatima, gdje ja smatram da su apsolutno građani prevareni kroz taj vid privatizacije i privatizacije ovako javnih preduzeća, pa da otvorimo i privatizacije i stečaja pojedinih firmi, gdje su svjesno rađeni stečajni da bi se na kraju na neki način domogli i imovine i kroz te raznorazne privatizacije i apsolutno bilo koji kadar, pa da mi je otac rođeni i nek izađe na vidjelo i nek odgovara za sav kriminal koji je rađen u prethodnim godinama. Samo vi, kolega Kapidžiću, ovo zlonamjerno stavljate u neki kontekst da je sad ova Vlada nešto kriva za te stvari, te stvari su se desile davno prije ove Vlade, te stvari su odgovarali i kadrovi i vaše pa i moje stranke, ja od toga ne bježim i treba svakoga javno prozvati ko je u tim stvarima učestvovao, samo u tim vašim diskusijama kad ovako diskutujete, nemojte da tako na neki način smanjivati utjecaj svih onih kadrova i vaše stranke koji su na taj način, pa i u ovom konkretnom slučaju, Sarabona. Ja malo znam o čem se tu radi i u tom konkretnom slučaju itekako su utjecali vaši kadrovi. S te strane, evo, ja podržavam vašu diskusiju, ajmo staviti nek svako odgovara, svakoga ko je bilo što na bilo koji način kriminalno radio u tim privatizacijama nek bude prijavljen i nek odgovara, samo nemojte kriviti nekoga ko je zadnje 2,3 godine. Kažete da ste tu noviji, evo, i mi smo noviji i nemojte optuživati nekoga ko apsolutno nema veze sa tim, a nek se sve odgovornosti utvrde.

Elvedin Okerić (predsjedavajući)

Vrijeme kolega Čičiću.

Davor Čičić (zastupnik)

Hvala.

Elvedin Okerić (predsjedavajući)

Odgovor na repliku zastupnik Faruk Kapidžić, minuta za vas, izvolite.

Faruk Kapidžić (zastupnik)

Hvala. Naravno, pa nije to problem, gospodine Čičiću i uopće SDP kadrovima, kažem, nije problem meni reći šta u čemu je učestvovala SDA prije. Problem je u tome što vi trenutno učestvujete sada 6 godina. Ja sam bio u ministarstvu, znam šta je sve došlo od zemlje, kod Trebinja, na Ivanjici itd. I znam ko je upetljan. Zato vam kažem biti će vam vrlo nezgodno, ali ću od vas tražiti isto što ja govorim za SDA kadrove, tražit ću od vas sada. A ti kadrovi nisu nisko pozicionirani u SDP-u i trenutno su na vlasti i obavljaju funkcije. Tako, vidjet ćemo tu diskusiju.

Elvedin Okerić (predsjedavajući)

Zastupnik Muamer Bandić, replika izvolite, imate riječ, 2 minute, izvolite.

Muamer Bandić (zastupnik)

Zahvaljujem. Ja se slažem s ovim što je rekao kolega Kapidžić i podržavam isto to što ste rekli, kolega Avdić i Čičić. Ključna razlika između svih dosadašnjih privatizacija, ili bilo kojih drugih pravnih poslova koje državni kapital Kantonalni prelazi u privatni, leži u slijedećoj činjenici; da je u zadnje vrijeme, u zadnjih nekoliko godina, ovdje su uvučeni ozbiljni kriminalni krugovi, dakle, koji peru novac, koji peru novac koji dolazi od kriminala, koji dolazi od preprodaje evo da kažem narkotičkih sredstava, gdje mi imamo vrlo ozbiljnu situaciju da, ti ljudi su toliko postali jaki da postaju jači od države i da oni praktično sve što stave sebi na nišan, sve što sebi stave na nišan da trebaju da privatiziraju, oni će to privatizirati. U skoro vrijeme će doći situacija da i ovi sada koji su nešto na vlasti, neće ništa smjeti zato što toliki novac tvore, enorman novac da ljudi jednostavno postojaju preopasni. Vi imate sada situaciju gdje jednostavno neko ima na desetine, na stotine miliona maraka, nigdje ne radi, nije nigdje zaposlen, zvanično nema zaposlenja. Imam neke informacije pouzdane gdje policija uđe u neke ozbiljne istrage, patresaju stanove, ljudi koji imaju po pedeset, sto stanova uknjiženih na sebe a da nigdje ne rade. E to je problem ove privatizacije u zadnje vrijeme i privatizacije svih prethodnih koji su bili, odnosno pravnih poslova. Jednostavno, u zadnje vrijeme se sistem tako rastakao da mi nemamo nikakvu vrstu pravne sigurnosti, pravne sigurnosti da uopšte nema mogućnost plaćanja drugih investicija, i domaćih i stranih, osim ovih koji dolaze iz kriminalnih krugova. E to je ključna razlika između svih ovih dosadašnjih privatizacija i ovih kojih se dešavaju u zadnje vrijeme i koji nam dolaze iz upravo iz ovih krugova. I ukoliko mi ovo dozvolimo, a očito da smo u velikoj mjeri dozvolili, mi ćemo na kraju imati privatizaciju svih javnih preduzeća ovde i njihove imovine od strane upravo onih, evo da kažem probisvjeta iz cijelog svijeta koji imaju različite CV-ove u svijetu kriminalnom i onda da dođu ovdje i postanu ugledni građani i ugledni biznismeni. Hvala.

Elvedin Okerić (predsjedavajući)

Odgovor na repliku zastupnik Faruk Kapidžić.

Faruk Kapidžić (zastupnik)

Hvala. Zapravo, vi ste samo nadovezao iz tih razloga što je Muamer naveo. Zato se ugovori skrivaju i zato ste najnetransparentnija Vlada u istoriji Kantona Sarajevo, baš iz ovog razloga, zato što je kriminalne pare su ušle u Kanton Sarajevo kroz privatizaciju, kroz investicije, kroz

građevinske radove. Naravno da vi to morate sakriti i otvaranje ovih stvari doći će se do svega. Zato bujrom da otvorimo, ako ste spremni.

Elvedin Okerić (predsjedavajući)

Zastupnik Mahir Dević, diskusiju izvolite, imate riječ.

Mahir Dević (zastupnik)

Ja ću malo da nas vratim na tačku dnevnog reda, ona je Izvještaj o radu Agencije za privlačenje stranih investicija za 2023. godinu. Nekada, pred kraj mandata prethodnog ministra privrede Kantona Sarajevo, koji je dolazio iz stranke Narod i pravda, predložen je lex specialis zakon ovdje u Skupštini Kantona Sarajevo, na način da se transformiše Agencija za privatizaciju Kantona Sarajevo u Agenciju za privlačenje stranih investicija, najavljujući epohalni infrastrukturni investicioni ciklus u Kantonu Sarajevo, koji se najbolji je ogledao u organizaciji skupe ekskurzije u Dubai, gdje je Kanton Sarajevo trebao da preuzme prerogative države Bosne i Hercegovine na način kako bi se javnosti predstavila superiornost Vlade Kantona Sarajevo koja je tobože sposobna da ode u Dubai, da učestvuje na tom takvom važnom svjetskom sajmu i da ćemo mi od toga u Kantonu Sarajevo imati velike benefite, koristi, a najveća korist svega toga je da do dan danas mi nemamo izvještaj kao zastupnici o utrošku tih sredstava. Naravno, mi smo tada kao Klub glasali protiv jednog takvog zakonskog rješenja, napominjali da transformacija na takav način neće polučiti rezultate i sada je bilo potrebno vrijeme da vidimo da li ono što ste vi kao Vlada najavili će se realizirati kroz vaše sposobnosti. Znači najbolji oblik realizacije trebao biti da ste vi sada putem ove Agencije napravili takav investicioni razvoj u Kantonu Sarajevo, koji se mjeri u stotinama miliona konvertibilnih maraka. Naravno, vi ste u stvari i de facto i de iure ostali u stvari samo Agencija za privatizaciju u Kantonu Sarajevo. I ništa više od toga, osim što ste izmislili taj bombastični naslov, donijeli 0 konvertibilnih maraka u Kanton, napravili par stranačkih tu zapošljavanja, pojačali malo taj fond automobila koje vozate po stranačkim skupovima, koristite ih na takav način. Na kraju krajeva, vi se tako generalno ponašate u Kantonu Sarajevo i toj rastrošnosti je došao kraj jer ste srušili ekonomski Kanton Sarajevo. Ukoliko uđemo ovdje u tabelu za '23. godinu, vi ćete u stvari vidjeti ništa drugo do ono što ste imali u 2022. godini, a što se je zvalo Agencija za privatizaciju Kantona Sarajevo. I, naravno, nama danas pomoćnica ovdje, koja je vjerojatno u to vrijeme možda bila i uposlenica ove Agencije, predstavlja rezultate kontinuiteta rada te Agencije; neke pravne sporove koje su vodili, za koje mi vas plaćamo da ih dobijete i mi vama, naravno, čestitamo da ste vi te sporove dobili na sudu, ali nisu to sporovi koji su nastali '23. godine, to su sporovi koji se vuku vjerojatno nekoliko godina i mi vas tamo koliko vas ima zaposlenih, čini mi se jel 7 ,ovaj plaćamo vas pola miliona konvertibilnih maraka godišnje da se borite za interese Kantona Sarajevo, naravno kroz privatizaciju i mi to ne sporimo, da ste vi tu svoju ulogu uradili onako kako treba. Međutim, mi ovdje sporimo suštinu izmijene Agencije za privatizaciju u Agenciju za privlačenje stranih investicija, gdje nema stranih investicija i onoga što ste najavili. I danas se postavlja pitanje šta ste vi to nama najavljivali prije 2, 3 godine? Koje investicije? Gdje je to na što smo mi upozoravali da se neće desiti, da će se ova institucija pretvoriti, ustvari, ostati ono što je i bila Agencija za privatizaciju, radi te poslove koje je pravno vukla određeni broj godina. Tamo postoje neki uposlenici koji su se za to borili, imaju uhodan sistem rada i imate bijeg novog rukovodstva direktora. I sada ovaj cirkus posebno oko Upravnog odbora. Znači da vi niste u stanju nakon 5 konkursa da provedete, da ubijedite vaše kadrove, da se tamo kandiduju, da ih političkom rukom praktično u Skupštini Kantona Sarajevo ovdje imenujete, to u stvari najbolje govori koliko ste vi promašili sve ono što ste najavili. E sada, kada bi čovjek sada pogledao ovaj Izvještaj kroz tabele, da se ovo zove, a rezultati rada Agencije za privatizaciju, mi bismo tada možda i mogli podići ruku pa kazati

pazite, tamo imaju neki uposlenici koji rade, imali su određena finansijska sredstva, 70, 80 % tih sredstava su potrošili na svoje plaće, neki materijalni troškovi i to je OK, ali ako tražite od nas ruku da vam mi glasamo za Agenciju za privlačenje stranih investicija koja nije privukla nijednu konvertibilnu marku investicija, a onda mi za to ne možemo glasat. A znate što nije privukla? Zna li zašto nije privukla ta Agencija ni jednu konvertibilnu marku investicija? Ne zato što tamo ne valjaju uposlenici koji rade, nego zato što je ova Agencija pod direktnom kontrolom Vlade Kantona Sarajevo. Ovo je najbolja slika Vlade Kantona Sarajevo, jer oni su vaš servis ustvari. I oni na najbolji način svjedoče kako ste vi nama ovdje u Kantonu Sarajevo protračili najbolje ekonomske godine, uništili i devastirali Budžet Kantona Sarajevo. A rezultat toga je ništa. I naravno da mi ne možemo dati podršku da mi sada glasamo za Izvještaj za '23. a stanje u '24 je isto, u '25 vjerojatno će biti isto, osim ako negdje novac od narko kartela ne prođe do neke investicije, pa se stanje malo ne popravi, ali s obzirom da je sada taj novac prilično medijski tretiran, da se prati to sve, to je sve u stvari stalo. Možda ste vi na kraju krajeva, bili i obećali, ovo je sada hipotetička situacija, da ćete te stvari realizirati, ali javnost, mediji, kada su to stavili pod lupu, pa ste vi onda odustali od tih vaših namjera, kažem, možda ne mogu to sa sigurnošću tvrditi, ali kada se uzme u obzir Skaj prepiske koje su bile dostupne javnosti, očigledno su se tu najavljivali ovakvi potezi. A ovo je bila predradnja da se Agencija za privatizaciju transformiše u Agenciju za investicije i da se to predstavi kao neke investicije, ustvari bi bilo pranje novca od sumnjivih radova, načina sticanja imovine itd, itd. Znači, mi ne možemo dati podršku promijenjenom nazivu koji nije opravdao, koji nije opravdao svrhu transformacije te Agencije. Znači, ako bismo sada ocjenjivali rad Vlade Kantona Sarajevo kroz ovaj Zakon kojeg je ona prilagodila samo sebi, ta ocjena bi bila 0 jer ste privukli stranih investicija nulu konvertibilnih maraka, a ovo ste stavili pod direktnu kontrolu Vlade Kantona Sarajevo. I ovo, naravno, govorim radi građana. Politika kontinuiteta je možda i najbolja, vrijeme je najbolji svjedok velikim riječima, populizmima koje ste vi najavljivali ovdje u Kantonu Sarajevo i Izvještaj ove Agencije najbolje svjedoči o onome što ste vi pričali prije nekoliko godina, a šta danas imamo faktičko stanje. Znači, pored ovih pravnih radnji koje je provodila Agencija za privatizaciju, koje je naslijedila u kontinuitetu, osnovnu svoju zadaću ta Agencija nije ispunila; nemamo stranih investicija, a nemamo ih zahvaljujući nesposobnosti Vlade Kantona Sarajeva. Znači, vi ste jedna potpuno nesposobna Vlada, jedna potpuno nesposobna većina koja ovako ozbiljne stvari da bi realizirala to morate imati stručne ljude, ozbiljne ljude, ljude iz privrede, iz realnog sektora, koji su spremni da donesu milione konvertibilnih maraka, a vi takvih ljudi očigledno nemate, koji su spremni da se, mislim, ima vjerojatno u tim strankama ljudi, ali nisu spremni da ulaze u ovakve avanturizme koji ste vi propisali, čisto da biste prodali neku vrstu populizma u Kantonu. Evo, pogledamo sada i ove vaše savjetnike koje imenujete. Glavni savjetnici su vama savjetnici za medije, evo premijeru Uku, glavni je savjetnik- savjetnik za medije i brani on to danas, pa njemu ustvari samo treba lažna slika prema javnosti, jer vi rezultata nemate. I vi ste taj svoj populizam najbolje i prodali, u stvari kroz medije, a rezultati vaš najbolje svjedoči kroz izvještaj. A oni su jednako nula. Hvala lijepo.

Elvedin Okerić (predsjedavajući)

Zastupnik Faruk Selmanović. Oprostite, replika, dopredsjedavajuća Jelena Pekić. Izvolite, imate riječ.

Jelena Pekić (dopredsjedavajuća)

Zahvaljujem predsjedavajući, ja ću se samo osvrnuti na ovaj dio vezan za investicije, odnosno odjel za investicije. Pomoćnica direktora je zaista to jasno i lijepo rekla da u toku 2023. godine koja i tretira ovaj Izvještaj, nije uspostavljen odjel za investicije i vjerojatno iz tog razloga nije

se, a vjerujem da su se sve radnje u tom vremenskom periodu činile da se uspostavi jedan takav odjel za investicije, s obzirom i na naziv koji nosi ova institucija. Podsjetit ću vas kolega da je ovaj Zakon usvojen maju 2022. godine i da je zaista potreban određen vremenski period da se uspostavi u potpunosti nova struktura unutar same institucije. Nije da pravdam njihov rad, naprosto kao neko ko je i sam rukovodio određenim institucijama u Kantonu Sarajevo treba određen vremenski period da se uspostavi odjel, ako, naravno, želi da se ozbiljno i strateški, sa jasnom vizijom radi na tom, mislim da je godinu dana sasvim dovoljan period da o tome možemo jel već na sljedećoj tački diskutovati kada je u pitanju Izvještaj za 2024. godinu. Mislim, vi možete, i to po svom primjeru, najbolje znati kada ste imenovani za direktora škole, koliko vam je trebalo da sama škola počne sa radom. Kada je u pitanju stalno spominjete pranje novca od sumnjivih radnji koji na neki način pokušavate kroz svoju diskusiju da pripisete ovoj Vladi, zaista bi bilo korektno s vaše strane da nas izvijestite i o podnesenim krivičnim prijavama za sve one ovaj, za sve one informacije koje imate i na one radnje koje sumnjate, pa evo da se pokrenu zvanični krivični postupci. Ukoliko mislite da takvih ima. Često, vrlo često u svojim govorima to spominjete za aktualnu Vladu, pa evo, ja vas pozivam da to nekako i konkretizujete tako što ćete posjetiti Ministarstvo unutrašnjih poslova i podnijeti krivične prijave. Toliko.

Elvedin Okerić (predsjedavajući)

Odgovor na repliku zastupnik Mahir Dević.

Mahir Dević (zastupnik)

Hvala lijepo. Kogice, znate li vi kako se zove ovaj Zakon i kako se zove ova Agencija čiji mi danas Izvještaj usvajamo? Agencija za privlačenje stranih investicija koja je osnovana u maju 2022.godine, kojoj je glavni nadređeni Vlada Kantona Sarajevo, jedina Agencija kojoj Skupština imenuje ovdje upravljačke strukture. Vi u 2025 u godini imenujete Upravni odbor te Agencije. I vi meni danas ovdje pravdate jedan takav fijasko time da tu još nije napravljen odjel. Mi vam predlažemo da taj odjel formirate za jednu 8 godina, nemate potrebe žuriti. Pa ja vama i govorim, vi ste potpuno kontradiktorni, ja vama i govorim da je ovo i dalje ostala Agencija za privatizaciju, a vi ste najavili investicije, nismo mi. Mi smo kazali da vi to nećete uraditi, da to neće imati smisla, međutim to je nešto stalo. Razlog iz kog je to stalo vi sada pravdate protekom vremena da se formira odjel.

Elvedin Okerić (predsjedavajući)

Vrijeme. Jel se neko, jel neko za repliku prijavljen od ovih prijavljenih? Nije. Zastupnik Faruk Selmanović, izvolite, imate riječ.

Faruk Selmanović (zastupnik)

Zahvaljujem. Danas smo imali jednu interesantnu situaciju gdje imamo izvještaj o radu jedne kantonalne institucije i nećete vjerovati, imamo i direktora koji je tada bio imenovan za period za koji nam se predlaže ovdje izvještaj. Vrlo često mi ovdje imamo izvještaje raznih institucija u Kantonu Sarajevo, koje po nekoliko godina kasne, pa se promijeni dva, tri direktora, pa onda imamo jel druge ljude koji nam prezentiraju sam rad, a definitivno ti ljudi nisu bili uključeni u rad samog institucije ili organizacije na nivou Kantona Sarajeva. Ono što ovdje interesantno, evo kada imamo direktora onda direktor ima neki službeni put, mada mislim da je ovo prvi izvještaj koji razmatramo od osnivanja ovakve agencije pa je dužnost bila samog direktora da bude ovdje sa nama. Pa ako ima nekih problema u formiranju određenih odjela zbog kojeg je izmijenjen zakon, promijenjena namjera, odnosno namjena samog pravnog lica, same agencije, vi onda imate, znate direktor je imao neko službeno putovanje. Evo vrlo interesantno da, eto,

nisu formirani svi odjeli u 2023. godini, ali se recimo iz samog izvještaja vide da smo uredno putovali i u državi i u inostranstvu, što znači da je Agencija radila, nastavila je svoj posao da bude ono što jeste i Agencija za privatizaciju. Sama činjenica, ako uzmete materijal pa pogledate, nema mišljenja Ministarstva, ustvari ima mišljenja Ministarstva, priloženo je mišljenje Ministarstva iz 2018. godini, ali za Agenciju za privatizaciju, što znači da je ova Agencija nastavila da radi svoj posao koji je inicijalno bila, a to je samo privatizacija. Nama je ovdje obećane investicije, obećan nam je prosperitet, a od toga nema ništa. Ako pogledate samu činjenicu da, ova institucija bi trebala da kroz svoj rad obezbijedi dodatna sredstva za financiranje kapitalnih investicija u Kantonu Sarajevo, ali samim tim i da financira svoj rad, možete vidjeti da je to potpuno nešto suprotno i da Kanton Sarajevo dotira u potpunosti rad ove organizacije. Ni to ne bi bio problem da imamo neke vidne rezultate. Ako pogledate sam Izvještaj za 2022. godinu, iako je tek, za '23. , iako je tek formirano u maj 2022. godine, vidimo da su ovdje mogu već prepoznati prakse vladajuće trojke u Kantonu Sarajevo i da, apsolutno nije bio problem da se, recimo, samo u 2023. godini na ugovore o djelu utroši 17.463 konvertibilne marke, za jednu godinu na 7 uposlenika. Imate 17.463 konvertibilne marke ugovora o djelu, a toliko govori o radu same agencije. Da je ovaj, da ovo su ugovori o djelu bili doista za pravnike i vještake, da smo imali investicija, pa evo da bar vidimo ovdje planirane investicije, mi od toga nemamo ništa. Kolegica u svom izlaganju je navela odličan primjer gdje se pohvalila uspostavom institucionalnog djelovanja u hotelu maršal na Bjelašnici. Ja mislim da je to odličan primjer rada same Agencije, ali rada kompletne Vlade, oronulo, propalo i izvan vremena. Govorimo ovdje, ima, kaže kupovina opreme, ja se nadam da ste opremu kupili, da Upravni odbor može koristiti jer na novoj opremi neće raditi Office 2000, koji je bio jedan od uslova za upravu. To je jedna od pozitivnih strana u CV-u uprave. Pazite, Agencija, razmatramo o izvještaju agencije gdje nemamo Nadzorni odbor agencije, a zakon pazite član 17. Stav 1) tačke a, b, c. i d) da Nadzorni odbor agencije nadzire rad agencije, razmatra finansijski plan, program rada agencije i daje mišljenje Upravnom odboru, te razmatra završni račun, izvještaj o radu agencije i daje mišljenje Upravnom odboru. Pa mi ovdje možemo postaviti pitanje evo, nemamo mi, to nam je ukinuto, ko je to radio u ime Nadzornog odbora? Kako je radio u Upravni odbor? Kakav mi izvještaj ovdje sad usvajamo? Upravni odbor v.d. ima neke svoje ovlasti, ali imaju Nadzorni odbor? Kako možemo imati izvještaj ako nije usvojen neki plan, ako nije odobrio neko neki plan, ako nije nadzirao neko rad same te agencije. Niko od nas ovdje ne može provjeriti sve i jednu tačku, da li je ona bila u skladu sa zakonom, da li je ona opravdana, da li nije opravdana, što su planirani, da li su postignuti ciljevi ili nisu postignuti ciljevi. Zato imenujemo Nadzorni odbor. Znači Izričito zadatak da se radi, ali evo, ovdje sam zakon nije ispunjen. Pored toga što Agencija nije radila svoj posao zbog kojeg je i napravljena, zbog kojeg je izmijenjen zakon, nemamo Nadzorni odbor da bi uopšte mogli imati ovakvu vrstu izvještaja. S tim u vezi ja vas ovdje pozivam da ne podržimo ovakav izvještaj. Ajde da vidimo, jer nije u skladu sa zakonom, nije u skladu sa važećim aktima Kantona Sarajevo. Ali ako, evo, nije napravljena odjel za privlačenje investicija, da vidimo šta to sve nije napravljeno u toj Agenciji, pa da probamo da to popravimo, da ljudima pomognemo i da napokon ta Agencija počinje da radi svoj posao, jer iz ovoga što možemo vidjeti oko službenih putovanja, oko ugovora o djelu, da je Agencija jedino radila na ličnoj promociji uposlenika Agencije. Toliko, zahvaljujem.

Elvedin Okerić (predsjedavajući)

Zastupnik Samir Avdić se javio za riječ.

Samir Avdić (zastupnik)

Zahvaljujem se predsjedavajući. S obzirom da nisam imao poslovničko pravo da repliciram na odgovor na repliku, a zajedno sa kolegom Kapidžićem, pa poslije i se uključili kolega Čičić i kolega Bandić, smo otvorili temu, temu istine o privatizaciji, da je tako nazovemo, a s obzirom da ova Agencija između ostalog se bavi i privatizacijom, evo, ja imam potrebu da obavijestim javnost jer nemamo drugi poslovnički mogućnosti, da je Klub zastupnika SDP-a. Izvolite poslovničku intervenciju.

Šta je sada? Nisam još ništa ni naveo, pa na kraju piše i privatizaciju.

Elvedin Okerić (predsjedavajući)

Dobro, kolega Deviću da dozvolimo kolega Avdiću da završi. Kolega Avdić, izvolite, imate riječ.

Samir Avdić (zastupnik)

Evo, zahvaljujem se, ali pak piše na kraju i privatizaciju, pa zbog toga kolega Kapidžić je otvorio temu na moje zadovoljstvo. Klub zastupnika SDP-a evo ovdje ad hoc pripremio jedno pitanje koje ćemo postaviti, a na zadovoljstvo, čini mi se, svih dosadašnjih diskutanata, i posebno kolege Kapidžića koji je aktualizirao jednu temu i kolege Selmanovića koji je aktualizirao drugu, odnosno zbog interesa javnosti tražimo, zahtijevamo izvještaj u privatizaciji sa popisom svih privatiziranih preduzeća od nastanka Agencije do danas, te posebno izvještaj o stečaju i privatizaciji fabrike Sarabon, koja je, jer je aktualizirana na ovom prvom nastavku 24 radne sjednice Skupštine Kantona Sarajevo od strane više zastupnika, te informaciju o stanju i statusu hotela Maršal, što je također aktualizirano kroz prethodnu diskusiju. Tražimo i da se Skupštini Kantona Sarajevo dostave izvještaji o ostalim privatizacijama koje su je li po prirodi stvari zaista vršene i u nekom periodu koji je daleko iza nas, a samo neke su vršene u periodu, evo od kako se mi bavimo politikom, posebno mi koji smo prvi put zastupnici, i da dobijemo taj izvještaj u dogledno vrijeme jer je vjerovatno potrebno nešto vremena da se pripremi taj materijal, a najkasnije do sjednice na kojoj ćemo usvajati Izvještaj o radu ove agencije za 2025. godinu. Znači, ponavljam, izvještaj o stečaju i privatizaciji fabrike Sarabon i statusu hotela Maršal najkasnije za mjesec dana i ostali izvještaji da se pripreme najkasnije do sjednice na koju ćemo usvajati izvještaj o radu ove Agencije za 2025. godinu. Vjerujem da su svi sve kolege i kolegice, maloprije smo malo i gestikulirali jedni drugima da su svi za to, da ovo trebamo obznaniiti javnosti, prije svega zbog interesa istine. Zahvaljujem.

Elvedin Okerić (predsjedavajući)

Zastupnik Rusmir Pobrić se javio za riječ. Diskusija.

Rusmir Pobrić (zastupnik)

Hvala predsjedavajući. Mislio sam da je lapsus kada je kolega Dević u svojoj prvoj diskusiji u najavi ovog izvještaja rekao ovo je izvještaj Agencije za privlačenje stranih investicija, pa je ispustio ovo za privatizaciju. Međutim, ponovo je poslije isto rekao, evo sad u ovoj diskusiji koja je bila mimo mikrofona sa kolegom Avdićem kaže ne, nema privatizacije. Ja ne znam, ja ne znam da je Agencija izgubila nadležnosti kada je u pitanju privatizacija. Zamolit ću za malo parlamentarne kulture, kolega Deviću. Dakle, nije Agencija izgubila nadležnost nad privatizacijom, a potpuno mi je jasno da želite pobjeći od te teme. Potpuno mi je jasno jel dvojica, trojica kolega iz Kluba vaše stranke uporno bježe od te teme a diskusiju usmjeravaju isključivo na investicije. Pohvalili ste, to ću pohvaliti, dakle, ovih dobijenih 7 slučajeva, odnosno 7 predmeta, da ponovimo, koji su pali na prvostepenoj, a koji su u kasnijem postupku

dobijeni i šteta za Kanton Sarajevo je smanjena za preko 20 000 000 maraka. Pa ako kažete da je Agencija slika i prilika ove Vlade, onda da pohvalimo i taj aspekt. Možemo li se tako dogovoriti? Dakle, vi ste rekli OK, to je pohvalno, dakle, ako je Agencija, to ste rekli, citiram vas, „slika ove Vlade“, dakle, i ti jel sprječavanje štete je također to. Zamolit ću vas kolega Deviću za malo parlamentarne kulture. Cijelo sam vrijeme šutio, pomno vas slušao. A evo, vidimo, dakle, posljedice te privatizacije ova Agencija i dan danas liječi, pa u jednom od slučajeva, a to je pomoćnica direktora dobro primijetila i lijepo obrazložila, dakle, rješavaju se radnička prava koja su u tim procesima ovaj jel potpuno da kažem, ti su ljudi potpuno obespravljeni i da se i dan danas sanira šteta zbog privatizacija koja su bila u prethodnom periodu. Dakle, ima nas puno s tim iskustva. Dakle, moji roditelji su podijelili sudbinu sa hiljadama drugih kolega koji su radile u firmama koji su kasnije jel, koji su privatizovani ostavši i na ulici, a imovina njihovih preduzeća, ko zna gdje. Dakle, radi, javnosti, radi građana da ponovimo, Agencija se i dalje bavi privatizacijom. U ovom izvještajnom periodu, o kojem, evo, sada raspravljamo spašeno je samo u ovom procesu, jel' ovih 7 predmeta preko 20 miliona, a pogledajte, imate izjavu u medijima je bilo, dakle, negdje s kraja 2024. kada govorimo o rastu investicija, govorimo o rastu 13 %. Ali evo, na nekoj drugoj tački i nekom drugom temom možemo i o tome i razgovarati, a pozdravljam, evo i ovo što je kolega Samir Avdić najavio da se razmatra, ako treba i tematska sjednica, o pitanjima privatizacije koja je, da kažem, većinu građana Kantona Sarajevo radničke klase zavila u crno.

Elvedin Okerić (predsjedavajući)

Replika, zastupnik Dević

Mahir Dević (zastupnik)

Znači, ne postoji kolega Pobriću tema o kojoj treba raspravljati u Skupštini Kantona Sarajevo, za koju nećete dobiti od mene ruku lično. Ne postoji tema jer ja nisam čovjek koji krije ovaj ugovore, koji ne dostavlja izvještaje skupštinskim zastupnicima, to je odličje vas i vaše vlasti i vi ste ti koji legitimišu takvu vlast. Znači unaprijed bjanko, bilo koja tema na svijetu koja postoji, od mene imate ruku da se o njoj raspravlja, ali ne selektivno, već planski, argumentovano. Nemojte mi držati dječачke pridike i praviti od mene, nekog neozbiljnog zastupnika koji se ne sprema za sjednice Skupštine Kantona Sarajevo, da vi meni sad kažete da ja ne znam kako se zove ova Agencija i ja vama, upravo vama govorim kako ste joj vi dali ime. Naravno da je ona imao segment privatizacije, ja vas pitam šta ste privatizirali u ove dvije, tri godine? Ništa. Šta je ovo? Kontinuirani procesi koji traju godinama unazad i lijepo sam čestitao na dobivenoj pravnoj bitci u tim sporovima. Ali to nije nastalo s vama. Ono što je nastalo s vama su trebale da budu investicije koje su 0 konvertibilnih maraka. E sada, vi se ustvari krijete u nedostatku rezultata iza neki nezakonitih privatizacija koje politički bojite ovdje, koje ja uopće ne branim, niti sam ih spomenuo. I vi se krijete iza privatizacijskih procesa koji su imali svoju hronologiju koja je trajala desetak godina i igrom slučaja riješeno, ne znam u 2023., '24. godini, i sada vi jedan kontinuiran rad Agencije, a koji je pitanje pravnog posla tamo uposlenika za koje smo mi dali milione konvertibilnih maraka da štite Kanton Sarajevo, vi to predstavljate vrhunskim rezultatom. Zašto to radite? Pa vi ustvari mijenjate teze jer vi nemate rezultata, vi ste obećali investicije, a vaše investicije, odnosno investicije vaše Vlade koju vi podržavate u svojoj osnovi, koju ste propisali zakonom su 0 konvertibilnih maraka. I to je ono čega vi morate biti svjesni. Možete vi sada spominjati odjel ovaj, odjel onaj, znači vi ste izvršili transformaciju Agencije za privatizaciju i u nazivu imena prvo stavili investicije, a naravno da niste mogli izbrisati privatizaciju, jer postoje kontinuirani poslovi koji se rade godinama, jedino ako se sada ne vraćate što kažu na fabričke postavke. A o bilo kojoj temi na Skupštini da raspravljamo, da razgovaramo...

Elvedin Okerić (predsjedavajući)

Vrijeme kolega Deviću.

Mahir Dević (zastupnik)

..nije nikakav problem, ali ne selektivno, već planski.

Elvedin Okerić (predsjedavajući)

Odgovor na repliku. Naravno, imat ćete malo više vremena zato što je kolega Dević malo probio vrijeme. Izvolite, kolega Pabriću.

Rusmir Pabrić (zastupnik)

Prema podacima Federalnog zavoda za statistiku za 2023. u odnosu na prethodnu godinu rast investicija je, da ponovim, bio 13 %, dakle u 2023. ukupne investicije u Federaciji iznosile su 1,3 milijarde maraka, a u Kanton Sarajevo je više od četvrtinu tog iznosa uloženo. Dakle, ako ćemo i o brojkama, dakle nešto što se govori 0 maraka 0 maraka 0 maraka da demantujemo, ne znam jesu li vaši podaci o 0 maraka iz nekog izvještaja nekog zavoda, službenog ili tek tako puno puta ponovljena 0 bi trebalo da postane 0. Hvala.

Elvedin Okerić (predsjedavajući)

Replika zastupnik, zastupnik Muamer Bandić. Samo polako zastupnik Muamer Bandić replika.

Muamer Bandić (zastupnik)

Ispravka krivog navoda ima prednost.

Elvedin Okerić (predsjedavajući)

Nema nikakve to veze.

Muamer Bandić (zastupnik)

Ima poslovnički, Poslovnik tako propisuje.

Elvedin Okerić (predsjedavajući)

Uključeni ste kolega Bandiću, kada sam već uključeni, pa ćemo dati kolegi Deviću poslije.

Muamer Bandić (zastupnik)

Vratite mi vrijeme ovih 20 sekundi. Hoću. Dakle, kolega Pabrić je komentirao aktivnosti Agencije koje su se odnosile u nekim sudskim postupcima i to je istakao kao prerogativ ustvari, ne znam, kako je Agencija na taj način sačuvala je enorman iznos sredstava, spasila je enorman iznos sredstava Kantonu. Kolega Pabriću, moram da vam kažem da se sudski postupci koji nisu pravosnažno okončani izvršnom presudom pravni bonton nalaže da ne komentiraju i ne znam kako su oni završili. Naravno, oni su to u radu u svom nekom mandatu jel, a ishodovanje tih presuda je baš da kažem, neprimjereno komentirati i ne možemo to isticati nikakav prerogativ, njihov neki poseban angažman na dobijanju tih sudskih presuda. Toliko.

Elvedin Okerić (predsjedavajući)

Odgovor. Odgovor na repliku. Zastupnik Mahir Dević. Odgovor na repliku, zastupnik Pabrić.

Rusmir Pobrić (zastupnik)

Čudi me da kolega Bandić nije ispravku krivog navoda naveo za ovu istu argumentaciju kada su druge kolege.

Elvedin Okerić (predsjedavajući)

Ispravka krivog navoda, zastupnik Dević.

Mahir Dević (zastupnik)

Znači to je ispravka cijele diskusije, u stvari kolege, i ne samo krivog navoda, jer sva njegova diskusija je u stvari bila kriva, ali pošto nemam vremena da objasnim, kada kažem 0 konvertibilnih maraka, ja govorim na posao kojeg je provodila ova Agencija, zbog kojeg ste je transformisali ili novo osnovali. E, tu je rezultat 0 konvertibilnih maraka. Ako ne vjerujete svojim očima, otvorite tabele izvještaj za 2023 godinu. Pa kolega, sad vam je kolegica Pekić rekla da je ni odjel niste taj formirali, znači dogovorite se kada branite nesposobnost. Ona kaže nemamo odjela, a vi kažete mi imamo investicije od 250 000 000 u Kantonu, čekajte, šta sada imate vi ovdje? Znači, ona kaže nemamo odjela, vi kažete četvrtinu je ova Agencija donijela iz Federacije u Sarajevo. Dajte malo na tih koalicionim dogovorite se jer ovo je smiješno šta vi pričate.

Elvedin Okerić (predsjedavajući)

Ne možete odgovor na ispravku krivog navoda, ali mogu ja replicirati na vašu. Ovo samo govori kakvu imamo opoziciju u Skupštini Kantona Sarajevo. Kada nije destruktivna, onda populistički djeluje, kada ne djeluje populistički, onda destruktivno. Kolega Bandić kaže, spominje kriminal, milione, nelegalnu gradnju i ostalo, a da postoji i da ima informacije za sve to neke pouzdane, nepouzdate, evo opet ga ga pozivamo da nadležnim institucijama to kolega Bandiću predate. To ništa ne znači što ćete vi to ovdje kazati i izaći vani. Nema vas opet sati i po vremena da važnoj temi, već koristite mikrofon 2, 3 minute, populistički izbacite nekoliko rečenica, a kako vi imate određena saznanja o avionima, milionima, kamionima, kriminalu i uostalom, izađete. Zamolio bih vas sljedeći put kada izađete, da odete do tužilaštva, da, to sve prijavite. Još jedna stvar za kolegu Bandića drugostepena presuda ništa sada ne znači, a značila je kada je komesar Ćosić, bivši komesar, Ćosić, presuđen i da je kriv. Za vas je tada značila drugostepena presuda kolega Bandiću kada je dobio komesar, bivši komesar Ćosić, tada je značila, a sada vam ove drugostepene presude ne znače ništa koje su zaštitile milionski iznos, imovinu Kantona Sarajevo. E to govori o vašim namjerama, to govori o vašoj nestručnosti, to samo govori da vi koristite svaku minutu u ovoj Skupštini samo kako bi populistički djelovali. Zašto niste osudili i kazali bivši komesar Ćosić je dobio drugostepenu presudu. Ne, već ste likovali kako je kompletna procedura provedena, kako ne treba, kada je izgubio na reviziji, ušutili ste se. Sada problematizirate drugostepene presude koje su zaštitile imovinu Kantona Sarajeva. To govori samo o vašoj neiskrenosti i o vašem populizmu koji provodite u Skupštini Kantona Sarajevo, zajedno sa kolegom Devićem.

Ima li neko za repliku? Zastupnik Samir Avdić replika, pa ćemo onda vama poslovniku.

Poslovnička intervencija zastupnik Mahir Dević. I molim vas da nam se referirate na član Poslovnika.

Mahir Dević (zastupnik)

Hvala lijepo. Pauza Klub SDA 15 minuta.

Elvedin Okerić (predsjedavajući)

Sačekamo kolegu, dali smo kolegi Avdiću riječ.

Mahir Dević (zastupnik)

Klub SDA je tražio pauzu. Ako ne čujete, da vam prevedemo na bosanski jezik, hvala.

Elvedin Okerić (predsjedavajući)

Izvolite. Pauza 15 minuta na zahtjev Kluba SDA.

NASTAVAK NAKON PAUZE

Elvedin Okerić (predsjedavajući)

Vraćamo se nakon tražene pauze šefa Kluba SDA Mahira Devića. Imate li potrebe da obrazložite pauzu ili nemate potrebu? Dobro. Nastavljamo dalje. Zastupnica Vedrana Vikić Musić je tražila riječ. Izvolite.

Vedrana Vikić Musić

Hvala predsjedavajući. Pa iako se nisam mislila javiti, nekako, kroz diskusiju mojih kolega imala sam potrebu i nekako mi je žao što uvijek ta diskusija, koliko god razgovarali o nekim bitnim temama, uvijek ima prevashodno, neki neku političku sliku, više nego nešto što bi nam svima trebalo biti od interesa, a to je nešto što će generirati boljitak za sve građane u Kantonu Sarajevo. Pa mislim, potpuno sam ovaj i svjesna zašto je pomoćnica direktora i htjela da integralno govori o ova dva izvještaja, upravo zato što, evo u Izvještaju za '24. godinu je li je i navedeno da je sektor koji se bavi investicijama i počeo sa radom 15. 1. 2024. godine. Tu je čak i navedeno koliko je sastanaka i inicijativa rađeno, i sa ambasadama i sa privrednim komorama različitih država članica, potencijalnih partnera. A evo nekako, uzet ću sama sebe za pravo da kao neko ko se u svom profesionalnom smislu bavi djelatnošću koja dijelom i jeste, privlačenje stranih investicija, jer sve aviokompanije koje donesu odluku da uspostave letove za Sarajevo ujedno i investiraju, tako da smatram da sam kompetentna i da mogu reći koliko su ti procesi privlačenja potencijalnih investitora dugotrajni. I mislim da je, ne znam sad tko je riječ da upotrijebim, ali malo i nerealno, da ne kažem neprofesionalno očekivati da u vrlo kratkom vremenskom periodu mi kao jedna mala zemlja sa velikim potencijalom uspjedemo da privučemo značajan broj investicija, ali, kažem, jasno je navedeno šta je sve od aktivnosti poduzeto. Opet ću se referirati i na ovu famoznu temu oko privatizacije. Vrlo jasno smo dobili informaciju koja imovina Kantona Sarajevo je, da tako kažem, je li spašena, šta je u tom ovaj segmentu poduzeto, tako da zaista ne mogu biti neko ko će na negativan način pristupiti ovom izvještaju. Ono što bih ja voljela, a to sam i govorila kad su neki drugi izvještaji dolazili na ovu Skupštinu, je da mi ne možemo znati je li sve te neke prilike, prijetnje s kojim se, evo, radnici i stručne službe ove Agencije susreću u svom radu i po meni je nekako pored svega što izvještaj sadrži vezano za sve ono poduzeto, mislim da bi značilo da nam kažu koje su to, dakle, ovaj prepreke s kojim se suočavaju i šta bi eventualno mi kao Skupština mogli donijeti, da li neki okvir, da li neki propis ili nešto drugo što bi im olakšalo, dakle, da svoj posao obavljaju što efikasnije i evo da, na kraju krajeva, svake godine nam isporučuju neke rezultate i neku dodatnu vrijednost. Tako da, evo, kažem, radovalo bi me kada bi na ovakav neki način diskutovali o tačkama koje nam dolaze i zajedno kroz zajedničku diskusiju dolazili do nekih zaključaka i ideja kako da unaprijedimo svaki segment u Kantonu Sarajevo, a ne da samo gledamo kako je to bilo ili ko je kriv, nismo mi, neko drugi. Eto, hvala.

Elvedin Okerić (predsjedavajući)

Zastupnik Muamer Bandić se javio za riječ. Izvolite

Muamer Bandić (zastupnik)

Zahvaljujem. Kolega, Okerić je maloprije u svom izlaganju jednom, ne znam sta je imao, diskusiju ili repliku neku, a iznio dosta tih neistinitih informacija u koje je on poredio komentarisanje nekih sudskih presuda iz nekog mandata nekih tih komesara, ja u tom mandatu nisam ni bio zastupnik i nisam nikad pretjerano komentarisao te presude, pogotovo presude koje nisu okončane, odnosno po kojima se može neki redovni pravni lijek koristiti. I to nije u redu kolega Okeriću, vi ste u tom mandatu bili imenovali ste tog Vahida Ćosića i ne znam koga sve razrješavali i vi ste sudionici svih tih dešavanja i onda vi to znate, zloupotrebom te govornice pokušavate da pripišete, ne znam meni ili Mahiru ili bilo kome od nas. Najpogubnija stvar od svega ovoga jeste što mi u stvari imamo eklatantan primjer da predsjedavajući kaže OK, ima, ne znam neko od nas poslovničku intervenciju, on će pogaziti Poslovnik i dati nekom drugom pred prednost. Mi to kada uradimo, nemamo mi šta da govorimo, sada direktoru neke agencije ili direktoru nekog javnog poduzeća. Mi svi ovdje zastupnici trebamo izaći kad se to desi, bez obzira da li se radi o poziciji ili opoziciji. Dakle, mi pristajemo na pravna pravila, kršimo nekom političkom moći, pozicijom, položajem, ali mi pristajemo na jednu vrstu preuređivanja pravnih pravila za koje ustvari niko nema neki valjani pravni osnov. Kolega Okerić tamo nabraja, znate neke postupke ili neke pravne poslove koji se možda i ne mogu vezati za ovu Agenciju, koji su, a u kojima je on sudjelovao, i sad, on kao neki zastupnik pozicije, koji ustvari u nekom vremenskom periodu bio član SDA i on je dizao ruku za ovu Čatež Ilidžu, nisam ja dizao ruku za to i to je vrlo ozbiljan postupak koji se vodi, gdje je tu možda najveća, evo da kažem, šteta nanesena građanima Kantona Sarajevo, a u kojoj je on sudjelovao i sad on treba to da prepisuje meni ili ne znam, nekome od nas koji uopće nije sjedio ovdje. Čak imate tu u tom postupku dakle se rad o pravnom postupku, udruživanju sredstava, gdje je neko privatno jako dobro profitirao, gdje se čak pojavljuje nevjerovatnom brzinom, neko ko ispunjava uslove, samo ustvari kako Vlada Kantona Sarajevo ne bi pronašla novac, neki 30 miliona, znate, Vlada ne može pronaći, imamo nekih mjera ovamo koje je poslije toga, evo, skupštinska većina u ovom nekom formatu politička većina donosila gdje je 30 miliona bilo zanemarljivo malo u odnosu na tu imovinu koja vrijedi sada, možda i preko 200 000 000. To najbolje zna kolega Avdić, jer on dolazi iz tog dole naselja, ja to sada dovoljno ni ne znam, ja više znam pravno jer sam vidio te dokumente i te dokumente sam vrlo dobro proučio i čak sam bio jedan od onih koji je sudjelovao u jednoj vrsti pokretanja nekih procedura pred nadležnim institucijama. I vidjet ćemo ustvari, kolega Okeriću, da li ste vi tada dizali tu ruku zato što ste stvarno smatrali da mi to treba, odnosno da treba imovina Kantona Sarajevo da pređe u privatne ruke ili ste imao neki konkretan interes, ali to trebaju neki drugi organi da utvrde. Ja u svakom slučaju tad nisam bio tu i to mi ne možete pripisivati, tako da nije korektno da vi zloupotrebljavate tu govornicu i da na taj način pokušavate da gradite bezbroj izrečenih neistina, da ih pretvorite u istinu. Kada u pitanju sama ova Agencija, dakle, evo i kolega Pobrić, nismo se maloprije dobro razumjeli. Dakle, što se tiče ovih presuda donesenih, ja ne bi njih, one su, dakle, u jednoj fazi bile neizvjesne, dakle, bez obzira što je prvostepeni postupak donesen, izvjesnost, dakle okončavanja takvih postupaka samo zato što ustvari postoji prvostepena presuda koja možda i nije povoljna, jel, odluka je nepovoljna po Kanton Sarajevo, ustvari ne daje nikakav prerogativ da će se ona završiti, da će se završiti na neki pozitivan način ili na negativan. Dakle, ti postupci u pravilu ja nisam komentarisao ni tada, a ne bi ni sada. I naravno, kada se oni okončaju u korist Kantona, to u svakom slučaju je pozitivno, ali sam ishod ne znamo kakav bi bio. I ukoliko se radi o prvostepenim presudama koje su izgubljene, dakle, to se više može staviti na teret postupanja sudova, nego možda ustvari svim učesnicima u tom

postupku. Kada su u pitanju ulaganja, dakle i sama osnovna djelatnost ove Agencije, dakle svi mi treba da doprinesemo, evo prvi Okerić, rekao sam to kako. On treba, da radi po Poslovniku, da stvori takav ambijent, da se ustvari neko ustvari odvaži da uloži novac ovdje. Mi imamo takvu vrstu pravne nesigurnosti da ne možemo mi opredijeliti investitore, ozbiljne investitore, da ulažu u Bosnu i Hercegovinu. Mi u pravilu možemo opredijeliti one koji se bave kriminalom, ozbiljnim kriminal. To što kolega Okerić sada se pravi nevješt, što je u Komisiji za sigurnost, zna on jako dobro ustvari, kako to sve funkcioniše, jer on dobiva te informacije. Mi imamo, sasvim je sigurno porast kriminala u Kantonu Sarajevo i cijeloj državi, a u Kantonu Sarajevo u zadnje vrijeme da je to možda ne znam o kojim se procentima radi. To što kolega Okerić povremeno izađe s nekim statističkim podacima, znate koliko je zabilježeno krivičnih djela, pogledajte ustvari koliko je doneseno ovih presuda ko što sada imamo ovdje, pa bi na taj način mogli komentarisati. Mene, ono

Elvedin Okerić (predsjedavajući)

Kolega Bandiću samo da vas napominem, ovo nije tematska sjednica o sigurnosti, već Izvještaj o radu sa finansijskim izvještajem Kantonalne agencije za privlačenje investicija i privatizaciju.

Muamer Bandić (zastupnik)

Baš hvala vam što ste pročitali tačku dnevnog reda.

Zahvaljujem kolega Okeriću, morao sam se osvrnuti na ono što ste vi uradili jer ste zloupotrijebili tu govornicu, pa ste na neki način, obično, kada mi svi okončamo naše diskusije, vi date neki konačan sud, vizionarski položaj stranaka trojke. Dakle, uglavnom, ono što mene zanima jeste ustvari koliko je, koliko je uopće dozvoljeno da ova Agencija se bavi određenom vrstom pravnih poslova kada je u pitanju ovo zastupanje oko tih oko tih pravnih poslova. Vidio sam, nisam, moram da zaista skrenem pažnju, poslao sam neke poruke nekim mojim kolegama koje zastupaju u sličnim situacijama, baš u ovim slučajevima, da vidim koliko je to relevantno, što radi Agencija? Nisam još dobio neki odgovore, a nisam detaljno ovo upporučio, pa ne mogu komentarišem. A poznajući ovog direktora, mislim, znam ga, mislim da u principu je bio u nekom tom svom radu do sada i korektan, ali nisam se, dakle, pretjerano upuštao u te pravne poslove ko je ustvari Agencija za privatizaciju radi. Mi imamo ovdje Pravobranilaštva, imamo Zavod za besplatnu pravnu pomoć. Koliko sada oni ulaze u tu nadležnost ovih institucija, ja to ne znam. Kada su u pitanju, dakle, te investicije jako je teško ovim ljudima raditi zato što mi svi narušavamo taj evo, da kažem prostor za ozbiljnu ulaganje, jer mi svi doprinosimo najvećim dijelom nesigurnosti, prvi Okerić, pa svi mi ovdje zastupnici kad prihvatamo ovaj njegov način rada. I ukoliko mi, dakle ko zastupnici nas 35 ovdje samo po jednu povredu Poslovnika napravimo, imamo potpuni pravni kaos. Zamislite vi kada kada vi to sad spustite dole na niže institucije izvršne vlasti, svaka institucija samo po jedan propust, pa to je kaos, da niko ne zna šta se radi u ovom Kantonu i ko je za šta nadležan. Mi imamo šumu propisa koji ustvari, ne znamo da li u nekim situacijama ima zakon ili podzakonski akt veću pravnu snagu. Ali u svakom slučaju, dakle, ovim ljudima koji rade ovdje ne možemo nešto pretjerano osporavati ove neke njihove aktivnosti, s obzirom da mi sami nismo dovoljno dali svoj doprinos kako bi stvorili taj ambijent. Zaista je neprimjereno očekivati da neko može uložiti u Sarajevo ili bilo koji dio teritorije Bosne i Hercegovine neki ozbiljan novac kad mi imamo, dakle, osobe koje ne poštuju sudske presude, počev od Dodika, dakle na državnom nivou, a imamo i ovdje Kantonalne naše institucije, tako je, imamo mi Kantonalne institucije, evo u Vodovodu direktorica, dakle, ima i pravosnažnu presudu, izvršnu, ne možemo, naravno, dobiti mi realizaciju tu presude, imamo situaciju kakvu imamo. Dakle jedno potpuno pravno nasilje i sad ćemo mi zatvoriti oči na sve to što se dešava u Vodovodu ili ne znam, nekim Toplanama, gdje

oni naplaćuju tamo za svoj lični interes ili za interes neke svoje firme privatne, neke usluge, to je potpuno, dakle, nevažno, a sada će nam biti jako važno kada dođe Agencija za privatizaciju i za ulaganje. Ja, dakle, što se tiče Kluba Stranke za Bosnu i Hercegovine, mi ćemo biti principijelni, dakle suzdržani kada je u pitanju ovaj Izvještaj za 2023. godinu, dakle, nismo u stanju da podržimo iz jednog prostog razloga zato što se mi ne slažemo s politikama stranaka trojke, oni su sastavni dio jel ovog mozaika u kojem se nalazi ovaj, u koji se uklapaju to političku djelovanje stranaka trojke. Iz tih razloga, dakle, mi ćemo biti protiv ovog izvještaja, odnosno suzdržani.

Elvedin Okerić (predsjedavajući)

Nakon vaše diskusije mislio sam da ćete biti isključivo protiv. Ipak ste neprincipijelni, dobro. Kolega Zahiragić javio se za riječ. Izvolite.

Haris Zahiragić (zastupnik)

Zahvaljujem predsjedavajući. Zahvaljujem se. Agencija za privlačenje stranih investicija i privatizaciju još jedna u nizu šarenih laža koju je Vlada šestorke kasnije trojke pripremila i priredila i nema zastupnicima u Skupštini, ali i građanima Kantona Sarajevo. Kao da je jučer bilo kada je u ovoj sali ministar Adnan Delića obećavao da će ova Agencija za privlačenje stranih investicija donijeti prosperitet u Kantonu Sarajevo na način da će sredstva uložena u njeno osnivanje, a kasnije održavanje biti mala sredstva za ona sredstva koja će Kanton Sarajevo direktno ili posredno povući od stranih investicija koja će ova Agencija privući. Tajming u kojem je ova Agencija osnovana treba također spomenuti. Dakle prije ove Agencije za privlačenje stranih investicija i privatizaciju postojala Agencija za privatizaciju, koja je prema zakonu bila nadležna da provodi postupke privatizacije. Nakon što je donijet zakon koji je osnovao u novu agenciju, ta stara je ugašena i u tom praznom prostoru Vlada Kantona Sarajevo je bez postupka privatizacije prodala porodično srebro jednom od financijera stranke Narod i pravda. I tada smo mi upozoravali na Igmanu, znate o čemu se radi? I mi smo tada upozoravali da je to glavni razlog gašenja jedne osnivanja druge, jer kroz proces privatizacije bi se javilo vjerojatno više ljudi na javnom pozivu, jer to zaista jeste porodično sredstvo. Posebno ukoliko uzmete u obzir činjenicu da se ne Igmanu više ništa ne može izgraditi, šta ono što je izgrađeno, to je. I to je bio pravi razlog donošenja ovog zakona i gašenja agencije jedne osnivanja druge. Da smo tada bili u pravu, svjedoči ovaj izvještaj za '23. godinu, u kojem ustvari možemo pročitati da je ova Agencija uradila nije apsolutno ništa ni na temu privatizacije ni na temu privlačenja stranih investicija. Ono što je uspješno uradila ako napravimo komparativnu analizu iz '23. i '24., jer se neću javljati na narednoj tački, a naredna tačka je Izvještaj za '24 godinu, jeste da je povećala uspješno broj zaposlenih sa 7 na 13. I ovo je samo jedna institucija, jedna od desetina i stotina institucija koji ukoliko saberete broj novozaposlenih ćete dobiti brojku 2,500 ljudi, ako saberete njihove plate, dobit ćete iznos od preko 100 000 000 maraka godišnje. I ako to uzmete kroz 4 godine, vidjet ćete da je to razlog zašto Kanton Sarajevo ni danas nije isplatio regres i zašto Kanton Sarajevo diže 90 000 000 kredita da bi servisirao tekuće obaveze Vlade Kantona Sarajevo. Dakle, vi ste zapošljavanjem i uhljebljanjem vaših kadrova u ovu i u druge institucije doveli Kanton Sarajevo pred finansijski kolaps. Ako je neko spreman, a posebno vi iz Naroda i pravde, da me demantuje, da je ovo nije tačno, imam vam ja ime i prezime vašeg aktivista iz Ilijaša koji je u ovoj Agenciji dobio nagradu za svoj aktivizam i rad na terenu tokom kampanje NIP-a u Ilijašu i čuvanju onih vreća, a još onih izbora. Imam i ime i prezime i pozicije unutar NIP-a i kako se zaposlio i na način na koji je zaposlio i uslove koje je imao ili nemao za poziciju pomoćnika direktora Agencije za privatizaciju. Samo, za razliku od vas, mi ne govorimo imena i prezimena tih ljudi, jer mi nemamo ništa protiv tog čovjeka, pojedinca, mi imamo protiv vašeg sistema licemjernog,

koji ste na borbi protiv stranačkog zapošljavanja dobili šansu da uhljebite ono malo outsajdera koji nisu mogli biti ranije uhljebljeni, da im kupite diplome, da im falsificirate potvrde i da, uz dužno poštovanje svima, prosječnih ljudi, napravite menadžere koji su doveli sada Kanton Sarajevo u stanje pred stečaj. Ako će me ko demantovati evo, izazivam kolegu Pobrića, on je šef Kluba, čini mi se NIP-a, ja vas izazivam da me replicirate, da mi ispravite krivi navod da nije tačno da ste u ovu Agenciju zaposlili NiP-ovca viđenijeg, ispravite navode, ja ću dati ime i prezime. Dakle nek taj gospodina ako ovo gleda, zna da od vas ovisi hoće li njegovo ime i prezime otići u javnost, a ne možete me ispraviti jer i vi znate da jeste. Imamo dokaze. Čak, upitni su mu uslovi. A nekada je on potpisivao potvrde koji su vašem drugom direktoru omogućiti lažne uslove da budu direktor Studentskog centra. Znači vi ste napravili UZP ljudi. Znači neko mora potpisati lažnu potvrdu da pokaže lojalnost i vjernost vama. Šta je to Koza Nostra, vaša stvar, mora biti spreman potpisati falsificiranu potvrdu i pokazati lojalnost vašoj stranci, da bi u perspektivi i on postao top menadžer i top kadar propale Agencije za privatizaciju i propale Agencije za privlačenje stranih investicija. Od 860 000 planiranih prihoda 507 ide na plate zaposlenih. E to tome to služi. 1 000 000 maraka otprilike će nas koštati ove godine vjerovatno ova neupotrebljiva i bespotrebna agencija koja nije jednu jedinu marku donijela strane investicije u Kanton Sarajevo. I tako vam je sa paletterom koju je Delić najavljivao i tako je sa svim velikim stvarima koje ste obećale i najavljivali. Gdje vam puno obećaju iz trojke malu kesu ponesite, ali otvorite četvero očiju ili četvere oči što se kod nas u narodu rekli i pogledajte koga će to uhljebiti, od koje će to mediokriteta napraviti top menadžera, koji će vaš kolega iz škole, koji nije mogao redovno studirati, dobiti poziciju direktora, koji će predsjednik udruženja dobiti potvrdu da je u rukovodećem stažu 5 godina i postao sutra vaš šef. Devastirali ste Kanton Sarajevo, ova Agencija je jedno ogledno dobro vaše devastacije Kantona Sarajeva i ove priče kolegice iz SDP-a kako treba vremena svakome da se uhoda. Pazite, oni dovode ljude koji se uhodavaju s našom imovinom da se ono uhoda, pa to nema, pa sama ta rečenica da se direktor mora uhodati i evo hoda 5 godina, nikako da prohoda, je u stvari dokaz i potvrda i potvrda svega onoga što ja govorim. Druga priča je kako ja dolazim sa aerodroma i to je jedna vrsta kompanije i to nije realni sektor i to je jedna uhljebistička mreža na aerodromu.

Elvedin Okerić (predsjedavajući)

Ostanite na Agenciji.

Haris Zahiragić (zastupnik)

Pa evo koristim da ne uzimam replike. Dakle, sve u svemu, argumenti kojim vi štitite ovu Agenciju su jalovi, rezultatu tužni. I još jedanput za kraj diskusije izazivam kolegu Pobrića ili bilo koga iz NIP-a, kolegu Vretu, ne znam više ko je šef Kluba ili vas kolega Okeriću da me demantujete, da ispravite navod, da ste kadra NIP-a iz Sarajeva šuma uhljebili na poziciju pomoćnika? Eto, hvala vam.

Elvedin Okerić (predsjedavajući)

I vas pozivam ako imate neke informacije, a kazali ste da imate, odnesite i prijavite nadležnim institucijama. Nemojte populistički samo izbacivati na sjednicama Skupštine. Zastupnica, odnosno dopredsjedavajuća Jelena Pekić.

Jelena Pekić (dopredsjedavajuća)

Zahvaljujem predsjedavajući. Kolega Zahiragić, ja nisam apsolutno iskoristila niti riječ niti termin da se neko uhoda, nego sam vrlo precizno i detaljno objasnila šta je potrebno u periodu od godinu dana da se pripremi i uradi kako bi neki dio preduzeća počeo da radi ili

profunkcionisao, to i kolega Dević vjerojatno najbolje zna. Dakle, ja sam govorila o načinu rada koji podrazumijeva izradu prevashodno, da imate viziju kako ćete raditi, izradu dugoročnih ciljeva, kratkoročnih ciljeva, plana i načina rada. Zaista je vrlo nekorektno sa vaše strane da mi stavljate, odnosno da govorite kako sam ja rekla, da se neko uhoda. Uopće moja diskusija nije imala takvu konotaciju i mislim da niko nema niti sebi smije uzeti za pravo da se uhodava u bilo koju poziciju, ono što mu jel na neki način da li ga vlast imenuje ili je izabran putem konkursa, tako da, molim vas na, nemojte da svoju diskusiju usmjeravate na neke pogrešne zaključke i konotacije. Zahvaljujem.

Elvedin Okerić (predsjedavajući)

Odgovor na repliku zastupnik Zahiragić.

Haris Zahiragić (zastupnik)

Pazite, ja kolegicu nisam ni imenovao, a on je imala potrebu da mi replicira. Par kolega iz NIP-a sam prozvaio i zamolio ih da mi isprave navod o uhljebljavanju NiP-ovaca u ovu Agenciju. Oni nisu se javili na repliku, tako da to otprilike govori najbolje u prilog tome. Ja nisam vas imenovao, čuo sam to da ste rekli, niste, naravno, rekli da se uhoda, ali to se na to odnosi, nama se i premijer uhodava. Kolegice Pekić. Nihad Uk se uhodava. Nihad neuk za poziciju premijera se uhodava, i dan danas se uhodava. Pazite mi gdje god ima vašeg kadra...

Elvedin Okerić (predsjedavajući)

Kolega Zahiragiću, oduzimam vam riječ. Dajem zastupnici Vedrani Vikić Musić. Izvolite.

Vedrana Vikić Musić

Evo, ja se nadam da će kolega Zahiragić biti toliko uviđajan, pa mislim da smo i mi skupštinski zastupnici, a i građani koji nas prate pored malih ekrana se već više puta uvjerali na način diskusije kolege Zahiragića. Ja sam imala potrebu prevashodno da ovaj reagujem na način kada neko iznosi neistine i to sam i prije govorila, molim vas, dakle, ukoliko imate neke konkretne dokaze, ako mogu da završim, protiv nekih kolega, nekih direktora, molim vas da to procesuirate tamo gdje je mjesto, ja prva, da imam neka saznanja, to bih odmah učinila, a da ne koristite ovu govornicu u političke svrhe i zloupotrebe. Ja nisam rekla i neću vam dozvoliti da kažete da sam rekla da nekom treba vrijeme da se uhoda i smatram isto, a mene ste prozvali, i smatram isto kao i kolegica Jelena, da ne treba niko da se uhodava, da svi mi dobijemo ovaj priliku i nemamo vremena, nažalost, Bosna i Hercegovina nema vremena za bilo šta da se uhodava, nego mora promptno da reaguje. Tako da molim vas da kad spominjete moje ime, iznesete ono što sam ja rekla, a da ne iznosite neistine. Drugo, prozvali ste kompaniju u kojoj ja radim. Istina, jeste javna kompanija, ali način na koji mi posluje mislim da i Federacija i Bosna i Hercegovina i Kanton Sarajevo moraju i trebaju da budu ponosni, jer mi u stvari pravimo dodatnu vrijednost, iako smo javna kompanija, nismo na budžetu, mi ostvarujemo plaće i određene druge beneficije samo ukoliko to sami realiziramo pa ovaj ne znam da li ste vi kompetentni, ali naši partneri koji dolaze iz privatnog sektora u stvari govore da nas apsolutno ne percipiraju kao javnu kompaniju, nego kompaniju koja je biznisno orijentirana, vrlo proaktivna, a kažem, evo rezultat sami govore za sebe. Tako da neću vam dozvoliti da na takav način govorite o uspješnim firmama u našoj zemlji.

Elvedin Okerić (predsjedavajući)

Zastupnik Haris Zahiragić, odgovor na repliku.

Haris Zahiragić (zastupnik)

Kolegice Vikić, ja znam da postoje intencije i političke želje da taj aerodrom u Sarajevu prestane biti javna kompanija, da se da pod koncesiju Francuzima, jer u drugim sponzorima projekte trojke. U tome nećete tako Bog da uspjeti, a čovjeka koji je od tog aerodroma napravio to što danas jeste, jednog ste smijenili, a drugog ste zatvorili i na takav način vi očekujete da i mi sada procesuiramo iz skupštinskih klupa sve što znamo. Mi ne možemo procesuirati, vi procesuirate jer ste vi iz SDP-a navikli na to, mi možemo govoriti o tome, prijaviti, moje obaveze kao zastupnika je ovdje da štitim zakonitost i sistem i moje oružje je riječ. To što se kolega Okerić uspio nafurati i Erduan Kafedžić da treba da bude Ured za korupciju kao Šahbaz prijavu Uredu, eno Šahbaza, mi govorimo

Elvedin Okerić (predsjedavajući)

Vrijeme kolega Zahiragiću.

Haris Zahiragić (zastupnik)

Nema vrijeme, pola minute, pola minute. Pola minute mi je bilo pogledao sam.

Elvedin Okerić (predsjedavajući)

Kako pola minute?

Haris Zahiragić (zastupnik)

Kolegice Vedrani ste dali 2,5 minute, na 30 sekundi ste me prekinuli, gledam sve vrijeme, pa nisam lud Okeriću, ali vidio sam vrijeme mi nije isteklo, pa nemojte, molim vas, uzimati pola minute ste mi uzeli.

Elvedin Okerić (predsjedavajući)

Ispravka krivog navoda...

Haris Zahiragić (zastupnik)

Možete li da dozvoli da završim?

Elvedin Okerić (predsjedavajući)

Kolega

Haris Zahiragić (zastupnik)

Okeriću.

Elvedin Okerić (predsjedavajući)

Samir Avdić. Samo kažite kome ispravljate krivi navod?

Samir Avdić (zastupnik)

Ispravka krivog navoda kolege Zahiragića u vezi sa nekim Francuzima.

Elvedin Okerić (predsjedavajući)

Ne možete ispraviti, ne možete, ne možete. Ne možete to uraditi, ne možete to uraditi, ne, moram vas isključiti, ne možete. Isključen na vrijeme. Isključen na vrijeme, na vrijeme

isključeno, isključeno na vrijeme, možda ste se vi čuli. Kolega Muamer Bandić je ili replika? Žao mi je, iscrpili ste svoju poslovničku mogućnost za 2 replike. Zastupnik Davor Čičić, replika. Kolega Čičić jel vi replicira?

Davor Čičić (zastupnik)

Ja repliciram kolegi Zahiragiću.

Elvedin Okerić (predsjedavajući)

Izvolite imate riječ.

Davor Čičić (zastupnik)

Zahvaljujem, evo, hvala kolegi Zahiragiću što nas je prosvijetlio, ima ove informacije o nekim Francuzima i ovo ja ne znam kako vi kolega Zahiragiću imate sve te informacije, a niste dio, da tako kažem, onog tog kruga niti zaposlenih pregovaračkog tima, i to, ali evo za vašu informaciju prvi koji je pokrenuo i potpisao sporazum o pregovorima o toj koncesiji je vaš premijer Novalić. Tako, odnosno za davanje i to imate u zvaničnim dokumentima, a malo potražite po internetu. Znači, znači, onaj koji je prvi potpisao interes za tu koncesiju je vaš premijer Novalić, tako da nemojte svaljivati za druge. I jasno je ko dan ko je želio da ide u tu privatizaciju i ko ju je zaustavio. Isto kao što smo zaustavili stečaj Zraka koji ste vi bili pokrenuli ne bi li napravili tamo nekakve nebudere usred Zraka, pa smo mi zaustavili. Sada ta firma apsolutno dobro radi, a što se tiče Aerodroma Sarajevo, znači apsolutno za porast prometa aerodroma Sarajevo je odgovorna ova Vlada Kantona Sarajevo sa svim subvencijama koje daje i zahvaljujući tome sarajevski aerodrom bilježi rekorde. Hvala.

Elvedin Okerić (predsjedavajući)

Odgovor na repliku minut kolega Zahiragić. Tri, četiri, sad.

Haris Zahiragić (zastupnik)

Vrijeme. Hvala na repliku. Tri, četiri, sad. Kolega Čičiću, neko ko želi dati aerodrom pod koncesiju ne ulažu u njega na desetine milijuna konvertibilnih maraka i ne širi kapacitete, ne širi pistu i ne pravi nove poslovne zgrade. Taj vaš spin koji ste već ranije pokušali kako bi ste zaštitili namjere vašeg premijera Vojina Mijatovića i drugih da to završe, konačno, jer je Sarajevo strateški interes patriota ove države, aerodrom u Sarajevu, a nekima bi bilo važno da taj aerodrom nije više u rukama javnih vlasti nego korporacija privatnih. Taj proces pokretanja koncesije nije se odnosio na cijeli aerodrom, nego na neke stvari kako bi se iz toga mogle investicije vratiti, dakle, možda davanje pod koncesiju određeni segmenata aerodroma, a ne cijelog aerodroma, piste i letova. Tako. Što je praksa. Naravno, dajte vi, dajte vi trgovine pod koncesiju i vi ga dajte slobodno, dajte prodavnice, parfeme ne moramo prodavati naša kompanija, neka prodaje strana, ali linije prema Istanbulu.

Elvedin Okerić (predsjedavajući)

Zahvaljujem se. A obzirom da nema više prijavljenih zaključujem raspravu po ovoj tački dnevnog reda.

Prelazimo na tačku deset.

AD- 10.

Izvještaj o radu sa Finansijskim izvještajem Kantonalne agencije za privlačenje investicija i privatizaciju za 2024. godinu

Materijal ste dobili uz poziv za sjednicu. Ima li potrebe za uvodne napomene? Zamolio bi predstavnika predlagača da podnese uvodne napomene.

Amra Hašimbegović (pomoćnica direktora Kantonalne agencije za privlačenje investicija i privatizaciju)

Hvala predsjedavajući, poštovani zastupnici, evo tačka 10. Tačka dnevnog reda, izvinjavam se Izvještaj za '24. godinu. Obzirom da je inače izvještaj ovaj kratki sumirani pisan tako da se preklapala '23. i '24., ja ću pokušati biti kratka. Vjerujem da ste svi uprati oni koji nisu ovdje prisutni bili tokom mog prvog izlaganja da su upratili putem TV prijenosa. Ono što bi smo naglasili sada samo za sektor financija jeste da je '24. godina protekla u pripremama Agencije, također za prelazak na trezorsko poslovanje koje se dogodilo u '25. godini. Agencija u suradnji sa Ministarstvom financija Kantona Sarajevo i Ministarstvom privrede Kantona Sarajevo izvršila sve neophodne predradnje u vezi registracije budžetskog korisnika i nesmetanog prelaska na Trezor kako bi definitivno i praktično prešla na trezor nakon usvajanja Budžeta Kantona Sarajevo za '25. godinu. Aktivnosti u vezi prelaska na sistem trezorskog poslovanja su bili složeni procesi s obzirom na to da se trebalo prijeći na jedan potpuno drugačiji sistem poslovanja, a pri tome ne izgubiti kontinuitet u radu. U tom smislu donešeni su usklađeni svi interni akti, procedure sa propisima i sa drugim relevantnim aktima koji regulišu trezorsko poslovanje. U '24. godini u pravnom sektoru registrovana su 3 nova predmeta, od kojih su već 2 presuđena u korist Agencije, dok se treći vodi sa djelimičnim uspjehom. Ukupna vrijednost tih sporova je skoro 9 000 000 konvertibilnih maraka. S obzirom na ukupnu vrijednost sporova '23. i '24. godinu koje smo već spomenuli nismo za ovaj drugi dio koji uspješno riješen u korist Kantona Sarajevo, spriječena je finansijska šteta po Kanton u iznosu 32 miliona kaonvertibilnih maraka. Pored sudskih aktivnosti sektor je u '24. godini izradio niz važnih internih akata i pravilnika kojima se dodatno ojačala institucionalna transparentnost, zaštita podataka, kao i pravna sigurnost o radu Agencije. Ovi rezultati potvrđuju da Agencija ne samo da uspješno reaguje na sve pravne izazove, već proaktivno radi na očuvanju interesa Kantona Sarajevo. Što se tiče segmenta privatizacije, Agencija je, također, u '24 godini realizovala 2 prodaje imovine iz pasivnog podbilansa, na osnovu čega je ostvaren ukupni prihod u iznosu od 432.947 konvertibilnih maraka. Ukupan prihod ostvaren u tom periodu '23. i '24. je 8.121.590 konvertibilnih maraka. Kroz ove prodaje prihod su ostvarila i Kantonalna preduzeća koja navedenu imovinu ne koriste u svom osnovnom poslovanju. Navedeni finansijski rezultati ukazuju na pozitivne efekte aktivnijeg upravljanja imovinom koja se ne koristi u osnovnoj djelatnosti i doprinese racionalnom korištenju javnih resursa Kantona Sarajevo. Sektor za investicije počeo je sa radom 15. 1. 2024. zapošljavanjem pomoćnika direktora. Tako, što se tiče segmenta investicija, Agencija u kratkom vremenskom periodu ostvarila mnogobrojne saradnje s ciljem da se pojača vizualni identitet i prisustvo Agencije, obzirom da je trebalo napraviti temelje. Sam sektor nije počeo sa radom tako što je već kao u sektoru privatizacije i sektoru finansija i sektoru pravnom, postojala dugogodišnja procedura rada, obzirom da je nov u potpunosti sektor jedna od važnih tačaka bio upravo networking i umrežavanje, što sa finansijskim institucijama, što sa privrednim komorama, što sa regionalnim privrednim komorama, kako bismo predstavili Saravo kao zaista jedan regionalni centar koji doista ima kapacitet, unatoč svim mogućim pravnim regulativama koje znaju i koje trebaju biti malo opuštenije kada je u pitanju proces investicija. Tako da smo ostvarili brojne saradnje sa ambasadama većinom europskih zemalja, ambasadama Bliskog istoka, relevantnim privrednim komorama, finansijskim institucijama, agencijama za privlačenje i promociju investicija iz EU zemalja i regije, općinama Kantona Sarajevo, Gradom, naravno, Sarajevo. Ove aktivnosti

rezultirale su održavanjem desetina sastanaka i radnih grupa, što je dodatno doprinijelo razvoju i širenju profesionalne mreže kontakata naše Agencije. Agenciju je uspostavila ozbiljnu saradnju sa bitnim stranim institucijama i finansijskim organizacijama, uključujući i Svjetsku banku IFC, US ambasadu, Privredne komore Austrija adventar, sa kojima zaista imamo jaku suradnju, kao i Privrednog komorom Njemačke, AHK. Uspostavljan je konstruktivan i razvojno orijentisan odnos sa IFC-om, Agencija je s IFC-om dogovorila uključivanje Agencije u radne grupe za razvoj eko-industrijskih parkova u Bosni i Hercegovini. Ova prilika omogućava Agenciji da direktno radi na projektu razvoja Green industrijskih parkova, bezcarinskih zona, a što je od velikog značaja za poslovni razvoj Kantona Sarajevo, a sve u skladu sa Zelenom agendom EU. Sarajevska berza SASA i Agencija potpisale su memorandum o poslovno- tehničkoj suradnji putem koje se reguliše jačanje vidljivosti berze i agencije i drugih odgovarajućih kanala potpisnica, stručno tehnička saradnja u iznalaženju modaliteta u organizaciji prodaje putem berze u okviru nadležnosti koje Agencija ima u privatizaciji državnog kapitala i privlačenju investicija. Sa predstavnicima Udruženja poslodavaca Federacije Kantona Sarajevo usaglasni su zajednički ciljevi djelovanja prema razvoju infrastrukturne poslovne klime u Kantonu Sarajevo, a s ciljem pozicioniranja u regiji kao najatraktivnije lokacije. Agencije je putem Ministarstva vanjskih poslova, te naših ambasada predstavila potencijal investicijske kapacitete Kantona Sarajevo, a u publikaciji investicijskog portfolija Bosne i Hercegovine predstavljeni su potencijalni projekti Kantona Sarajevo. Održani su sastanci sa ključnim investicijskim institucijama i korporacijama Bliskog istoka, gdje izdvajamo državu Kuvajt. Predstavnici Agencije održali su sastanak sa premijerom države Kuvajt. Tom prilikom predstavljena je poslovna klima Kantona Sarajevo, rad i usluge Agencije koje pruža investitorima, pri čemu je naglašena pozicija Agencija kao centralne tačke za investitore u Kantonu Sarajevo. Da pojasnimo, predstavljeno je da je Agencija fasalikator investicijskih procesa, ona za investitore radi Pro Bono, financira se iz budžeta, a cilj je u biti da našu državu pozicioniramo kao transparentno područje za investicije, a ne koruptivno, kako je bio prije slučaj kada su investitori dolazili. Delegacija Agencije imala je čast da bude primljena u rezidenciju potencijalnog prestolonasljednika Kuvajta, Njegove Ekselencije Ahmad Alasabaha, koji je pokazao interes za investiranje u našu zemlju njegovim ličnim ulaganjem kroz otvaranje kompanije u Kanton Sarajevo te učestalim posjetama zemlji u cilju praćenja poslovnih prilika i ekonomske klime. Njegova sugestija investicijskim fondovima države Kuvajt da ulažu Bosnu i Hercegovinu rezultira, rezultirala je odlukom uprave BARB banke za odobravanjem specijalnih finansijskih instrumenata za Bosnu i Hercegovinu, BARB banka Kuvajta, koja je 51 % državno vlasništvo, kreirala je poseban beskamatni finansijski paket za svoje građane i rezidente za investiranje na tržištu Bosne i Hercegovine. U okviru kontinuiranih napora na jačanju međunarodne investicijske saradnje Agencija održala niz sastanka sa vodećim investicijskim fondovima i korporacijama Bliskog istoka. Fokus ovih sastanaka bio je predstavljanje Kantona Sarajevo kao stabilne i atraktivne destinacije za investicije, a s posebnim naglaskom na sektore visokog ekonomskog potencijala kao što su infrastruktura, energetika, turizam, nekretnine, napredne tehnologije. Agencija je također predstavila Kanton Sarajevo kao najbolju investicijsku destinaciju u regiji, ističući po povoljnu poreznu i fiskalnu politiku koju mi doista imamo jedini u regiji za strane investicije, te modele javno-privatnog partnerstva kao državnu strukturu za investiranje, obzirom da država nastupa kao ozbiljan partner i garant. Agencija je učestvovala kao suorganizatori EXPO 2024. ostvarila ključnu ulogu promocije Kantonalnih investicijskih potencijala organizaciji sastanaka sa ključnim investitorima, gdje su, naravno, predstavljeni investicijski projekti Kantona Sarajevo. Agencija je također, učestvovala na sajmu privrede Kantona Sarajevo pod pokroviteljstvom Ministarstva privrede. Želim naglasiti da smo intenzivnim radom uspjeli postići umrežavanje sa strateškim partnerima iz EU i regije, što je doprinijelo jačanju ekonomsko - diplomatskih odnosa između država, te promociji Kantona kao konkurentne i stabilne investicijske

destinacije. Rezultat poduzetih aktivnosti je potpisivanje memoranduma o saradnji i razumijevanju sa eminentnim agencijama za privlačenje investicija i promociju investicija koje su također lokalnog karaktera, kao što je i sarajevska naša Agencija, a to je Viena bisnis Agency, HEP-a, to je državna Mađarska, Babek Klagenfurt, Mija- Agencija za investicije Crne Gore, AIDA agencija za investicije Albanije. Ovi naponi ostvaruju sinergiju između naših institucija, te javno- privatnog sektora, olakšavaju pristup stranim investitorima na našem tržištu te podižu regionalnu vidljivost Kantona Sarajevo kao povoljnog investicijskog okruženja. Značajan korak u promociji Kantona Sarajevo agencija je napravila otvaranjem i plasiranjem portala Invest in Sarajevo.ba, po uzoru na vodeće globalne investicijske platforme, portal je razvijen kao strateški alat digitalne transformacije s ciljem objedinjavanja relevantnih ekonomskih podataka i investicijskih projekata i regulatornih informacija, čime je investitorima omogućen tzv One Stop digitalnih format radi donošenja informisanih brzih poslovnih odluka, što znači da investitor na jednom mjestu može imati sve relevantne podatke za investiranje na tržištu Kantona Sarajevo. Svojim proaktivnim djelovanjem, strateškim partnerstvom i kontinuiranim zalaganjem Agencija ne samo da potvrđuje svoju ulogu u privlačenju investicija za Kanton Sarajevo, već se pozicionira kao relevantan akter u predstavljanju države Bosne i Hercegovine na međunarodnoj poslovnoj sceni. Čvrsto vjerujemo da predani rad našeg tima i rukovodstvo Agencije, uz podršku vas Skupštine i Vlade Kantona Sarajevo može nastavljati kreirati okruženje koje investitori prepoznaju kao pouzdano, transparentno i perspektivno u regiji. Uvjereni smo da upravo ova sinergija između institucija i stručnosti garantuje da će Kanton Sarajevo postati lider u privlačenju investicija te simbol modernog, otvorenog i ekonomski snažnog prostora za poslovanje. Hvala vam.

Elvedin Okerić (predsjedavajući)

Zahvaljujemo se gospođi Hašimbegović. Vi se možete vratiti na svoje mjesto. Otvaram raspravu. Prva za riječ se javila zastupnica Vedrana Vujović.

Vedrana Vujović (zastupnica)

Zahvaljujem predsjedavajući. Evo, s obzirom da se danas prvi put javljam, koristim priliku da vas sve srdačno pozdravim, kao i sve građane i građanke koje prate naš današnji rad. Kada je u pitanju Izvještaj za 2024. godinu, pošto smo evo, slušali smo poprilično iscrpnu diskusiju o Izvještaju za 2023. ja bih rekla da je ovaj dio poprilično ovaj Izvještaj poprilično sadržajni, jer kao što je rekla gospođa Hašimbegović, ima ovaj dio i privatizacije, ali i formiran je taj sektor investicija, što svakako, i treba na neki način da opravdaj i naziv i postojanje ove kantonalne agencije. Naziv je Kantonalna agencija za privlačenje investicija i privatizaciju i sam naziv je nekako sama po sebi specifičan. Mislim da bi se eventualno moglo preimenovati u posredovanje u investicijama, s obzirom da je u razgovoru sa kolegama sam shvatila da ova Agencija nije ta koja daje novac, nego upravo je ta koja treba da posreduje između da li Vlade, odnosno je li javnog i privatnog sektora, odnosno različitih izvora investicija, i u ovom slučaju Vlade Kantona Sarajeva. Također, mislim da je nešto urađeno u prethodnom periodu, prethodne evo samo ove 2 godine kada je u pitanju izvještajni period po pitanju investicija, da bi to u suštini najviše osjetili naši građani i naš budžet koji je, znamo danas, u problemu. Mislim da generalno, kada govorimo o ulaganju u privredi, da ima ulaganja u privredu ovo kada govorimo možda evo dio Federacije i Kantona Sarajevo, ali nekako je najveći dio tih ulaganja upravo iz, znači naše, domaće privrede i naši domaći privrednici su ti koji najčešće ulažu u Kanton Sarajevo, u Federaciju, u Bosnu i Hercegovinu, da, i na taj način samo da pomažu državi, nego i pomažu i svom poslovanju. Šta želim reći? Da na ovoj sjednici ovi izvještaji nisu bili na dnevnom redu ja moram reći da ja kao zastupnica ne bi ni znala u kojem kapacitetu i kako i na koji način ova Agencija radi. Kao što ste rekli, Zakon je usvojen u prethodnom

mandatu, ja da nisam bila član Skupštine i na neki način mi je drago da smo se upoznali da ipak ova Agencija živi i radi, međutim ona je u svakom smislu iz moje neke perspektive, bar bar na osnovu ova dva izvještaja i diskusija, očigledno potkapacitirana da bi u potpunosti mogla odgovoriti svom zadatku. Između ostalog, moram istaći da, s obzirom da Vlada trojek ove sarajevske koliko promoviše različite neke aktivnosti kupovine tramvaja, aktivnosti na različitim, u različitim resorima, malo mi je žao što nisu ispromovisali postojanje i rad ove Agencije, s obzirom da, evo, čuli smo, pogotovo u Izvještaju za '24. godinu, da ima određenih stvari i sastanaka i potencijalnih investicija, da su eventualno u planu te da je li, to je možda bio pravi način da se ispromoviše. U svakom slučaju, u razgovoru sa kolegicom Marijelom Hašimbegović, mi ovakav oba ova izvještaja kao takva ne možemo prihvatiti, dakle, biti ćemo suzdržani kada bude bilo glasanje, ali u svakom slučaju očekujemo da bolji uslovi poslovanja, veće ulaganje u privredu budu prioritet ne samo Vlade, nego i ove Agencije da, ukoliko imate, spominjali ste javno privatno partnerstvo koje smo, usvojili smo zakon ovdje u Skupštini, ja koliko sam informisana nezvanično, on još uvijek nije u punom kapacitetu zaživio. Ako imate određene dileme, sugestije, inicijative kako i na koji način da evo, sa aspekta zakonodavnog nivoa, sa aspekta propisa, poboljšamo uslove poslovanja, ne znam, smanjimo određene namete ili bilo šta što može poboljšati generalno i privući te strane investicije u Kanton Sarajevo mi stojimo na raspolaganju, ne samo kao opozicije, nego mislim kao generalno Skupština, jer mi smo ipak zakonodavni nivo vlasti i mislim da na svaki način trebamo iskoristiti našu priliku, našu poziciju ovdje, da donesemo dobre, pozitivne propise kako bi stvarno bili atraktivno mjesto i da bi mnogo više ulagali u privredu, kako Kantona Sarajevo, tako u Federacije i države Bosne i Hercegovine. Eto, toliko, hvala lijepa.

Elvedin Okerić (predsjedavajući)

Zahvaljujemo se zastupnici Vujović. Za riječ se javio zastupnik Mahir Dević, izvolite, imate riječ.

Mahir Dević (zastupnik)

Naravno, na samom početku diskusije vezano za pitanje ove Agencije intervenisao sam i nisam dozvolio da se ova tačka spoji jer je namjera predlagача bila i aktualne vlasti, vjerojatno, da zamagli ove 2 godine, da ih stavi u jednu, jer su rezultati te 2 godine otprilike dovoljni kada bi se stavili za pola godine. E sada, mi već ovdje imamo situaciju da hronološki ovo možemo poredati kako izgleda vizija, finansijsko poslovanje, strategija koju osmisлите vi koji se, kako rekосmo, kolega Zahiragiću, koji se vježbaju, uče nad Budžetom Kantona Sarajevo. Evo, ovako to izgleda kada se vi učite. '22. godine, odlučite da osnujete ili da redefinišete određenu agenciju. Onda u tom vakuumu, redefiniciji nastaje jedina veća privatizacija pod vrlo sumnjivim okolnostima, o kojoj će vjerojatno tužilaštvo kazati svoje, nek kaže jer je to tamo prijavljeno. Onda u '23. godini imate 7 zaposlenih, a onda u '24. godini već imate 13. Znači, to je poraslo za 6, a vamo otprilike to korespondira sa lokalnim izborima i svom onom kupovinom glasova koju ste vi organizirali u cijelom Kantonu Sarajevo i imate jedan argument koji u kontinuitetu podrazumijeva privatizaciju i pravne poslove koji su štitili imovinu Kantona u Sarajevo u visini od 7, 9, 20 miliona, a što ja, naravno, pozdravljam. Samo ti vaši naporі da zaštitite tu imovinu su možda uspjeli u pravnim procesima koje ste vi vodili jer ste pravni sljedbenik Agencije za privatizaciju. Očigledno je tamo bilo dovoljno stručnih ljudi da to iznesete i ja vam čestitam, ali nas niste odbranili od rastrošne vlasti u Kantonu Sarajevo koja nas je uništila za milijardu konvertibilnih maraka. 800 000 000 kredita, 200 000 000 deficita, milijardu konvertibilnih maraka. Paralelno sa tom milijardom konvertibilnih maraka, kolega Pabriću, maloprije smo govorili o nekim statistikama, vi ste od investicija u Kanton Sarajevo, osim jedne sumnjive privatizacije koju ste u ovom pravnom vakumu napravili, donijeli ništa. I

očekujete od nas da damo podršku ovakvoj Vladi, jer ova Agencija je direktno produžena ruka Vlade Kantona Sarajevo, ja nju uopće ne posmatram kao neku, ne znam javnu ustanovu, kao ne znam neko preduzeće koje na neki način samostalno nešto tu radi. Znači, ona je definisana posebnim zakonom ovdje kojeg ste donijeli na Skupštinu, nju nisu definisani zakoni o preduzećima ni o ustanovama, već lex specialis zakon kojim ste vi obećali da ćete u ovaj Kanton donijeti 200, 300 000 000 konvertibilnih maraka investicija, a u stvari ste od ovoga napravili još jednu budžetsku organizaciju koja danas za uspjeh smatra to što ste uveli, pazite sada, ni manje- ni više, već trezorsko poslovanje u '24. godini. Otprilike, trebalo vam je neke 2 godine da prijedete na Trezor. I vi biste kao da se bavite stranim investicijama i vi biste, kao, donijeli ovdje 200, 300 000 000 konvertibilnih maraka. Naravno, cijenu vašeg učenja u vlasti i vaših nekompetencija i neznanja plaćaju građani, ja sam maloprije kazao, vi ste ovaj Kanton doveli do finansijske propasti na način da danas realni sektor, realna privreda, financira održivost Kantona Sarajevo jer tim ljudima ne plaćate fakture od februara mjeseca. Zašto ne plaćate? Zato što trošite ili ste potrošili 30 % sredstava više nego što ih imate realno u budžetu. I da ste vi neka ozbiljna vlast, vi biste danas na ovoj sjednici imali rebalans Budžeta Kantona Sarajeva, pa bi se mi bavili takvim stvarima, a ne da nam pričate ovdje o nekim pamfletima, o tome kako mi sada trebamo tobože u Skupštini, da razumijemo da vam damo još vremena da formirate još neki odjel tamo, ne znam u Agenciji koju ste doveli ni do čega. Potpuno razumijem ljude koji su radili u Agenciji za privatizaciju, ali ovo što ste vi rekli da ćete uraditi ne korespondira sa stvarnim stanjem kakvo danas imamo, i naravno, ove tačke dnevnog reda apsolutno ne zaslužuju podršku jer sve to što ste vi govorili da ćete uraditi kroz ovu agenciju niste uradili, ovo su tekuće stvari, pravni predmeti, Trezor, mislim, čuj mi danas predstavljati uspjehom trezorskog poslovanja? Mi vam predlažemo da ukinete trezorsko poslovanje, da nastavite mimo trezora raditi. I zato od nas sada očekujete vi podršku. Ovo naravno, govorim Vladi KS, ne ljudima koji su tamo, koji su radili u Agenciji za privatizaciju, već upravo vama, jer ste vi najodgovorniji, a naravno, kad kažem Vlada, to se podrazumijeva i skupštinska većina koja to podržava. Znači svi oni koji podržavaju ovakav nerad i nerezultate koji sada već dolaze na naplatu svim građanima u Kantonu Sarajevo. Naravno, mi ćemo apsolutno glasati protiv ovoga jer tu nema nikakvih ozbiljnih pomaka da bi se dala prilika na ovakav način da se dešava, a ove predmete koje vodite oko privatizacije, to je već nešto što ste naslijedili iz Agencije. Naravno, to je kontinuitet. Čestitamo na svim tim pravnim bitkama uposlenicima koji su uspjeli da odbrane interese Kantona, ali interese Kantona vi ne možete zaštititi od ovako rastrošne vlasti koja je uništila milijardu konvertibilnih maraka. Ponavljam, vi ste potrošili milijardu konvertibilnih maraka u Kantonu, 800 000 000 kredita i 200 000 000 vam je deficit budžeta u ovom momentu. Tzn. da vam fali 200 000 000 maraka. Zato poljoprivrednici nemaju poticaja, zato ukidate ekskurzije djeci u osnovnim i srednjim školama, a hvalili ste se tim prije samo godinu dana. Zato ne plaćate fakture dobavljačima, zato još niste isplatili regres, zato isplaćujete isključivo plate i za to jedva imate novac. To je rezultat rada vaše vlasti, a kamo li da vi nešto donesete, nekih 200, 300 miliona. Hvala.

Elvedin Okerić (predsjedavajući)

Zastupnik Faruk Selmanović.

Faruk Selmanović (zastupnik)

Zahvaljujem. Pa nema neke velike razlike tu između '23. i 24. godine, jer tamo, kada pogledate, imate povećanje troškova plate skoro za duplo, između 2 godine. Pa sam se ja ponadao, vidite ovi su ljudi '24. radili nešto pa se radilo dodate plate. Međutim, tu vidimo nastavak politike trojke, a to je dodatno zapošljavanje i uhljebljavanje u ovakve i slične institucije u Kantonu Sarajevu. Da je ovo kontinuitet i da ništa nije počelo sa trojkom, a hvala Bogu, neće ništa ni

završiti sa trojkom, govori činjenica da mnoge stvari evo koje smo vidjeli u ovom Izvještaju za '24. godinu to su neki procesi koji su naslijeđeni od prije. Zato je potrebno da ljudi koji upravljaju tim agencijama nisu tu da bi se uhodavali, zato je bitno da takve agencije imaju Nadzorni odbor, zato je bitno da takve agencije imaju Upravni odbor koji se ne čeka 3 godine, da se imenuju, da ima Upravni odbor koji ima adekvatna znanja i vještine, da se nosi sa svim izazovima koji će se sresti ova agencija. Pa evo recimo, pohvalno je ovo što su naveli u izvještaju da su imali sastanke, da su imali razgovore sa raznim institucijama, raznim državama, vidimo predominantno Bliski istok, ali morate znati jednu činjenicu, ovo je kao i u prodaji, imate nešto što zove kontakt, pa lid, pa da bi došlo do samog sejla i prodaje, mora proći dosta vremena i morate puno lidova odraditi, puno sastanaka, puno razgovora, jedan sastanak ne znači da smo napravili neki uspjeh ili da će od tog sastanka biti neki rezultati po privredu Kantona Sarajeva, što možemo vidjeti u proteklom periodu. Evo ovdje u samom izvještaju pa malo kad ga pregledate, detaljno vidite jedno od kapitalnih ulaganja, pa to je skoro više od 11 % ukupnih sredstava koje je prebacio Kanton Sarajevo je kupljeno motorno vozilo u vrijednosti od pa evo ovdje procijenjena vrijednost 65 000, a kupljeno je za 64 994 marke, čitavih 6 maraka uštede, što opet govori da Agencija postaje sama sebi svrsishodna. Ako radimo na razvoju ove Agencije i ako osnovni cilj same agencije treba da bude privlačenje sredstava, ja bih puno zadovoljniji bio da vidimo ovdje da su bili putni troškovi, da se išlo na neke sajmove, da se učestvovalo na raznim konferencijama, puno više nego da se, recimo, kupilo službeno vozilo, ako imamo jako dobar gradski prijevoz, a imamo ga, Kantonalna institucija, zašto se ne koristi gradski prijevoz za ovakve stvari, a da se uštedi tih 64 000 i da dalje ne zadužujemo Kanton Sarajevo. Nabavka opreme i svega ostalog, hajde, evo da kažemo da je potrebna modernizacija svega što imamo ovdje, ostale su usluge sasvim, kao i u svim drugim institucijama, plate, održavanje, amortizacija, a ne vidimo ovdje da imamo ono što je suštinski, osim ovih dijelova koji se odnose na samu privatizaciju, a to su opet, napominjem, naslijeđeni projekti, naslijeđene stvari iz proteklog sistema i zato nemamo luksuz i nemamo mogućnost uhodavanja u poslu za vrijeme posla. Promjena, da vas napominjem da smo izmijenili zakon, pa smo izmijenili naziv institucije da bi ona bila za privlačenje investicija. I ništa od toga nije bilo. Opet napominjem da je poražavajuće da ovakva jedna institucija zbog koje je napravljen novi zakon, promijenjeno je ime i prvi put od kada postoji institucija imamo njihov izvještaj na Skupštini Kantona Sarajevo da je direktor te institucije, koji je vodio 3 godine bez Upravnog odbora, evo još uvijek bez Nadzornog odbora, nije ovdje da on nam prenese ovaj izvještaj, da nam iznese šta je to urađeno, zašto nešto nije urađeno, šta su prepreke sa kojima se susreće u svom radu, jer ono što smo vidjeli ovdje, evo ja od pomoćnice, odnosno savjetnice direktora je ono što piše na papiru i što smo mi mogli da pročitamo u samom izvještaju, novih podataka nemamo, a na osnovu onoga što vidimo u izvještaju možemo samo da zaključimo da ova Agencija ne radi svoj posao za koji je formirana i ono što je osnovni zadatak, e sad, da li to ide u prilog Vladi Kantona Sarajevo, pa da nema investicija, da se mogu zaduživati kreditno, da i dalje idemo u dužničko ropstvo, to je nešto potpuno drugo i vjerovatno i same činjenice govore da idemo u tom prilogu. Privlačenje investicija za Kanton Sarajevo, za državu u Bosnu i Hercegovinu treba svima da nam bude osnovni zadatak, jer to je jedini način da nastavimo graditi, da nastavimo razvijati našu infrastrukturu, a da nemamo kredite i obaveze prema kojekakvim međunarodnim organizacijama koji nećemo vraćati samo mi, nego vjerovatno i unuci naših unuka, jer ovim tempom koji radi Vlada Kantona Sarajevo, bojim se da ćemo, ne samo porodično srebro prodati, nego prodati ono sve što imamo, što smo dobili u nasljedstvo, ali prodati budućnost naše djece. Zahvaljujem.

Elvedin Okerić (predsjedavajući)

Zaključujem raspravu i predlažem pauzu od sat i po za ručak, s obzirom da sam dobio upite od šefova klubova, pa stavljam na, možete li pozvati zastupnice i zastupnike iz sale, samo da se izjasnimo o pauzi. Može.

Zamolio bih zastupnike da se izjasni o prijedlogu za pauzu od sat i po. Zaključujem glasanje. Za je glasalo 20 zastupnika, protiv suzdržanih nije bilo. Konstatujem da je jednoglasno prihvaćen prijedlog za pauzu.

NASTAVAK NAKON PAUZE

Elvedin Okerić (predsjedavajući)

Nastavljamo sa sjednicom Skupštine Kantona Sarajevo, pred nama je tačka jedanaest.

AD- 11.

Izvještaja o poslovanju Kantonalnog javnog poduzeća Veterinarska stanica d.o.o. Sarajevo za 2022. godinu

Materijal se dobili uz pozivu za sjednicu, zamolio bih predstavnika predlagača da podnese uvodne napomene.

Predstavite nam se zbog stenograma. Izvolite, imate riječ.

Nasiha Spahić (direktorica Kantonalne veterinarske stanice Sarajevo)

Poštovani predsjedavajući, dopredsjedavajući, predstavnici Skupštine Kantona Sarajevo, ja sam Nasiha Spahić, direktorica Kantonalne veterinarske stanice u Sarajevu. Danas nam je na dnevnom redu Izvještaj za 2022. godinu. Ja ću nekako pokušati skratiti, to je jedna izazovna godina bila za javno preduzeće, kao što je jedna Veterinarska stanica od javnog značaja koja u tom trenutku je devastirana; infrastrukturno, kadrovski, radnih sporova koje smo naslijedili iz 2013., '14. i 15. godine su doveli u 2022. godini stanicu do njenog kraja. Međutim, strategijom našom uprave razvoja smo se odlučili u tako teškoj situaciji krenuti u kapitalne investicije, pa smo krenuli infrastrukturno renovirati određene objekte, jedan po jedan. Pa evo, za primjer ću uzeti našu ambulantu Vogošća koja je u tom trenutku na godišnjem nivou donosila oko 200 konvertibilnih maraka prihoda, koja je nakon renoviranja i nabavljanja najmodernije opreme koja postoji u ustvari u veterinarskoj medicini, danas, 2024. ali eto, to ćemo nekad drugom prilikom, kada dođe taj izvještaj na red, došla do prihoda od 160 000 godišnje. Sad vam kažem, u jako teškoj situaciji uspjeli smo godinu pozitivno završiti, isplatiti sve plate, regrese, riješiti dio dugovanja koje sam ja naslijedila kao uprava i riješiti se ogromnog dijela radnih sporova koji smo imali tužbi radnika prema preduzeću radi zloupotrebe položaja proteklih ili prethodnih direktora koji su bili na mom mjestu. Evo, ja vam dajem riječ, ako imate pitanja, kroz komisije smo financijski. Može. Jesam.

Elvedin Okerić (predsjedavajući)

Zahvaljujemo se na uvodnim napomenama. Možete se vratiti na svoje mjesto. Otvaram raspravu. Zastupnik Adi Kalem, izvolite, imate riječ.

Adi Kalem (zastupnik)

Zahvaljujem predsjedavajući. Već ustaljena praksa da stare izvještaje jel nakon 3 godine dolaze u skupštinsku proceduru i da ih glasamo i izglasavamo, podržavamo, ne podržavamo, ali evo konkretno da se dotaknem ovog današnjeg izvještaja. Zahvaljujem se direktorici na izlaganju. Svakako da i svako Kantonalno preduzeće, kao i Veterinarska stanica, imaju i određene

probleme, pogotovo u posljednje periodu, ali evo, ja ću se osvrnuti na ovaj dio koji obrađujemo danas. Kantonalno javno poduzeće Veterinarska stanica, kao što ste i vi rekli, već duži period posluje sa ozbiljnim teškoćama i opstaje isključivo zahvaljujući nadljudskim naporima dijela zaposlenika koji ovaj posao doživljavaju kao pitanje egzistencije svojih porodica. Nažalost, današnja uprava, umjesto da vodi procese oporavka i stabilizacije, ponaša se dosta neprofesionalno i nonšalantno, zanemarujući probleme i trud radnika. U tekućoj godini zabilježen je radnički bunt, a nakon toga je bio i planiran i štrajk zbog isplate plata. Sve aktivnosti prema upravi i Vladi Kantona je vodio predsjednik sindikata, što jasno pokazuje dubinu nezadovoljstva zaposlenika i težinu situacije. Poseban problem u Kantonalnom javnom preduzeću Veterinarska stanica predstavlja kadrovska politika. Abulante u Ilijašu, Slatini, Hadžićima i Vogošći rade sa ozbiljnim manjkom kadra. Istovremeno, zaposlenici su preopterećeni, rade do 19,30 u dvije smjene od ponedjeljka do petka, te subotom do 13 i 30, uz stalnu pripravnost koja im nikad nije plaćena. Prekovremeni rad, prema evidencijama, doseže i preko 400 sati mjesečno, dok se na platnim listama priznaje samo 174 sata. Nažalost, ovakva praksa predstavlja ozbiljnu povredu radničkih prava. Zbog ovakvih uslova rada doktori su izloženi umoru i zaraznim bolestima, trenutno su već dvojica doktora oboljela, 4, dobro, uz to pojedini zaposlenici ne mogu ostvariti ni osnovu zdravstvenu zaštitu zbog neuplaćenih doprinosa.

Elvedin Okerić (predsjedavajući)

Oprostite zastupnice Kalem, poslovnička intervencija zastupnica, odnosno dopredsjedavajuća Pekić.

Jelena Pekić (dopredsjedavajuća)

Ja ću samo zamoliti direktoricu da ne dobacuje čitavo vrijeme zastupniku i da uvažavate, dok zastupnici diskutuju zaista nije primjereno, tako da s obzirom da vidim odavde i čujem vas, zaista nije primjereno da dobacujete, imali ste priliku da podnesete uvodno izlaganje, a možete kasnije se, nakon naše diskusije referisati ukoliko budete imali potrebe. Zahvaljujem.

Elvedin Okerić (predsjedavajući)

Možete nastaviti, izvolite imate riječ.

Adi Kalem (zastupnik)

Hvala. Zahvaljujem se dopredsjedavajuće na zaštiti zastupnika. Hvala vam puno. Kao što sam napomenuo, zbog ovakvih uslova rada doktori su izloženi umoru i zaraznim bolestima. Kao što je direktorica rekla, do sada ima već 8 oboljelih. Uz to, pojedini uposlenici ne mogu ostvariti ni osnovnu zdravstvenu zaštitu zbog neuplaćenih doprinosa. Građanima se također, šalje nerealna slika. Ambulanta je zvanično otvorena do 19 i 30, a u drugoj smjeni često radi samo 1 doktor. Ukoliko taj isti doktor izađe na teren, ambulanta ostaje zatvorena. Dodatni problem predstavlja dugovanje oko 100 000 konvertibilnih maraka dobavljačima lijekova, zbog čega se isporuke ograničavaju ili potpuno obustavljaju. Vozni park preduzeća u lošem stanju, a servisi, odnosno serviseri odbijaju preuzeti vozila dok se ne izmire dugovanja, pa se čak ni redovno održavanje poput zamjene ulja ne može obaviti. Situaciju dodatno otežavaju i naslijeđeni problemi. Brojne tužbe, kao što je i direktorica rekla, iz perioda nezakonitih smjena koje redovno stižu i dovode do blokade računa. Takve okolnosti čine iluzornim bilo kakvo očekivanje stabilizacije bez ozbiljne institucionalne intervencije. Radnici ovog poduzeća nisu nikada dobili nikakvu pomoć ni tokom pandemije ni u periodu rasta cijena, a za razliku od uposlenika drugih javnih preduzeća, njihove plate su pritom najniže u cijelom javnom sektoru Kantona Sarajeva. Zbog ovog svega navedenog koji sam ja gore pobrojao, znači ono što je jako

bitno jeste da je analizirati dosadašnje poslovanje, odnosno upravljanje preduzećem, pokušati riješiti ovaj kadrovski deficit, i urediti sistem radnog vremena, garantovati osnovna radnička prava, redovne plate, uplatu doprinosa, naknade za pripravnost i pokrenuti procese restrukturiranja i stabilizacije preduzeća kako bi ono moglo normalno funkcionisati i ispunjavati svoju društvenu ulogu. Sadašnje stanje u Kantonalnom javnom poduzeću. Veterinarska stanica je neodrživo, ono direktno ugrožava zdravlje ljudi i životinja, povjerenje građana u javne institucije, kao i egzistenciju radnika. Hvala.

Elvedin Okerić (predsjedavajući)

Zahvaljujemo se zastupniku Kalemu. Za riječ se javila zastupnica Miomirka Melank.

Miomirka Melank (zastupnica)

Hvala. Zahvaljujem predsjedavajući, pozdravljam sve koji nas prate. Evo, ovo će biti primjer kako se stvari mogu vidjeti iz sasvim drugačijeg ugla od onog kako opozicija i kako pojedini zastupnici tumače određena određene činjenice koje se pojavljuju u izvještajima, a Javno Kantonalno preduzeće veterinarska stanica je najbolji primjer kako je nekadašnja vlast na čelu sa, između ostalog i strankom čiji zastupnici koriste svaki sekund vremena za konstruisane optužbe na račun ove vlasti, dakle i ovih preduzeća i ovih direktora, dakle, ta nekadašnja vlast je upropaštavala javna preduzeća, ostavljajući ih do grla u dugovima, kao što je to uradila i u Veterinarskoj stanici, ali fer odnos se od njih nije mogao očekivati kad se vidi u kakvom su stanju ta preduzeća onomad ostala, a za to svakako jeste primjer Veterinarska stanica. U interesu javnosti potrebno je istaći još nekoliko činjenica o radu u periodu od 2021. do danas, dakle u cijelom periodu, Veterinarska stanica je pod rukovodstvom direktorice doktorice Nasihe Spahić napravila značajan iskorak u jačanju kapaciteta, unapređenju infrastrukture i osiguravanju uslova za dugoročno održiv i konkurentan rad. Ovdje posebno napominjem ovaj konkurentan rad. Preduzeće koje je ranije bilo infrastrukturno i kadrovski potpuno devastirano, sistemski je revitalizirano. U ovom periodu sa jasnom vizijom strateškog razvoja, vraćanjem povjerenja građana. U ovom periodu realizovan je niz kapitalnih investicija u ukupnoj vrijednosti od oko 1 000 000 konvertibilnih maraka, među kojima se izdvajaju kompletno renoviranje, opremanje veterinarske ambulate u Vogošći, što je omogućilo dostupnu uslugu građanima tog dijela Kantona, otvaranje prve zatvorene veterinarske apoteke u sastavu preduzeća, otvaranje savremeno opremljenog Urgentnog centra koji raspolaže najmodernijom opremom u regionu, nabavka pokretne ultrazvučne dijagnostike za terenske ambulate za rad sa velikim životinjama, otvaranje novog centra za dijagnostiku i poliklinike za male životinje na teritoriji općine koja ima najveći broj kućnih ljubimaca, ovaj centar predstavlja jedinstven objekat te vrste, izgradnja centra za udomljavanje pasa Praća, koji će biti finalni korak u rješavanju problema napuštenih pasa u Kantonu Sarajevo. Rezultati ovih ulaganja su povećanje vlastitih prihoda preduzeća, jačanje tržišne pozicije, uspostavljanje temelja za samoodrživost. Time je Veterinarska stanica postala moderno, konkurentno preduzeće koje pruža visokokvalitetne usluge ranije nedostupne u Kantonu. Uprkos izazovima u prethodnim godinama, preduzeće ide naprijed. Fokus za naredni period ostaje na daljnjem ulaganju u veterinarsku struku i unapređenje javnog zdravstva, zaštite zdravlja ljudi i životinja. Finansijski pokazatelji govore da je u periodu od periodu 2021-'24, 30 % povećan vlastiti prihod sa 681.449 maraka u 2021. godini na 886 949 maraka u 2024. godini. Ovi rezultati su još značajni kada se zna da je u 2024. po sili zakona, veterinarska stanica bila primorana zatvoriti mikrobiološki laboratorij, čime je izgubila 92 000 maraka vlastitog prihoda. Teret sudskih sporova, koji je preostao iz prethodnog perioda iz prethodnih uprava od prije 2021. godine značajno je otežao poslovanje preduzeća i ukupno u tim godinama do danas iznosi 771 896 maraka. U periodu od 2021. u mandatu direktorice Spahić, nije pokrenut niti 1 spor koji bi

značio slabljenje potencijala preduzeća, što je poseban indikator poslovanja u zakonskim okvirima sa jedne strane, te poštivanja prava radnika sa druge strane o kojima je maloprije kolega govorio kao nečemu što se uporno krši, a zapravo je potpuno situacija drugačija. U 2025. godini planirano je potpisivanje novih ugovora, povećanje plaće uposlenicima na teret vlastitih prihoda povećanjem koeficijenata, iako su još uvijek niske, one će svakako biti u narednom periodu ponovo unaprijeđene i povećane, povećanje broja veterinarskih usluga i povećanje prometa apliciranih lijekova i planiranje vlastitih prihoda u iznosu od 1 030 000 maraka. Zaključno sa mjesecom avgustom 2025. sve ove stavke su već ispunjene i po svim finansijskim parametrima se nameće zaključak da pod ovom upravom Veterinarska stanica ide od krize koja je evidentno postojala u prethodnom periodu ka stabilnom i uređenom poslovanju. Hvala.

Elvedin Okerić (predsjedavajući)

Replika zastupnik Faruk, oprostite zastupnik Adi Kalem, replika.

Adi Kalem (zastupnik)

Zahvaljujem predsjedavajući. Ja stvarno ne mogu da vjerujem šta slušam sad, sve je tako bajno, krasno. Kolegice Melank, znači ovo je bila kritika vama vladajućoj većine, a ne Veterinarskoj stanci. Znači ljudi čine vanljudske napore, dole da to održe, da rade. Zapostavili ste ovo Javno preduzeće već odavno, odavno je onaj vaša nebriga dovela do ovakvog stanja, ne samo vaša, naveo sam, znači i prijašnje politike. Pa evo, navest ćemo Lijanovićeva politika je dovela do ovog stanja gdje su bila najveća dugovanja, blokade računa itd itd. Najveća ili poražavajuća činjenica je ta što će dozvoliti privatnim veterinarskim stanicama da se ponašaju i da ordiniraju u Kantonu pored naše, da tako kažem, našeg javnog Kantonalnog preduzeća. Zadnji put kada sam bio u posjeti sa Komisijom za vodoprivredu, šumarstvo i poljoprivredu, ovog radnog tijela ove Skupštine mi smo uvidjeli stanje dole da nije dobro. Direktoricu smo zamolili da nam iznese sve primjedbe, da znamo da možemo mi svojim radom da doprinesemo poboljšanju svega toga. Nažalost, neki segmenti jesu se popravili, što je jako dobro, a neki segmenti nisu. Znači, nema dovoljno doktora da rade ovaj posao i ti doktori koji rade u poduzeću rade prekovremene sate koji im se ne plaćaju. Zato kažem, Vlada Kantona Sarajevo mora povesti brigu o ovome, ako treba je li neko restruktuiranje u preduzeću koje sam i naveo vama kroz jedan zaključak, hajdete ga radimo. Ajmo da stabilizujemo preduzeće da bi ono moglo normalno funkcionisati, ispunjavati svoju društvenu ulogu. Pa evo, dođite u Hadžiće, pa da vidite situaciju kakva je, gdje su ljudi kada izađu na teren ima li ikoga u ambulanti, u drugoj smjeni itd, itd. Znači da ljudi ne vole da rade svoj posao, to bi se davno zatvorilo. Hvala.

Elvedin Okerić (predsjedavajući)

Zastupnik Faruk Selmanović, diskusija. Niste prijavljeni. Evo tek sad jeste. Odgovor na repliku zastupnica Miomirka Melank. Minuta, izvolite, imate riječ.

Miomirka Melank (zastupnica)

Hvala. U principu mogu da se složim sa ovim što je kolega rekao zaista treba da Vlada se pozabavi bolje Veterinarskom stanicom i problemima koji postoje u ovom sektoru i sigurno je da se može mnogo više učiniti. I međutim, ja sam sigurna da zapravo smo na putu da i Vlada i Veterinarska stanica ovo Javno preduzeće da tu misiju ispune i da će u narednom periodu svakako doći do neke bolje situacije, a to govore podaci koje sam upravo navela maloprije. Sa druge strane, hoću da podcrtam da ne znam zašto privatnici ne bi mogli da rade i zašto ne bi preuzeli jedan dio funkcije. Mi živimo u društvu u kojem je djelatnost otvorena i slobodna i ono što rade privatnici je sasvim u redu kao što treba Veterinarska stanica, javno preduzeće da

obavlja svoj dio funkcije. Ne bi trebalo da postoji neka suprotstavljenost između privatnog i javnog sektora. Mislim da bi trebalo da sarađuju zajednički, na istoj misiji čuvanja zdravlja životinja i ljudi. Hvala.

Elvedin Okerić (predsjedavajući)

Konačno dajem riječ zastupniku Faruku Selmanoviću.

Faruk Selmanović (zastupnik)

Zahvaljujem predsjedavajući. Pa evo ovdje imamo još jedan primjer javnog preduzeća koje zapušteno, koje je upravo zbog jedne, a možemo reći, maćehinske politike prema njemu, došlo u ovu staciju u koje se danas nalazimo. Kolega Adi je kazao da broj doktora koji su oboljeli, veterinara koji su upravo oboljeli zbog prekomjernog rada, odnosno neadekvatnog broja ljudi koji se bavi tim poslom, je zastrašujući, prema onome što smo čuli od direktorice, to je skoro 50 % uposlenih, što znači da je situacija krajnje alarmantna. E sad, ovdje, u izlaganjima je bilo kaže da se vodimo činjenicama, pa evo otprilike jedna od činjenica koju ne možemo da pobijemo, a koja govori u prilog da se situacija upravo u ovom Javnom preduzeću nije idealna i nije bajna, govori činjenica koju smo imali ove godine. Evo, ne moramo ići toliko daleko u prošlost. Radi se o pojavi Bruceloze u opštini Vogošća i koja je direktno nadležnost upravo Veterinarske stanice Sarajevo. Trebalo je skoro nešto više, malo od mjesec dana da se nađe ko je nadležan, kako ćemo to riješiti. A Bruceloza, svi znamo, širi se jako brzo i posljedice su katastrofalne, kako po životinje, tako i po ljude. E sad u '21. stoljeću, naravno, pojava Bruceloze nije ništa što zaobilazi i razvijenije zemlje od Bosne i Hercegovine. Ali da nemamo plan djelovanja i da pustimo mjesec dana da se ništa ne poduzime, govori u prilog da situacija, odnosno sam izvještaj koje nam je ovdje prezentiran i nije najbolji. Da bi preduzeće bilo uspješno pored svih ovih što smo pobrojali ovdje, ne smijemo zaboraviti da ono mora poslovati pozitivno, da ga možemo svrstati među uspješna preduzeća, a sve ovi materijalne stvari, od laboratorija, od opreme, što je za pohvalu, naravno, ali bez kadra, bez ljudi, to nam ne znači ništa i mi smo svi ovdje odgovorni u Skupštini da pratimo i nadziremo rad ovakvih institucija. Da li je problem da imamo privatne institucije koje se bave istim i sličnim poslom? Možda i jeste, jer onda imamo tu nelojalnu konkurenciju. Svi znamo da su javna Kantonalna preduzeća ograničena i Zakonom o javnim nabavkama i tenderima, dok privatna preduzeća to malo drugačije rade, što upravo ovo preduzeće stavlja u jedan nepovoljan položaj. Ajde, imamo ljude koji su puni entuzijazma i koji žele da rade, govori činjenica da pojedini uposlenici rade i do četristo sati mjesečno, a da im je samo priznato neki 174 sata. Govorimo da su ljudi spremni da budu na stalnom telefonskom pozivu ukoliko bude nekih problema, a da za to vrlo često nisu plaćeni, opet govori o njihovom entuzijazmu, ljubavi prema životinjama, prije svega i ljubavi prema poslu. To uprava, Nadzorni odbor, Skupština, Vlada treba dodatno da cijeni, pa da probamo iznaći rješenje za ovo preduzeće jer je to na svima nama velika odgovornost. Radi se o jednom vrlo ozbiljnom segmentu, prije svega za zdravlje životinja, potom i za zdravlje građana u Kantonu Sarajevo, evo samo taj primjer, Bruceloze u opštini Vogošći, dovoljno govori koliko je to sve opasno i ozbiljno, da ne govorimo o ambulantama u Ilijašu, Hadžićima, koji nemaju dovoljno broj, dovoljan broj ljudi, rade se enormno dugi, dugi vremenski period, duge smjene se rade i onda je upitno i kolika je koncentracija tih ljudi dobra, da li se oni mogu odmoriti i kakvi su uslovi uopće za rad kod tih ljudi, jer pazite, kada ostanemo bez tih stručnjaka, kada ti stručnjaci odu, kada im bude više dosta, kada ljubav prema životinjama i prema svom poslu ne bude jedini motivator da dolaze na posao, kako onda to sve riješiti? Hoćemo li onda to sve pustiti privatnicima, pa onda opet dolazimo do onoga pitanja da li je to možda i sama intencija? Pazite opet, evo, mi se nalazimo u 2025. godine, a raspravljamo o Izvještaju iz 2022. godine. U tom periodu smo imali '23. godinu, imali smo i '24. godinu, to su

2 budžetske godine, 2 finansijske godine da vidimo šta se desilo u samoj Veterinarskoj stanici. Sad ono što mi raspravljamo ne može ili možda može imati neki mali utjecaj na sam rad Veterinarske stanice ali sumnjam, jer okolnosti i situacija na terenu se za 2 godine itekako promijenila. Ako ne, evo finansijski, vidimo da je sve poskupilo, da su se promijenili potpuno uslovi rada zbog nekih zakona koji su doneseni u međuvremenu, a mi raspravljamo što je napisano ovdje, pa sam mi kao zastupnici smo uskraćeni za mogućnost da proaktivno djelujemo i da možda otklonimo neke probleme koje evo da je, recimo, ovaj Izvještaj bio na vrijeme i da je bio onda kada je trebao da bude u skladu sa zakonom početkom '23. godine, možda mi u 2025. ne bi imali ovaj problem, možda Bruceloza se ne bi pojavila u Vogošći 2024. godine i ne bi nam trebalo više od 2 mjeseca da to gore stabilizujemo i riješimo jer ovo nije djelatnost koja je sama za sebe izdvojena od ostalih javnih Kantonalnih preduzeća, imamo tu jako blisku saradnju sa Parkom, sa RAD-om, sa ostalim institucijama u Kantonu Sarajevo, a evo mi sad, recimo jedan od apsurdna raspravljamo o radu Javnog Kantonalnog preduzeća Veterinarska stanica za '22. godinu. Sljedeća tačka je Javno komunalno preduzeće RAD za '23. godinu. I čak ne možemo da dobijemo ni kontinuitet godina po javnim preduzećima i da vidimo šta se dešava u svakom od njih kako bi donijeli adekvatne zaključke. A evo recimo jedna od činjenica, jeste da Veterinarska stanica ne može da funkcioniše, bez recimo komunalnog preduzeća RAD jer se njihove djelatnosti nadopunjuju. Ako nemamo izvještaj šta se dešavalo svake godine, godinu za godinu, kako možete onda od nas očekivati da donesemo konkretne stavove, korektne stavove i da predložimo mjere koje bi nam bilo u interesu sviju nas, tako da opozicija nije destruktivna, nego opozicija djeluje samo na osnovi informacija koje su dostavljene ovdje, a informacije su u ovom trenutku stare 3 godine. U dobu u kakvom mi živimo, a pogotovo ovim poslom koji se mi bavimo, informacija koja je stara od 3 godine, potpuno neupotrebljiva, čak vjerovatno i neke stvari iz samog izvještaja su i dosegli zakonski zastarjele, tako da su neupotrebljive. Zahvaljujem.

Elvedin Okerić (predsjedavajući)

Za riječ se javila zastupnica Marijela Hašimbegović. Uključite zastupnicu Miomirku Melank, replika, izvolite, imate riječ.

Miomirka Melank (zastupnica)

Zahvaljujem se. Htjela sam samo da skrenem pažnju na dvije stvari. Jedna od njih je da bih zamolila, a to sam i ranije tražila od kolega i kolegica, da ovaj termin, maćehinski odnos, maćehinska politika i tako, izostave, ako je moguće, iz svojih diskusija. Ja kao maćeha bih voljela da se ovaj termin makne iz mitskog odnosa i da ja kao maćeha mogu da potvrdim da imam odličan odnos sa svim pastorcima koje imam i da je nepotrebno i mizogino koristiti ovaj termin u ovom kontekstu. Druga stvar je da je Bruceloza se nije pojavila samo u Kantonu Sarajevo i nije to nešto što je autentično odavde proisteklo i da je na izvjestan način Veterinarska stanica kriva za pojavu Bruceloze, što se želi insinuirati. To, dakle, nije tako. Ona je u širem regionu se pojavila tokom tog perioda i uspješno je sanirana. Možda bi u nekom boljem stanju i u nekim idealnim okolnostima to trajalo kraće, ali je, dakle, sanirana i uspješno se izborila veterinarska stanica sa ovim problemom, kao i sa serijom drugih problema koji se javljaju u ovoj oblasti i svakako podržavam ideju da se više ulaže u Veterinarsku stanicu i da se veća sredstva opredijele za ove probleme. Hvala.

Elvedin Okerić (predsjedavajući)

Hvala vam. Odgovor na repliku zastupnik Selmanović. Minuta, izvolite.

Faruk Selmanović (zastupnik)

Zahvaljujem, drago mi je za vaš odnos, kolegice i to je svakako za pohvalu. Nije bila nikakva uvreda, čak što više, odnosilo se na neku alegoriju, odnosno metaforu u dijelu koji se odnosi, recimo, na Pepeljugu i tu vrstu mačehinstva, a ja bih vas, evo, iskoristio priliku da vas zamolim da slušate ono što se govori i izlaže. Ja sam upravo kazao da ne, nije Veterinarska stanica kriva za pojavu Bruceloze. Veterinarska Stanica je isključivo kriva za vrijeme trajanja rješavanja tog problema, jer to je nešto što se dešava i u razvijenijim državama, ali je neprihvatljivo da se mjesec dana vrši prijenos, nisam ja nadležan, jeste RAD, nije RAD, jeste ministarstvo, dok se utvrdi koja je nadležan Bruceloza se neće sačekati sa širenjem. I ono što je jako bitno jest opet, evo, i vi ste potvrdili sa tim da je jako bitna koordinacija među svim javnim Kantonalnim preduzećima, a za nas je bitno da dobijemo informacije o radu svih Kantonalnih preduzeća na vrijeme, sinhronizovano po godinama, da znamo šta je koje vrijeme, u kojem periodu. Zahvaljujem.

Elvedin Okerić (predsjedavajući)

Zastupnik Jasmin Šaljić. Izvolite, imate riječ.

Jasmin Šaljić (zastupnik)

Hvala. Hajde kolegica pa ću ja. U redu. Gospođa Spahić u uvodnim napomenama veoma nam je šturo iznijela u par rečenica ovako obiman materijal. Spomenula je da je Veterinarska stanica potpuno devastirana na svaki mogući način. Nemamo mi kao zastupnici pravo na pitanja, ja bih je pitao kako je devastirana, ko je devastirao? Jesu li u pitanju odluke osnivača, odluke uprave. Znači, ostali smo uskraćeni. Veliko je kada kaže da je devastirana na svaki mogući način. Znači ko tamo, ko da to tamo ko da je Hirošima. Da mogu da vas pitam, pitao bih vas za podružnicu Praća o uslovima i broju zaposlenih, o prihodima, financiranju, o učešću Kantona, koliki je to broj napuštenih pasa, nažalost, ne možemo da pitamo. Aktuelna tema je, mada je ovo izvještaj za '22.godinu, a i tada su bili napadi pasa lotalica. Možete li da se nešto povodom toga u javnosti se oglasili. I imam jedno pitanje koje nekako izgleda najopasnije. Da li je istina da je nakon više od 40 godina laboratorija u sklopu Veterinarske stanice koja se bavila kontrolom hrane animalnog porijekla, izgubila licencu za taj posao i da je prestala vršiti ovu javnu uslugu? To se desilo nakon što je uprava ove Kantonalne ustanove nije željela ispuniti uslove za produženje licence kako bi taj posao prešao u privatne ruke u Kantonu Sarajevo, čime se povećava rizik u ovoj veoma važnoj javnoj djelatnosti. U materijalu evo izdvojit ću da sam vidio da je mišljenje revizora sa rezervom, čini mi se da je kuća Zuko, dakle da čak tamo i ogradio, da nisu imali sve potpune podatke, nego na osnovu nepotpunih podataka dao je mišljenje sa rezervom i krivicu ili odgovornost, svalio na vašu upravu, a evo i ovdje, kaže:“ Obaveze iz poslovanja u 2022. godini od 283 000 maraka najvećim dijelom se odnosi na sljedeće dobavljače, znači, u toj godini ste dugovali preduzeću Bosna WET d.o.o Zenica 95.000 maraka ENA d.o.o Sarajevo, 13.000 maraka, Hifa Petrol 13.600, VET centar veterinarska ambulanta 12 000, Energo Petrol d.d Sarajevo 11 000, Advokat Tarik Kapetanović 8000, Veterinarski fakultet Sarajevo 7.800, Udruženje „Produkcija prvi kadar“ 6000, Avdić 3A d.o.o. Ilidža 5.200, Toplane Sarajevo 5000, Zuko, evo što vam je dao mišljenje s rezervom 4000, Agencija „Manifest“, Sarajevo 4000, Triglav osiguranje, sve skupa, 200.000 maraka. Onda imate ostale kratkoročne obaveze, uključujući i razgraničenja, obaveze za neto plate i naknade 100.000 marka, obveze za porez na plate i naknade plata 9000, Obveze za doprinose u vezi plata i naknada 56.000, obveza za ostala neto primanja, naknade, troškovi, materijalna prava zaposlenih 25 000, obveza za naknade članova odbora i komisija 17 000, Obveza porez na naknade članovima Odbora 4.500, obveze za doprinos za naknade članovima Odbora 4900, obveza prema fizičkim licima za naknade po ugovorima 3000, obveze za porez

na naknadu fizičkim licima 3000, obveze za doprinos u vezi naknade fizičkim licima 5000, PDV na osnovu vlastite potrošnje 300 maraka, obveze za razliku između obaveze za porez i ulaznog PDV-a 5000, dugovali ste i radnicima u toj godini dvadeset hiljada, tako da obzirom da je, i da vam je bilo šturo izlaganje, vidjet ću sa kolegama kako ćemo se, kako ćemo glasati. Hvala, završio sam.

Elvedin Okerić (predsjedavajući)

Zahvaljujemo se. Zastupnica Marijela Hašimbegović. Izvolite, imate riječ.

Marijela Hašimbegović (zastupnica)

Hvala predsjedavajući. Ja ću u svom izlaganju pokušati da složim stepen odgovornosti u odnosu na rad Javnog preduzeća Veterinarska stanica. Ali nekako ne mogu da se otrgnem sjećanju pri prvom susretu sa uvaženom direktoricom, koji je bio iniciran dokumentom kojeg je ona tada uputila svima nama zastupnicima, a ticalo se sredstava koje su se tražili, koji su bili neophodni za rad Veterinarske stanice i koji su se, čini mi se, trebali ugraditi u budžet koji smo mi tada usvajali. Tada sam se uvjerila u njenu posvećenost, u njenu stručnost, u njenu agilnost, uvjerila sam se u tu jednu snažnu žensku energiju, menadžersku, u kontekstu želje da se napravi jedan progres i jedna promjena. Međutim, poražavajuća činjenica je bila da sam možda ja bila jedina koja sam se odazvala tada potrebama Veterinarske stanice. Ne mogu tvrditi, ali mislim da je to bilo tako. Zašto ovo govorim? Ovo govorim iz razloga što je kolega Adi Kalem u svom izlaganju upravo u replici koju je imao, adresirao, dakle i poentirao ono što ja želim ponovno podcrtati jeste da mi kao Skupština, usvajajući budžete svih javnih ustanova, dakle, usvajamo alineju koja se odnosi za, dakle, sve uposlenike koji djeluje u javnim ustanovama i našim, dakle, glasanjem za ili protiv ili suzdržanošću, kako god, mi, dakle, dajemo saglasnost da li će ta javna ustanova imati dovoljno sredstava za progres u kontekstu kadrovskog osnaživanja ili će to stagnirati, kao što je, možda se to u ovom slučaju i desilo. Ako govorimo o Izvještaju iz '22. godine, naravno da je postoji vremenska distanca u kojoj u ovom trenutku, kada smo u 2025. godini, nekako ne možemo sa sigurnošću koristiti, možemo definisati čemu nam sve te informacije služe, ali one su vrlo korisne i one su vrlo neophodne da bi mogli da napravimo jednu paralelu sa potrebama i sa problematikom koja se tada dešavala i da u ovoj vremenskoj distanci vidimo da li je došlo do određenog poboljšanja ili pogoršanja. Također, što je važno istaći, izvještaji nisu izvještaji rada direktora javne ustanove, to su izvještaji rada, dakle, svih uposlenika tih javnih ustanova koje imaju, dakle, svoju spregu i svoju saradnju sa resornim ministarstvom i s tim u vezi jako mi je žao i to mi djeluje tako neozbiljno i neprihvatljivo da sa nama trenutno nije ministar kojeg ja osobno lično uvažavam, jer nekako se ostavlja pogrešna slika nebrige potpune u kontekstu zašto nam su nam uopšte potrebne informacije o Veterinarskoj stanci i izvještaj iz '22. godine. Samim tim ostavlja se pogrešna slika na nas zastupnike, posebno nas zastupnike iz opozicije. Podcrtavam, za mene je to potpuno neprihvatljivo, jer iz moje percepcije to bi trebalo da izgleda na način da nam eventualno čak i prvo, i ministar prezentuje ono što bi bila njihova nadležnost i odgovornost kako i na koji način pomoći ovoj javnoj ustanovi. Nemojte zaboraviti kako divan i human i plemenit posao čine ovi uposlenici, zajedno sa direktoricom, nekad i izvan svojih, dakle mogućnosti, kako bi se riješile određeni problemi kako bi se izvršile određene usluge, tako da sljedeći put kada dobijemo programe rada i izvještaje o radu, molim vas da imate u vidu ono što jesu naše odgovornosti i način kada usvajamo budžete i kada se usvajaju programi rada, da budemo svjesni toga šta mi to usvajamo i kakav prostor, manevarski prostor za menadžere ostavljamo da bi oni mogli djelovati u skladu sa zakonom, u skladu sa potrebama i kakvu uslugu mogu isporučiti u kontekstu, kao u ovom slučaju, što je zaštita života i zdravlja životinja i građana. Toliko. Hvala lijepo.

Elvedin Okerić (predsjedavajući)

Zahvaljujemo se zastupnici Hašimbegović. Za riječ se javio zastupnik Mahir Dević.

Mahir Dević (zastupnik)

Hvala. U ovom momentu bi bilo zanimljivo postaviti jedno pitanje koje je izuzetno važno, pitanje azila u Prači, o kome mi ovdje pričamo godinama? Prema tome da vi niste poslovnički ukinuli pitanja, ovdje bi ja danas kao zastupnik pitao koliko novaca je dosad dato za taj azil i da li taj azil radi? Odgovor bi bio, naravno, vrlo zanimljiv, ali to je samo jedna od tačaka koja na najbolji način sublimira vaš odnos spram vaših obećanja, onoga što ste pričali, kao šestorka, trojka ili već kako hoćete u odnosu na stanje koje imamo na terenu. Sama činjenica da mi danas kao skupštinski zastupnici raspravljamo o izvještaju Veterinarske stance za '22. godinu. Da je neko normalno stanje, mi bi danas raspravljalo ovdje o izvještaju za '24. godinu. E sada, šta se je sve moglo desiti i šta se je sve dešavalo u okviru ove 2 godine, koji su tamo pomaci napravljeni itd. Mogu kazati ovako da sam nekada kao općinski vijećnik u Općinskom vijeću pratio rad ove Veterinarske Kantonalne javne veterinarske stanice i da je stanje u Veterinarskoj stanici Kantona Sarajevo prije jedno 10 godina bilo, pa barem za jedno 3 klase bolje nego što je danas. Ovdje se postavlja također sljedeće pitanje koliko Kantonalna veterinarska stanica zaradi iz vlastitih prihoda, a koliko je subvencija Kantona Sarajevo? Vidjet ćete da su, vidjet ćete da su subvencije milionske, a iz vlastitih prihoda puno manje za rad. Paralelno s njima, u Kantonu Sarajevu se jako razvija i ovaj privatni sektor. E sada, kada bi se pogledalo na ukupno zdravlje životinja, raznih zoonoza u Kantonu Sarajevu, i tako, ko više utječe na sprječavanje širenja zaraznih bolesti koje su izuzetno opasne da se izanalizira uloga Kantonalne veterinarske stanice koja bi trebala biti u stvari, kolokvijalno kazano, zavod za javno zdravstvo kada su u pitanju život jer je to naš interes, to je javni interes. Koliko oni utiču na sprječavanje toga, a koliko danas utiču, na primjer, privatne veterinarske stanice, zanimljivo bi bilo, primjera radi, izvući taj omjer. Znači, kada mene pitate kao skupštinskog zastupnika, da li sam ja za privatizaciju ovoga, ja sam uvijek da javni interes bude iznad privatnog interesa, da nam se ne bi dešavalo ono što se dešava danas u školstvu, da kupujete diplome od Sokoca do Širokog Brijega, a onda nam te kadrove dovodite na pozicije direktora X, Y, Z firmi koji onda ovo sve zajedno uništimo. Znači, uvijek bih tražio tu neku, što kažu, vrstu balansa, a prevashodno da imamo javni interes. Ja se bojim da smo mi ovaj segment jako narušili. Naravno, danas pričamo o Izvještaju za '22. godinu, a vi ste prije samo nekoliko mjeseci imali jedan potpuni haos kada su u pitanju zarazne bolesti kao što je Bruceloza. Igrom slučaja znam za niz mjesta na području Općine Ilijaš, niz farmi, niz slučajeva pa je to krenulo u Vogošći, na jednoj farmi gdje vam je žena oboljela, gdje je 10 grla, ne znam bilo zaraženo pa se dalje prenijelo, ne znam, u drugu, treću, četvrtu, petu, desetu lokaciju. Ja uopće nisam vidio adekvatnije reakcije. Naravno, ovo nije izvještaj za '25. pa da ja sada ovo spominjem. E sad, po vašoj politici, kako je vi vodite mi bio u ovom pričao 2029, ako bi vi, ne daj Bože, ostali, do tada, ja mislim da bi pola Kantona bilo zaraženo, umrlo itd. Znači, ovo su ljudi ozbiljne stvari. Znači, ne dolazim iz tog svijeta, nije mi to struka, ali svi smo mi na neki način u blizini životinja, bilo da su u pitanju, ne znam krupna, sitna stoka, bilo da su u pitanju ne znam neki kućni ljubimci, psi, mačke itd. Znači u ovom segmentu Kantonalna veterinarska stanica nije odgovorila zadatku na visokom nivou. I sad se postavlja pitanje zašto? Jesmo li mi uložili tu dovoljno sredstava, prilično subvencioniramo to, za razliku od realnog sektora, oni se manje bore od realnog sektora, ali da je i njima potrebno više, vjerojatno jeste, sada kada bi se pitali direktora koliko vam treba da biste vi poslovali na ovakav ili onakav način, čovjek bi vjerojatno kazao treba nam toliko. Ali stanje na terenu, pazite, ako se vi danas hvalite, ne znam da ste obnovili, ne znam neku veterinarsku stancu na području neke općine, ja sam prisustvovao takvim otvaranjima još prije 10 godina. Paralelno s tim je usput, još jedna propala. Znači ozbiljno pitanje prema kome vi

prevashodno Vlada, pa vjerojatno i ministarstvo privrede, i, evo, sama činjenica da nema ministra dok mi govorimo o ovim ozbiljnim stvarima koji nije tu prisutan, govori o tome kako se vi spram toga odnosite, po onoj staroj: „Hajde Mujo, nek je više vojske“, dok vam se ne pojavi haos, kao što vam je bilo i sa Leptospirozom u jednom momentu. Evo, ja sada kažem ako se ovako nastavite ponašati napraviti ćete potpuni haos, a bojim se da je on danas već predsjedavajući u Kantonu Sarajevo prisutan, ne znam koliko ste upoznati s tim, u većini općina Kantona Sarajevo imate mala žarišta Bruceloze, o tome mediji, jako malo pišu, ljudi obolijevaju, ta stoka u početku se čak nije ni ubila, pa da se izvrši nadoknada štete. Naravno, sada vi nemate novca jer ste to potrošili na razne vaše stranačke promocije da subvencionirate takvim ljudima to jer ste to dužni po zakonu i imate jedan potpuni haos kojeg u ovom momentu još uvijek drže te stanice na neki način pod kontrolom. Ali ako ovako nastavite, vi ćete imati epidemiju u Kantonu Sarajevo i vidjet ćete onda u što ćete to otići. Većina vas možda to ne razumije praktično što tzn. za nekog čovjeka koji se bavi ne znam stočarstvom. Kada čovjeka koji ne znam proizvodi mlijeko u farmi od 20 krava, uđe Bruceloza u tu štalu, a taj čovjek živi od tih 20 krava, on proizvodi dnevno 300, 400, 500 l mlijeka, pa onda ostane bez tih prihoda, a vi mu ne isplaćujete poticaj zato što ste bankrotirali, odnosno, bolje rečeno, planirali budžet koji je 30% nerealan, onda vi te ljude dovodite u situaciju svašta, da uradi sa tim životinjama. Da onda ta životinja sa adrese A ode na adresu B, pa sa adrese B na adresu C, s C na D i da tu bolest razresete uzduž i poprijeko Kantona Sarajevo. Je li vi znate uopće....

Elvedin Okerić (predsjedavajući)

Poslovnička intervencija, zastupnica Vedrana Vikić-Musić.

Mahir Dević (zastupnik)

Samo recite član koji sam ja povrijedio.

Vedrana Vikić Musić

Ja imam pitanje za sviju nas, ja ne znam da li mi sada razgovaramo o nekoj je strategiji na koji način će Skupština Kantona Sarajevo upravljati u ovom segmentu ili mi pričamo u izvještaju koji nam je dostavljen za '22.godinu? Odlična je ta vaša diskusija, ali ja ne mogu nikako da je povežem sa izvještajem iz '22.

Elvedin Okerić (predsjedavajući)

Hvala vam.

Zastupnik Dević.

Mahir Dević (zastupnik)

Hvala predsjedavajući. Ja sam itekako u temi. Kolegice, to što se vi pravite malo nevješti, pokušavate na neki način da me prekinete, i to što vama nije bitno, što je u ovom momentu između 5 i 10 ljudi sa težom kliničkom slikom leži na Kliničkom centru u Sarajevu, koja je Bruceloza potpuno uništila organizam, vi naravno, nemate pojma šta Tzn. za te porodice. Odete od Vogošće do Ilijaša pa ćete vidjeti. To što vama nije bitna informacija, ja moram iskoristiti priliku kroz Izvještaj za '22. da upozorim na ovo, jer ako to ne uradim sada, sljedeći će Izvještaj doći 2028. i ja ne mislim da je to zloupotreba. Ovo upotreba izvještaja da se upozori na nešto što je na terenu. Ovo vam pričam ono što vam govore poljoprivredni proizvođači na području Kantona Sarajevo. To bi otprilike isto bilo da se pojavi neka zarazna bolest u Kantonu Sarajevo kod ljudi i da vi upozoravate sada na to kao zastupnik na izvještaju o radu Zavoda za javno zdravstvo i da ja kažem zašto nam to govorite. Znači to je vrlo neprimjereno.

Elvedin Okerić (predsjedavajući)

Vrijeme. Dopredsjedavajuća Pekić, jel želite? Uključite dopredsjedavajuću Pekić.

Jelena Pekić (dopredsjedavajuća)

Zahvaljujem predsjedavajući. Ja ću se samo kratko osvrnuti na Izvještaj iz 2022. godine. I tako je, mislim, trebali smo već razmatrati danas izvještaj iz '23. i 24. godine, vjerujem da će se to desiti već na narednoj redovnoj sjednici Skupštine Kantona. Direktorica Spahić je imenovana krajem 2021. godine i ovaj vjerujem da rezultati koje imamo u ovom Izvještaju, a zapravo prave rezultate ćemo tek vidjeti kada dođe izvještaj iz 2023. i 2024. godine, a onda u potpunosti kada je u pitanju ova tekuća godina. Kao što je kolega Kalem, govorio, mi smo zaista prošle godine bili u posjeti ovoj ustanovi zajedno sa našom predsjednicom Komisije, kolegicom Sanelom Klarić i zaista smo se upoznali sa svim problemima, izazovima sa kojima se suočava Veterinarska stanica u Kantonu Sarajevo i sa nedostatkom sredstava koja su im potrebna da bi se rad dodatno unaprijedio. I zaista, direktorica Spahić ima izuzetnu energiju i vjerujem da će izvještaj koji dođe za '24. godinu puno biti bolji od ovog izvještaja i da ćemo zapravo vidjeti te prave rezultate rada. Ono što ja posebno želim da naglasim, a što je navedeno u ovom izvještaju jeste da ambulanta Ilijaš kada je u pitanju konkretno ova opština, jeste da i u samom Izvještaju navedeno da se suočava sa određenim poteškoćama koje se prevashodno odnose na problematiku ljudskih resursa, te se iskreno nadam da je ovaj problem riješen, ne samo u pogledu ljudskih resursa, nego i u pogledu sredstava za rad koji su potrebni veterinarskoj stanici, odnosno ambulanti u Ilijašu i zaista nam je važno da svaka opština bude na adekvatan način pokrivena, i naravno, tu i ova Vlada, ali i ova skupštinska većina, itekako daje prednost javnom sektoru, pružanju ove vrste usluga. I ono što je jako važno, a što bih zamolila i ministra koji, evo, nažalost, nije ovdje s nama prisutan, jeste da se posebna pažnja posveti izdvajanju sredstava za ovu, ovaj za Veterinarsku stanicu kroz povećanje iznosa subvencija koje su u ovoj tekućoj godini bile iznos od 1 000 000 konvertibilnih maraka, s obzirom da se zaista radi o djelatnosti u oblasti javnog zdravlja koje nam je svima ovdje itekako važno. Toliko od mene, tako da što se tiče mene, ovaj Izvještaj će itekako dobiti podršku jer zaista tek pravi rezultate u koje vjerujem da ih ima ćemo vidjeti '23. i '24. godinu. Zahvaljujem.

Elvedin Okerić (predsjedavajući)

Zahvaljujemo se. Zastupnica Miomirka Melank, pretpostavljam replika. Kome replicirate? Ne možete replicirati zato što je kolega, replicirate dopredsjedavajućoj Pekić. Izvolite, imate riječ.

/zastupnik Mahir Dević govori bez uključenog mikrofona/

Miomirka Melank (zastupnica)

Možete začepiti uši što se meni tiče. Nisam imala namjeru skrenuti vama pažnju. Zanima me zapravo odnos javnosti prema onom šta se govori na ovoj Skupštini. Htjela sam kazati da ukoliko postoje pitanja koja bi možda zastupnici htjeli naknadno postavljati, oni su imali mogućnost u periodu kada je Izvještaj izašao da postave sva ta pitanja do same sjednice i onda bi neko ko prezentira izvještaj mogao odgovoriti na ta pitanja, međutim, takvih pitanja nije bilo na ovaj izvještaj, tako da ono što je ostalo kao pitanje u vazduhu zapravo ne može da se odgovori jer ta pitanja nisu postavljena u času kada je bilo poslovnih mogućnosti. Prije no što je izvještaj došao na sjednicu, dakle u periodu kada se objavi, kada dobijete materijal, možete pogledati izvještaj, zatim postaviti pitanja i ta pitanja će biti odgovorena od strane onih koji prezentiraju. Što se tiče ove laboratorije, koja je pomenuta da je zabranjen rad, dakle laboratorija koja je postojala u okviru Veterinarske stanice, nikada nije imala dozvolu za rad, Veterinarska stanica nema mogućnost da ima djelatnost laboratorije i zbog toga je ta

laboratorija prestala da postoji u okviru Veterinarske stanice. Što se tiče ovih zoonoza, dakle Veterinarska stanica je u svojoj djelatnosti obavila ono za šta je bila zadužena, a za ostalo šta je trebao da obavi, recimo, RAD ili neko drugi u ovom lancu odgovornosti, Veterinarska stanica nije također odgovorna i za to što su se ljudi razboljeli, oni će također biti liječni i Veterinarska stanica ne može da snosi odgovornost zato što su se ljudi razboljeli. Istina je da jeste to dio.

Elvedin Okerić (predsjedavajući)

Vrijeme zastupnice Melank.

Miomirka Melank (zastupnica)

To jeste dio onoga čime se bavi Veterinarska stanica, ali ne može biti odgovorna za razbolijevanje od zoonoza. Zahvaljujem.

Elvedin Okerić (predsjedavajući)

Kome replicirate? Zastupnik Mahir Dević.

Mahir Dević (zastupnik)

Itekako je veterinarska stanica, i javna i privatna, zadužena za vođenje računa o zaraznim bolestima kod životinja. I oni su ustvari prva brana koja to treba da suzbija, ne želeći ni na kog da prebacujem, nego sam htio da ovdje repliciram kolegici Jeleni Pekić, koju sam čuo da poziva direktoricu, vjerovatno da li je sada iz SDP-a, pretpostavljam da jeste, da nabavi i određenu vrstu sredstava u 2025. godini za Veterinarsku stancu u Ilijašu. A mi ovdje pričamo o izvještaju iz 2022. godine. Napominjem kolegicu Pekić da je prema Veterinarskoj stanci na godišnjem nivou u principu manje-više plus minus, ne znam sam tačne brojeve, bila dotacija od 1 000 000 konvertibilnih maraka, to je bio grant i u pravilu oko 300 do 400 hiljada konvertibilnih maraka su dobijali za kapitalne investicije, naravno, dok niste bankrotirali u Kantonu Sarajevo, pa je to vjerovatno sada u '25 daleko manje. E sada, ako mi danas svodimo Skupštinu kolegice na to da pored svega ovoga pričamo da treba nabaviti određena sredstva za rad u konkretno ambulanti Ilijaš, mislim da to na najbolji način oslikava politiku ove Vlade. Znači vi ne da niste u stanju raspravljati o zoonozama, o ovim koju je kolegica na neki način racionalizira, to je izuzetno ozbiljna stvar, već vi dovodite Skupštinu u sljedeću situaciju da nam kažete, ukoliko ste vi obezbijedili uslove za rad u tom Kantonalnom preduzeću ili ustanovi, to je to, pa to stanje je prevaziđeno bilo prije 10 godina. Ja sam vam maloprije kazao i vi to predstavljate nekom vrstom uspjeha.

Elvedin Okerić (predsjedavajući)

Vrijeme kolega Deviću.

Mahir Dević (zastupnik)

Znači to nije uspjeh. To je elementarna obaveza Vlade i skupštinske većine koja usvaja budžet, a neke druge ozbiljnije stvari bi trebala da budu napredak.

Elvedin Okerić (predsjedavajući)

Vrijeme. Zastupnica Smiljana Viteškić replika.

Smiljana Viteškić (zastupnica)

Replika kolegici Miomirki. Zahvaljujem predsjedavajući.

Elvedin Okerić (predsjedavajući)

Ne možete, ne možete kolegici Melank replicirati, ona je replicirala, nije diskutovala.

Smiljana Viteškić (zastupnica)

Mogu kratko diskusiju. Evo, pred nama je Izvještaj veterinarske stanice za 2022. godinu. I ja lično sam više puta postavljala zastupnička pitanja o Veterinarskoj stanici, između ostalog, na šta su utrošena sredstva u Prači koja su se nemilice dodjeljivala? Pitala sam zašto se radom nije odmah počela ambulanta za male životinje, nego je samo svečano otvorena pred izbore? Pitala sam koliko je uposlenika Veterinarske stanice oboljelo od Bruceloze, nakon čega je tamo bila inspekcija Zavoda za javno zdravstvo. Znači više pitanja koja su me interesovala s obzirom da je ova djelatnost vrlo bliska medicinskoj djelatnosti i u jednom trenutku sam možda i pomišljala da predložim ovoj Skupštini, dok smo mi ovdje, da se možda Veterinarska stanica stavi pod nadzor zdravstvenog sistema. Nekako u ministarstvu privrede, ne znam, evo možda o tome da razmislimo malo svi i da s obzirom i na djelatnost i na oboljenja koja ljudi dobivaju od životinja na razne zoonoze i da se ipak i zdravstveni sistem dobro pozabavi ovom Veterinarskom stanicom. U ovom izvještaju mene je onaj malo zaintrigirao Izvještaj nezavisnog revizora sačinjen 13.03.2024. sa Mišljenjem sa rezervom, a na Financijski izvještaj Veterinarske stanice na dan 31. 12. 2022. Malo mi je to bilo onaj nejasno, ali evo, pošto nismo imali mogućnost da postavimo to pitanje, nisam iskoristila naravno. 15. juli kad je ova sjednica bila zakazana i nisam to pitanje postavila. Toliko. Hvala.

Elvedin Okerić (predsjedavajući)

Replika dopredsjedavajuća Jelena Pekić.

Jelena Pekić (dopredsjedavajuća)

Ma evo kratko replika kolegici Viteškić. Ja ne znam kako niste imali mogućnost da postavite pitanja. Dakle, mi imamo radna tijela, odnosno sjednice Komisije prije zasjedanje same Skupštine, gdje se pretresaju sve tačke dnevnog reda i gdje prisustvuju predstavnici, ovaj tako da ovaj ne znam kako niste mogli postaviti pitanje. Jedino što je problematika što ne dolazite opozicija uglavnom, svaka čast izuzecima, uglavnom ne dolazi na sjednice radnih tijela pa vjerovatno onda iz tog razloga ne možete ni postaviti pitanje.

Elvedin Okerić (predsjedavajući)

Zastupnica Vildana Bešlija, replika. Zastupnice Bešlija izvolite, imate riječ.

Vildana Bešlija (zastupnica)

Hvala vam. Pa evo, mislila sam da ćemo nekako ranije završiti, ali nikako da prevedemo kraju ovu diskusiju, pa evo, osjećam potrebu da kažem par nekih konstatacija. Možda niste u posljednje vrijeme kolegice Viteškić bili, odnosno ne znam je li imate potrebu uopće da koristite usluge ove ambulante za male životinje koja je otvorena u Hrasnom, i nije samo otvorena pred izbore, nego ona uredno radi, ja vam to mogu reći iz ličnog iskustva i vjerujem, ljudi koji koriste to znaju, ali u svakom slučaju mislim da trebamo koristiti provjerene informacije i s njima ovdje raspravljati, nego da ovako kažemo jel u javnost nešto, da nešto ode, a da u suštini je netačna informacija. Ja bih također voljela da ta ambulanta radi duže. To je nešto o čemu vjerovatno će se razgovarati u budućnosti i tu se poklapa sa prijašnjim diskusijama u smislu sigurno veće potrebe za ljudstvom, što je sasvim logično i ako želimo da se unaprijedi ovaj sektor, a sigurna sam da ćemo se svi složiti oko toga sa bilo koje strane, da gledamo da trebamo dati podršku ovakvom sistemu i našoj jel kantonalnoj Veterinarskoj stanici

koja i složiti ću se i sa prijašnjim diskusijama, uvijek kažem da javne, naše ustanove moraju biti jake, a naravno, privatni sektor se može na neki način osloniti na to. Ono što je činjenica da je 2021. odnosno čak i ranije, kada je većina preuzela ovdje sadašnja većina odgovornost u skupštini Kantona Sarajevo, činjenica je da je jako bilo loše stanje, o tome smo je slušali. Znači, kada zateknete nešto što je toliko loše, gdje vi ne znate u suštini gdje ćete prvo da krenete sa sanacijom uopće tog preduzeća, usmjeravanja rada preduzeća na pravi način, onda se bavite gorućim temama. I tu je bilo, kao što smo čuli, a čini mi se da se malo o tome spominjalo, ovaj i tužbi i raznih, raznih drugih problema i dobro je i pozdravljam činjenicu da konačno počnemo razmišljati o unapređenju rada ovog preduzeća, jer od mnoštva drugih problema...

Elvedin Okerić (predsjedavajući)

Kolegice Bešlija, repliku ste tražili. Vrijeme je.

Vildana Bešlija (zastupnica)

Da, OK. Znači, samo hoću da kažem da jednostavno, nije se bilo u mogućnosti raspravljati na ovom nivou i drago mi je što smo konačno došli na ovaj nivo, da pričamo o unapređenju ovog svega, znači, otišlo se daleko od 2022. Hvala i izvinite.

Elvedin Okerić (predsjedavajući)

Zastupnica Vedrana Vujović. Poslovnička intervencija zastupnik Mahir Dević.

Mahir Dević (zastupnik)

Prava i dužnosti zastupnika kolegica Pekić je malo prije kazala da zastupnici mogu ostvariti svoje zastupničko pravo na komisijama. Naravno, mi nismo komisije, mi smo skupštinski zastupnici. Ali za vašu radi pravilnog i radi pravilne istinitosti, Komisija za poljoprivredu kolegice Pekić nije ni sazvana koja raspravlja o ovom, a kamoli da je održana. Znači, nije sazvana fino, jer to za vas nije strano, znači nije ni bila. Tako da ne bi sada otišlo u eter da su prava i dužnosti zastupnika realizirana, ni kroz taj vid nisu realizirana, a kamoli kroz pitanje itd.

Elvedin Okerić (predsjedavajući)

Zastupnica Smiljana Viteškić. Izvolite, imate riječ.

Smiljana Viteškić (zastupnica)

Vrlo kratko. Znači, ja sam članica dvije komisije, Komisije za ljudska prava i Komisije za ravnopravnost spolova. Ni na jednoj od ovih komisija nije razmatran ovaj Izvještaj. A to da ne dolazim na komisije, može potvrditi predsjednik, predsjednica bilo koje komisije, čiji sam ja član. I stvarno javno reći da opozicija ne dolazi i da nije bila i da nije slušala i da nije svoje pravo ostvarila, to stvarno nema smisla. Uostalom, onaj kolegice Vildana, ja isto imam životinje, nisu još bile u ambulanti. Pitanje o kojoj vam sam vam rekla postavljeno je davno i evo, ne mogu baš na brzinu da nađem odgovor kada je otvorena ambulanta za male životinje, ona nije odmah proradila, ali je proradila vjerovatno nakon tog interesovanja i pitanja jel zastupnika u Skupštini Kantona. Zahvaljujem.

Elvedin Okerić (predsjedavajući)

Zahvaljujemo se. Zastupnik Muamer Bandić, diskusija.

Muamer Bandić (zastupnik)

Nisam imao namjeru da diskutujem, dakle po ovoj tački. Evo, direktorica mi je objasnila, neke dalo neki informaciju dala, ali zaista moram da skrenem pažnju, okolnost da se radi o Izvještaju iz 2022. on nije relevantan jer ja u tom mandatu nisam bio u Skupštini, tako da sad koristim neku priliku da samo posebno kritikujem, nemam zaista namjeru, a ne želim, nisam položio zakletvu, dobro je kolega Dević rekao. Kolegica prije svega, Jelena je nekorektna bila kada je rekla da mi ne dolazimo na radna tijela. Kolegice Jelena, ja ću vam dati informaciju koliko vaših ministara je došlo na sva radna tijela jer sam dobio to od skupštinske službe. To je bruka i sramota i mi nemamo kome da postavimo pitanja. Možda u nekom narodnom periodu ćete vi nama poslati, ne znam, ne vrijeđajući nikoga, kolokvijalno govoreći, portire iz ovih javnih ustanova, da njima postavljamo pitanja. Pored toga je činjenica da ukoliko se ne sazove komisija, da je pozitivno mišljenje tog radnog tijela mislim to je sramota. I nemojte nam sada govoriti, nemam ovdje ministara, nema ih na radnim tijelima. Kome da postavljamo mi sad pitanje? Ali evo, neću dakle, dalje o tome. Ono što je meni interesantno, kolegica Vildana Bešlija je rekla i mislim da je kolegica Melank o radu javnih institucija, pa između ostalog i ove Veterinarske stanice, pa je to komparirala sa nekim prethodnim periodom nekih prijašnjih vlasti, jel bez obzira ko je obnašao tu vlast u prethodnim mandatima. Evo, ja ću vas napomenuti, dakle, da je, dakle, u ovom mandatu, a to će se vjerojatno, pošto sam dobio informaciju da se vrlo ozbiljno prati ovaj resor, posebno rad Veterinarske stanice, da je, dakle, 2024. godine zatvorena mikrobiološka stanica, laboratorija. Dakle, i to će vjerojatno svoje posljedice u nekom narednom periodu se osjetiti ustvari na terenu. Ovo, kako je rekao kolega Dević, da se pojavljuju vrlo ozbiljne pojave, jel mogu ja da završim, ako imate pravo da im vi ovako govorite, dakle da diskutujemo i to je u redu. Dakle, da vam kažem jednu situaciju, ja sada govorim o činjeničnom stanju. Dakle, do 2024 godine je to postojalo. Dakle, nije tačno. OK. Dakle, postoje, naravno, sada položaj kolegice Melank je takav da ukazuje da je to bilo bespravno, ako je bilo bespravno, trebao je neko za to da odgovara. Je li ta sama stanica je egzistirala dugi niz godina. Druga stvar, postoje vrlo ozbiljne indicije da je ona ustvari namjenski zatvorena kako bi se jedan ovakav oblik pružanja usluga pustio u slobodnu dispoziciju, evo da kažem u privatnom sektoru i ukoliko je to stvar stranaka trojke da takvu vrstu političkog agenda naprave, da gasimo javne institucije, a da puštamo u slobodnu dispoziciju, evo da kažem privatnom sektoru i da zbog toga imamo vrlo ozbiljnu, ugroženu zdravstvenu situaciju kada su u pitanju životinje, onda je to izbor stranaka trojke i te politike trebaju da snose odgovornost. Takvu vrstu odgovornosti, naravno. Dakle, zaista nisam imao namjeru da diskutujem, ali evo, morao sam, ipak da skrenem pažnju da je u mandatu dakle, stranaka trojke. jedan laboratorij koji je pružao uslugu decenijama ugašen, zatvoren, a znate zbog čega je zatvoren? Zato što nisu ispunjeni prethodno uslovi zato što se radi o jednom obliku pravne registracije, a u stvari federalni nivoi su zahtijevali drugi oblik. To u stvari znači da nije bilo dobre volje da se takav oblik pravni oblik preregistruje i da ima takvu istu nadležnost i da nastavi pružati kvalitetnu uslugu na nivou institucije, javne institucije, a ne da to puštamo u slobodnu dispoziciju, dakle, privatnom sektoru. Ukoliko, evo, neka mi neko kaže, kako je moguće da Veterinarski fakultet može obavljati jednu takvu vrstu usluge, a da to ne može obavljati veterinarska stanica koja je to obavljala decenijama. Znate kako je moguće? Zato što nije bilo dobre volje da se promijeni pravni status. Dakle, uzmite najjednostavniju situaciju, bilo kakav pravnik će vam to zamijeniti za 2, 3 mjeseca. Nije toni kakvo mudro slovo, nego, naravno, nije bilo političke volje. Tu političku volju niste znali da pretvorite u pravnu, odnosno, bilo je političke volje, ali da se ugasi ta veterinarska, odnosno laboratorijska stanica.

Elvedin Okerić (predsjedavajući)

Ispravka krivog navoda. Izvolite, imate riječ, uključite zastupnicu Miomirku Melank.

Miomirka Melank (zastupnica)

Zahvaljujem. Dakle, kolega Bandić je sam već kazao uslovno da laboratorija nije bila moguća i ostvariva u ovakvoj vrsti registracije koju ima Veterinarska stanica, dakle Veterinarska stanica nije mogla obavljati djelatnost laboratorije sa ovom vrstom registracije koju ima i zbog toga je izgubila pravo da tu laboratoriju ima. To je, dakle, istina. Eto, toliko hvala.

Elvedin Okerić (predsjedavajući)

Zastupnik Haris Zahiragić, diskusija.

Haris Zahiragić (zastupnik)

Zahvaljujem se. Nisam u temi, ali evo ove diskusija kolega su me na neki način inspirisale da se javim. Pa evo recimo, kolegica Melank kaže da je kolega Bandić priznao da ta laboratorija nije ispunjavala uslove pa je po njenoj logici lakše ugasila laboratorij nego preregistrovati. E, takva je logika generalno trojke u svemu. Ja ne bih ulazio sada u, ako možete, zamoliti direktoricu preduzeća da ne govori.

Elvedin Okerić (predsjedavajući)

Kolega Bandiću i direktorica, molim vas. Izađite u hodnik, ali pustite kolegu Zahiragića

Haris Zahiragić (zastupnik)

Da vam budem iskren, malo mi je šta drago, koliko kad čujem to vaše zvonce, godinama već unazad. Bit će mi žao, jednom kad se rastanemo, da ga više neću čuti. Hvala vam. Pazite. Deplasirano je raspravljati o izvještaju o '22. godini, bilo čega, pa tako i Veterinarske stanice. Kolega Bandić ako možete izaći sa direktoricom napolje, molim vas. Dakle, perverzno je raspravljati o izvještaju starom 3, evo, skoro 4 godine. Ja zaista nemam o njemu šta reći. I osim što smo prekršili zakon i Poslovnik, itd. Što se ponavlja po ko zna koji put, niti bih želio ulaziti zaista u temu veterinarske stance, nisam ekspert za životinje, eto da nisam za nešto ni ekspert. Kolegice Melank, jedino mi je drago, volim životinje, ali nisam ekspert. volim i cuke i mace, ne volim cuke po kući, ali volim ih kao životinje i tako, a imao sam nekad cuku i tako. Ali šta je važnije od toga? S obzirom da ste govorili o komisijama i o radu komisija, ja imam poslao mi je naš ekspert, jedan od rijetkih eksperata u ovim komisijama, kako da kažem, prijepis sudbine te neodržane komisije. Prepis. Kaže poziv za 21. sjednicu Komisije za poljoprivredu, šumarstvo, vodoprivredu, prehrambenu društvo industriju dostavlja sa članovima. Komisije. Poziv je bio naglašen na četvrtak, 10. 7. 2025. godine. I znate kako ide pokušaj sazivanja komisije? Lejla Zečić, vjerojatno službenica koja vodi komisiju: „Dobro večer, da li imamo kvorum za sutrašnji sastanak? Hvala i LP, lijep pozdrav“. Kaže gospođa Sanela Klarić: „Nisam sigurna“. Kaže gospodin Rizo Tabaković, ma ko on bio. „Ja sam tu“. Jelena Pekić kao jedina odgovorna, kaže: „Ja sam pravovremeno najavila odsustvo danas.“, a kaže, zaključuje predsjednica Komisije: „Koliko vidim, troje nas je potvrdilo“, pazite, ovo je 10 juli, „vidimo se u septembru“. Takav je odnos predsjednice Komisije spram tačaka, tako da meni je to legitimno, potpuno legitimno, ali ne treba onda koristiti te komisije kao argument protiv kolega iz Skupštine. Kolege iz Skupštine prevashodno rade u formi npr. Ja lično također ne dolazim često na neke od komisije iz principijelnih razloga, ali svoje zadatke obavljam uredno zastupnika i ovdje i na drugim mjestima. Evo, molim vas, ma neću vas više ni moliti, ne znam šta da kažem, nastavite slati izvještaje za 2022, za '23., nećemo nikad izaći za ove dubioze u koju smo mu upali, ni proceduralne, ni administrativne, a tako ni financijske. Nek nam je Bog dragi na pomoći. Hvala.

Elvedin Okerić (predsjedavajući)

Zahvaljujemo se kolegi Zahiragiću.

Ispravka krivog navoda zastupnik Dević.

Mahir Dević (zastupnik)

I zaboravili ste, kolega Zahiragiću još kazati da ta Komisija nije ni sazvana u septembru, znači nije ni u septembru. E toliko o diskusiji kolega....

Elvedin Okerić (predsjedavajući)

Zaključujem raspravu po ovoj tački dnevnog reda. Prelazimo na sljedeću tačku.

Zastupnica Vildana Bešlija.

Vildana Bešlija (zastupnica)

Hvala, tražim pauzu u ime Kluba Naše stranke.

Elvedin Okerić (predsjedavajući)

Pauza u ime Kluba Naše stranke.

NASTAVAK NAKON PAUZE

Elvedin Okerić (predsjedavajući)

Nastavljamo sa sjednicom Skupštine Kantona Sarajevo.

Tačka dvanaest.

AD-12.

Izveštaja o poslovanju Kantona javnog komunalnog preduzeća RAD d.o.o. Sarajevo za 2023. godinu.

Materijal ste dobili uz poziv za sjednicu. Zamolio bih predstavnika predlagача da podnese uvodne napomene, također, da nam se predstavite zbog stenograma. Izvolite, imate riječ.

Benjamin Bogadnović (predstavnik KJKP RAD d.o.o. Sarajevo)

Poštovani predsjedavajući, dopredsjedavajući, uvaženi skupštinski zastupnici, ja sam Bogdanović Benjamin, rukovodilac Odjeljenja za računovodstvo u KJKP RAD. Iako sam zaposlen tek sredinom 2024. godine, u nastavku ću prezentovati Izveštaj o poslovanju za 2023. godinu. Ja sam tek jutros dobio ovlaštenje za obrazlaganje navedenog izveštaja. Pokušat ću skratiti izlaganje jer i ja kući imam bolesnu bebu od 4 mjeseca. Ono što je najvažnije jeste finansijski rezultat. U 2023. ukupni prihodi su iznosili 45 973 948 KM, dok su ukupni rashodi iznosili 47 595.085 KM, dakle gubitak poslovanja iznosio 1 621.137 KM. Glavni razlozi gubitka su povećanje troškova plata i naknada. Trošak plata i naknada porastao je za 5 157 608 KM u odnosu na '22. godinu. Razlog tome leži u primjeni Kolektivnog ugovora iz 2022. godine. Nedovoljni poslovni prihodi leže u činjenici da cijene komunalnih usluga nisu mijenjane od '95. godine za pravna lica i 1998. godini za fizička lica, usprkos rastu troškova. Želim iskoristiti ovu priliku da napomenem da Kantonalno javno komunalno preduzeće RAD je jedino preduzeće koje posljednjih 30 godina nije dobilo izmjenu cjenovnika, također, nedovoljni poslovni prihod leže u činjenici da imamo niske cijene zakupa garažnih i parking mjesta, imamo gubitak prihoda od 412 000 KM na osnovu neekonomске cijene mjesečnog zakupa garažnih parking mjesta, pri čemu su cijene garažnih i parking mjesta smanjene sa 60 Km na

50 KM i sa 40 KM na 20 KM sa PDV-om od 1. 10. 21. godine, odnose se na otvorene i zatvorene garaže Dobrinja 1, Dobrinja IV, Dobrinja V i Saraj Polje 1, 2, 3, 4 i 5, pri čemu je tada fakturisan prihod bez 5 PDV-a smanjen za 412 000. Bitne aktivnosti postignuća u 2023. godini jesu nabavka nove opreme, kupljeno je 7 vozila za prikupljanje otpada, vrijednost cca 1,45 miliona KM, otvorena su nova reciklažna dvorišta u općinama Ilijaš, Novo Sarajevo, Trnovo, provedene su Eko akcije i projekti, realizovan projekat sa češkom razvojnom agencijom, usvojeni dugoročni strateški dokument „Strateški plan upravljanja otpadom KJKP RAD '23.- 2030. godina u saradnji sa NVO i ekspertnim timom. Ono što je bitno vezano za prihode, oni su veći u odnosu za 4,1 % u odnosu na '22. godinu, odnosno 1 806 386 KM u apsolutnom iznosu. Ti su prihodi uglavnom oni na koje je KJKP RAD mogao utjecati, odnose se najviše odvoz otpada kod individualne komunalne potrošnje. Rast prihoda 3,8 % u odnosu na prethodnu godinu 965 203 KM u apsolutnom iznosu, povećanje prihoda kod zimske službe za 34,9 % ili 522 000 KM, ljetno održavanje saobraćajca za 10 % ili 152 000 KM. Deponovanje otpada prema trećim licima i uništenje robe povećano je za 70 % u odnosu na prethodnu godinu, saobraćaj u mirovanju povećanje od 18,3 % ili 426 683 KM u odnosu na prethodnu godinu. PAUK služba povećavala je prihode za 35,8 % ili 68 130 KM. Glavni razlog negativnog rezultata koji sam maloprije spomenuo, leži u činjenici povećanja troškova plata i ostalih primanja radnika. Oni su ostvareni u iznosu od 32 303 972, što je 67,87 % ukupnih troškova poduzeća i veći su za 18,6 %, odnosno 5 066 266 KM u odnosu na prethodnu godinu, prethodnu '22.godinu, a za 11,05 veći su od plana za 2023. godinu. Razlog povećanja ovih troškova je primjena Kolektivnog ugovora zaključenog između Vlade Kantona Sarajevo i Samostalnog sindikata komunalne privrede, a koji je u primjeni od 1. 1. 2022 godine. Dakle, povećanje troškova se odnosi na promjene kolektivnih ugovora, ne za zapošljavanje novih zaposlenika. Struktura, odnosno broj radnika na 31.12.2023 godine iznosio je 1072 radnika, od čega je na neodređeno vrijeme 905, a na određeno 167 zaposlenika. Također, imamo problem velikog broja invalida rada, 137 zaposlenih, odnosno 12,8 % ukupnog broja zaposlenih. Prosječno je smanjen broj administrativnog kadra, izvršen je veći fokus na operativne radnike. Dakle, uglavnom, to je to.

Elvedin Okerić (predsjedavajući)

Zahvaljujemo se. Može se vratiti na svoje mjesto. Zastupnik, otvaram raspravu, zastupnik Faruk Selmanović se javio za riječ.

Faruk Selmanović (zastupnik)

Zahvaljujem predsjedavajući. Pa evo nažalost, s obzirom da je pauza trajala toliko koliko je trajala, pa da nemamo prijenos na Kantonalnoj televiziji i da nemamo, ja mislim da je ukinuo prijenos i on Line, vjerojatno da građani ne vide ovu bruku i sramotu. Prva bruka i sramota ovdje, da nema premijera i da nema ministra iz ovoga resora. Kantonalno javno komunalno preduzeće RAD jedno od najvažnijih Kantonalnih komunalnih preduzeća za nesmetano funkcionisanje grada Sarajeva. Poštovanje prema nama smo upravo vidjeli za ovom govornicom. Gospodo draga, mi smo izabrani od strane naroda, građana Kantona Sarajevo, onih koji su dužni da nadziru rad ovakvih institucija. Ovakvo nepoštovanje mislim da se ne može naći ni u jednom parlamentu, da imate onoga koji izlaže, da kažete znate, ja sam danas dobio ovlaštenje, boli mene briga šta piše u ovom izvještaju. Ne kažem ja kolega koji je došao ovdje, on vjerojatno nije kriv, to su njegovi nadređeni jer je trenutno kaos u komunalnom preduzeću, od toga da nemate direktora, da imate, da se mijenjaju konkursne procedure, ali vjerojatno o tome ćemo raspravljati '29. po ovim tempom '29. Ova godina o kojoj raspravljamo ovdje je vrlo interesantna. To je godina preklapanja dva direktora, dva uhapšena direktora. Jednog u narodu poznat kao direktor Iphone, a drugog direktorice poznate kao direktorica

Bjelašnice. Kantonalno javno komunalno preduzeće po prvi put u ovom izvještaju bilježi minus od 1 600 000. Ali nemojte da se zavarate nije to taj minus, taj minus je puno veći. Ako pomno pogledate šta je tamo napisano, znam da je to '23., pa to evo sad, a mi ovo raspravljamo u septembru '25., ima tu dvije i nešto godine. Kapital preduzeće je smanjen za skoro 5000, pa samim tim i gubici su puno veći. 5 000 000, pardon, hvala 5 000 000, pa samim tim i gubici puno veći, smanjuje se kapital, samim tim se smanjuje imovina. Ako ovako nastavi, do kraja neću imati ni kamiona, ni imovine, ni radnika, što je možda i cilj da se to sve preda nekom od privatnih preduzeća u Kantonu Sarajevo, što se već radi, imamo slučaj da je potpisan ugovor za kontejnere sa jednom privatnom firmom u Kantona Sarajevu, ali zamislite, ugovor je potpisan prije nego što je direktorica imenovana. Doduše, to nas ništa ne čudi i vaši koalicioni partner su već jučer na nivou Federacije. Pazite ovdje, imamo, evo upravo kolega koji je izlagao ovdje, znate, kaže troškovi su porasli za 5 000 000 od planiranog. Kako je moguće da ste donijeli plan za rad u 2022. godini, znali ste da ste potpisali kolektivni ugovor za povećanje plate i to povećanje niste planirali ovdje? Ali evo, ne čudi nas ništa kad vidite da je tad direktor nije imao validnu diplomu. Sudske sporove, da ne govorim koliko je izgubljeno i šta je sve izgubljeno. Što se tiče zaliha i svega onoga što možete pogledati, što je potrebno za nesmetano funkcionisanje tako jednog velikog preduzeća, to je katastrofalno. Imali smo tu priliku da čitamo po portalima, po novinama gdje su ulazile gume, a prodavala se nafta, nemaju dovoljno rezervnih sredstava, kupljena su neka polovna vozila predstavljena kao nova. Totalni jedan kaos, ali ono što je mene kao inženjera dodatno zabrinulo, da ne kažem frapiralo, jeste izdatak za softver. Za softver. Znači tamo softver koji upravlja kompletnim bilingom, nije nikakav ni problem, ta neka licenca koja se plaća skoro 5000 maraka mjesečno. Jasno, jasno je to sve radi se o softveru, bez softvera, sad se ne može raditi, međutim ono što je mene posebno začudilo, iznenadilo, vjerovali ili ne, vjerovali ili ne, na ovom softveru bi mogao da radi onaj iz Upravnog odbora iz Agencije za privatizaciju Offis 2000. E ovdje imamo softver, vjerovali ili ne, iz 2002. godine, 23 godine star softver. I potpisan je ugovor dodatni ugovor, pa proširen, pa da se i dalje nastavi koristiti taj softver. Da, niko nije se sjetio da vidi što ima novo na tržištu, šta se može promijeniti, šta se može unaprijediti, da li možda nešto može biti jeftinije i zašto se ovo i dan danas koristi? Pominju se baze i da sad ovdje gledaoce ne zamaramo, pominju se baze i softverska rješenja koja se izučavaju u historijskim knjigama, više se ne izučavaju ni kao osnov za programiranje na fakultetima i u srednjim školama. Toliko govori o kompetentnosti direktora koji su upravljali u ovom periodu komunalnim preduzećem RAD. Da ne govorim u istom periodu da se objekat na Bjelašnici, kada komunalno preduzeće ostvaruje gubitke, da se objekat na Bjelašnici izdaje za svega 700 maraka mjesečno od nekoliko stotina kvadrata na premijum lokaciji, na Bjelašnici, bez tendera, bez javnog poziva, 700 maraka se izdaje. Kome i zašto? Komunalno poduzeće, koje je imalo svoju građevinsku komponentu, asfaltnu bazu najbolju u Kantonu Sarajevo, proizvodilo negdje oko 17 tona, sad proizvodi svega 6 tona, asfaltna baza se polako gasi i kao i sve drugo što smo vidjeli, prepušta se privatnicima. Ovdje smo rekli, kaže, imat ćemo u njihovom planu koji je donesen, smanjenje uposlenih u Javnom Kantonalnom komunalnom preduzeću, pa što kroz reorganizaciju, što kroz ukidanje pogona, što se prirodno ljudi koji idu u penziju da ide smanjenje, međutim, gle čuda, na kraju '23 imamo više uposlenih. Ovo sve nešto kod vas i ide kontra, obećamo jedno, a imamo potpuno drugo. Desilo se u ovom periodu, evo u ovom periodu gdje nismo raspravljali o ovim izvještajima, desilo se da grad Sarajevo je bio u jednom trenutku prepravljen pacovima, odvoz smeća je bio upitan, što se nije desilo ni tokom agresije i opsade Sarajeva. Razlog svemu tome je upravo ovo ovdje što imamo, neadekvatno planiranje i nerad onih koji su bili dužni da vode ovom preduzeću. I ovo vam je pravi primjer šta se dešava kada na poziciju dovedete ljude koji nisu sposobni, koji nemaju adekvatna znanja i još gore, kada lažiraju dokumente. Gospodo draga, komunalno preduzeće RAD nije igra, komunalno preduzeće RAD je najvažnije komunalno poduzeće u Kantonu Sarajevo. Ako dopustimo da se ovo preduzeće ugasi, a ovim tempom i

ovim načinom rada nije pitanje hoće li nego je pitanje kad će. Pa sama činjenica da je komunalno preduzeće RAD uzelo neke kontejnere od neke privatne firme gdje se odvozi neki otpad za koji treba da se plaća, kada ih pitate kako se to naplaćuje, da li ima način po kojim se to mjeri, muk. Nemamo nikakav odgovor. Kupuju se kontejneri koji ne odgovaraju za naše kamione, moraju se kupovati posebni kamioni, imate ulice gdje se nikako ne odvozi smeće, pa onda građani pišu, objavljuju snimke, onda se reaguje. Imate ulice u kojem se po dva puta odvodi smeće. Opet vam je to pokazatelj da imate nestručne ljude.

Elvedin Okerić (predsjedavajući)

U ime Kluba govorite?

Faruk Selmanović (zastupnik)

Evo, da. Da imate nestručne ljude, da imate ljude bez diploma i gdje ovdje postavlja se osnovana sumnja da li su tu ljudi dovedeni i postavljeni da pored kupovine Iphona u potpunosti unište jednu ovakvu kompaniju. Zatvaranje, smanjivanjem rada asfaltne baze direktno se narušava dio poslovanja koji je donosio čistu zaradu. Možda upravo zbog tog dijela kompanije građani su mogli da plaćaju jeftiniji odvoz smeća, građani su mogli da imaju beneficije jeftiniju usluga. A šta je sa uplatom javne komunalne potrošnje? Zašto Kanton to nije uplatio? Zašto do danas nisam dobio odgovor na pitanje ko su dužnici za odvoz smeća? Tamo smo najavili da ćemo plijenti imovinu onima koji ne plaćaju kad su u pitanju fizička lica. Šta je sa pravnim licima? Šta je sa onima koji su imaju više milionske dugove? Šta je urađeno po tom pitanju? Ali ti su dugovi nastali u proteklih šest, sedam godina, ogromna dugovanja imate pojedinih pravnih subjekata koji do dan danas nisu pokrenuti sudski sporovi protiv njih, čak štoviše, neki su i nagrađeni da sa komisijama za formiranje novih cijena odvoza otpada. Toliko o brizi za građanima, toliko u brizi za Kantonom Sarajevo. Gospodo draga, još jednom...

Elvedin Okerić (predsjedavajući)

Vrijeme kolega Selmanoviću.

Faruk Selmanović (zastupnik)

...Napominjem, Kantonalno preduzeće RAD je ključ za opstanak i normalan život u Kantonu Sarajevo.

Elvedin Okerić (predsjedavajući)

Zastupnica Vedrana Vujović, diskusija Izvolite, imate riječ.

Vedrana Vujović (zastupnica)

Zahvaljujem predsjedavajuća. Evo, koristim priliku da se zahvalim kolegicama iz Naše stranke koje su pauzu od 15 minuta, klupsku pretvorili u 45, i vi nam svi zajedno, kao trojka i skupštinska većina, omogućili, odnosno onemogućili da, jel imamo, ne samo live televizijski prijenos, nego generalno prijenos ove sjednice. No to svakako, kao što je kolega Selmanović rekao, na neki način neće umanjiti ovu sramotu koja jeste od ovog izvještaja Kantonalnog javnog komunalnog preduzeća RAD za 2023. godinu. Da počnem, najprije od toga da je gubitak od 1.600. 000 maraka prezentovan u ovom izvještaju. Također, ovaj izvještaj je stigao vrlo kasno na Vladu, odnosno Vlada ga je prihvatila, samo ne znam kako, nema premijera, nema ni resornog ministra ga da ga pitamo, 26. 12. 2024. godine. Samo dan poslije, Kantonalni sud u Sarajevu je nedavno potvrdio optužnicu, ovo su medijski natpisi, protiv NiP-ovog direktora RADA, Nijaza Salamovića i zabranio mu obavljanje funkcije. Nadzorni odbor

preduzeća je sada proveo naredbu suda, imenovao je novo rukovodioce na sjednici određenoj 27. decembra 2024. godine. Pošto mi nemamo priliku da postavljamo pitanje, niti danas imamo bilo koga iz rukovodstva RADA, ja zaista želim da ovu diskusiju usmjerim ka tome da je sramotan odnos Vlade Kantona Sarajevo i na kraju krajeva, skupštinske većine prema, ne samo ovom komunalnom poduzeću, nego generalno resoru komunalne privrede. Kolega Selmanović je dosta govorio o svim propustima u radu koji su višedecenijski, ali ovo za što je direktor, koji je između ostalog i bio u ovom mandatu 2023. godine i zašto je optužen, a to je lažiranja i falsifikacija dokumenata i radnog staža i generalno tih isprava, pokazuje samo koliko ste vi odgovorni, posvećeni, koliko ste vi ti bolji, progresivniji, ovaj od nečega što je bilo prije na vlasti. Između ostalog, ja zaista moram da istaknem da je za 2023. godinu, osim ovog izvještaja, koji je poprilično onako nakaradan, ovaj da kažem da smo u tom periodu imali dva direktora, dakle gospođu Arnautović i gospodina Salamovića, koji su btw hapšeni oboje 2024. godine, ali ono što je vrlo interesantno, a to je rekao tadašnji resorni ministar, da, citiram: „U KJKP RAD je pravni vakuum, nit je imenovan novi v.d. direktora, niti je Arnautović penzionisana“. Dakle, vi ste svojim radom i čak i 2023. godine dozvolili da se određeni marifetluci dešavaju i danas smo u situaciji da evo niti možemo postavljati pitanja, nit možemo imati možda objektivnu situaciju kakva je sada u RADU, a možda najvažnije od svega toga jeste da je komunalna higijena katastrofa. Pa ću vas podsjetiti da je direktor Salamović v.d., koji je bio krajem 2023. godine, rekao da Sarajevo nije prljav grad i sve uporedio sa Švedskom i Zagrebom. Dakle, za vašeg direktora, koji je očigledno, s obzirom da je imao naredbu suda da se prekine, baviti tom funkcijom i da bude rukovodilac RADA, on je čak 2023. godine, mislio da je sve u redu. Znači, mene samo zanima kada dođe izvještaj za '24. i '25. godinu, kako će se pokazati izvještaj ako je ova za '23. dobar i za Vladu i za vas ovdje sve, s obzirom na prošlogodišnju, odnosno ovogodišnju pojavu i Leptospiroze i svih drugih možda određenih zaraznih bolesti koje se možda su se mogle desiti, možda i nisu, jer zaista Sarajevo i Kanton Sarajevo, evo, protekli period nije bilo nikad gore. Napominjem još jednom, ovo je sramota ne samo za glavni grad države, nego i za vas koji ste obećali da ćete umiti grad, koji ste obećali da ćete biti bolji i progresivniji i vi ste u suštini samo dokaz da nijedna promjena ne mora nužno biti dobra. Toliko, hvala lijepo.

Elvedin Okerić (predsjedavajući)

Muamer Bandić, zastupnik, javio se za diskusiju.

Muamer Bandić (zastupnik)

Prije toga tražim pauzu u ime Kluba Stranke za Bosnu i Hercegovinu.

Elvedin Okerić (predsjedavajući)

Pauza u ime Kluba Stranke za Bosnu i Hercegovinu.

NASTAVAK NAKON PAUZE

Elvedin Okerić (predsjedavajući)

Nastavljamo sa sjednicom Skupštine Kantona Sarajevo. Zastupnica Marijela Hašimbegović, ali nije tu trenutno. Dobro. Zastupnik Samir Avdić.

Samir Avdić (zastupnik)

Zahvaljujem predsjedavajući. Nećemo čekati Marijelu, jel? Nećemo čekati? OK.

Zahvaljujem. Evo, usvajamo Izvještaj RADA za 2023. godinu i ja bih krenuo sa nekim zamjerkama tehničke prirode s obzirom da evo i više puta do sada, i kolegice i kolege su

naglašavale, odnosno prepoznavali su taj problem, da materijal koji dobijemo, a svi znamo da evo posebno danas imamo neke materijale i do 10 000 stanica itd., to je vrlo teško pratiti ukoliko taj materijal nije pripremljen na odgovarajući način i u tom smislu ću zamoliti još jednom sve uprave i direktore javnih preduzeća i ustanova kada pripremaju materijale poput ovog, znači poput ovog izvještaja, da probaju da ne skeniraju na način kako su skenirali, evo u ovom slučaju imamo npr. izvještaje o promjenama na kapitalu ili izvještaje o tokovima gotovine gdje su skenirani dokumenti, jako teško su čitljivi, bez mogućnosti pretraživanja i uspravno su postavljeni, tako da ne znam jedino laptop da okrećemo itd. Zaista je teško pratiti i vaditi te vrlo značajne podatke i pretpostavljam da kolege i kolegice se slažu sa mnom kada to naglašavam, dok onda neki drugi dio tipa bilješka uz financijske izvještaje ili godišnji izvještaj o poslovanju postave vodoravno i nemoguće je, ne postoji to tehničko dostignuće da mi popravimo takav materijal koji dobijemo i da ga sebi napravimo lakše čitljivim. I u tom smislu evo i za ovaj Izvještaj jedna zamjerka i molba da u buduću, na kvalitetniji način pripremaju te materijale. S obzirom da i inače nemam naviku da komentarišem uprave, direktore itd posebno ne u ovom slučaju, s obzirom da niti direktorica koja je upravljala ovim javnim preduzećem nekih 9 ili 10 mjeseci izvještajnog perioda i direktor koji je upravljao 2 mjeseca, niti jedno niti drugo u ovom trenutku ne upravljaju tim poduzećem i s obzirom na to, bilo bi nesuvislo da uopće komentariše njihov rad ili nešto što je veoma važno u svakom izvještaju, a to je mišljenje nezavisne revizije, mišljenje je u ovom slučaju sa rezervom zbog, kako naglašavaju, popisa zaliha, zatim zbog redovnih potraživanja od kupaca, konkretno od pravnih lica u iznosu od 1,1 miliona konvertibilnih maraka, te plus 5 bilješki u kojima se skreće pažnja na određene nedostatke u izvještaju. Ja molim aktuelnu upravu da, s obzirom na ove bilješke i mišljenje i sugestije nezavisnog revizora, ubuduće takve stvari poprave da nam se ne dešava da dobivamo mišljenje s rezervom od strane nezavisne revizije. Kao što sam rekao, ni u ovom preduzeću, kao ni u jednoj drugoj ustanovi, preduzeću nisu ni u fokusu uprave i direktori, koliko to jesu radnici. U firmi RAD u izvještajnom periodu, bilo je zaposleno 1075 radnika i tih 1075 radnika su na moje zadovoljstvo, i to iz izvještaja saznajemo, i Klub SDP-a je, evo, već prepoznatljiv po jednom kvalitetnom partnerskom odnosu sa sindikatima, na osnovu primjene kolektivnih Kolektivnog ugovora zaključenog između Vlade Kantona Sarajevo i Samostalnog sindikata komunalne privrede, povećana su sredstva, odnosno sredstva financijska, koja su potrošena za stavku ostale naknade radnicima u iznosu od nekih 650 000 konvertibilnih maraka. Mogao bih ovdje populistički i da vraćam nas sve u prošlost i da pitam odakle je u ovoj firmi, kao i u mnogim drugim među ovih 1075 toliki desetine ljudi sa istim prezimenom, da li je to bio nepotizam u neko doba? Da li ga postoji sada? Ali evo, i od toga ću ovaj put odustati i vratit ću se na ove naknade. Te naknade od 650.000 KM koje su uvećane za taj iznos su otpremnine prilikom odlaska u penziju, pomoć za plaćanje troškova sahrane, odnosno dženaza ili za liječenje zaposlenih radnika, jubilarne i druge nagrade. Ja, naravno, kao i svi vi, ne možemo da se radujemo što su povećana sredstva koja su bila potrebna za liječenje zaposlenih radnika, ali ne kao ako upada u oči da 2022 godine prije potpisivanja tog Kolektivnog ugovora je potrošeno 0 konvertibilnih maraka da bi se pomoglo radnicima, jednostavno je nemoguće da među više od 1000 radnika nije bilo onih koji su bili u potrebi za tom vrstom financijske pomoći od strane preduzeća, dok u 2023. godini je takvih radnika bilo 83 i utrošeno je cirka 300 000 konvertibilnih maraka u tu svrhu. Kada je u pitanju prihodovna strana, moram pohvaliti ipak visok stepen naplate u odnosu na nešto što često znamo čuti, evo i od aktuelnog ministra, a u vezi je sa potraživanjima prema kupcima i korisnicima usluga. Naime, 88 procenata naplate je za pravna lica i 87 za fizička lica u ovom izvještajnom periodu. I to je za pohvalu, zaista jedan visok procenat, dok su obaveze prema dobavljačima na dan 31.12.2023 godine, cirka 1 400 000. Međutim, ono što je zabrinjavajuće, a to je zabrinjavajuće već preko 20 godina, to su ova potraživanja u iznosu od cirka 62 000 000 konvertibilnih maraka i tu bi zaista trebalo tužilaštvo i sudovi ili da formiraju poseban odjel, neku vrstu Trgovačkog

suda ili suda koji će rješavati takve sporove, da se konačno riješe sporovi od stariji čak i od 20 godina, a čine ukupna ova dugovanja cirka 62 000 000 konvertibilnih maraka. Spomenuo sam radnike, u tom kontekstu posebno bih istakao komunalne redare, njih je 32 u ovom izvještajnom periodu i radi javnosti ću reći da se oni otprilike bave zaštitom od nepropisnog odlaganja otpada, odlaganju građevinskog otpada, materijala, stvaranje divljih deponija, prljanja javnih površina blatom, nepropisno odlaganje kabastog otpada, čišćenje snijega sa javno prometnih površina ispred stambenih poslovnih zgrada, zaštita čistoće u zajedničkim dijelovima stambenih zgrada, ljepljenje plakata, kontrola posjedovanja posuda za otpad i itd. I zaista ti ljudi, jer poznajem neke od njih, imamo u izvještaju da su u ovom izvještajnom periodu izvršili blizu 16 000 pregleda, od čega su sačinili blizu 3000 zapisnika i 2000 blizu 2000 podnesenih prijava. Međutim, dolazimo do problema kada oni urade ove zapisnike i prijave prosljede Kantonalnoj upravi za inspekcijske poslove, tu se otprilike cijeli proces zaustavlja. Odnosno zbog činjenice da kažem žalosne, tragične činjenice da u toj Upravi postoje samo, odnosno radi djeluju samo 2 komunalna inspektora, jednostavno, na nedovoljno brz način se obrađuju ovi zapisnici prijave, tako da njihov posao na određen način bude uzaludan i sve ono što oni na terenu urade u stvari na kraju ne polučuje epilogom kojim bi mi svi bili zadovoljni, a to su kazne prema onima koji su ugrozili našu okolinu itd. Znamo da su i kroz akcije pripravnosti i upozorenje u ovoj godini dosta radili, međutim, očito je da je vrlo mali broj na kraju tih predmeta koji su čiji je epilog bio, kazna pravim ili fizičkim licima koji su na taj način ugrozili okolinu. I s obzirom na to stvara se veliki broj nelegalnih deponija, one su, kada je u pitanju Bosna i Hercegovina, posljednji put mapirane 2019. godine od strane Centra civilnih inicijativa, uz podršku Federalnog fonda za zaštitu okoliša i iz Republike Srpske nemamo podatke, međutim iz Federacije Bosne i Hercegovine su dobijeni podaci iz 56 lokalnih samouprava, sve naše jedinice lokalne samouprave u Kantonu Sarajevo su učestvovala i imamo podatak da postoji 1426 nelegalnih deponija, od kojih se mnoge nalaze u blizini ili čak u vodozaštitnim zonama, blizu riječnih tokova itd, što je u stvari još jedan razlog da našem plediranju, apel našeg Kluba zastupnika SDP-a, koji, ponavljamo više puta, da što prije usvojimo Zakon o formiranju komunalne policije koji će onda uz pomoć kojih ćemo uspjeti, da ovu blokadu koja se nalazi između komunalnih redara i Kantonalne uprave za inspekcijske poslove, na ovaj način izbjegnemo i da konačno i putem sankcija i kazni pokušamo riješiti ovaj problem. Samo ću još reći da su kazne u Federacije od 100 maraka do 2000 maraka, dok svoje RS-u od 500 do 5000 maraka. I to govori o odnosu politika prema zaštiti okoliša. Zahvaljujem se.

Elvedin Okerić (predsjedavajući)

Zahvaljujemo se zastupniku Avdiću. Za riječ se javio zastupnik Haris Zahiragić.

Haris Zahiragić (zastupnik)

Zahvaljujem predsjedavajući Okeriću. Izražavam svoje nezadovoljstvo zbog činjenice da je ponovno u 2025 godini raspravljamo o izvještaju za 2023. godinu jednog od najvažnijih komunalnih javnih poduzeća u Kantonu Sarajevo, tj. o onom preduzeću koje je zaduženo za čistoću grada Sarajeva. Poznato vam je, i to je već možda aksiom, da je najveći problem trenutno u Kantonu Sarajevu u kontekstu infrastrukture, komunalne i svega toga, zapravo čistoća Sarajeva i stoga je proizašlo mnogih problema, poput zaraza koje nisu bile tu najmanje posljednjih dvadesetak godina od rata, barem nisu bile u Sarajevu, vratile su se mnoge zaraze i bolesti teške, koje su rezultat nečistoće. Da ne bismo mi se raspravljali da li je Kanton Sarajevo čist ili nije tome najbolje svjedoči u stvari reakcije građana, čak i vaši članovi stranaka kojima vi rukovodite i vaši aktivisti, vaši predstavnici, neki od kolega zastupnika su više puta javno izražavali nezadovoljstvo tim segmentom rada Vlade Kantona Sarajevo. Dakle, možemo

se otprilike svi složiti da je Kanton Sarajevo poprilično specifično, grad Sarajevo poprilično prljav i da glavnu odgovornost za to nosi, naravno, komunalno preduzeće RAD. Pa se možete sjetiti kako Edin Forto, tadašnji premijer Kantona Sarajevo, optuživao nas da bacamo smeće po Kantonu Sarajevo, pa sam ja znao, tada je radio još MC Donald's, danas je to Baš Burger, kada dođemo u onaj drive in kažem dajte mi to i to, dajte mi to, iako možete reкао malo smeća da mi date što vam je ostalo, kaže mi ona uposlenica što? Pa reko radimo večeras akciju prljanja Kantona Sarajevo, kako je premijer Forto reкао, mnogo puta su se te radnice, popravio sam im raspoloženje karikirajući tu izjavu Forte. Kasnije je došao Nihad Uk koji je reкао da će umit Kanton Sarajevo, da je to jedan od prvih i prioritetnih zadataka njegove Vlade, međutim taj Kanton Sarajevo nije umiven. U 2023. godini koja je izvještajna na čelu, uglavnom je bila Vera Arnautović, dugogodišnji jel direktor komunalnog poduzeća RAD, koja je od sumnjivih nabavki rezervnih dijelova u godinama ranije, pa i ovih softveskih rješenja starih 25 godina, pazite softveskih rješenja starih 25 godina. Tada je bio možda Peintium 2 ili 3 kada su ta rješenja napravljena i samo možete li zamisliti koji je to odnos. (Nerazumljivo) se tada igrao 1,6, nije još ni izašao 1,3 se igrao (nerazumljivo). I u odnosu na današnje vrijeme, današnje softvere i današnju tehnologiju, zamislite da kupite softver star 25 godina. To je radila ta direktorica Vera Arnautović, koja je ostala u mandatu i nakon što je stekla uslove za penziju, bila je važna u Našoj stranci, držalo ju se na svaki način da ostane direktorica, a RAD je tonuo i propadao i propadao i došao je u tu fazu da usvoji sistematizaciju novu radnih mjesta u '23. godini kako bi uštedili na zaposlenim, kako bi nekim prirodnim odljevom, tako su barem obrazlagali tu sistematizaciju, se desilo smanjenje broja radnika, smanjenje broja troškova. I zaista jesu ljudi odlascima u penziju otvorili neka radna mjesta, međutim vi ste uhljebili nove kadrove, tako da je RAD na kraju '23. godine imao više nego zaposlenih i više ukupno zaposlenih, tačan broj, čini mi se, 1072 radnika nego što je imao kada ste krenuli da spašavate RAD smanjenjem broja zaposlenih. Niste mogli odoljeti toj, ni u RADU, toj potrebi da uhljebujete preko potrebe stranačke aktiviste i stranačke članove, što je možda u RADU vidljivije nego možda je samo u Vodovodu još vidljivije nego što je to situacija u RADU. Naravno, niste primali stranačke higijeničare, nego ste primili menadžere, pravnike, ekonomiste i razne i druge struke sa kupljenim diplomama, uglavnom, koji su na taj način nagrađivani za svoj doprinos vašim kampanjama. Vera Arnautović je konačno otišla i kada smo pomislili da ćete zaista uvidjeti svoje greške u RADU, da ćete popraviti stanje, vi ste doveli Nijaza Salamovića. U tom čovjeku, u njegovom javnom nastupu, o njegovom liku i djelu bez ikakve riječi možemo najviše vidjeti sve ono što je NiP jeste. Nijaz Salamović je NiP. Prva odluka tog direktora koji će se kasnije utvrditi, o tome ću posebno, da je kupio i diplomu i falsifikovao staž, zbog toga je uhapšen, prva odluka, zamislite vi njega, direktor u '23. godini je bila da donese izmjenu plana javnih nabavki. Dakle u oktobru '23. godine Nijaz Salamović mijenja plan javnih nabavki i stavlja kupovinu mobitela, a onda falsificirajući akta, pokreće u julu retroaktivno, dakle u julu pokreće postupak nabavke, smanjuje ga na tačno 5.999 maraka i 57 treninga kako ne bi podlijegao javnim nabavkama, nekom svom drugu, što vrti mobitele, kaže, pošalji mi, je, to je, oni prodaju mobitele ove iz Mađarske, to je ta sekta. Oni uglavnom prodaju maske za mobitele, mobitele te. Dakle, Nijaz je htio samo druga da pripazi i kupi sebi, pazite Iphon koji je samo da ne pogriješim šifru, Iphon pro Max Giga mega najbolji Iphone u tom periodu 4.500 maraka, a svom ovome pomoćniku kupi najnoviji Samsung Max Pro, također, 256, ono sve najbolji mobilni na tržištu. Ja ga tada sretnem ovdje kažem jel moguće da ti je prva odluka da kupiš najskuplji mobilni koji postoji na tržištu? Nema skuplji, dakle, generalno na svijetu možda neki limited edition imaju, al u komercijalnoj upotrebi ne postoji skuplji mobilni, kaže on. „Ja sam, bolan, direktor“. Pa čega si direktor, nisi direktor NASE, direktor si, uz dužno poštovanje, komunalnog preduzeća koji se bavi čistoćom, kupi metle bolan. Nemoj kupovati mobilni od 5000 maraka. I time je on meni potvrdio, naravno, svoju parolu koju je više puta na Facebooku isticao ko ne zna sebi ne zna ni drugim. Taj Salamović je

dokrajčio komunalno preduzeće RAD, dokrajčio ga i na kraju je završio tako što je ono što smo mi upozoravali ovdje vas u Skupštini, vi nam uzimali riječ i govorili da vas možemo usporiti, ali ne možemo zaustaviti, da govorimo neistine, na kraju je uhapšen Salamović zato što je potvrđeno ono što smo mi govorili, da je kupio diplomu i da je falsifikovao staž. Čovjek je u životu se bavio osiguranjem auta, bio agenat osiguravajućih društava, što je čestit i pošten posao, ali nije posao koji te kvalificira da budeš direktor preduzeća koji ima preko 1000 uposlenih i koji bi trebalo da ima preko 500 pojedinačnih vozila, različite namjene i mehanizacije. I takvom čovjeku ste prepustili čistoću grada Kantona Sarajevo u ruke. S obzirom na to, Leperospiroza je malo. Čudi me da kugu fasovali ovdje nismo pojavom Salamovića. To je jedan primjer koji će ostati trajno upamćen kao školski primjer devastacije i deintelektualizaciju i uništavanja sistema od strane NIP-a. I to je sve što imam reći o ovome zakašnjelom, užasnom, katastrofalnom izvještaju, a kad dođemo u priliku da obnašamo vlast, a to će biti vrlo brzo, otvorit ćemo sve papire, sve nabavke i Salamović i Vera neće samo odgovarati za ovu zloupotrebu položaja, nego za kriminal težak na desetina miliona maraka. Hvala.

Elvedin Okerić (predsjedavajući)

Zastupnica Marijela Hašimbegović, se javila za riječ, hvala.

Marijela Hašimbegović (zastupnica)

Hvala predsjedavajući. Svi zajedno svjedočimo u kontinuitetu komunalnoj katastrofi i čudi me da do sada Skupština nije odgovorila na način na koji je trebala da odgovori, posebno kada smo imali okolnosti koje su bile izazvane epidemijom Leptospiroze. Mislim da smo odavno već bili zreli za jednu dobru tematsku sjednicu, ne samo ovog preduzeća, nego svih komunalnih preduzeća kako bi donijeli adekvatne zaključke, kako bi kroz razgovor i razmjenu informacija došli do činjenice koju u stvari dovode ova preduzeća u prepreke da realizuju kvalitetnu uslugu prema građanima i našem gradu, a mi to svakako zaslužujemo. S tim u vezi želim da osvijestim Skupštinu po pitanju zakonodavnih aktivnosti koje su očigledno uspavane, mi smo u zadnjoj godini našeg mandata, podsjećam vas na 3 zakona koja evidentno utiču na rad ponovo, ne samo ovog komunalnog preduzeća, već i drugih preduzeća, radi se o Zakonu o lokalnoj samoupravi, radi se o Zakonu o komunalnoj policiji, a sigurno da se i Zakon o komunalnoj djelatnosti može dobro pretresti i napraviti adekvatne izmjene i dopune koje bi zasigurno pomogle ovim preduzećima da realizuju kvalitetniju uslugu. Zašto ovo govorim? Ovo govorim iz razloga što ne samo da je menadžment taj, direktori koji su sporadično naprosto nisu se stavili u funkciju adekvatnog menadžera koji će na adekvatan način koristiti resurse koje ima zajedno sa budžetom i isporučiti uslugu koje je trebao. Reći ću vam da, recimo, na opštini Novo Sarajevo trenutno radi samo 5 ili 6 zaposlenika na čišćenju javnih prostorija, mislim javnih prostora. Mislim da je to velika sramota i za ovu Skupštinu i za ovo preduzeće, jer ako smo imali okolnosti u kojima je direktor imao potrebu da za svoje poslovne potrebe kupi jednu takvu, jedan tako skupi telefon, nešto što je vjerovatno u datom trenutku i nije bila potreba, a sa druge strane imamo takvu kadrovsku problematiku smatram zaista potpuno neprihvatljivim. Neću dalje dužiti, ja još jednom pozivam Skupštinu da se stavi, dakle, u stanje svoje adekvatne odgovornosti i da moramo se na neki način osvijestiti, odgovoriti na potrebe ovih komunalnih preduzeća, a isto tako i na potrebe naših građana, jer oni to od nas očekuju. Hvala lijepo.

Elvedin Okerić (predsjedavajući)

Uključite zastupnika Vretu.

Elvis Vreto (zastupnik)

Hvala predsjedavajući. Pa evo, što se tiče Izvještaja za 2023. godinu, činjenica je da je on iskazan, odnosno da je preduzeće, odnosno Vlada je tako prezentovala i poslala ga prema nama da je iskazan u gubitku, uz ovo obrazloženje koje smo dobili o razlozima za isti gubitak koji se desio. Činjenica govori da bez obzira na potrebu da u 2023. godini da od otprilike oko 5 000 000 je nedostatak bio sredstava po pitanju kolektivnog ugovora koji je bio neophodan da se obezbijedi da su u preduzeću ipak uspjeli u nekom iznosu od preko 3,5 miliona obezbijediti sredstava iz vlastite, iz vlastitih prihoda da nadoknade ta sredstva. Međutim, jel 1 600 000 otprilike je ukupni gubitak koji je preduzeće iskazalo na kraju tekuće godine. Svakako nijedan gubitak nije dobar, međutim okolnosti kako je nastao i zbog čega je nastao svakako da daju olakšavajuću, olakšavajuću notu. Ono što je važno da je Vlada Kantona Sarajevo, iako je to godina 2023. znači je budžetska godina kada je ponder po prvi put zadirao u budžet i kada su umanjeni prihodi, ipak uspjela da obezbijedi, budžetira i preduzeće u 2023. godini realizuje nabavku određene opreme koje je zaista bila neophodna za tu kompaniju. Naravno da li je moglo bolje i više, sigurno da jeste. Ono što je važno naglasiti da ipak trebamo mi svi jel tako se pogledati i podijeliti tu vrstu neke odgovornosti u smislu da, pa i Vlada šestorke i Vlada trojke možda nismo postavili komunalnu privredu kao jedan od prioriteta u odnosu na određene druge segmente koji se rade. Da li to nas u ovom periodu je u nekom segmentu usporilo i stvorilo određene probleme? Sigurno da jeste. Ja s druge strane, i ne mogu apsolutno Vladi zamjeriti. Potpisivanje kolektivnog ugovora sa komunalnom privredom, povećanje plata, a prije svega koja se odnosi na 80 %. Gruo. Ljudi koji su direktno oni koji sakupljaju taj otpad, komunalni radnici i sve ono što oni rade i uposlenici dole i s te strane zaista razumijem, obzirom na kretanja na inflaciju, na sve ono što je da je bilo neophodno ući u povećanje primanja. I ona ni dan danas za tu kategoriju ljudi sigurno nisu dovoljna i dostatna na obim posla koji rade, ali očekujem, očekujem zaista da se u ovom segmentu, bar po pitanju nabavke opreme, još efikasnije i energičnije. Pokušaju stvari postaviti u narednom periodu, obzirom da je '23., ona je već iza nas neke 2 godine i siguran sam da u tom segmentu, ukoliko se napravi progres, uz kvalitetan prijem uposlenih koji su neophodni za tu vrstu opisa posla, da će se stanje svakako popraviti. Ja svjedočim, zaista nemam namjeru, malo izlazim iz okvira 2023. godine, ali evo, svjedoci smo, ne želim da opravdam bilo koga, možda je to krivica i u jednom segmentu i samog javnog preduzeća, gdje su oni godinama unazad nekako pozivali građane da odlažu kabasti otpad. I jednu sam inicijativu pokrenuo da svaka opština ima reciklažno dvorište gdje građani mogu imati dostupno uvijek mjesto gdje će svoj kabasti otpad odložiti. Naime, šta se dešavalo? 2 godine ili 3 unazad, komunalno poduzeće pozove građane da svoj kabasti otpad u nekim akcijama koje organizuju odlože pored kontejnera, slobodno. I nekako imam osjećaj da se stvorila navika ove 2 godine da, sad i kad nije akcija da ljudi, jednostavno su iz navike, bez obzira što je to neodgovorno, počeli. Taj otpad jednostavno lagerovan pored kontejnera. Ja meni ova 25. godina možda sam više obraćao pažnju, ali ja nikad nisam vidio više tog kabastog otpada. I naravno da to pitanje se mora rješavati. Jedna od inicijativa koje sam uputio je upravo ta da svaka lokalna zajednica ima minimalno jednu lokaciju za besplatno odlaganje kabastog otpada, gdje će se na jedan način doprinijeti da njega bude u ovim stvarima što manje na nepropisnim mjestima. Eto, toliko dopredsjedavajuća. Hvala na pažnji.

Jelena Pekić (dopredsjedavajuća)

Nastavljamo dalje. Zastupnik Šaljić. Izvolite imate riječ.

Jasmin Šaljić (zastupnik)

Hvala. Ja ću govoriti o ovom preduzeću mimo ovog izvještaja, onako kako otprilike vide građani, kako sam ja ovo vidio. Razgovarao sam sa radnicima koji rade na odvozu otpada i

pitao i o čemu je problem jer ljudi, kada njih vide da kupe otpad i kontajnere, napadnu ih misleći da oni ne dolaze i da su oni neredovni. Međutim, ljudi meni kažu da su oni pod velikim pritiskom, da nema dovoljno ljudi da rade maksimalno ono što mogu da rade. I evo i ovom prilikom, da bi tu sam sačekao sa nekom patrola raznih ekipa da vidimo o čemu se tačno radi. Isto smo ljudi rekli, pa ovom prilikom da kažem građanima, kada vidite ljude, da dođu, da pokupe otpad, da frustracije ne istresaju prema njima, nego na upravu preduzeća, na menadžment, na ljude koji vode taj sektor, jer je isti problem kao u Vodovodu, mnogo administracije, a malo ljudi na terenu koji se bukvalno trgaju i sva onda frustracija, nervoza zbog nagomilan otpada iskalimo nevinim ljudima koji su došli po nalogu, po pozivu, kada imaju da to odnesu. A šta se dešava? Istoku ko i u Vodovodu, znači na ovoliki grad Vodovod ima, ne znam 7, 8 ekipa umjesto 50. E tako vam je isto i u poduzeću RAD. Što se tiče kabastog otpada, ja sam i u Savjetu mjesne zajednice, pa često imamo, dobijemo poziv kada je taj termin da građani iznesu kabasti otpad i da će biti odvežen. I u posljednje vrijeme, recimo često prođe vidim kontejner prazan pored kontira otpada. Jel moguće da ne morate napraviti evo, obraćam se preduzeću, više tih akcija za kabasti otpad? Izgleda neuredno, nagomilano, vidi da je neko odnio isprazni se kontejner i kamera stoji kabastog otpada. Zašto se mora čekati kvartalno, Ne znam ja godišnje četiri puta. Zar to ne može u nekih 2 sedmice ili nemaju resursa ili nemaju, eto, ali neophodan je, znači neophodne su ekipe iza kabasti otpad. Građani generalno nemaju neku zamjerku na ljude koji dolaze. Najviše problema prave ove kada se preskoči tura i nema nikakvog objašnjenja. Ja bih zamolio upravu da obavijesti tu ulicu taj dan. Zamislite kada, recimo, u jednoj ulici je dva puta sedmično srijeda ili subota, ako preskočite onaj kamiončić dođe pa na ove vrućine, pa to je jedna katastrofa. Ili da kažu ne možemo iz kojih razloga? Neka kažu razlog, pa da taj građani se jednom pretrpe, ali ne možemo se stalno pretrpiti. Drugo, vidio sam kada je bio SFF Sarajevo film festival, da ste se potrudili, pa da centralni dio grada da se čistilo koliko se moglo, veliku smo imali posjetu turista iz regiona i naši ljudi, velike s količine otpada. Mislim, treba biti objektivan i realan, i reći šta su mogli da uradi u centru grada, uradili su, iskihala su padinska naselja, ali svima nam je festival, znači, mi smo u ulozi domaćina, pa to možemo i da shvatimo tih 10, 15 dana koliko je to trajalo, da se pretrpe padinska područja, ali ne mogu se pretrpiti vječito. Problem jeste u padinskim područjima ili imaju ulice gdje ne može da uđe kamion, imaju, traže kante, ako stavite kante u jednu ulicu, u drugoj su problemi, zašto oni imaju zašto mi nemamo? Mi smo ovdje pokrenuli inicijativu prije prije dvije godine da kupimo kante i za 1.500.000 maraka mogli smo pokriti komplet Kanton Sarajevo. Kante odgovarajuće sa poklopcima i s onim bojama, ali, eto, nije se našlo vremena ni. Što se tiče ove direktorice Vere Arnautović, jel se tako preziva, ja sam ovdje prije dvije godine govorio kako možete gledati vi ovo da tri puta se produžava v.d. mandat. Znači, evo, lijepo sam, ko sad se sjećam, ovako sam vas pitao, domalo ste je razriješili i ne znam da taj nadzorni odbor komplet je završio, ne znam na ispitivanju i šta se tu desilo, ukazivali su zastupnici na nekakve potvrde da su. Novi direktor ovaj koji je došao, pratio sam ga, evo sada upravo govorim s kolegom Muamerom, on pokušava nešto da uradi, ja tačno vidim da on pokušava, ali nema ambijent, on ne može ništa uraditi ukoliko ne smanji administraciju i iznađe način kako da ekipe na terenu pojača, da pojača broj ekipa na odvozu otpada. Nema tu nikakvo mudro slovo, znači nikakvo mudro slovo nije u pitanju, samo trebaju ekipe, a kako do ekipa? Kome god ko je već zaposlen, kažete on može da odbije. Znači, moramo iznaći način, isti je problem ko i u Vodovod, znači, trebaju nam svježi ljudi da pojačaju barem 30% posto da bi on mogao, pratio sam njegov rad, njegov elaborat. Ja se nadam da će nešto uspjeti od ovoga, ali daj Bože, jer ambijent mu nije na ruku. Vidim, evo u izvještaju, da je prihod 45 000 000, rashod 47, da je gubitak 1.500.000, da je najavljeno, evo ovaj ministar, najnoviji Pandurević, evo tačka dnevnog reda je iz njegovog resora, nema ga danas ovdje, bio je kada je trebao da nam zaprijeti građanima kako je isposlovao na sudu za prinudnu naplatu, danas ga nema ovdje, reći će on ovo je izvještaj iz 2023 godine, on tada nije bio ministar, pa i mi nismo tada bili zastupnici ovaj, pa da ga pitamo

pa da nam on nešto je li pojasni kakav je to plan, osim što prijeti prinudnom naplatom hoće li ovo preduzeće prodisati? Hoće li poraditi na ovim problemima da pojača broj radnika koji rade direktno znači na odvozu otpada itd. I evo, ne samo ministra, nego nema niko iz Vlade ovdje danas. A to smo im mi omogućili, ja ću vas podsjetiti Poslovnikom. Molio sam vas ovdje, nemojte to raditi, nemojte ih pustiti da landaraju, slušajte me dobro. Znači, omogućili smo im da landaraju. Skupština je danas, sjednica Skupštine Kantona Sarajevo, to najveći zakonodavni organ. Evo vidite šta smo uradili. Znači obesmisli smo je, obesmislili smo rad Skupštine. Evo, zastupnici nešto danas pokušavaju, da ukažemo da, evo, nismo ni kritični nešto jer vidimo o čemu se radi jer znači, ne može ono što ne može. Ja lično kao član Savjeta mjesne zajednice u Buča potoku šalje samo dopise i moram vam reći da su u nekoliko navrata s ovim novim direktorom i upravom odazvali su se, dvije, tri deponije smo u ulici Safeta Isovića, ne znam u, riješili smo ih.

Jelena Pekić (dopredsjedavajuća)

Vrijeme.

Jasmin Šaljić (zastupnik)

Hvala.

Jelena Pekić (dopredsjedavajuća)

Zastupnik Avdić, replika, izvolite.

Samir Avdić (zastupnik)

Zahvaljujem dopredsjedavajuća. Jako mi je drago da evo iz opozicije imamo nekako isti pristup temi i kolega Šaljić je zaista u fokus stavio radnike, jednako kao i ja u svojoj diskusiji. Direktori, bez obzira da li su vd ili nisu, su prolazni, a ono što je važno su radnici. U tom kontekstu, a sada ću se osvrnuti i maloprije na optužbu prema bivšem premijeru u smislu da je u Mc' Donaldsima uzimao otpad da bi ga bacao ovaj okolo, ne govorim za vas kolega, u tom kontekstu mi smo čuli mnogo optužbi i za vrijeme Leptospiroze da se namjerno odlaže otpad itd, ali nismo mi oni koji to možemo suditi. Postoje institucije koje to trebaju istražiti, ali i tada, kao i sada, ću uvijek stati u odbranu radnika, znam na Ilidži evo u sektoru koji vodi gospodin Dane Bašić gdje sam svakodnevno bio u komunikaciji, koliko mnogo su se trudili da očiste te nelegalne deponije jer sve ono što se baca pored posuda, odnosno pored kontejnera i sav kabasti otpad, čišćenje tavana itd, je ustvari formiranje nelegalne deponije i zaista su heroji ljudi koji su to odvozili i vikendom i radnim danima, ali uzalud, u jednom trenutku, koliko god oni odvozili, toliko su neki drugi ljudi dovozili, formirali nove nelegalne deponije pune stakla, starih šporeta, namještaja itd.

Elvedin Okerić (predsjedavajući)

Zastupnik Muamer Bandić, pretpostavljam diskusija, izvolite, imate riječ.

Muamer Bandić (zastupnik)

Zahvaljujem. Radi se o Izvještaju iz 2023. godine i vidimo, nemamo neku zainteresovanost ni zastupnika samih ovdje da raspravljamo o nekom izvještaju koji praktično nije ni relevantan, a moj zaključak jeste ustvari da su stranke trojke i predsjedavajući Okerić, prvenstveno nezadovoljan ovim izvještajem zato nam ga nije dostavljao relevantnu u vremenu, dođe nam 2023. godine sad u '25.godini, mada je eto ovo, gledajući ove materijale samo ovo javno preduzeće, dostavilo materijal, čini mi se, krajem '24. godine, u 12. mjesecu, tako bar ovdje

stoji u materijalima, 12. mjesecu 2024 godine i to je zaista neozbiljan pristup kada se govori o ovakvo kompleksnom javnom preduzeću. Maloprije smo mogli da čujemo od kolega da govori o značaju ovog javnog poduzeća, da je najznačajnije, sva ova javna poduzeća su značajna zato što oni isporučuju neku vrstu javne usluge, zavisi o kojem se javnom poduzeću radi. Vidimo da je ovo javno preduzeće i svi smo na to se fokusirali ustvari, ostvarilo gubitak od nekih 1.621.000, a u konačnici, dakle, gubitak je, gubitak je znatno veći, on iznosi ne znam nekih 6.700.000 kada pogledamo stvarni bilans. Vrlo je interesantno da se niko od nas nije osvrtao, ustvari, kolegica Marijela je u jednom dijelu svog izlaganja se osvrnula na to da je ključna stvar kakvu tu uslugu građani dobijaju za cijenu ove usluge. I imamo li neke mjerljive pokazatelje ustvari koji bi nam dali takvu vrstu jedne informacije? Javno preduzeće ne može poslovati, dakle, za dobit, javno je preduzeće, ono posluje bez profita, posluje za uslugu, mi imamo katastrofalnu uslugu. Dakle, svi svjedočimo da je Kanton Sarajevo zadnjih godina, pa eto, to je bila čak i namjera, dakle zadnjih godina je jako prljav i bila je namjera čak Vlade, premijera Uka, koju i mi kao Stranka za Bosnu i Hercegovinu na početku podržavali tu Vladu, da će grad na neki način umiti. Zaista nismo vidjeli da se to obećanje ispunilo, a kada pogledamo izvještaje ove koji nam se dostavljaju sada iz 2023. godine ustvari mi odgovornost tih nosilaca odgovornih pozicija na neki način zanemarujemo i omogućavamo im, ustvari jednu ovu vrstu ovakvog ponašanja. Evo, vidimo sada da i ovaj gospodin koji nam je iznosio ovaj Izvještaj nije tu, on nije ni zainteresovan, zna da nema nikakvih praktično sankcija osim neke sankcije osude javnosti. Ovo je ozbiljan pokazatelj da ovakvim javnim preduzećima, kompleksnim javnim poduzećima koji zapošljavaju ovoliki broj ljudi, zaista ne možemo poklanjati povjerenje nekim osobama koje nemaju iskustvo, evo kako je to kolega Zahiragić pobrojao. Ja se ne bi sada personalizirao oko tih osoba i ne bi ih nešto pretjerano stavljao u fokus, ali zaista ne smijemo dozvoliti da ovako kompleksna preduzeća javna preduzeća vode ljudi koji nemaju iskustvo. Znate, kada imate nas 35 ovdje pogledajte jako je teško da vodi neko ovu sjednicu ukoliko smo mi, znate, energični, dobro pripremljeni. Zamislite sada vi kada dođe neko ko nije imao iskustvo, nikakvo rukovodno, ako se dovijao da dođe do neke potvrde da je negdje nešto radio, znate, rukovodio i on dođe upravlja javnim preduzećem gdje imate 1000 zaposlenih ili imate, ne znam tamo javno preduzeće Vodovod i kanalizacija, gdje vi, mi dobijamo, ja ne znam sada da li svi zastupnici dobijaju ove mailove, što mi dobivamo, to je jedna katastrofa. Mi dobivamo na desetine mailova da se gore mobing vrši i da se otkazi daju. Sada ja stvarno ne znam koliko je to tačno, ali ukoliko je to tačno, stvarno mi, postavlja se pitanje ko je ovdje relevantan? Oni tamo šalju neke ove inspeksijske zapisnike i neka rješenja. Ko je relevantan ovdje ustvari da zaustavi nešto ukoliko se neka erozija, poput ove koju vidimo u javnom preduzeću RAD, ko je ustvari nadležan da to zaustavi? Postoji li iko moćan da može da kaže samo malo tamo otpustate neke borce koji su bili pripadnici Armije, branili ovaj grad, ovu državu, vi mu date otkaz. Mislim i to utvrdi ne znam čak i ovaj inspekcija za rad, čini mi se da su dali neku vrstu skretanja pažnje ili određenu vrstu rješenja da je ustvari gore narušen neki proces, ne znam davanja otkaza. Ista je situacija u Javnom komunalnom preduzeću RAD, doduše ne za '23 koji je izvještaj današnji na dnevnom redu, ali ovo što se dešava u svim javnim preduzećima, vi imate tamo ovo Sarajevo šume, pa to je jedna opšta pljačka, tamo imate neke direktore koji su bili ponovo samo izvršni direktori, gdje su gubici milionski, isto kao što je to, ne znam i u ovom preduzeću. Dakle, sasvim je evidentno da ovo javno komunalno preduzeće već godinama ne pruža adekvatnu uslugu, ne radi t ni jedno od javnih preduzeća. Mora postojati, nužno je, dakle, saradnja sa opštinama i da u stvari one opštine koje imaju svoja javna preduzeća na neki način podijele nadležnost sa ovim javnim preduzećem jer je evidentno da ne postoji vlast koja je u stanju da isporuči kvalitetnu sad uslugu, zadnjih nekoliko godina. Ja se sjećam 2012- 15., u tom mandatu bio je direktor Javnog komunalnog preduzeća Selim Babić, on je bio čak iz SDA i mi smo bili tad protiv evo da kažem nismo bili zadovoljni, ali znate, šta je Selim Babić bio i taj direktor, taj menadžment za ove sada poslije njega, to je grad je bio čist perfektно u odnosu

na ovo što danas imamo. Stalne te hokejaške izmjene koje imamo u ovim javnim preduzećima uprava, upravo nas dovode do zaključka, dakle, da ne postoji zaista neki ozbiljan pristup, koncept koji može ustvari, promijeniti rad ovog javnog preduzeća kako bi ono pružilo kvalitetnu uslugu. Ovi pokazatelji, dakle, da imamo gubitak u poslovanju, znate šta, oni su isporučili ove plati. Dakle, tačno je to da je ovaj uzrok da je uzrok gubitka u poslovanju kolektivni ugovor, međutim kolektivni ugovor je ispoštovan i to nije problem, ali je problem pružiti uslugu. Dakle, očito je da se radi o nesposobnom menadžmentu koji nije u stanju da taj mehanizam stavi u funkciju građana kako bi građani bili zadovoljni čistoćom u Kantonu Sarajevo. Pored toga, dakle, ja sam to više puta kritikovao, dakle, zaista, bez obzira sad ko je vlast, ko nije, ne smijemo dozvoljavati dakle, da ovi izvještaji dolaze u vremenskom periodu kada nisu uopće bitni. Na taj način dajemo vjetar u leđa onima koji ustvari i nisu u stanju da vode ove procese, praktično zanemarujemo, zanemarujemo jedan dio njihove odgovornosti koji bi im se mogao na neki način staviti na teret da se donese izvještaj u relevantnom vremenu. To bi bio jedan razlog osnov za smjenu tih nesposobnih direktora, a koji se, eto, na neki način, kako kolega Zahiragić kaže, došao do nekih sumnjivih, ne znam sada i ne znam koliko je to tačno, to trebaju da vode neki drugi organi istragu o tome, ali zaista, mi prebacujući odgovornost stalno na neke druge organe, imamo situaciju da je grad potpuno prljav, jer vidjeli smo da postoje neki vremenski periodi kada imamo neke ozbiljne manifestacije u Kantonu Sarajevo da se ipak ta usluga može isporučiti. I ukoliko to smo imali, dakle, to su neki relevantni pokazatelji, mjerljivi vidjeli smo da se grad može očistiti, šta se dešava onda kada nisu takve, manifestacije prisutne ovdje. Dakle, imamo onda jednu potpunu inertnost takvih uprava, a mi podržavamo ovdje kao skupštinski zastupnici, znate dođe izvještaj iz 2023., evo, svi smo ovdje praktično nezainteresovani, ništa nas pretjerano to i ne zanima niti nas pretjerano veže, znaju i direktori da neće biti sankcionisani, nisu ni došli. Ja sam to i rekao u skorom vremenu ćemo omogućiti da nam dođe neki portir, on će nam ovdje, znate, iznijeti uglavnom bilans imamo pozitivan ili negativan, kakva je usluga prema građanima, niko nije ni komentarisao pretjerano. Kada su u pitanju pojedini segmenti, dakle, potpuno ih je nebitno odvajati, evo kolega Avdić je to dobro konstatovao. Dobili smo jedan nepredgledan izvještaj, vjerujte da je jako ga teško iz njega neki sadržaj poseban izvući. To su neke tabele koje su postavljene na neki nepristupačan način i mi ne možemo ustvari da vidimo, ono što je mene posebno zanimalo na primjer, u tom izvještaju ne postoji ni jedna ozbiljna konstatacija o deponiji Smiljevići, odnosno Regionalnom centru i da je ustvari eksploatacija ta okončanja ne znam sa kojom godinom, čini mi se 2024 godinom, krajem 2024 godine. Šta se dešava, dešava se, to da u stvari oni zauzimaju nove površine kako bi ustvari tu deponiju i dalje koristili za odlaganje i reciklažu tog otpada. Bez obzira, evo kako je to rekla maloprije kolegica Melank, znate, nije to bilo po zakonu kada je u pitanju Veterinarska stanica, odnosno ova mikrobiološka laboratorija koja je bila. Nije po zakonu, dakle, kolegice Melank, da mi imamo deponiju Smiljevići koju proširujemo nezakonito, a onda kad to se desi, dođemo ovdje da bi nekoga obeštetili čiju smo površinu javno zauzeli. I to nije po zakonu, isto tako, ali mi to radimo, znate, e to su politike, jaz između zakonodavne politike i realizaciju izvršene, i to je nepremostiv, posebno u ovom vremenskom periodu od kako stranke trojke upravljaju ovim procesom. Naravno, kad kažem od stranke trojke, ne treba sve stavljati u isti koš, postoje zaista neki i ministri i direktori koje bi mi mogli izdvojiti. Ali u kontekstu posmatranja cjelokupnog tog djelovanja imamo taj konglomerat kojeg možemo cijeniti na način da su stranke trojke sve zajedno krive za ovo što se desilo. Hvala.

Elvedin Okerić (predsjedavajući)

Ispravka krivog navoda zastupnik Elvis Vreto.

Elvis Vreto (zastupnik)

Hvala predsjedavajući. Pa prije svega ne znam da li je kolega u nekom poređenju spomenuo je Sarajevo- šume i višemilionske gubitke. Ja ću samo podsjetiti na dvije stvari; da smo mi na prethodnoj sjednici imali izvještaje za '22. i '23. u Sarajevo-šuma. Za '22. godinu dobit je bila nešto uglavnom preduzeće, posluh malo pozitivno. Prihodi su bili 20.083.000, u '23. godini, te izvještaje smo razmatrali, tačno je da je bio gubitak od 1,5 miliona na račun knjižene amortizacije, a sve na osnovu revizorskih preporuka i poštivanja tih revizorskih preporuka, obzirom da je preduzeće za 2021. godinu, čini mi se, dobilo negativan revizorski izvještaj. U 2023. godini imali su više prihoda za 700 000 u odnosu na 2022. godinu. I zaista se ne može govoriti i želim da ispravim ovaj navod, da se radi o višemilionskim gubicima onaj koje je kolega naveo.

Elvedin Okerić (predsjedavajući)

Zahvaljujemo se zastupniku Vreti. Replika zastupnica Vedrana Vujović, kome replicirate? Izvolite.

Vedrana Vujović (zastupnica)

Zahvaljujem. Pa evo čisto kratko s obzirom da je kolega Bandić spomenuo Smiljeviće, mislim da je zaista poražavajuće da evo ponovo danas nemamo nikoga iz Vlade i resornog ministarstva, ali ni iz menadžmenta RADA, da nam objasne šta se zapravo trenutno dešava po pitanju Regionalnog centra za upravljanje otpadom Smiljevići. Mi smo više puta, pogotovo kolegica Elza Gaković, i ranije, dok je bila vijećnica bila jako angažovana, upozoravala da to ne može samo da bude neki, da kažem ekološki problem, nego može napraviti jednu komunalnu i zdravstvenu katastrofu, pogotovo za stanovnike ovaj Općine Novi Grad. Također evo iskoristit ću priliku da istaknem da Općinsko vijeće Novi Grad, godinama usvaja jednoglasnu odluku, dakle sve političke stranke su saglasne da se treba iznaći rješenje, odnosno da se dugoročno ta deponija Smiljevići sanira i zatvori, te da se traži neka druga lokacija. Ja ne vidim, evo prethodne 3 godine, a i sigurno i duže, ali evo prethodne 3 godine, koliko smo u mandatu ovog skupštinskog saziva, da je bilo koji ministar, a bilo ih je nekoliko komunalne privrede, na tu temu govorio. U svakom slučaju, evo, slažem se i sa kolegom Avdićem koji je više puta istisao, a ja sam da se ovi izvještaji, stvarno 21 vijek, dostavljaju skenirani. Prvo što je nepregledno, druga stvar što objektivno ovaj obiman je materijal i ako želimo i mi, da budem malo konstruktivniji, naredni put, evo dostate nam bar na CD-u, na USB-u ako već ne možete u PDF-u. Toliko hvala.

Elvedin Okerić (predsjedavajući)

Odgovor na repliku zastupnik Bandić.

Muamer Bandić (zastupnik)

Zahvaljujem. Slažem se sa kolegicom Vedranom, ja ću samo još podsjetiti, dakle, da sam ja, čini se, 2023. godine pokrenuo inicijativu, nažalost, ta inicijativa nije usvojena i ako mi je, na primjer, rekli su kolega Čampara i kolega Okerić da će glasati, ali nisu na kraju ni oni glasali za tu inicijativu da se pronade nova lokacija i da se okonča eksploatacija kao što je ona već po zakonu okončana na Regionalnom centru deponije Smiljevići, dakle, nažalost, tada nismo imali dovoljno evo da kažem političke mudrosti, da pokušamo da na neki način prevaziđemo tu situaciju, pronalaskom neke nove lokacije koja ne bi bila jel u urbanom naselju i urbanom području. Nažalost, nije bilo, kao što sam rekao, i sada imamo situaciju da samo jedan dio

stanovnika Novog Grada dole ima jednu ozbiljnu situaciju, ozbiljan problem. Praktično oni u ime svih građana Kantona Sarajevo i nerad ovih javnih poduzeća najviše ispaštaju. Hvala.

Elvedin Okerić (predsjedavajući)

Za riječ se javila zastupnica Elza Gaković.

Elza Gaković (zastupnica)

Zahvaljujem predsjedavajući. Pa evo, kolege su više-manje ustvari rekle sve ono što je bilo bitno na ovu temu i na odnosu izvještajnog perioda za 2023. godinu. Ali isto tako neke teme su možda prioritetnije, pa također imam i ja jednu dozu nezadovoljstva zato što nemamo nikog od predstavnika Vlade jer nemojte zanemarivati problem komunalne prirode zato što je on prisutan i svi smo svjesni da postoji u Kantonu Sarajevo i da ga se treba rješavati. Deponija i problem s deponijom nije riješen. Grad nije onako čist kako bi svi željeli, tako da mislim da ovdje imamo još puno, puno posla i zahtjeva. I ozbiljan pristup prilikom sagledavanja svih segmenata koje su u nadležnosti ovog preduzeća i komunalne politike. Istina je da je ovo preduzeće ostvarilo određene gubitke ali evo ja, zaista ću diskutovati danas kao pojedinac koji razumije zašto se to desilo. Zbog potpisivanja kolektivnog ugovora, jedan je od razloga gdje zaista pozdravljam sve napore koje su doveli do momenta potpisivanja kolektivnog ugovora zato što su kolektivnim ugovorom definisana bolja prava i bolji položaj radnika. Tamo radi preko 1000 vrijednih, čestitih, marljivih građana Kantona Sarajevo koji svoje porodice hrani od tvog posla i zaista im ne možemo zamjeriti zato što su ti ljudi zakonom dobili svoja bolja prava za zaista teško zarađeni hljeb i teško zarađeni novac. S tim u vezi, evo, ja stvarno neću da kažem da preduzeće RAD treba biti profitabilno jer zapravo ono i ne treba biti tako, ali zaista treba isporučiti najbolju uslugu građanima, što je zapravo i njegova krajnja namjena i svoja svrha. Za komunalne radnike ne postoji slobodno vrijeme, ne postoji praznik, ne postoji i ništa što postoji za neke, možda druge ljudi, i to zaista svi treba da cijenimo, ti ljudi su vrijedni, marljivi i onda možda na ulicama kada nitko od drugih nije. Tako da, što se mene tiče, apsolutno podržavam ovaj segment potpisivanja kolektivnog ugovora. I ne samo za njih, nego i za sve ostale, jer time smo nekako unaprijedili njihov položaj. Ono što jeste moja zamjerka jeste da se u odnosu na planiraniji plan je radio nekog koji je iz strukture upravljačke strukture i oni zapravo nisu svoj plan uspjeli realizirati. Zašto? Kako? Imamo izvještaj na 351 stranicu, koji zaista i ja smatram da ne treba biti ovako obiman i trebamo biti sažeti kada predstavljamo i šaljemo materijale zato što meni i nama svima ne treba gomila nekih podataka jer među podacima imamo bitne i manje bitne podatke, pa nekako također smatram da svi materijali kada se dostave u ovako velikoj formi, trebalo bi nam zaista puno vremena da ih detaljno proučimo za ono što nam slijedi, a to je sjednica. Oni znači i sami nisu ostvarili svoje te neke planove koji su predvidjeli. I evo, ne mogu reći da je to neka moja zamjerka, jer više ili manje je sva preduzeća u nekim godinama se mogu susresti sa takvim izazovima. I da isporučena usluga onakva kakva je, možda očekivana od strane građana Kantona Sarajevo. Evo i od mene. Lično, zato što ni u ovoj izvještajnoj godini nismo uspostavili prečistač procjednih voda, ni u ovoj godini nismo riješili novu lokaciju koja, evo, ćemo reći da je nužno potrebna. Jer možda će naš mandat proći. Možda ćemo mi biti neko ko je nebitan više u političkom svijetu, ali problematika odlaganja otpada neće nestati. I deponija Smiljevići u novih 37 000 m² je pitanje kada će njen sat isteći? Jeste, kupljena je zemlja, ali je pitanje šta dalje? Evo, imamo dovoljno roka, imamo dovoljno perioda da zaista Prostornim planom Kantona Sarajevo nekako razmotrimo gdje je to najbezbolnije, najudaljenije od građana i najmanje štetno za zdravlje građana, svih građana. Kantona Sarajevo, a da ovaj tu lokaciju konačno maknemo od onoga što se zove epicentar općine, Novi grad i epicentar najnaseljenijeg dijela općine i Novi grad. Tu zaista moramo nekako svi sebi da damo kao zadatak. I ovdje zaista ne dijelim ni opoziciju

ni poziciju, mislim da bi svi bili za ovakva systemska rješenja, jer zapravo tu živim ja, tu živi kolega, Jasmin, tu živi kolegica Vedrana, tu živi i kolegica Sanela, kolega Okerić. Svi smo mi sa područja Općine Novi Grad, tako da nas nekako zajedno veže ista problematika. Ono što da se zaista ne razumije kao da ja nemam danas ulogu da napadam bilo koga, daleko od toga, ali zaista želim da ukažem na neke stvari jer ovo je prilika i vrijeme kada ja to mogu da uradim, a evo i neke stvari koje su pohvalne, a koje se, ističu u ovom predmetnom izvještaju, jesu i aktivnosti koje je ostvareno preko Češke razvojne agencije i to je efikasan sistem upravljanja otpadom u Kantona Sarajevo, gdje je postavljeno 275 zelenih otoka na kojima se nalaze i tipske posute za selektivno odlaganje otpada papir, plastika i staklo. Ovim mjerama je u odnosu na 2022. godinu unaprijeđeno 38 % reciklaže. Ovo je bila moja zamjerka na prošlom izvještaju za 22. godinu. I evo u 23. godini. Zaista. Postotak reciklaže je povećan za 38 % u odnosu na prethodni period. I evo, tu je 1 od pohvalnih strana. Zašto? Pa zato što ćemo damo sebi više prostora ili možda nekim budućim kolegama za pronalazak nove lokacije, zato što tijelo deponiji prostor, jednostavno je neumoljiv i ne možete trpiti sve te količine koje su se u prethodnim periodima odlagale u zaista jednom poraznom postotku, a to je bilo na 2 %. Ono što također želim da pohvalim jeste i povećan naplata potraživanja, što je zaista jako bitno, jer time se pokazuje i odnos preduzeća prema odnosu upravljačkih struktura prema samom preduzeću i prema životu preduzeća. I to je zaista jako pohvalno da se taj postotak u 2023. godini također povećao. Ono što je nedostatak jeste kapacitet asfaltne baze koja nije iskorištena, čini mi se, ni 300 % manje je radi u odnosu na ono što bi ona mogla da radi i hajmo da vidimo šta je to što nedostaje ovim ljudima da bi zaista sve nadležnosti iz ovog preduzeća, ako već ljudi to mogu, ako je u izvještaju napisano da su to njihovi neki kapaciteti, evo hajmo to staviti na raspolaganje građanima Kantona Sarajevo, a nekako i poboljšati rad ovog preduzeća i sa najboljim namjerama im ukazati na ove propuste. Evo, ja ću govoriti u ime Kluba još neku minutu, i opet osvrnut se na postojeće i aktuelne goruće problematike koje nisu više samo ekološke prilike, kako i kolegica Vujović reče, već zaista jedne zdravstvene prilike. Prečistač procjernih voda danas ne radi. Mi jesmo održali niz sastanaka, možda smo i uozbiljili ovu problematiku, ali moramo dovesti do finaliziranja i konačnog traženja i pronalaska ovog rješenja. Prostor za novu lokaciju mora se naći, jer to je zaista pitanje koji je goruće za Kanton Sarajevo i za građane Kantona Sarajevo koji to očekuju od nas. I ono što zaista jako bitno za život ovog preduzeća je funkcionalni vozni park, a funkcionalni vozni park je onaj koji će zaista operativnost na terenu obezbijediti i onda ćemo imati i efikasno dvolinijsko odlaganje otpada i odvoz otpada na vrijeme i sve ono što zapravo ovo preduzeće treba da radi i sve ono što građani očekuju od nas, a i od preduzeća. Toliko od mene. Hvala.

Elvedin Okerić (predsjedavajući)

Zahvaljujemo se zastupnici Gaković. Bandić replika, pretpostavljam replika. Izvolite imate riječ.

Muamer Bandić (zastupnik)

Pa evo kolegica Elza je maloprije spomenula da postoji kolektivni ugovor koji su radnici zaslužili. Ja zaista ne sporim dakle, isto, u svom izlaganju sam se dohvatio tog dijela, možda nisam bio dovoljno jasan. Ja nemam problem s tim da kolektivni ugovor, on mora biti ispoštovan, svakako da treba da bude zaključen, da radnici to zaslužuju, ali to je samo jedan segment u radu cjelokupnog tog javnog preduzeća koje je jako kompleksno, kako sam rekao. Dakle, osnovna djelatnost tog javnog preduzeća jeste isporučivanje usluge, a mi tu uslugu nemamo. Evo i kolegica Gaković kaže da dolazi iz Novog Grada i susreće se sa svim ovim problemima. Neozbiljno je od nas ovdje da prihvatamo mi bilo kakvu vrstu izvještaja, kad mi znamo da ovo javno komunalno preduzeće zauzima javne površine u deponiji Smiljevići

nezakonito. I da mi na kraju moramo da snosimo odgovornost na način da moramo obeštećenjem plaćati ljude kojima je ta zemlja oduzeta i onda tražimo naknadno urbanističke, naknadne ne znam različite vrste dozvola, a u stvari na taj način šta radimo, guramo problem pod tepih. Dakle, mi smo bili u obavezi kao zastupnici da pronađemo neku lokaciju, kolegica Klarić je tada imala neku divnu ideju, ne mogu sada da se sjetim, na koji način se, evo da kažem, može iskoristiti ta deponija Smiljevići u smislu proizvodnje energije. I ja sam imao isto te informacije da u zemljama u regionu da se to jako uspješno radi. Međutim mi nemamo ozbiljan pristup da bi neko od nas ovdje sada u ovom vremenskom periodu pogotovo mogao da realizuje to na ovaj način, pogotovo kada imamo ovakvo kreditno zaduženje jer to bi bila neka stotine miliona zaduženja. Dakle, generalno niko nije želio da prihvati inicijativu da se pronađe nova lokacija za odlaganje ovog otpada, iako sada, potpuno nezakonito se odlaže otpad na ovoj deponiji. Hvala.

Elvedin Okerić (predsjedavajući)

Odgovor na repliku zastupnica Elza Gakovića?

Elza Gaković (zastupnica)

Pa iskreno, ja ovo nisam doživjela kao neku vrstu replike, ali obzirom da su neke stvari iznesene kroz ovu repliku, evo nekako smatram za potrebnim i da kažem par stvari. Ono što smo mi uradili u vidu obeštećenja tih građana na kojima na čijoj teritoriji se taj otpad nezakoniti odlagalo je nešto što je čekalo mnoge kolege i prije nas da urade i nekako smo pokazali možda i svoju odgovornost prema tim ljudima. Mi nemamo pravo niti je imao bilo ko od nas prije da oduzme nečiju imovinu i na nju da odlaže otpad. Ono što smo uradili jeste da smo pokušali, odnosno već je to u nekoj fazi dobro poodmakle priče je da se konačno inertna ploha za odlaganje građevinskog otpada, koji je ogroman problem u Kantonu Sarajevo, upravo tim našim odlukama dovede konačno u realizaciju, sve one silne mašine koje čekaju da su potrijebe i da konačno budu stavljene u upotrebu. Tako da, što se mene tiče, mislim da smo kolega uradili pravu stvar. Zaista za plohu vas apsolutno podržavam i mislim da ćemo naći dovoljno hrabrosti i to više i nije pitanje volje, nego pitanje života Kantona Sarajevo i to se mora uraditi.

Elvedin Okerić (predsjedavajući)

Zahvaljujem se. Zaključujem raspravu po ovoj tački dnevnog reda.

Prelazimo na tačku trinaest.

AD-13. Izvještaj o radu Univerziteta u Sarajevu za period od 01.01. do 31.12.2023. godine.

Materijal ste dobili uz poziv za sjednicu, zamolio bi predstavnika predlagача, uvaženog rektora Univerziteta u Sarajevu, da podnese uvodne napomene. Izvolite, imate riječ.

prof.dr. Tarik Zaimović (rektor UNSA)

Hvala. Uvaženi predsjedavajući, dopredsjedavajući, uvaženi zastupnici, zahvaljujem se na prilici i vremenu da predstavimo kratko Izvještaj o radu Univerziteta u Sarajevu za 2023. godinu. U skladu sa zakonom na prijedlog Senata Univerziteta u Sarajevu, Upravni odbor je usvojio Izvještaj o radu za 2023. godinu Univerziteta u Sarajevu imajući na umu vaše vrijeme, a i sat u kojem se nalazimo, ja ću u kratkim crtama predstaviti Izvještaj o radu Univerziteta u Sarajevu koji ste imali priliku da vidite u materijalima. Kada govorimo o studentima Univerziteta u Sarajevu, nakon okončanja upisnih rokova sa završetkom 2023. godine, na Univerzitetu u Sarajevu je bilo 24 218 u upisanih studenata, od čega 53 odsto su studenti iz

Kantona Sarajevo, dok 47% odsto su studenti iz drugih Kantona i iz inostranstva. U okviru ovog broja nalazi se i 711 studenata koji su strani studenti na Univerzitetu u Sarajevu. Upisanih studenata na Univerzitetu u Sarajevu u školsku 2023/24 godinu imali smo 5149, što je porasto blizu 2 odsto u odnosu na prethodnu godinu, a i naredne godine '24 godine smo imali porast, a i ove godine također imamo blagi porast od 1 do 2 odsto. Kada govorimo o upisanim studentima, 3610 studenata je prvog ciklusa, 1514 studenata drugog ciklusa i imamo, pored toga, te godine smo imali 3769 diplomanata i magistranata, kratko u brojkama, samo kada su studenti u pitanju. Kada govorimo o nastavnom procesu na preko 400 studijskih programa Univerziteta u Sarajevu u prvom i drugom, trećem ciklusu studija, održana je nastava u ukupnom fondu sati od preko 440 000 radnih sati. Na fakultetima, akademijama i Centru za interdisciplinarnu studiju, kreirana su u 2023 godini četiri potpuno nova studijska programa, a izvršili smo izmjene i dopune 31 studijskog programa. Kada govorimo o radu tijela Univerziteta u Sarajevu, Upravni odbor je imao 21 sjednicu, Senat Univerziteta 22 sjednice, a u 2023 godini smo nakon usvajanja Zakona o visokom obrazovanju 2022 godine, donijeli Senat, odnosno Statut Univerziteta u Sarajevu, izvinjavam se. Na Univerzitetu u Sarajevu zaključno sa 31.12.2023. godine bila su angažovana, odnosno u radnom odnosu 2681 zaposlenik, tu ne uračunavamo zaposlenike koji se nalaze u nastavnim bazama kao ni zaposlenike koji se nalaze i stručnjake iz prakse koji učestvuju u realizaciji nastave. Kada su izbori u pitanju, Univerzitet u Sarajevu 2023 godini imamo 316 izbora u akademske naučnoistraživačka zvanja, od čega najviše redovnih i vanrednih profesora. Na žalost, jako malo smo imali primanja asistenata, a svega 47, što ukazuje na potrebu da u što skorije vrijeme ponovo imamo jedan program od 150 plus koji smo imali, ako se sjećate 2018 godine, 19. Kada govorimo o naučnoistraživačkom radu Univerziteta u Sarajevu na 25 fakulteta i akademija, plus naša pridružena članica, 5 naučno istraživačkih instituta, 6 podorganizacionih jedinica i 291 podorganizaciona jedinica članica, to su naučnoistraživački instituti, centri i sve ono što ustvari se odvija u okviru same članice. Univerzitet u Sarajevu je objavio u Web of Science u 2023. godini 444 rada. U sklopu (nerazumljivo) objavljuje 773 rada, a na naučnim i stručnim konferencijama objavljenih 1217 radova. O domaćih izdavača 119 naučnih stručnih monografija i knjiga je objavljeno u Bosni i Hercegovini, u izvinjavam se, kada govorim o monografijama i knjigama. Promovisano je 118 doktora nauka. Mobilnost je važna tema za svaki univerzitet i mi smo ponosni da je u 2023. godini 749 studenata i osoblja Univerziteta u Sarajevu iskoristio priliku za međunarodnu mobilnost, od čega najveći broj su studenti sa 316. Bili smo domaćini sa 453 inostrana studenta i 172 nastavno osoblje u 2023 godini. Kada govorimo o realizaciji projekata kao možda najznačajnijem segmentu, naučnoistraživačke i stručne aktivnosti Univerziteta u Sarajevu, Univerzitet u Sarajevu u 2023. godini ostvario učešće na 533 međunarodne i domaće projekta. A ako ubrajimo u to, posebno jedan od tih projekata koji se zove The European Cooperation in Science and Technology ili COST projekt i tada smo imali 635 projekta, od čega 226 inostranih. Ovo predstavlja rast iz godine u godinu, tako da nam je i ove godine ponovo ostvarujemo taj rast, tako da, recimo za 2025. godinu ova brojka će biti 695 projekata na kojima učestvujemo. U 2023 godini započeli smo i obilježili tu godinu sa projektom Stećci, to je prvi projekat (nerazumljivo) na kojem smo lead, kao Bosna i Hercegovine, odnosno naš Univerzitet, preciznije Prirodnomatematički fakultet, a kada govorimo o alijansama kao najznačajnijem segmentu univerzitetske suradnje u 2023.godini Pristupili smo i Europskoj alijansi EUPeace, to je Alijansa od 9 univerziteta i u okviru te Alijanse sutra, na prijedlog studenata Univerziteta u Sarajevu se potpisuje Studentska deklaracija. Večeras su me obavijestili, mi smo imali do sada 103 univerziteta iz Europe koji su potpisnici te Alijanse, a večeras su me obavijestili da će nam još 2 alijanse pridružiti, imat ćemo blizu 120 univerziteta iz Europe koji su potpisnici Alijanse koja je organizovana od strane studenata Univerziteta u Sarajevu uz pomoć svog matičnog univerziteta. To je, po mom mišljenju jedan veliki uspjeh da jedan takav projekat ima takav značaj i da je u Bosni i

Hercegovini. Finansijski segment je uvijek interesantan, njega ću samo u kratkim segmentima prezentovati. Univerzitet Sarajevo je počeo 2023. godinu sa planiranim budžetom od 192 miliona 549 000 KM, kao od čega je 151 milion KM bio predviđen iz izvora 10, odnosno sredstva Budžeta kantona Sarajevo. Završio je 2023. godinu planskim vrijednostima od 223 miliona, sa izvorom 10, odnosno budžetskim sredstvima u iznosu od 156 miliona maraka. Kada govorimo o izvršenju budžeta, naše izvršenje budžeta je bilo na razini 82 odsto, ukupno izvršenje budžeta sa 183 miliona i 367 000 maraka. Kada govorimo o izvoru 10, odnosno sredstvima budžeta, ukupna realizacija je 97,90 procenata, odnosno 98 % u realizaciji od 153 miliona i 89 000 maraka. U isto vrijeme 30 miliona i 289 000 maraka potreba u kontekstu izvršenja budžeta je finansirano iz sredstava Univerziteta u Sarajevu, da li su to vlasti prihodi, međunarodni projekti itd. Kada govorimo o ukupnom izvršenju budžeta Kantona Sarajevo, važno je naglasiti da ustvari najveći rast u svim segmentima imamo kada govorimo o vlastitim prihodima i međunarodnim projektima, tako da naš dio sredstava koji mi ustvari ostvarujemo kroz međunarodne projekte iz godine u godinu raste, tako da, recimo, u konkretnom slučaju na 18 projekata koje smo te godine zaključili, ukupna vrijednost projekata bila preko 7 miliona, što je rast od 41 %. Nedavno je, evo s time ću i završiti, objavljena je analiza koliko su univerziteti u Sarajevu dobili sredstava od Horizon projekata u protekle 4 godine. U principu je to relativno neki skroman iznos, u odnosu kako sastava zemlje uspjela da mobiliziraju sredstva, međutim činjenica je da 30 odsto ukupnih sredstava koja su alocirana za Horizon projekte za Bosnu i Hercegovinu su alocirana Univerzitetu u Sarajevu. To ustvari pokazuje u kojoj mjeri Univerzitet u Sarajevo aktivno radi na tome da u stvari na najbolji način se predstavi u evropskom kontekstu, a taj najbolji način za predstavljanje EU kontekstu jesu međunarodni projekti i saradnja na naučnoistraživoj (nerazumljivo). Nadam se da sam bio kratak i zahvaljujem se.

Elvedin Okerić (predsjedavajući)

Zahvaljujemo se uvaženom rektoru. Otvaram raspravu. Marijela Hašimbegović. Izvolite, imate riječi.

Marijela Hašimbegović (zastupnica)

Zahvaljujem se predsjedavajući i, naravno, zahvaljujem uvaženom rektoru na njegovom uvodnom izlaganju i iscrpnoj informaciji o izvještaju o radu Univerziteta za naznačeni period. Ja ću samo par crtica da izvučem iz konteksta, sa namjerom da ukažem na izvjesnu problematiku koja je, evo, već u kontinuitetu, na neki način prisutna na Univerzitetu, ali ona se na neki način veže za, rekla BiH, jedan nedostatak podrške resornog ministarstva, koji je čak i u ovoj godini izvještajnom periodu, bio poprilično evidentan. Uvaženi rektor je spomenuo, dakle, naučnoistraživački rad i u tom kontekstu bi naznačila da nekako je naučnoistraživački rad sveden na aktivnosti pojedinaca. Još uvijek nismo imali ni registar, dakle naučnoistraživačkih radova, mislim da ih je bilo u izvještajnom periodu, negdje preko 800 u poređenju, recimo sa drugim univerzitetima koji su dali puno izdašnije rezultate, rekla BiH da postoji evidentan izostanak finansijske podrške koja bi u ovom dijelu, dakle, zaista bila neophodna.

Drugo što želim istaći jeste činjenica kadrovske problematike i činjenica da nemamo dovoljno nastavnog kadra kada se izračuna omjer nastavnika u odnosu na broj, dakle, studenata, vidi se da tu postoji određena praznina i da tu postoji određena potreba za popunjavanjem novih kadrova. Također, mobilnost studenata je na neki način, ona jeste prisutna, ali mislim da bi trebala biti puno aktivnija, ažurnija i da bi ona na neki način omogućila studentima da na još bolji način steknu određeno obrazovanje, ujedno nastavni program. Upitan je u kontekstu kada smo zadnji put radili reviziju nastavnog programa, da li je on u skladu sa, dakle, naučnim

dostignućima sa kojima se, evo, susrećemo. Tako da s tim u vezi sigurno prepoznajem i pretpostavljam da će Univerzitet u narednom periodu raditi na ovom pitanju i evo posljednje što bih željela istaknuti, čini mi se možda u ovom slučaju tačka koja oduzima najviše i traži najviše materijalne podrške, to je infrastruktura, odnosno činjenica gdje živi naše akademsko, buduće akademsko društvo, gdje prima svoja znanja. Dakle, smješteni su u prostorije, vojne prostorije bivše kasarne Maršal Tito. Bez obzira što, evo imamo izgradnju Univerzitetske biblioteke, smatram da je neophodno raditi na kvalitetnim i adekvatnim uslovima potrebne infrastrukture koja će svima, ne samo studentima, već i profesorima, dati potrebne uslove za dalji rad i razvoj. Ne smijemo zaboraviti da je Univerzitet, dakle, najkredibilnija visokoškolska ustanova u Bosni i Hercegovini, i s tim u vezi i Vlada Kantona Sarajevo i Skupština Kantona Sarajevo zaista mora pružiti svu adekvatnu podršku kako bi se stvorili potrebni uslovi za rad, a mi dobili, dakle, novu akademsku zajednicu koja će biti nosilac ovog društva. Hvala lijepo.

Elvedin Okerić (predsjedavajući)

Zahvaljujem se. Zaključujem raspravu.

Prelazimo na tačku četrnaest.

AD-14. Izvještaj o radu Odbora za žalbe javnosti za 2024. godinu.

Materijal ste dobili uz poziv za sjednicu. Molim predstavnika predlagача da podnese uvodne napomene. Možete ovdje izaći, kratko podnesite uvodne napomene. Izvolite, imate riječ, predstavite nam se zbog stenograma.

Senad Hasanspahić (predsjedavajući Odbora za žalbe javnosti)

Dobre večer. Poštovani predsjedavajući, poštovani zastupnici, ja sam Senad Hasanspahić, predsjedavajući Odbora za žalbe javnosti Skupštine Kantona Sarajevo u ovom novom sazivu, u prethodnom sazivu sam bio član Odbora za žalbe javnosti. Između ostalog meni kao predsjedavajućem Odbora za žalbe javnosti pripalo jel ovaj zadatak da, između ostalog, Izvještaj ovaj koji smo dostavili Skupštini Kantona Sarajevo u kratkim crtama elaboriram tako da obzirom da je evo relativno i kasno, ja se neće zadržavati na nekim formalnim dijelovima ovog Izvještaja, uključujući zakonski osnov i onaj neki uvodni dio. Ukoliko se slažete, ja bih samo se osvrnuo na žalbe, provjere, istrage i ono na šta ste su se u principu žali građani, odnosno ono što je sadržan u ovom našem Izvještaju za 2024 godinu. Dakle, Odbor za žalbe je u 2024 godini radio sa 4 člana, iako prema zakonu broji 5 članova, obzirom da je 1 član u prethodnom periodu podnio ostavku zbog sukoba interesa u skladu sa ovim novim zakonom u Kantonu Sarajevo, no unatoč tome Odbor je radio, dakle tako reći, punim kapacitetom i taj sam nedostatak jednog člana se nije osjetio, odnosno nije bilo toliko tako da kažem ovaj vidljiv. Dakle, kao što sam rekao, neću osvratiti na ovaj uvodni dio, kada su u pitanju same žalbe tokom ovog izvještajnog perioda u 2024. godini, kao što je to navedeno u izvještaju u dijelu što se tiče samih zaprimljenih žalbi, razmatrano je ukupno 218 žalbi, ako to podijelimo 218 sa 26, onda je to neki prosjek od 8 žalbi po sjednici koji Odbor za žalbe između ostalog razmatrao. Od tih 218 žalbi, na 149 žalbi je dat saglasnost za vršenje provjera, a na 55 žalbi je data saglasnost za vršanje tzv unutrašnjih istraga, dok su u 2 žalbe tražene dopune, a u jednoj žalbi nastupile je zastarjelost. Kad su u pitanju, dakle, drugi segment rada Odbora za žalbe javnosti kad su u pitanju provjere, odnosno izvještaji o izvršenim provjerama, postupajući, dakle po žalbama na koje su date saglasnosti da se izvrši, između ostalog, preliminarne provjere u izvještajnom periodu ovaj Odbor je prihvatio prijedlog zaključka provjera u kojim se, između ostalog, konstatuje da nema osnova za vođenje istrage u 151 provjeri, 6 izvještaja je vraćeno na poduzimanje dodatnih mjera i radnji, dok je za 5 izvještaja dato saglasnost da se sprovede unutrašnja istraga, a u jednom slučaju podnosilac, između ostalog, odustao od žalbe. Kada su

u pitanju unutrašnje istrage, u izvještajnom periodu sprovedeno je ukupno 67 unutrašnjih istraga, od čega je bilo osnovanih 7, neosnovanih 22, bez dovoljno dokaza 23, a 10 istraga, a u 10 istraga je došlo odustanka od predstavljanja. Na šta su se u principu žalili građani? Najviše je nezakonit, nepravilan i neprofesionalan rad, i to u 96 slučajeva. Dakle, uviđaj saobraćajnih nezgoda gdje je podneseno 8 žalbi, prekršaj iz oblasti saobraćaja gdje je podneseno 29 žalbi, upotreba sile od strane policijskih službenika 12 žalbi, komunikacija sa policijskim službenicima prilikom razgovora na dežurne brojeve telefona policije podneseno je 12 žalbi, nedovoljno poduzimanje mjera iz svojih nadležnosti 38, eventualna koruptivna ponašanja, javni red i mir po 5. Uglavnom dakle, to je struktura onoga na što su se žalili građani. Kako su građani podnosili žalbe? Najčešće je to bilo, dakle, putem e-maila i najčešće je to bilo da je to da su time emailovi naslovljeni na Odjeljenje unutrašnje kontrole, odnosno kroz različite pismene predstavljanje, dok je putem samog Odbora za žalbe javnost žalba podnesena u 4 slučaja. Kad su pitanje žalbe po organizacionim jedinicama Uprave policije, dakle, tu nam prednjači, između ostalog, ove veće općine u Kantonu Sarajevo tako Policijska uprava Stari Grad 40 žalbi, Policijska uprava Centar 31, Novo Sarajevo 22, Novi Grad 36, Ilidža 21, Hadžić i Trnovo 16, Ilijaš 12, Vogošća 8, Jedinica za saobraćaj kao posebna 18, Sektor kriminalističke policije 3, Sektor za policijsku podršku 1, te ostale organizacione jedinice ukupno 6 žalbi. Kada je u pitanju disciplinska odgovornost, odnosno pregled povreda službenih dužnosti koje Odbor, između ostalog, prati i nadzire, tijekom 2024 godine 5 policijskih službenika počinilo je 4 teže povrede službenih dužnosti iz član 103 stav 1. Zakona o policijskim službenicima, i to po tačkama: neizvršavanje nesavjesno, neblagovremeno i nepažljivo vršenje službenih zadataka, ponašanje koje narušava ugled policijskog organa, odnosno zloupotreba službenog položaja, u jednom slučaju, ova prethodna u 2. Kada su u pitanju lakše povrede službenih dužnosti, tu imamo i nekorektno i nepristojno ponašanje prema kolegama u jednom slučaju, te neizvršavanje nesavjesno, neblagovremeno, nepažljivo izvršavanje službenih zadataka bez težih posljedica u 2 slučaja. Kada su u pitanju završna razmatranja i zaključci, dakle u izvještaju, ukupan broj evidentiranih žalbi na rad policijskih službenika u 2024 godini 218 u odnosu na broj žalbi iz 2023. 242, što je između ostalog manji za 24 ili 9,91 %. Ako se ukupan broj zaprimljenih žalbi na rad i ponašanje policijskih službenika 218 posmatra u odnosu na ukupan broj evidentiranih događaja sa obilježjem krivičnog djela 3676 iz oblasti javnog reda i mira, 5431 prekršaj, te ukupno da je kontrolisano 221.420 vozila i vozača na području Kantona Sarajeva u 2024. godini, taj odnos može upućivati na zaključak, između ostalog, o visokom stepenu zakonitosti, profesionalnost i pravilnosti koju policijski službenici Kantona Sarajevo, između ostalog, primjenjuju u svom radu. Kako je moguće smanjiti broj žalbi? Ono što Odbor za žalbe je tokom i proteklog izvještajnog perioda u protekle 4 godine, između ostalog, cijelo vrijeme potencirao, dakle to su, između ostalog, snimanje razgovora prilikom komunikacije s građanima, dodatno eventualna edukacija iz oblasti vršenja uviđaja saobraćajnih nezgoda, kontinuirano osiguravanje stručnog osposobljavanja i usavršavanje policijskih službenika, kako u primjeni policijskih ovlasti, tako i u komunikaciji sa građanima na terenu. Ono što u principu kroz naše sjednice i kroz naš rad tako da kažem u razgovoru, sugeršimo istražiteljima tokom provjera potrebno tokom provjera, posebno istraga u principu je ono da razgovaraju, dakle sa podnosiocima žalbe. Jedan takav broj slučajeva, odnosno jedan veći broj slučajeva je okončan da ljudi između ostalog odustaju, tako da kažem kada vide da se netko interesuje, između ostalog, za njihove predstavljanje. Odbor je, između ostalog, u 2024 godini ostvario zaista odličnu komunikaciju kada je u pitanju Jedinica za profesionalne standarde Uprave policije i sve odluke Odbora su donesene jednoglasno, bez jednog izdvojenog mišljenja. I ono što u principu smo detektirali kao problem i što ovom prilikom između ostalog smo, tako da kažem, delegirali na nadležne, jeste da se, između ostalog, Unutrašnja kontrola na neki način pokuša, ako je to moguće, i izdvojiti, a samim tim i kada je u pitanju ljudski kapaciteti dakle, ovaj vrlo je oskudno, pa se dešava situacija da u pojedinim slučajevima imamo po jednog, odnosno 2

inspektora koji u određenim situacijama rade, a ima sistematizovano, prema našim informacijama, 8 radnih mjesta. Evo, to bi bilo u kratkim crtama kada je u pitanju ovaj Izvještaj Odbora za žalbe javnosti Skupštine Kantona Sarajevo. Ja vam se zahvaljujem.

Elvedin Okerić (predsjedavajući)

Zahvaljujemo se predsjedniku Odbora za žalbe javnosti. Vi se možete vratiti na svoje mjesto. S obzirom da nema prijavljenih, zaključujem raspravu i prelazimo na slijedeću tačku dnevnog reda.

Tačka petnaest.

AD- 15. Izvještaj o izvršenju sankcija u Kantonu Sarajevo za 2023. godinu.

Imamo li uvodničara? Sekretar ministarstva, izvolite, imate riječ.

Indira Šulović (sekretar Ministarstva pravde i uprave)

Poštovane zastupnice i zastupnici u Skupštini Kantona Sarajevo, ja sam Indira Šulović, sekretar Ministarstva pravde i uprave. Ja bih dala uvodne napomene za Izvještaj o izvršenju sankcija u Kantonu Sarajevo od 2023. i 24. godinu. Mislim da kažem o pravnom osnovu. Nadležni organi za izvršavanje sankcija na području Kantona Sarajevo u skladu sa odredbama člana 3. Zakona o izvršenju sankcija u Kantonu Sarajevo su Općinski sud u Sarajevu i Javna ustanova Kantonalni centar za socijalni rad, Kantonalna javna ustanova Odgojni centar Kantona Sarajevo, Ministarstvo unutrašnjih poslova Kantona Sarajevo i Kantonalna Uprava za inspeksijske poslove. U skladu sa odredbama člana 1. Zakona o izvršavanju sankcija u Kantonu Sarajevo propisano je da izvršenje sankcija i mjera u Kantonu Sarajevo i to su novčane kazne izrečene pravnom licu za krivično djelo, izvršenje mjere sigurnosti i odgojnih mjera izrečenih učiniocu krivičnog djela, odgoda ili prekid izvršenja odgojnih mjera, izvršenje prekršajnih sankcija osim novčane kazne izrečene fizičkom licu, kao i druga pitanja od značaja za izvršenje sankcija u Kantonu Sarajevo. Analizom izvještaja koje su dostavile navedene institucije, Ministarstvo svaki puta predlaže i mjere za unapređenje stanja. Mogu reći za ove 2014. godini, što smo '24. pardon. Znači, imajući u vidu da su mjere predložene u Izvještaju za izvršenje sankcija u Kantonu Sarajevo za 2023. nisu realizirane, Ministarstvo pravde i uprave je predložilo Vladi Kantona i Skupštini sljedeće mjere za unapređenje izvršenja sankcija iz nadležnosti Kantona, a koje, kao i do sada, fokusirane na efikasno provođenje Zakona o zaštiti i postupanju sa djecom i maloljetnicima u krivičnom postupku. Prve 3 mjere se odnose na Kantonalni centar za socijalni rad, znači dalje je kadrovsko jačanje Javne ustanove Kantonalni centar za socijalni rad u skladu sa važećim Pravilnikom o radu potpunom upražnjenih radnih mjesta stručnih radnika, pedagoga, prije svega psihologa, socijalnih radnika i pravnika, zatim obezbjeđenje fizičkog prostora za rad sa maloljetnicima u službama Javne ustanove Kantonalni centar za socijalni rad radi izbjegavanja kontakta sa ostalim korisnicima, prijem planiranog kadra i formiranje nove organizacione jedinice u Javnoj ustanovi Kantonalni Centra za socijalni rad koja će se baviti kako prevencijom maloljetničkog prijestupništva, tako i primjenom odgojnih mjera i odgojnih preporuka prema maloljetnicima. Što se tiče MUP-a, formiranje baze podataka o maloljetnicima između nadležnih službi socijalne zaštite u općinama na području Kantona Sarajevo i Ministarstva unutrašnjih poslova Kantona Sarajevo, u skladu sa Zakonom. Obezbjeđenje finansijskih sredstava na godišnjem nivou radi unapređenja prostornog kapaciteta za rad Službe za dijagnostiku i opservaciju Kantonalne javne ustanove Odgojni centar Kantona Sarajevo, u prvom redu radi omogućavanja fizičkog odvajanja korisnika navedene službe od ostalih kategorija korisnika ove Javne ustanove. Po pitanju edukacije kontinuirano stručno osposobljavanje i usavršavanje profesionalaca iz svih naučnih oblasti koji rade sa djecom i mladima, a naročito u ustanovama koje se bave prevencijom socijalno-

neprihvatljivih ponašanja i ustanovama u kojim se izvršavaju sankcije prema maloljetnim počiniocima krivičnih djela. Slijedeće je formiranje posebne zdravstvene ustanove za djecu sa poteškoćama u razvoju i ponašanju, a koja se nalaze u sukobu sa zakonom sa pružanjem medicinske pomoći. Osnivanje odgojne ustanove za resocijalizaciju maloljetnika, organizaciju stacionarnog tipa, izvršenje mjere sigurnosti obaveznog liječenja od ovisnosti, zatim primjenu mjere policijskog upozorenja i veći angažman cjelokupne društvene zajednice u besplatnom uključivanju djece u riziku u različite aktivnosti sportskog i kulturnog karaktera.

Vibor Handžić (dopredsjedavajući)

Zahvaljujem vam se. Vi možete sjesti na svoje mjesto. Otvaram, izvinite, molim vas, otvaram raspravu, zaključujem raspravu.

Prelazimo na tačku šesnaest.

AD- 16.

Izvještaj o izvršenju sankcija u Kantonu Sarajevo za '24. godinu.

Predstavnica ministarstva sekretarka je već podnijela uvodne napomene i za taj Izvještaj.

Znam kolega Bandiću da nije baš u skladu sa Poslovnikom, ali gospođa je, evo, zamolila i možete slobodno da obuhvati oba izvještajna perioda u svom izlaganju, ja sam joj to omogućio. Otvaram raspravu povodom ove tačke dnevnog reda Izvještaj za 2024.godinu.

Marijela Hašimbegović, zastupnica izvolite.

Marijela Hašimbegović (zastupnica)

Zahvaljujem se dopredsjedavajući. Ja želim istaći dvije stvari koje se prožimaju u oba, dakle, izvještaja, a koja se u stvari pojavljuju kroz evo, četvrtu godinu mandata, kako smo zastupnici u ovoj Skupštini. Dakle, u ovom predmetu se ističe da, recimo kod Ministarstva unutrašnjih poslova da je izrečena mjera sigurnosti zabrane upravljanja motornim vozilom, zašto je Ministarstvo unutrašnjih poslova Kantona Sarajevo spriječeno da, zašto je u nemogućnosti uručjenja poziva i onda navodi da je to radi velikog broja fiktivnih adresa ili manipulacija sa vozačkim dozvolama, kao i nemogućnosti izvršenja mjere prema određenom broju lica koji nemaju položen vozački ispit ili posjeduju stranu vozačku dozvolu. Za mene je to potpuno neprihvatljivo da evo četvrtu godinu čitamo, dakle, istu stvar, istu okolnost. I kod Kantonalne uprave za inspeksijske poslove evidentno je da je broj prekršajnih naloga u prošlom izvještaju koji sada ću pročitati za prošli izvještaj, dakle od 4150 prekršajnih naloga i novčane vrijednosti od preko 2,5 miliona, dakle, broj naplaćenih iznosi samo 2793, a broj naplaćenih prekršajnih naloga je preko 1 100 000. Dakle, šta želim reći? Želim reći da prekršajni nalozi nemaju nikakvu mjeru sankcije zato što javne ustanove, javna preduzeća znaju da ukoliko naprave prekršaj, da će sudskim odlučivanjem, uz naravno, odluku određenih sudaca, moći dobiti umanjenu kaznu. I samim tim smatram da su poslovi, dakle, Kantonalne uprave za inspeksijske poslove postali besmisleni. Hvala lijepo.

Vibor Handžić (dopredsjedavajući)

Zahvaljujem. Zaključujem raspravu pošto nema više prijava.

Prelazimo na tačku sedamnaest.

AD-17. Izvještaj o realizaciji plana povratka u i iz Kantona Sarajeva za period 01.01.-31.12.2023. godine, sa osvrtom na problematiku obezbjeđenja alternativnog smještaja, privremenog smještaja i Plan povratka u i iz Kantona Sarajevo za 2024. godinu

Predstavnici ministarstva su tu. Izvolite, samo se predstavite zbog stenograma i mikrofona je vaš.

Miralem Dedović (pomoćnik ministrice u Ministarstvu za rad i socijalnu politiku)

Dobro večer. Zahvaljujem dopredsjedavajući. Pozdravljam uvažene zastupnice i zastupnike. Ja sam Miralem Dedović, pomoćnik za socijalnu politiku ministrice za rad i socijalnu politiku Kantona Sarajevo, i raseljena i izbjegla lica. Dat ću uvodne napomene za Izvještaj o realizaciji plana povratka u i iz Kantona Sarajevo za period od 01.01. do 31. 12. 2023. godine, sa osvrtom na problematiku obezbjeđenja alternativnog privremenog smještaja i Plan povratka u i iz Kantona Sarajevo za 2024. godinu. Izrada predmetnog izvještaja je programski zadatak planiran Programom rada Ministarstva, odnosno u Skupštine Kantona Sarajevo za 2024. godinu. S tim u vezi na području Kantona Sarajevo na dan 31. 12. 2023. godine evidentirano je 2436 lica, odnosno 1108 porodica sa priznatim statusom raseljenog lica, od čega je 274 lica, odnosno 100 porodica sa prijeratnim prebivalištem u općinama Kantona Sarajevo, 84 lica, odnosno 38 porodica iz drugih Kantona Federacije Bosne i Hercegovine i 2078, odnosno 970 porodica iz entiteta Republika Srpska. U poređenju sa brojem raseljenih lica, odnosno porodica na dan 31.12.2022. godine 2463 lica, odnosno 1118 porodica vidljivo je da je broj lica sa priznatim statusom raseljenog lica na dan 31.12.2023. godine manji za 30 lica, odnosno 11 porodica. Smanjenje broja raseljenih lica u izvještajnom periodu rezultiralo je ukidanjem statusa licima za koja je utvrđeno da posjeduju uslovnu stambenu imovinu u mjestu privremenog boravka na području Kantona Sarajevo. U kontinuiranoj saradnji sa nadležnim službama općina Kantona Sarajevo, a na traženje ministarstva, dostavljaju se izvještaji o stečenoj imovini raseljenih lica u Kantonu Sarajevo na bazi kojih se inicira pokretanje postupka o ukidanju statusa raseljenog lica, što u krajnjoj rezultanti i utječe na smanjenje broja raseljenih lica u Kantonu Sarajevo. Zaključno sa 31.12.2023. godine za 190 lica je obezbijeđen privremeni alternativni smještaj. Porodice su smještene u rekonstruisanom objektu kolektivnog centra u Hrasnici za 23 porodice u stanju socijalne potrebe. 73 lica smještene su u stambenoj zgradi u Ililjašu, a 10 porodica u stanju socijalne potrebe i za 19 lica sa statusom žena žrtva rata smještaj je obezbijeđen u stambenoj zgradi u Tarčinu na području Općine Hadžići. Za 12 lica, odnosno 4 porodice sa statusom raseljene osobe smještaj je obezbijeđen u stambenim objektima O- 9 i O- 10 na lokaciji Otes, Opština Ilidža. Kada su u pitanju ostali obimi prava za zdravstvena lica, ministarstvo je u 2023. godini financiralo troškove zdravstvene zaštite mjesečno u prosjeku za 170 raseljenih lica u Kantonu Sarajevo, koji nisu imali drugi vid zdravstvene zaštite. U 2023. godini, u okviru podprojekta CEP 2 nastavilo se aktivno raditi na realizaciji podprojekta u Tarčinu izgradnja stambene zgrade u Tarčinu općina Hadžići, u okviru koje je planirana izgradnja 9 stanova. Kada je u pitanju podrška u održivom povratku u i van Kantona Sarajevo tokom '23. godine Ministarstvo za rad, socijalnu politiku, raseljena lica izbjeglice Kantona Sarajevo dodijelilo je finansijske pomoći općinama i udruženjima koje su se ogledale u sanaciji infrastrukture, putevi, mostovi, vodovodna mreža, kupovina poljoprivrednog materijala, sufinansiranje prijevoza učenika, nabavka kombija za povratnička naselja, opremanje školske sportske dvorane, za što je ovo Ministarstvo planiralo i realizovalo sredstva u iznosu od 313.776 konvertibilnih maraka. To bi bilo sve što se tiče uvodnog Izvještaj o realizaciji Plana povratka u i iz Kantona Sarajevo.

Vibor Handžić (dopredsjedavajući)

Zahvaljujem vam, možete se vratiti vi na svoje mjesto. Otvaram raspravu. Zastupnik Bandić, izvolite.

Muamer Bandić (zastupnik)

Zahvaljujem. Pošto vidimo radi se o Izvještaju za 2023.godinu, nije pretjerano relevantan, a ono što možemo da vidimo jeste ustvari da neki hronični nedostatak rešavanja ovih problema osoba koje imaju status raseljenih, neki ih nazivaju čak interno raseljeni, te neke institute sami sebi nekako dali u tom nekom vremenskom periodu, to jest ustvari najpogubnije što postoji zaista određene kategorije ovih osoba koji na neki način već dugo ne mogu da riješe problem, a zaista se radi o ozbiljnom problemu. I Kada vidimo ovaj broj koji je smanjen ustvari više se radi o administrativnim nekim aktivnostima Ministarstva na utvrđivanju njihovog statusa koji je izmijenjen činjenicom da su oni u međuvremenu nisu ostvarili neko to pravo koje bi im pripadalo po zakonu, ovamo u uvodu nije kolega rekao, a možemo svi kao zastupnici da vidimo, to je bezbroj nekih propisa i u principu imanentno je za svijetu da se ustvari koriste samo neki propisi koji pogoduju nekom određenom momentu, a da bezbroj drugih propisa, odnosno članova iz tih propisa nećemo koristiti. Dosta toga je navedeno da je više planirano u stvari nego što je riješeno kada vidimo koliko je potrošeno novca, vidimo da je to jedan zanemarivo mali iznos novca za ovakvu vrstu populacije. Zaista postoje ljudi kojima je neophodno regulisati, regulisati, njihov prijeratni, da kažem neki položaj koji su imali u ovom društvu, a koji su izgubili tim ratnim aktivnostima. Šta je ovdje sporno, stalno se spominje u ovom izvještaju, evo, ja sam to gledao još u mandatu kada sam ja bio, znate, bio je aktuelno, ne znam Šip, Baruthana, itd. I uvijek se kaže da se nalazi u nekoj fazi i čeka se od nekog nešto da se riješi, Opština Centar ili nekad je bilo Opština Stari Grad ili CEPS, evo, ne znam šta, vidio sam tamo za Pazarić, čini mi se da prave neke stanove, to se već 10 godina pravi i nikada se neće napraviti, mislim nikad. Ako se nešto pravi 10 godina, Šip se pravi, ne znam od kad već, dobro se sjećam ovde one ministrici, ne mogu sada da se sjetim kako se zove, gdje su oni tim nekim projektom, kako se zove, u principu iznosili takve prerogative, a to je bilo prije, ne znam kojeg vremena, prije 4, 5 godina je ta ministrica, SDP-ova je bila ministrica. Znam dobro da su se hvalili, to je taj projekat, mi smo taj projekat, ja kad sam bio zaustavili zato što ustvari nije bio postojao zakonski osnov. U konačnici, tamo su bili ne znam neka koliko ja mogu sada da se sjetim, neke su bile van, ove, nisu bile institucije, nego su udruženje, ne znam, ne mogu sada da se sjetim gdje su oni npr. provodili određenu vrstu javnih nabavki, sad vidim da je to promijenjeno, da to radi Zavod i to je OK. Međutim, nemamo neku pouzdanu informaciju kad će biti riješen u stvari status, evo konkretno da kažemo ovog objekta koji se u ovom izvještaju spominje Šip? I bilo bi interesantno da vidimo ustvari koja lica ispunjavaju uslove da budu smješteni u tom objektu. Taj objekat, pored činjenice da postoji za stambeno zbrinjavanje osoba koje imaju status ovaj raseljene osobe, postoji neki određeni poslovni prostor. Ja se sjećam, tada je to, u mom mandatu je to bilo vrlo interesantno, ja sam imao dosta tih pritisaka da se to realizuje. Ne znam kako je to u konačnici riješeno, dakle kada kažem riješeno, mislim na pravuno kako je riješeno, postojala je određena vrsta usluga od strane Opštine Centar u smislu davanja zemljišta i svih ostalih dozvola koje je potrebno, ostalo će sredstva obezbijediti ministarstva, a u samoj toj podjeli, odnosno dodijeli tih stanova bilo je dosta neprecizno, dosta neodređeno, praktički smo hipotetički se postojali planovi koliko stanova treba da bude, a da ustvari vladamo pravim informacijama koliko osoba ima status raseljenih i u konačnici nisu, nisu nikad detalji ovaj potpuno precizno utvrđeni. Ustvari ovo ministarstvo pokazuje koliko je ovaj jedan, mada ova ministrica generalno ne stavljam ovo njoj na teret, ona razumije oblast socijalne zaštite jer dugo je u socijalnoj zaštiti, ali generalno inače ovo ministarstvo pokazuje stvar, toliku jednu neuređenost ovog sistema, pravnu neuređenost, da postoji na desetine načina, evo, da ne kažem stotine načina da se na neki način novac nedovoljno transparentno i javno troši. Ja sam imao neke izvještaje iz ranijih perioda gdje ne znam postoji mogućnost npr. za davanje nekih određenih sredstava, a to je bila ova ministrica, čini mi se Naroda i pravde prije toga što se prije ministrice Ende, gdje je davala npr 30 000 maraka za rekonstrukciju, ne znam crkve ovdje u Pofalićima, čini mi se. Mislim da se razumijemo, ja smatram da taj novac

treba dat i vjerskim tim objektima, bez obzira religijski, bez obzira o kojoj konfesiji se radi, dakle, to je dio moje historijske nošnje i kulture i ja želim da se ulaže, ali to pokazuje zaista koliko je nevjerovatno da neko može dati 30.000 maraka ili ne znam koliko već novca za rekonstrukciju objekta koji cijelo vrijeme bio, dakle ovdje Federaciji, kakav on ima veze i kakav status ima sa raseljenim, statusom raseljenih osoba koje bi ustvari trebalo da mi neki način imaju ovaj pristup takvim pravima koja iziskuju sredstva? U stvari, to pokazuje neuređenost jednog sistema. Nije to samo za ovo, dakle ministarstvo, to je u većini ministarstava, ali evo ja to ministarstvo na neki način poznajem. Tamo je desetine miliona, ja se dobro sjećam u mandatu kojem sam ja bio, desetine miliona je smanjen budžet, za 10 000 000. To je nešto bilo nevjerovatno. Na sve strane se taj novac dijelio, a ustvari kada vi to pravno podvučete crtu, vidite šta je pravni osnov, vi vidite ustvari da taj novac jednostavno nekako curi, znate ono, nema Okerića ovdje da mu kažem onih njegovih 300 mjera što je najavljivao, imate 300 rupa samo u budžetu, na sve strane to curi i u ovom Ministarstvu. Ja sam npr. vidio u ovim nekim izvještajima, konkretno i u ovome, da u konačnici, kada se ne znam, Ivan Goran Kovačić dole ne realizuje objekat, onda tih 500 000 maraka se koristi, ne znam, za davanje nekim udruženjima. Evo, vidio sam tamo financiranje, nemam ništa protiv, dakle, ne znam neke javne ustanove u Goraždu. Goražde mislim nema status taj da bi moglo ostvariti, Grad Goražde nije bio u tom smislu dakle, ispunjavao uslove uopšte da dobije, ali tamo je neko eto, postoji neka ta mogućnost podzakonskog nekog propisa koji će vam dati tu neko pravo. Nevjerovatno je, ali to nije vezano za ovaj mandat, za ovaj izvještaj, mi imamo ovu uredbu kojom je omogućeno, to sam ja već pisao o tome i ja stvarno iznenađen, pričao sam i sa boračkim organizacijama da sada praktično neko ko je bio u Vojsci Republike Srpske, može, dakle, da stekne status osobe, koja ostvaruje pravo na status povratnika, ostvaruje neko pravo finansijsko. To je nešto nevjerovatno, mi praktično sami sebi, odnosno oni koji pune ovaj budžet, a koji su branili ovaj grad, daju novac nekome ko je rušio ovaj grad. E to je pravni okvir ovog ministarstva i ministarstva na nekom višem nivou. Nažalost, to je riješeno ovdje, ovaj određenom uredbom u Kantonu Sarajevo, i to, ja sam provjerio, nisam dobio informaciju, poslao sam, Piviću i ovima, čekam zaista da mi oni dostave da li postoji ovakva jedna opcija, jedna mogućnost u bilo kojem drugom Kantonu. Da neko, dakle praktično ko ima status pripadnika Vojske Republike Srpske koji je pucao na grad, koji je uništavao grad, dobije mogućnost da dobije status osobe povratnika i da dobije određenu vrstu prava da li neko kroz, ne znam, kroz neki javni poziv ili nešto slično. A imate na Grbavici sada osobe koje su preselile s Grbavice u neko drugo naselje, također u okviru Novog Sarajeva, nemaju taj status i to je nevjerovatno. Neko ko je bio znači na Ilidži, praktično je otišao u Hrasnicu, nema pravo da dobije taj status. Dakle, mislim, ne znam da li mi uopšte shvatamo, koliki je obim prava, mi puštamo u dispoziciju, ne znam dole nekim da li državnim službenicima, da na neki način oni svoje, kako da kažem, oni ne mogu biti političari, ali na neki način oni podzakonske propise vrlo vješto koriste, ne vjerujem da bi ovo Enda uradila da ministrica da je ona sprema na ovaj oblik, da kažem jednog potpunog pravnog, pravnog rastakanja jednog sistema koji će dati mogućnost da se ova finansijska sredstva izvlače za te kategorija. Ja ne znam da li bi iko od nas ovdje glasao za, evo, mi svi sjedimo u Skupštini, ako bi našli tu 2 ruke koja, 1 ruku koja će glasati da neko dobije novac koji je praktički ovdje ubijao ovaj grad. Ja sam za to da crkva u Pofalićima trebao da dobije, a ali to treba se naći dakle, pravi pravni posao koji će jasno identifikovati koja su to sredstva potrebna i da dobiju, a ne na ovaj način. I zato imamo sumorne izvještaje koji ništa ne pokazuju, koji kažu znate objekat Šip je, ne znam, u nekoj fazi, eto mi čekamo Zavod ili čekamo opštinu, ustvari mi ništa ne čekamo, mi to čekamo već godinama. Isto tako Pazarić, Pazarić se čeka od mog mandata, koliko se ja sjećam. To su uvijek bile znate neke lijepe priče, a u stvari vrlo je jednostavno riješiti ovo pitanje. Ne postoji mogućnost izgradnje ovih objekata koji se sada grade. Relokacija, to uopšte nije dozvoljeno, u zakonu nije dozvoljeno. Sad podzakonski akti su to pokušali da se proširi, možda je tu bila čak i neka dobra

volja, dobra namjera, ali ta dobra namjera nije bila potkrijepljena, nije bila, nije imala utemeljeno, dakle, pravo u zakonu. Ja se sjećam u svom mandatu, dakle, mi smo imali ozbiljan problem sa Hadžibajrićem i sa ovim načelnikom Centra i čak Hadžibajrić koji je bio u tom vremenskom periodu moj prijatelj, ja sam sa njim tu, nismo mogli naći nikako zajedničko rješenje.

Vibor Handžić (dopredsjedavajući)

Kolega Bandiću isteklo vam vrijeme i u ime Kluba.

Zahvaljujem. Zastupnica Hašimbegović. Ispravka krivog navoda, zastupnik Samir Avdić.

Samir Avdić (zastupnik)

Uz dužno poštovanje prema kolegi, posebno poznavajući njegovu biografiju, i da je jedno vrijeme bio i ministar ovog ministarstva, moram ispraviti navod da negdje eksplicitno piše o pripadnicima Vojske Republike Srpske ili HVO-a ili bilo koje drugi. Evo, imamo sreću da tu imamo uvodničara koji dolazi iz Ministarstva i koji je koji je kolega, odnosno i savremenik kolege Bandića, odnosno radili su zajedno u Ministarstvu i kada je on bio ministar i evo, ukoliko mu date priliku, on može potvrditi ili negirati ovo što ja kažem. Znači nigdje eksplicitno ne piše ili mi recite u kojem članu piše, jer već po drugi put to iznosite i zbog dostojanstva ministrice Ende, koja, naravno, nema ništa s tim, jer ona nije upsivala takve stvari vas podsjećam na sljedeće, a to je Aneks 7 Dejtonskog sporazuma koji jedini, odnosno iz kojeg se jedino može izvesti ono što vi sugerirate u svojoj diskusiji, a to je da bi eventualno i neko ko nije bio pripadnik Armije Bosne i Hercegovine mogao imati status raseljenog lica ili povratnika. Znači nigdje to u nekoj odredbi ili odluci koju je eventualno ova Vlada ili ova ministrica donijela i usvojila, ne piše, već je izvedeno iz Daytonskog sporazuma Aneksa 7, a evo ukoliko dopustite uvodničaru nakon što mi iscrpimo diskusije, on će negirati ili potvrditi ovo što sam ja rekao. Zahvaljujem.

Vibor Handžić (dopredsjedavajući)

Zastupnica Hašimbegović.

Marijela Hašimbegović (zastupnica)

Zahvaljujem se dopredsjedavajući. Podržavam diskusiju kolege Bandića i izražavam svoje ogromno nezadovoljstvo ovim izvještajem, posebno u kontekstu 100 porodica sa statusom interno raseljenih lica. Također izražavam svoje ogromno nezadovoljstvo činjenicom da izvještaj tretira, pa mogu reći kao bonit činjenicu da se gubi na neki način status, dakle raseljenih lica i da na taj način mi smanjujemo broj lica koja su u potrebi za smještajem. Smatram to potpuno neadekvatnim, kao da smo, evo, na neki način u skrivenoj nekoj agendi napisali i čekamo kada će biološki nestati i samim tim smo problem riješili. To je krajnje nedopustivo. Nikakvog sistemskog rješenja nismo ponudili. 100 porodica interno raseljenih lica u Kantonu Sarajevo mogli smo sistemski riješiti za vrijeme našeg mandata mogli smo godišnje izdvajati milion, milion i pol bi bilo dovoljno i mi bi u konačnici završili ovo pitanje koje je Daytonskim sporazumom njima zagarantovano i mi apsolutno svojim neradom osporavamo njihova zagarantovana prava. Hvala lijepo.

Jelena Pekić (dopredsjedavajuća)

Zastupnik Šaljić, izvolite.

Jasmin Šaljić (zastupnik)

Hvala. Vlada Kantona je donijela dopunu Uredbe o načinu ostvarivanja pomoći za održivi povratak 13. juna 2024 godine. Kolega Avdiću, ne piše tamo kada bi to tako pisalo kako si ti rekao to bi katastrofa bilo, ali gledajte, u toj Uredbi se kaže evo, objasniti će kolega Muamer pošto, u toj Uredbi se kaže, znači da ljudi koji su napustili '96. godine područje Kantona Sarajevo imaju pravo da se vrate i apliciraju. A koji su to ljudi koji su napustili '96 godine, iz Bioskok, iz Paljeva, iz Butila, iz Borijsa, pa odatle odakle su nas granatirali. Ne traži ti tamo niko potvrdu jesi li bio u VRS-u ili HVO-u ili Armiji, znači odatle, odatle smo bili u opsadi 4 godine. Znači, ova odluka dopuna odluke Vlade Kantona omogućava da građani Kantona Sarajevo renoviraju kuće onima koji su rušili njihove kuće. O tome se radi, a to kad bi tako pisalo, pa to bi katastrofa bila, ali nije vrat jest šija, znači isti je, čim ti omogući. Ja sam u medijima istupio, molio Vladu KS poništi odluku, resorno Ministarstvo da preispita ovu odluku. Ja sam, kao i kolega Muamer, da se obnove kuće svakome, ali ne možemo ljudi, pa šta ćemo, šta ćemo reći ljudima koji nisu koji i sada oštećene kuće u Kantonu Sarajevo? Kako ćemo izaći pred ljude i reći vidi mi obnovit ćemo malo kuće, malo i četnicima što su nas iz minobacača granatirali s Borijsa ili sa Paljeva ili iz Butila iz kasarne, pa ne možemo to uraditi. 440.000 maraka, pa imamo ih gdje potrošiti, vjerujte imate će hoćete da ih potrošite. Mislim, to nije korektno prema, nije korektno prema evo nama kao zastupnicima, prema građanima Kantona Sarajevo. Drugo, kako su izašli? Pa kriva reintegracija. Kako? Zato što su poslušali tadašnje vojno i političko rukovodstvo i Krajišnika i Karadžića i izašli su, pogriješili su, izašli su, oni su trebalo da ostanu. 150.000 Srba je bilo na području Kantona Sarajeva. Oni su, sjećate se onih kolona prema Vracama, sjećate se njihovog ministra unutrašnjih poslova, imate sve te snimke, Krajišnika koji ih poziva, naređuje, prijeti, znači oni su, ljudi su izašli. I kada su nas dobro izgranatirali, sada da se vrate i znaš šta će uradi? Oni će prodati te kuće. Još kad bi finansijski jedno deset milja obnovimo stan20, 30 hiljada i on će da ga proda. I šta mi, smijemo se u lice ljudima kojima i sada prođite po ovim rubnim naseljima, razvaljeni krovovi. Ne možemo to da radimo, mislim, vi rade što hoćete, vi imate 18 struku, vi ćete donijeti odluku kakvu, nagradite ih ako hoćete, a što se tiče nas, ako ikad dođemo u priliku, ovo sigurno neće. Vjerske objekte treba sve obnoviti. Pa čuvali smo ih u ratu, čuvali smo ih u agresiji '93 godine, kada je najgore bilo, kada smo imali na 2 fronta rat. Ja sam lično bio, čuvao sam crkvu na Pofalićima. Pitaju me ljudi od koga je čuvaš? Čuvamo je od nekih ljudi koji su, koji su izbezumljeni iz Istočne Bosne i protjerani, pa da mu ne padne nešto na pamet. Čuvamo je jer smo htjeli da imamo državu. Država se pravi na taj način, čuvaš vjerske objekte, čuvaš drugo i drugačije. Zato smo ih dobili, dobili smo ih sa našim stanovnicima koji su, Hrvatima i Srbima, koji su ostali i koji su s nama ove vrijednosti iznijeli tokom agresije na Bosnu i Hercegovinu, zajedno, zahvaljujući i njima. Znači, čuvali smo vjerske objekte kad nismo znali hoćemo li mi, hoće li ući u grad, obračunali smo se sa pojedinim odmetnutim komandantima u najgorem periodu kada nismo znali hoće li nam linije popustiti, ali to ne znači da ćemo nagrađivati ljude koji su nam ispaljivali granate iz Butila, iz Paljeva, iz Borijsa, šta znam ja. Znači, ovaj dopis to omogućava. Ja pozivam još jedanput resorno ministarstvo, ministricu Endu, Vladu Kantona Sarajevo, ko god je, ona potpisnica, da ponište ovu odluku, 440 hiljada maraka, potrošite ih na nešto drugo. Ako je povratak, znate šta je povratak. Znači, obidžite ljude, dodijelite sredstva, puteve, vodu, ono što je od životnog njihovog značaja, a ovo, ovo je sramota ako ovo prođe, ako ovo uradite. Toliko. Hvala.

Jelena Pekić (dopredsjedavajuća)

Zastupnik Avdić, replika.

Samir Avdić (zastupnik)

Ja ću radi javnosti pročitati član, odnosno dopunu člana 2. I evo, molim da svi poslušaju ovo što čitam i da javnost posluša i podsjetit ću na Aneks 7, odnosno ovo što vi govorite prebacit ću na povratak u Republiku Srpsku. Znači, trebalo bi eventualno da očekujemo da neko zabrani povratak svim ljudima iz Federacije koji su imali status raseljenih osoba ili izbjeglica ukoliko su bili pripadnici Armije Bosne i Hercegovine, pa onda nema nikakvog nema, ne povratak, nego u obnovu kuća. A ja ću pročitati sada Uredbu, a molit ću da uvodničar objasni koja je ustvari suština te dopune Uredbe, kao stručnjak iz Ministarstva. Znači član 1. dopuna člana 2. U Uredbi o načinu ostvarivanja pomoći za održivi povratak ("Službene novine Kantona Sarajevo", broj 3/14, 30/17, 43/19 i 18/24). U članu 2. u stavu 1., iza tačke b. dodaje se nova tačka c. koja glasi c. „Osobe koje su iz Republike Srpske, Federacije Bosne i Hercegovine i Brčko Distrikta Bosne i Hercegovine dobrovoljno se vratile u Kanton Sarajevo i prijavile prebivališta koje su imale status raseljenog lica prije povratka u Kanton Sarajevo i prijeratno prebivalište u Kantonu Sarajevo. Tako, eto tako tačno sam pročitao dopunu člana, eto nek mi neko ovdje objasni.

Jelena Pekić (dopredsjedavajuća)

Zastupnica Gaković jel replike, ali diskusija? Dobro. Zastupnik Bandić replika.

Muamer Bandić (zastupnik)

Da skrenem kolegi Avdiću pažnju, dakle, ja sam na komisiji Zakonodavno-pravnoj pitao ovo i odgovor je bio takav. Kakav sam vam ja rekao. Ja sam, dakle, tu informaciju također potvrdio iz Ministarstva. Ali da vam nešto kažem kolega Avdiću, da ne bude nejasna situacija. Saša Baričanin je iskoristio ovo pravo, znači čovjek s Koševskog brda. Da li je on to iskoristio, ne kažem sada putem Ministarstva ili putem Opštine, nemam pojma kako. Čovjek koji je osuđen za ratni zločin, da budemo jasni, on je osuđen za ratni zločin i znate dobio je mogućnost rekonstrukcije kuće koju je na kraju prodao tu kuću. Dakle, znam primjer zato što dolazim iz neposredne blizine. A ovo što ste vi rekli, vidite, dakle, mi sada dajmo praktično mogućnost osobama koje su bile, dakle, ne piše tačno u Uredbi, vi ste to dobro rekli da je neophodan uslov da bude pripadnik Vojske Republike Srpske, ali to nije isključeno da bude. A kada govorite o povratnicima iz Kantona Sarajevo i neke druge, dakle, postoji drugi zakon, Zakon o povratnicima koji smo mi donijeli u mandatu, kada sam ja bio u toj Vladi. Taj Zakon je kasnije druga skupštinska većina kad je Konaković bio premijer donio, samo su ustvarili izmijenili, čini mi se, naziv i po tom osnovu, dakle, ljudi koji su bili Kantonu Sarajevo, dakle za vrijeme rata, koji su izbjegli iz nekog drugog okupiranog područja, kada su se vraćali iz Kantona Sarajevo, ne znam u Višegrad, Rogaticu ili bilo koje drugog okupirano mjesto imali su pravo da ostvare status povratnika po tom Zakonu i to je ustvari bio i ključ. Taj Zakon je čak vaš kolega što je bio ministar u tom mandatu, on je dolazio kod nas, ne mogu da se sjetim iz Srebrenice ovaj, bio ministar obrazovanja, Emir Suljagić je ustvari bio pokretač tog zakona i nismo mi ni znali za to, on je nama to donio, samo smo ga mi uobličili pravno. Ne, ne, evo nek nam čovjek kaže u stvari da li pripadnik Republike Vojske Srpske može da dobije status osobe izbjeglice, odnosno povratnika ovdje u Sarajevu. Samo malo evo da završim pošto smo već ovako komunicirali. Kolega Avdiću...

Jelena Pekić (dopredsjedavajuća)

Vrijeme.

Muamer Bandić (zastupnik)

Samo da evo završim.

Jelena Pekić (dopredsjedavajuća)

Vrijeme je isteklo. Hajte još jednu rečenicu, molim vas.

Muamer Bandić (zastupnik)

Ovu opasku sad koju ste rekli, da li moglo u mom mandatu? Nije, zato što treba da pogledate kada je došlo do izmjena ovog zakona, ove Uredbe. Hvala.

Jelena Pekić (dopredsjedavajuća)

Odgovor na repliku zastupnik Šaljić izvolite.

Jasmin Šaljić (zastupnik)

Hvala. Kolega Avdiću, ovo što vam ja govorim potvrđuje vam i činjenica da je Koordinacija boračkih udruženja održala sastanak na ovu temu, to je poznato ovdje u ovoj zgradi sa dnevnim redom tačka dnevnog reda je bila ova odluka Vlade o dopuni ove Uredbe. Toliko su se svađali da je obezbjeđenje ušlo i zaprijetilo im da će pozvati policiju, upravo oko ove Odluke. Eto, toliko. Znači ova Odluka je tačna, ovo što govorimo i ja vas molim da ili iznađete način da ne mogu dobiti ljudi koji su gađali Sarajevo, jel evo slučaj što je reko moj kolega Muamer. Pa znate li vi ko je taj Baričanin? Pa on je odležao sa Batkom, Batko je dobio 40 godina, on 20, izašao je, evo, skoro se slikao na Čaršiji, za ratni zločin, za civile na Grbavici. Pa ne možemo ljudi to dozvoliti. Jel se potkralo, kako se. Evo ja bih zamolio ovog našeg uvodničara da nam kaže šta sprečava ovo što je rekao kolega Muamer, ima li igdje tamo da je to, kako će dokazati, evo nek nam čovjek razjasni, pa ćete vidjeti. Znači, boračka koordinacija boračkih udruženja ima ih 10 ili 12 i tu zastupaju sve ove borački kategorije. Znači, tolika je svađa bila, evo oni me gledaju, da su htjeli iz obezbjeđenja zovnuti policiju. Eto.

Jelena Pekić (dopredsjedavajuća)

Vrijeme. Zastupnica Gaković, diskusija. Izvolite.

Elza Gaković (zastupnica)

Obzirom da sam ja predsjedavajuća Komisije za rad i socijalnu politiku također nekako, dužna sam da se referišem po ovoj tački dnevnog reda. Mi smo sugerisali kao Komisija da Zavod za pružanje besplatne pravne pomoći Kantona Sarajevo u okviru svojih nadležnosti pojača aktivnost na promociji pružanje besplatne pravne pomoći svim povratnicima u i izvan Kantona Sarajevo i naročito iz oblasti rješavanja imovinsko-pravnih odnosa kao gorućeg problema sa kojima se susreću povratnici. Zašto smo ovo tražili? Pa, naime, nerijetko smo u medijima čitali zaista jedne potresne ispovijesti povratnika, povratnika koji su se vratili na svoja ognjišta u entitetu Republika Srpska, kojima je na jedan zaista vrlo agresivan i neprihvatljiv način oduzeta njihova imovina koju oni su naslijedili, imovina koja je bila zavedena kao njihova imovina za koju su oni plaćali porez, imaju sve dokaze za to. Ovim putem zaista želim i obavijestiti građane koji se susreću sa ovom problematikom da mogu potražiti pomoć u Zavodu za pružanje besplatne pravne pomoći Kantona Sarajevo, gdje smo im sugerisali na jedan način da pomognu ovim licima kako bi ostvarili ovo osnovno, svoje pravo. Komisija je nekako jako dugo trajala i imali smo dosta imputa prema načinu dodjele sredstava. A i sama sam bila povratničko dijete, tako da najbolje znam ovu priču i živjela sam je. I u pitanju su suštinske potrebe povratnika, gdje smo sugerisali resornom, odnosno pomoćniku resorne ministrice da zaista obidu ove ljude

i da zaista vide šta je ono što im je suštinski potrebno. Jesu li povratnici u Republici Srpskoj, odnosno entitetu Republika Srpska, zaista povratnici u pravom smislu te riječi, onako kako to Dayton predviđa? Da li ti ljudi imaju riješena osnovna egzistencijalna prava? Da li ti ljudi imaju riješen prijevoz gdje sam njihove djece, kao osnovno ljudsko pravo, pravo na školovanje, gdje evo, susrećemo se sa tom problematikom kada su u pitanju djeca povratnička, koja pohađaju u školu u Osman Nuri Hadžić i te porodice su se vratile na svoje ognjište. Njihovo osnovno pravo jeste da im ovo ministarstvo u okviru upravo ovih sredstava obezbijedi ono što je njihovo pripadajuće pravo i da im na adekvatan način obezbijedi siguran put do škole. Tako da sve u svemu, ja sam, odnosno svi smo zamolili Komisiju da zaista vrlo ozbiljno i sistemski i suštinski priđe ovom rješavanju problematike, jer to je zapravo i svrha održivog, odnosno povratka u i izvan Kantona Sarajevo, da zaista oni istinski pravi korisnici, odnosno povratnici, dobiju ova sredstva, a ne nikako kako možda se nekad potkralo da se eventualno desi, ja bi zaista voljela da se riješi ovo pitanje i da nam odgovorite na ove kolege, gdje su i kolega Avdić i Bandić i Šaljić nekako zamolili vas da dobijemo odgovor na ove neke stvari. Zahvaljujem.

Jelena Pekić (dopredsjedavajuća)

Zastupnik Avdić, diskusija, izvolite.

Samir Avdić (zastupnik)

Repliku, odgovor na repliku, na odgovor na repliku itd. Iskoristit ću pravo na diskusiju samo da vam pročitam član 2 koji je dopunjen dopunom koju sam maloprije pročitao. Ovo je iz Zakona iz 2014. godine, da, iz 2014. godine, član 2. „korisnici pomoći za održivi povratak. Stav 1) pomoć za održivi povratak u skladu sa ovom Uredbom mogu ostvariti lica, pa pod a) koja su se dobrovoljno vratila i prijavila prebivalište u mjesto prijeratnog prebivališta u Republiku Srpsku, Federaciju BiH i Brčko distrikt Bosne i Hercegovine, koja su imala boravište u Kantona Sarajevu po osnovu statusa raseljenog lica ili pod b), koja su se dobrovoljno vratila i prijavila prebivalište u mjestu prijeratnog prebivališta u RS, Federaciju Bosne i Hercegovine i Brčko Distrikt Bosne i Hercegovine koja su imala prebivalište u Kantonu Sarajevo, kojem je prethodilo status raseljenog lica. Pa onda pod u stavu 2) ima šta se podrazumijeva pod prijeratnim prebivalištem. U stavu 3) iznimni slučajevi itd. Znači, i na ovo je dopuna na ovo je dopuna ona c) na ovo a) i b) koju sam maloprije pročitao, gdje se nigdje ne spominje niti 1996. godina, ne zna gdje ste to vidjeli, ali ja to nigdje nisam pročitao, niti ste spominje pripadnost bilo kojoj od vojski, konkretno u ovom slučaju Vojska Republike Srpske. Znači, 2014 ne sjećam se kad ste vi kolega bili ministar, ali tad nekad znači bio je ova Uredba je važila i ovo je član 2., a njegovu dopunu sam maloprije pročitao. U svakom slučaju, u potpunosti se slažem s vama da je nedopustivo ratnim zločincima itd davati bilo koju pomoć. Samo kažem da ova Uredba, odnosno dopuna Uredbe iz 2024 godine, ne dopunjuje ovaj član iz Uredbe iz 2014. na način na koji ste vi to maloprije rekli. A evo, zamolili smo i imamo kolegu koji će nam, nadam se, sa stručnog aspekta i vjerojatno je učestvovao u izradi eventualno ove dopune objasniti šta u stvari tzn. i kada je nastala i da li je nastala, da li je nastalo ovo na što vi upozoravate.

Jelena Pekić (dopredsjedavajuća)

Samo se prijavite. Replika, zastupnik Bandić.

Muamer Bandić (zastupnik)

Kolega Avdiću, vi čitate pogrešan zakon. Slušajte sada Uredbu koja nije ovo omogućavala, a koja je izmijenjena, posljednja izmjenjena. Evo, slušajte me sada. Dopuna člana 2. U Uredbi o način ostvarivanja pomoći za održiv povratak, Službene novine Kantona Sarajevo 3/14 u članu,

dakle 2. u stavu 1) iza tačke b) dodaje se nova tačka koja glasi c) koje se iz Republike Srpske znači iz Republike Srpske, Federacije, Brčko distrikta Bosne i Hercegovine, dobrovoljno vratio u Kanton Sarajevo i prijavio prebivalište. Dakle, šta vam govorim? Neko ko je bio na Grbavici i otišao '96 kada ga je pozvao kako se zove, Krajišnik, sada ima pravo da se vrati i da ostvari to pravo. To vam ja kažem. Samo da završim. To nije bilo pravo. Dakle, vidite, prije je bilo pravo da odavde iz Federacije, kada se neko prijavi u Republiku Srpsku, a to pravo nije bilo da se može prijaviti, dakle, već izmjenom ove Uredbe. Evo vam pogledajte, do sada to nije bilo, zato je izmijenjeno, kolega. Ta Uredba se, dakle, odnosi izmjena na ovaj dio koji sam vam sada ja pročitao. Dakle, do sada ta mogućnost nije postojala, pazite, iz Republike Srpske, Federacije Bosne i Hercegovine, Brčko distrikta BiH, dobrovoljno vratila u KS i prijavila prebivalište a koja je imala status raseljenog lica ili povratnika u KS. Dakle, šta želim da vam kaže? Naravno, ne piše da mora biti pripadnik Vojske Republike Srpske, ali ne isključuje tu mogućnost da bude pripadnik VRS. Vidite, dakle, ja vama sada kažem da mi imamo mogućnost da neko ko je bio nas, vidite kolega Avdiću, Saša Barićanin je bio neko, brat mu poginuo Vaso, išao sa mnom u školu, znam da je poginuo čovjek. I dakle, sad je on dobio pravo. Dakle, praktično je on dobio pravo na rekonstrukciju svog objekta i vrlo skupo je prodao tu kuću, a znam da je ležao za ratne zločine. Zbog čega vam ovo govorim? Ležao je zbog ratnih zločina na Grbavici. Vi sada imate dole desetine ljudi koji imaju status povratnika, a ne mogu da ga ostvare. to je žalosno.

Danijela Kristić (dopredsjedavajuća)

Vrijeme. Zaključujem raspravu.

Prelazimo na tačku osamnaest.

AD-18.

Izvještaj o stanju u oblasti socijalne zaštite i zaštite civilnih žrtava rata i zaštite porodice sa djecom u 2023. godini.

Molim uvodničara da podnesu uvodne napomene.

Miralem Dedović (pomoćnik ministrice u Ministarstvu za rad i socijalnu politiku)

Hvala dopredsjedavajuća. Ponovo Miralem Dedović, pomoćnik ministrice za socijalnu politiku ministarstva za rad, socijalnu politiku, raseljena i izbjegla lica Kantona Sarajevo. Vezano za tačku Izvještaj o stanju u oblasti socijalne zaštite, zaštite civilnih žrtava rata i zaštite porodice sa djecom u 2023. godini dat ću ukratko uvodno obrazloženje. Predmetni izvještaj je pripremljen u skladu sa Programom rada Skupštine Kantona Sarajevo, Vlade Kantona Sarajevo i Ministarstva za rad, socijalnu politiku, raseljena lica i izbjeglice Kantona Sarajevo za 2024. godinu. U izvještaju su, pored podataka o broju korisnika socijalne zaštite, zaštite civilnih žrtava rata i zaštite porodice sa djecom, prezentovani i podaci o izdvajanjima za ostvarena prava iz ove ovlasti, te ocjena stanja i dodatne aktivnosti Ministarstva za rad, socijalnu politiku, raseljena lica, i izbjeglice Kantona Sarajevo. Cilj izvještaja je da se u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom Federacije Bosne i Hercegovine, te Zakonom o socijalnoj zaštiti i zaštiti civilnih žrtava rata i zaštiti porodice sa djecom Kantona Sarajevo, te podzakonskim aktima iz oblasti kroz analizu broja korisnika prava i na osnovu toga izdvojenih sredstava pokaže stanje u navedenim oblastima u protekloj godini u poređenju sa 2022. godinom. Kroz izvještaj su prezentovani podaci o pravima koja se ostvaruju po osnovu Federalnog zakona, Kantonalnog zakona i podzakonskih akata, a za koja se sredstva izdvajaju iz Budžeta Kantona Sarajevo sa pozicije Ministarstva za rad, socijalnu politiku, raseljena lica i izbjeglice Kantona Sarajevo. Izvještaj je rađen na osnovu podataka Ministarstva podataka Javne ustanove Kantonalni centar za socijalni rad u čijoj je

nadležnosti provođenje zakona iz oblasti socijalne zaštite, te podataka općinskih službi za rad, socijalna pitanja, zdravstvo, izbjegla i raseljena lica koje provode dio zakona iz oblasti zaštite civilnih žrtava rata i zaštite porodice sa djecom. Podaci o ostvarenim pravima korisnika, kao i materijalnim izdvajanjima generisani su putem informacijskog sistema SOTAK koji omogućava evidentiranje svih korisnika prava iz oblasti socijalne i dječje zaštite na području Federacije Bosne i Hercegovine. Na osnovu mjesečnog evidentiranja broja korisnika po općinama Kantona Sarajevo Sarajevo ukupno u 2023. godini te izdvojenih sredstava, u izvještaju su tabelarno dati prosječno mjesečno izračunati podaci, a kroz tekst se ukratko komentariše zabilježeni trend svakog prava pojedinačno te indeksi u odnosu na 2022. godinu. U izvještajnom periodu je prosječno mjesečno u Kantonu Sarajevo evidentirano 26 734 korisnika nekog od oblika prava za koje se izdvajaju finansijska sredstva. Prosječno mjesečno sredstva za ove namjene u '23. godini iznosila su 9 253 243 konvertibilne marke. Ukupno izdvojena sredstva za ove namjene u '23. godini iznosila su 111 038 916 konvertibilnih maraka. Osnov za utvrđivanje novčanih i drugih materijalnih davanja vezano za socijalnu zaštitu i zaštitu porodice sa djecom po Kantonalnom zakonu je prosječna neto plaća ostvarena u Kantonu Sarajevu prethodnoj, '22. godini, pomnožena sa odgovarajućim koeficijentom koja prema Odluci o visini koeficijenta za obračun prosječne neto plaće ostvarene u Kantonu Sarajevo u 2022 godini, donesen od strane Vlade Kantona iznosi 750 konvertibilnih maraka. Osnov za utvrđivanje novčanih davanja iznosa po osnovu zaštite civilnih žrtava rata, lična invalidnina, dodatak za njegu i pomoć od strane drugog lica, ortopedski dodatak i porodična invalidnina je odluka za utvrđivanje osnovice za utvrđivanje visine mjesečnih novčanih naknada korisnika boračko invalidske zaštite u Federaciji Bosne i Hercegovine i iznosila je 910 konvertibilnih maraka. Postupak za ostvarivanje prava u oblasti socijalne zaštite u prvom stepenu provodi Javna ustanova Kantonalni centar za socijalni rad putem službi socijalne zaštite prema mjestu prebivališta podnosioca zahtjeva, dok u drugostepenom Upravnom postupku rješava Ministarstvo. O pravima oblasti zaštite civilnih žrtava rata i zaštite porodice sa djecom u prvostepenom rješavaju službe za upravu općina Kantona Sarajevo, dok u drugostepenom Upravnom postupku i postupku revizije rješava Ministarstvo. Socijalna zaštita u Kantonu Sarajevo je organizovana djelatnost usmjerena na osiguranje socijalne sigurnosti građana i njihovih porodica u stanju socijalne potrebe. Socijalnom potrebom u smislu člana i 11 federalnog zakona smatra se trajno ili privremeno stanje u kojem se nađe pojedinac ili porodica uzrokovano ratnim događajima, elementarnim nesrećama, općom ekonomskom krizom, psihofizičkim stanjem pojedinca ili iz drugih razloga, koji se ne mogu otkloniti bez pomoći drugog lica. Korisnici socijalne zaštite u smislu primjene federalnog i Kantonalnog zakona su lica i porodice koje se nalaze u stanju socijalne potrebe. Prema podacima datim u tabelama ovog predmetnog izvještaja, ukupan broj korisnika socijalne zaštite po kategorijama evidentiranim u službama socijalne zaštite, općinama u 2023 godini iznosio 40 087 lica. Iz podataka prezentovanih u izvještaju evidentno je da je najveći broj korisnika socijalne zaštite po kategorijama evidentiran u općini Novi Grad, a najmanje u općini Trnovo. U '23. godini evidentirano je opće povećanje broja korisnika po svim kategorijama korisnika socijalne zaštite evidentiranih U službama za 9468 korisnika u odnosu na 22. godinu. U 23. godini, također, evidentirano je i određeno smanjenje broja korisnika u oblasti socijalne zaštite u odnosu na 22. godinu u kategoriji lica sa društveno negativnim ponašanjem, djece bez roditeljskog staranja, odgojno zapuštene djece, kao i osoba izloženih zlostavljanju i nasilju u porodici. Prema podacima Centar za socijalni rad Kantona Sarajevo, razlozi za povećanje broja korisnika socijalne zaštite su rezultat različitih faktora, kao što su loši socioekonomski uslovi porodica, praćeni povećanjem troškova života, nasilje u porodici, društveno neprihvatljivo ponašanje članova porodice, ali i povećana svijest građana o dostupnim programima socijalne pomoći. Svi navedeni faktori često djeluju zajedno, što je dovelo do povećanja broja korisnika socijalne zaštite. Korisnici u oblasti socijalne zaštite u skladu sa Federalnim i Kantonalnim zakonom te

podzakonskim aktima, u '23. godini ostvarili su sljedeća prava: stalna novčana pomoć, novčana naknada za pomoć i njegu od strane druge osobe, jednokratna novčana pomoć, izuzetna novčana pomoć, novčana naknada za vrijeme čekanja na zaposlenje, smještaj u hraniteljsku porodicu, smještaj u ustanovu socijalne zaštite, zdravstvena zaštita, subvencioniranje troškova grijanja, subvencioniranje troškova dženaze, sahrane i ukopa, topli obrok u javnim kuhinjama, troškovi ljekarske komisije. U predmetnom izvještaju prezentovani su podaci za svako pojedinačno pravo, broj korisnika i novčani iznos za isto. Također, imamo i ostale oblike socijalne zaštite, a to su stambeno zbrinjavanje lica u stanju socijalne potrebe na lokaciji Otes, sufinansiranje troškova podstanarstva, usluge stručnog socijalnog rada itd. Prema podacima iskazanim u predmetnom izvještaju, evidentno je da je od prosječnog mjesečnog broja korisnika udio korisnika socijalne zaštite 35,75 %, korisnika zaštite civil žrtava rata 14 ,57 posto i korisnika socijalne zaštite porodice sa djecom 49,74 % . Kada se posmatra ukupan broj korisnika u odnosu na '22. godinu, isti je smanjen za 0,98 %. Što se tiče ocjene stanja u predmetnoj oblasti, analizirajući podatke prezentirane u izvještaju vezane za vrstu prava propisanih zakonskim i podzakonskim aktima u oblasti socijalne zaštite, zaštite civil, žrtava rata i zaštite porodice sa djecom, realizovanim budžetskim sredstvima za te namjene, može se zaključiti da su lica i porodice u Kantonu Sarajevo, koje pripadaju kategoriji korisnika u navedenim oblastima, obuhvaćeni širokom lepezom zaštite za koju se izdvajaju značajna budžetska sredstva. Posebno ističemo da je Ministarstvo i u 2023. godini bilo aktivno uključeno u provedbu zacrtanih politika u oblasti socijalne zaštite i zaštite djece sa porodicom viših nivoa vlasti, s ciljem poboljšanja njihove zaštite, a samim tim i stvaranje uslova kako bi ove ranjive kategorije uživale zaštitu koju im garantuju brojni međunarodni domaći dokumenti vezani za poštivanje ljudskih prava. Redovno je praćeno stanje u navedenim oblastima te su o istom informisane Vlada Kantona Sarajevo i Skupština Kantona Sarajevo te također i resorno federalno ministarstvo. U 23. godini znatno je unaprijeđena saradnja, partnerstvo i udruživanje vladinog i sektora civilnog društva u svrhu postizanja što veće efikasnosti i dostupnosti socijalne zaštite korisnicima kroz razvijanje mješovitih modela djelovanja koji za rezultat ima bolju, efikasniju i jeftiniju uslugu primjerenu sadašnjim potrebama korisnika. Hvala.

Danijela Kristić (dopredsjedavajuća)

Zahvaljujem. Otvaram raspravu. Zastupnik Šaljić.

Jasmin Šaljić (zastupnik)

Od maloprije ostalo bila htio repliku, valjda niste primijetili, pa nikom ništa.

Danijela Kristić (dopredsjedavajuća)

Pa nije mogla biti replika, prethodna tačka zatvorila sam raspravu, ali OK. Ukoliko nema niko drugi prijavljen zatvaram raspravu.

Tačka devetnaest

AD-19.

Studija o zdravstvenom stanju stanovništva, odrednicama zdravlja i zdravstvenoj zaštiti u Kantona Sarajevo u 2022. godini sa prijedlogom mjera za poboljšanje zdravstvenog stanja stanovništva u Kantona Sarajevo i mišljenje Ministarstva zdravstva Kantona Sarajevo.

Materijal se dobili uz poziv za sjednicu. Molim predstavnika predlagača da podnesi uvodne napomene.

Zlatan Hamza (direktor JU Zavod za javno zdravstvo KS)

Poštovana predsjedavajuća, dopredsjedavajuće uvažene zastupnice i zastupnice, Dragi građani, moje ime je Zlatan Hamza i ja sam ovlašten od strane ministra zdravstva da u njegovom odsustvu podnesem kratke uvodne napomene za naredne tačke dnevnog reda iz oblasti zdravstva. Ja vam neću oduzimati puno vremena, a već je kasno i obimni materijal ste već i prije dobili. Osvrnut ću se samo na preporuke naše Studije o zdravstvenom stanju stanovništva, odrednicama zdravlja i zdravstvenoj zaštite. U Kanton Sarajevo za 2022. godinu. Ono što je primijećeno da se udio starog stanovništva kontinuirano povećava u Kantona Sarajevo, što zahtijeva definisanje strateških pravaca, a za unapređenje položaja starijih osoba u Kantona Sarajevo i efikasnije interes seksualne aktivnosti na smanjenju negativnih demografskih trendova, kao i zaštiti osoba starije životne dobi, uvođenju neophodnih izmjena u silabuse fakulteta Zdravstvenog usmjerenja u pravcu ovog predmeta i specijalizacije, odnosno subspecijalizacije iz oblasti gerijatrije i generalno zdravstva. Osim toga, potrebno je intenzivirati preventivne intervencije na svim nivoima zdravstvene zaštite, a posebno u segmentu kontrole faktora rizika na nivou primarne zdravstvene zaštite u porodičnoj medicini i kada su u pitanju hronične nezarazne bolesti, zatim nastaviti razvoj porodične medicine na području Kantona u Sarajevo, na području Kantona Sarajevo, u skladu sa Zakonom o zdravstvenoj zaštiti te usvojenim strateškim dokumentima na nivou Federacije Bosne i Hercegovine. Ono što je primijećeno da je evidentan pomak prema starijim dobnim skupinama doktora medicine u Kantona Sarajevu te je potrebne mjere za hitnu izradu plana razvoja ljudskih resursa u zdravstva u Kantona Sarajevu. Zatim dosljedno primjenjivanje člana 109. Zakona o zdravstvenoj zaštiti gdje prema kojem zdravstvene ustanove primarne, sekundarne i tercijarne zdravstvene zaštite uspostavljaju jedinstven sistem upućivanja pacijenata, organizovati sistem preventivnih programa ranog prepoznavanje i rane intervencije u oblasti mentalnog zdravlja s ciljem prevencije nastanka problema mentalnog zdravlja i u odrasloj dobi, izraditi dugoročan program prevencije zloupotrebe psihoaktivnih supstanci za područje Kantona Sarajevo, kao i standarde kvalitete vezane za rad u oblasti univerzalne, selektivne, indicirane prevencije i zloupotrebe psihoaktivnih supstanci, zatim neophodno izvršiti sveobuhvatnu analizu privatnog sektora u zdravstvenoj zaštiti na području Kantona Sarajevo kada je u pitanju kada je prostora oprema, ono što je također jako bitno kontinuirano jačati program obavezne imunizacije preporučene imunizacije u Federaciji Bosne i Hercegovine i pripremiti i usvojiti Kantonalni program za očuvanje zaštitu zdravlja ljudi od zagađene životne okoline koji su prouzrokovani štetnim i opasnim materijama u zraku, vodi i zemljištu odlaganjem otpadnih materija, opasnih hemikalija, izvorima ionizirajućeg neionizirajućeg zračenja, bukom i vibracijama, kontinuirano jačati, unapređivati informacioni sistem u zdravstvenom sistemu kao preduslov za bolju, efikasniju i efektivniju analizu zdravstvenih podataka. To bi bilo ukratko to za 2022.

Danijela Kristić (dopredsjedavajuća)

Zahvaljujem. Otvaram raspravu, vi možete sjesti.

Zaključujem raspravu.

Prelazimo na tačku dvadeset.

AD-20.

Izveštaj o zdravstvenom stanju stanovništva, odrednice zdravlja i zdravstvena zaštite u Kantonu Sarajevo u 2023. godini sa prijedlogom mjera za poboljšanje zdravstvenog stanja stanovništva u Kantonu Sarajevo.

Materijal ste dobili uz poziv za sjednicu, molim predstavnika predlagača da podnese uvodne napomene.

Zlatan Hamza (direktor JU Zavod za javno zdravstvo KS)

Gledajući ova dokumenta, preporuke su apsolutno iste bile u '22 i '23. Neke od preporuka se počinju već u '24 realizirati, tako da ja ne bih, kada je u pitanju studija za '23. dalje oduzimao vrijeme nego bih zaključio sa ovom konstatacijom.

Danijela Kristić (dopredsjedavajuća)

Zahvaljujem. Otvaram raspravu, zaključujem raspravu.

Tačka dvadeset i jedan.

AD- 21.

Izvještaj o provedenoj jesenjoj preventivnoj sistematskoj deratizaciji u 2024. godini.

Materijal ste dobili uz poziv za sjednicu. Molim predstavnika predlagača da podnese uvodne napomene.

Zlatan Hamza (direktor JU Zavod za javno zdravstvo KS)

Evo i ovdje ću kratko. Skupština Kantona Sarajevo, na prijedlog Ministarstva zdravstva Kantona Sarajevo, donijela Program izvođenja obavezne preventivne sistematske deratizacije na području Kantona Sarajevo za period '23.-'25. Ministarstvo zdravstva je dva puta raspisivalo javni poziv za odabir izvođača obavezne preventivne sistematske deratizacije, ali do odabira izvođača nije došlo jer su pokrenuti žalbeni postupci, a žalbe tih firmi su usvojene od strane Ureda za razmatranje žalbi. Obzirom na to da je programom bila propisana jedna obaveza koju izvođači u principu nisu trebali imati, a to je rješenje Ministarstva zdravstva Federacije BiH za prometovanje otrova, na prijedlog koordinacionog odbora da se navedeno izbriše, Ministarstvo zdravstva je uputilo zahtjev prema Zavodu za javno zdravstvo da se izvrši izmjena programa. Zavod za javno zdravstvo je to uradio i onda je se pristupilo otvorenom postupku javne nabavke, za jesenju fazu deratizacije za '24. te proljetnu -jesenju fazu za '25., izabran je izvođač konzorcijum firmi koji je započeo izvođenje deratizacije 1. 10. 24. I nakon provedene obavezne preventivne sistematske deratizacije uvidom u dostavljeni izvještaj izvođača utvrđeno da je uspješno okončan postupak jesenje faze preventivne sistematske deratizacije na području Kantona Sarajevo. Zavod za javno zdravstvo je dostavio konačan izvještaj o stručnom nadzoru nad provođenjem obavezne preventivne sistematske deratizacije za jesenju fazu '24. godine u kojem je navedeno, između ostalog, da je preventivna deratizacija obavljena u skladu sa predviđenim programom. Koordinacioni odbor je dostavio izvještaj kojim je, između ostalog, navedeno da je uspješno okončana jesenja faza i na kraju, Kantonalna uprava za inspeksijske poslove u Upravnom nadzoru u svom izvještaju je navela da je kontinuirano vršila inspeksijski nadzor nad izvođenjem deratizacije, na osnovu čega su konstatovali da je postupak u potpunosti izvršen u skladu sa programom. Ono što bih naglasio na kraju da je osim a površina deratizacije koje su propisane ovim Programom, svi dužni na osnovu Zakona o zaštiti stanovništva od zaraznih bolesti i Pravilnika o načinu obavljanja obavezne preventivne dezinfekcije, deratizacije, svi dužni provoditi ove mjere od pojedinaca u vlastitim prostorima, zatim stanarima preko upravitelja, jedinica lokalne samouprave i općinskih komunalnih službi i komunalnih preduzeća, pa sve do velikih javnih površina za koje ovaj se izvještaj ustvari i podnosi.

Danijela Kristić (dopredsjedavajuća)

Zahvaljujem, možete, sada sjesti. Otvaram raspravu. Zastupnica Vujović.

Vedrana Vujović (zastupnica)

Zahvaljujem dopredsjedavajuća. Pa evo vrlo kratko, s obzirom da je kasno, evo čini mi se, ovo je zadnja tačka dnevnog reda. Meni je drago da je Skupština 2024. godine izmijenila Odluku o obavezno preventivnoj sistemskoj deratizaciji, s obzirom, kao što je sami rekli, dio je ovog izvještaja da 2 godine ista nije rađena. Ovdje ima možda malo nekih stvari koje su možda napisane, vidim da je pisano u januaru ove godine, ali evo svakako vrijedi napomenuti da je nažalost smo imali pojavu Leptospiroze, epidemiju koja je opet bila uzrokovana i dođu ostalog i činjenicom da 2 godine nismo radili preventivnu sistemsku deratizaciju i meni je drago da je taj proces, nakon 2 godine otkočen i, nadam se da i 2025 godini da proces idu svojim tokom te da ćemo zajedno svi nekako zajednički raditi na što boljoj, toj jednoj, da kažem komunalnoj higijeni, jer nažalost smo iz jedne komunalne nehygienije i generalno stanja opće nečistoće Kantona i grada došli u takvu jednu situaciju i plus ovih nekih formalnih problema koji je bilo, ali evo, Skupština stoji na raspolaganju svakako i mi, pogotovo iz Kluba DF-a kada su u pitanju ove stvari, da unaprijedimo bilo koji proces, čak eventualno da se kroz budžet možda nađu neka sredstva za narednu godinu, da se te interventne mjere mogu dodatno izvršavati. To je vrlo često problem kada su u pitanju lokalne zajednice. Ali evo, u svakom slučaju drago mi je da nakon 2 godine imamo jedan, da kažem djelomično pozitivan izvještaj, iako proljetna za '24. nije rađena, rađena je jesenja i eto to me raduje. Toliko, hvala lijepo.

Elvedin Okerić (predsjedavajući)

Zaključujem raspravu vezano za tačku 21.

Prelazimo na tačku 22. Mislim da su zastupnici u hodniku. Pauza 5 minuta, ima inicijativa još jedna samo. Pauza 5 minuta, pauza 5 minuta, pauza 5 minuta.

NASTAVAK NAKON PAUZE

Elvedin Okerić (predsjedavajući)

Zamolio bih zastupnice i zastupnike da sjednu na svoja mjesta. Nastavljamo sa tačkom 22.

AD-22.

Inicijativa za izmjenu Zakona o odgoju i obrazovanju u osnovnoj i srednjoj školi Kantona Sarajevo.

Zamolio bih predstavnika predlagača da podnese uvodne napomene, zastupnik Muamer Bandić.

Muamer Bandić (zastupnik)

Dakle, ja sam ne znam, čini mi se, u devetom mjesecu 2024. godini podnio jednu inicijativu prema Skupštini. Ta inicijativa je u nekoj zakonodavnoj proceduri otišla prema Zakonodavno-pravnoj komisiji, prema Vladi i Vlada je tu inicijativu uputila ministarstvu resornom, Ministarstvu obrazovanja. Ja sam zaista dugo čekao na realizaciju jedne ovakve inicijative. U principu, dakle, o čemu se radi? Radi se o izmjeni Zakona o odgoju i obrazovanju u osnovnim i srednjim školama, osnovnoj i srednjoj školi Kantona Sarajevo, odredbe člana 80. Stav 3. Zakona o odgoju i obrazovanju u Osnovnoj i srednjoj školi Sarajevo je propisano da se u centru može organizirati program radnog osposobljavanja učenika sa teškoćama i učenika sa invaliditetom koji u ovaj program mogu biti uključeni do navršanih 26 je godine života. Moja inicijativa se odnosila, dakle, na brisanje ili ovog vremenskog ograničenja do 26. godine života

zato što takva vrsta ograničenja do sada nije postojala u radu, dakle i egzistenciji ovih specijalnih škola za obrazovanje. Posebno, dakle, naglašavam da se ovdje radi o specijalnim ustanovama za obrazovanje jer osobe koje su korisnici tih ustanova, dakle, bez obzira da li imaju 26 ili 16 ili 36 ili 56 godina, njihov intelektualni razvoj, dakle, na nivou djeteta od 10 godina. Nažalost, nisam imao da kažem nekog posebnog razumijevanja, stalno se odgovlačilo sa ovom inicijativom, posebno sam dugo čekao odgovor od Ministarstva, dobio sam na kraju odgovor od Ministarstva, negativan. Taj odgovor je meni direktno, neposredno, dakle dostavljen. U odgovoru je sve navedeno ovaj kako bi ustvari se ukazalo da ovakvu vrstu prava ove osobe ne bi mogle ostvariti, a da najpogubnije u svemu tome jeste, ja bar tako cijenim da je na kraju Vlada donijela Uredbu kojom je omogućila ustvari da ove osobe koje imaju više od 26 godina mogu ipak da pohađaju, dakle, ovu vrstu obrazovanja. Ja sam mišljenja da Vlada nije imala pravo na takvu vrstu uredbe. Uredba ne može biti, dakle, zakonodavac se opredijelio, ja nisam glasao tada za taj zakon, ali nisam ni vidio u zakonu ustvari, tu jednu, evo da kažem nepravilnost koju su mi ukazali, došlo sam, eto, do informacija za te nepravilnosti i zaista zamolio bih sve kolege ovdje, nikakve veze ovo nema sa politikom. Evo kolegica Pekić, ja sam viši puta govorio, neka ona bude predlagač materijala, bilo ko da bude predlagač materijala, ali stvarno ne možemo dozvoliti da jednu vrstu ovakve da kažem usluge, stavimo u ne znam da ne zbrinemo ovakvu vrstu usluge, jer se radi o osobama koje ne mogu da praktično ne mogu brinuti o sebi i njihov intelektualni razvoj je na jako niskoj razini. Oni decenijama ostvaruju ovo pravo. Sad je naravno, do toga kako to neko posmatra, da li se to treba riješiti kroz zakon. Ako želite da riješite, vi nađete rješenje. Međutim, ukoliko onda se uvijek nađu neki nedostaci, ne može zato što je određena starosna dob za obrazovanje i odraslih osoba. Međutim, ovo se radi o specijalnim ustanovama. Ukoliko ne može, ne znamo da kako je mogla Vlada da donese jednu vrstu takvih uredbi i u toj Uredbi, sama Vlada se pozvala na pravo o Konvencijama djeteta, odnosno osoba sa poteškoćama u intelektualnom razvoju i u tim slučajevima, dakle kada Vlada opredijeli se ipak može, a onda u konačnici, evo, nisam na neki način naišao na razumijevanje od strane ministarstva. Ja bih zaista zamolio kolege zastupnike, manje mi je bitno, evo, kažem nek kolegica Jelena, bilo ko nek predloži ovo, ja ću podržati, nisam jednom glasao za neke prijedloge stranaka trojke, posebno kada se radi o nekim bitnim materijalima. Svi ćete se sjetiti, dakle, kada je bio Zakon u ovom privremenom financiranju, lex specialis, ja sam osporavao samu proceduru ali sam za Zakon glasao i ističem stalo da je taj zakon bio dobar, da je bio pozitivan, donio pozitivni zakonska rješenja, donio pozitivne promjene i zaista bih vas zamolio da jednu vrstu ovakve inicijativi i vi podržite. Ne, dakle, zaista na političkoj ravni, mi možemo da se na nekom drugom polju politički ne slažemo, ali ovo na nekom biološkom, na nekom ljudskom osnovu bi trebalo zaista svi da podržimo. Hvala.

Elvedin Okerić (predsjedavajući)

Diskusija po ovoj tački dnevnog reda kasno je, nećemo oduzimati previše vremena, svi smo dosta umorni. Međutim ova također smatram da je inicijativa važna. Zahvaljujem se kolegi Bandiću što je uložio napor da uopšte večeras diskutujemo o njoj. Ono što je važno istaći i kazati da Ministarstvo za odgoj i obrazovanje je pokazalo u zadnjih 4, 5 godina odgovornost i senzibilitet prema najtežim kategorijama našeg društva prema djeca poteškoćama u razvoju, izdvajanjem sredstava, propisivanjem zakonskih i podzakonskih akata kako bi djeca sa poteškoćama u razvoju, njihovi roditelji, porodice, imale što bolji odgoj i obrazovanje u obrazovnom sistemu. Također, smatram da Vlada Kantona Sarajevo interresorno zajedno treba da riješi i ovaj problem gdje imamo na ovu inicijativu u nekim prethodnim komunikacijama, imamo negativno mišljenje da se može na ovakav način riješiti onako kako je kolega Bandić predlagao, pa smo dobili odgovor resornog ministarstva na ovu inicijativu da Ministarstvo za odgoj i obrazovanje Kantona Sarajevo cijeni da pitanje osiguranja radnog osposobljavanja osoba sa teškoćama invaliditetom zahtijeva multisektorsku saradnju u kontekstu pružanja

podrške njihovoj integraciji u društvu i svijet rada radno osposobljavanje osoba sa teškoćama i invaliditetom ne tretira isključivo Zakon o odgoju i obrazovanju u osnovnim i srednjim školama u Kantona Sarajevo. Cijeneći naravno da pitanje osiguranja radnog osposobljavanja osoba sa teškoćama i invaliditetom zahtijeva multisektorsku saradnju te da isto ne može biti u nadležnosti isključivo obrazovnog sektora, želimo se referirati na odredbe sljedećih federalnih zakona i onda ovdje imamo nabranje svih zakonskih propisa na nivou Federacije koje ovo jasno propisuju. Ono što je važno kazati da Skupština Kantona Sarajevo kroz ovu inicijativu ima namjeru da zaduži Vladu Kantona Sarajevo, da li će to biti multisektorski pristup kroz 2 ili 3 ministarstva, ali uglavnom da do kraja godine ovaj problem riješi. Mi trenutno sada imamo ovaj problem riješen uredbom, gdje ova kategorija ne trpi kako bi kazao, manjak brige. Oni su nastavili svoje provođenje, svoje aktivnosti, ostvaruju svoja prava i to neće biti problem. I nikada oni neće ostati bez svojih prava. Ono što Vlada treba da uradi treba da na neki način zakonski prepozna da li je to kroz jedan ili drugi, oba resora ili ovako uredbom je moguće da to ostane dalje, to je stvar Vlade koja treba da pripremi Skupštini Kantona Sarajevo, zakonskih propisa, a Skupština Kantona Sarajevo da prihvati, evo zajedno, svi u cilju namjeri da pomognemo ovoj kategoriji što prije, da budu u jednom od zakona eventualno prepoznati ili ako to ova Vlada ili Ured za zakonodavstvo smatra da je to nemoguće prepoznati. Kroz zakon. Za odgoj i osnovno, ovaj zakon osnovnog i srednjeg obrazovanja. Već da to mora ići kroz neki drugi resor ili ovako uredbom kao podzakonskim aktom, naravno da ćemo prihvatiti njihovo stručno mišljenje, ono koji će doći do skupštine Kantona Sarajevo, tako da pozdravljamo ovu inicijativu uz sve ove smjernice i sugestije Ministarstva za odgoj i obrazovanje i zadužujemo Vladu Kantona Sarajevo. Mislim da ovakav bi trebao formulisati zaključak, ne večeras, zato što želimo da se izjasnimo i za ostale tačke, to ćemo neki drugi put, tako da ćemo se izjasniti o ovoj tački, ali uglavnom da. Poruka kada je u pitanju ova inicijativa da zadužimo Vladu Kantona Sarajevo je da do kraja godine informiše skupštinu Kantona Sarajevo kako i na koji način rješava brigu ove kategorije i upotpunjava njihovo pravo da li kroz zakonski akt jednog oba ministarstva ili kroz podzakonski akt uredbom, kako to sada rješava. Hvala.

Zastupnik Muamer Bandić.

Muamer Bandić (zastupnik)

Evo replika. Znae šta, jel mogu? Znae šta kolega Okeriću, postoji dobra volja u skupštinskim klupama da se ovo usvoji, ali ja bih vas zamolio, dakle, da vi ne pokušavate da na neki način nađete i amnestirate i postupak ministarstva. Ministarstvo je napravilo ograničenje, e sad, mi iz ovog ograničenja, dakle, konkretno govorimo o tom resoru, trpe se posljedice, da li će to sada Vlada riješiti, ne znam na neki način kako ovo vi kažete kroz neka druga ministarstva i ako bude to Vlada rješavala, dakle mora brisati ovu odrednicu vremensku, odnosno ovo ograničenje i u tom pravcu je moja inicijativa. Ja bih vas zaista zamolio. Dakle, te osobe već ostvaruju to pravo sad, ali je to pravo dakle, temporalnog karaktera do kraja godine. I šta će se desiti, evo, ako Vlada ne uspije, šta ja znam šta se može desiti, nije prvi put da Vlada, mislim, nije prvi put ni da mi donesemo zaključak da ga neko ne ispoštuje. Šta će se desiti ustvari sa tim ukoliko Vlada ne nađe prijelazno rješenje, odnosno stalno rješenje, izvinite, prijelazno, već imamo. Kad prijelazno rješenje već se okonča, mi ostajemo, Zakon ostaje, dakle, na snazi i ta djeca gube to pravo. Znae šta je tu problem? Problem je zato što više oni ne mogu ni dolaziti u tu ustanovu i onda ćete imati problem da će oni doći ovdje.

Elvedin Okerić (predsjedavajući)

Odgovor na repliku. Uz dužno poštovanje i želju i namjeru da se riješe ovaj problem, mi nismo struka po ovom pitanju, mi tražimo odgovor, prijedlog struke, a to je Vlada kroz resorna ministarstva koja će dostaviti Skupštini Kantona Sarajevo, da li kroz informaciju da kažu da je

ovakvo, trenutno uređenje se nastavlja dalje, da je prijedlog da se ide kroz jedan resor, drugi resor ili kroz 2, 3 resora, to je stvar Vlade kako će ona predložiti rješenje, evo konkretno ove inicijative koju ste predložili. Ne bih ni ja ni vi da ulazimo u ovaj segment našeg društva ili obrazovnog dijela, gdje ne možemo kazati da smo struka i da mi znamo šta je najbolje. Postoje ljudi koji su se školovali, koji su se obrazovali, koji su čitav svoj život posvetili brizi o ovoj kategoriji i djece i odraslih. I ja mislim da im trebamo prepustiti da Skupštini dostave prijedlog koji će, naravno, Skupština uz obrazloženje, na kraju krajeva i pozitivna mišljenja, proceduralna i Ureda za zakonodavstvo i resornog ili resornih ministarstava, Vlade, doći na Skupštinu, a onda usvojiti onako kako treba, a ne da sada, uz negativna mišljenja, Skupština Kantona Sarajevo nalaže, pored negativnih mišljenja, da mi nalažemo da se nešto mora uraditi u jednom pravcu, ja nisam za to. Ja sam za to da Vlada Kantona Sarajevo iznađe rješenje. Potpuno se slažem i prihvatam ni brigu. Inicijativu u potpunosti, samo da to se uradi u skladu sa strukom, u skladu sa procedurama, u skladu sa svim pozitivnim pravnim propisima, kako bi mogli doći do krajnjeg rješenja.

Evo, dat ću vam riječ, s obzirom da je ovakva tema, izvolite.

Muamer Bandić (zastupnik)

Da ne ispravljam krivi navod. Zakonodavno-pravna komisija je dala pozitivno mišljenje. Ali da ne ispravljam. Dakle, mi smo bili stava na Zakonodavno-pravnoj komisiji, tu je bila kolegica Jelena i ta inicijativa je otišla takva kakva jeste. Zato je i došla ovdje. U čemu je stvar? Dakle, kolega Okeriću, kada mi govorimo o struci, vidite ovde nema neke posebne filozofije, ni pravni, niti stručne, ni bilo koje, da, mi jednostavno mi smo zakonodavac ovdje, mi opredjeljujemo, dakle politike zakonodavne, a ministarstvo ga provodi, to što znate, ministar može da je predlagač zakona, možemo mi predlagati zakon, nismo mi onemogućeni, dakle imamo mi pravo tu, naravno. Znao, to je sada otežavača procedura zato što ministarstvo imaju službe pa im pomaže, ali nije nemoguća. Poslovnički nije nemoguće tu uraditi. Ja se slažem, vi riješite ovo kako god želite. Nemam ja problem da li će to biti u socijali, u zdravstvu ili bilo gdje, meni je bitno samo da ovo bude riješeno jer imamo temporalni karakter Uredbe. Dakle, ona kaže da vrijedi do ovaj, kako se zove, do kraja godine i kada se okonča godina. Ova godina, dakle 2025, Uredba više nije na snazi. Znao šta, čak je postojala jedna opcija da ovi korisnici ove usluge pokušaju, dakle, da odu, da putem suda, da traže da povuku pitanje ustavnosti na način da povuku tužbu i da bi tražili od Kantonalnog ili ovaj Općinskog suda, da oni utvrdi da li je Uredbu u skladu sa zakonom. Ali nažalost, njima to nije tada u tom momentu odgovaralo. Dakle.

Elvedin Okerić (predsjedavajući)

S obzirom da večeras ne možemo ništa riješiti, a neću zaključiti raspravu kako bi mogli formulisati zaključak za izjašnjenje kada to bude nastavak ove sjednice, tako da sada ću prekinuti sjednicu. Evo smo. Imali ste priliku da podnesite inicijativu da prokomentarišemo, porazgovaramo o njoj. Evo, biti će i prilike da formulišemo zaključak u njenom nastavku i naravno, ostaviti priliku zastupnicima da se izjasne.

Ja vam se zahvaljujem na strpljenju, na angažmanu, prekidam rad današnje sjednice i blagovremeno ćete biti obaviješteni o njenom nastavku. Hvala vam.

S T E N O G R A M
DRUGOG NASTAVKA 24. RADNE
SJEDNICE SKUPŠTINE KANTONA SARAJEVO
ODRŽANE 20.10.2025.GODINE

Elvedin Okerić (predsjedavajući)

Otvaram Drugi nastavak 24. Radne sjednice Skupštine Kantona Sarajevo.

Podsjećam vas da smo prethodnim zasjedanjima, koja su održana 15.07. i 16.09.2025. godine obradili sve tačke dnevnog reda izuzev tačke 22., na kojoj je predlagač tačke, zastupnik Muamer Bandić, podnio uvodne napomene, tako da ovo zasjedanje počinjemo raspravom po ovoj tački.

Tačka dvadeset i dva.

AD- 22.

Inicijativa za izmjenu Zakona o odgoju i obrazovanju u osnovnoj i srednjoj školi.

Mi imamo ovdje predložen zaključak gdje bi mogli Skupštini ponuditi da se izjasni ukoliko predlagač inicijative, zastupnik Muamer Bandić se slaže s tim.

Zastupnik Mahir Dević. Izvolite, imate riječ.

Mahir Dević (zastupnik)

Vi rekoste da je kolega Bandić podnio uvodne napomene za ovu tačku dnevnog reda i tada je sjednica prekinuta. Jel tako? Rasprava je krenula negdje. Dobro. Prije svega, ja bih zaista bezmalo da kažem bilo kakve vrste podilaženja prema kolegi Bandiću želim da kažem da mu čestitam što je on kao zastupnik uspio da se izbori, da jedno ovakvo pitanje se stavi na samu sjednicu Skupštine Kantona Sarajevo, a paralelno s tim velika kritika i Vladi Kantona Sarajevo i resornoj ministrici zašto smo na ovakav način došlo do uvođenja uopće, ove tačke na dnevni red. Znači zapeti na jednoj ovakvoj temi koja je socijalno vrlo osjetljiva i vrlo opravdana, natjerati znači opozicionog zastupnika da uđe u ovakvu vrstu, ajde da kažem, pravne borbe u kojoj su vam bukvalno ruke svezane, ja se čudom čudim, pa smo uopće i uspjeli doći u ovu fazu da raspravljamo. Sjećam se te borbe i na Kolegiju itd. Ali evo, zaista se nadam da će jedan dobar dio pozicije shvatiti važnost ovoga da se tim korisnicima ova starosna dob na neki način produži. Kanton Sarajevo je u stanju da nešto tako uradi i mislim da nismo uopće trebali doći u ovakvu situaciju da na ovakav način raspravljamo na samoj sjednici, već je to trebalo da bude nešto što se zove skraćena procedura izmjene i dopune zakona. Pogledajte kako vi zloupotrebljavate Poslovnik i od strane Ministarstva i od strane aktualne većine u Kantonu. Za ovakve stvari je predviđena skraćena procedura. Umjesto da ste vi odreagovali kao većina, na inicijativu kolege Bandića, odnosno resorna ministrica, da je odmah predložila zakon u skraćenoj proceduri, ne, vi ste nas ili evo konkretno, kolegu iz opozicije, odnosno nas sve natjerali da se čitav krug napravi, da se izgubi skoro, ajde da kažem, evo maltene godina dana da bi jedna ovakva stvar bila izmijenjena samo zato što je kolega predložio. A ovome smo se mogli izjasniti prije godinu dana. A u drugim slučajevima, kada je vama nešto politički interes, onda vi taj Poslovnik potpuno stavite van snage i onda pazite ovo, znači, to ste radili jučer, prekučer, predložite zakon koji definiše jednu oblast, novu potpuno po skraćenoj proceduri, potpuno suprotno presudama Ustavnog suda koje su kazali da se zakoni donose u pravilu u redovnoj proceduri, mogu se iz opravdanih razloga nekada promijeniti u hitnoj proceduri, koja opet podrazumijeva da imate amandmansku fazu, a vi potpuno novi zakon, za koga ste mogli eventualno koristiti hitnu proceduru, predložite u skraćenoj proceduri, a onda nas tjerate na ovakve stvari kao što je kolega Bandić. Znači zato što ste Poslovnikom o radu Skupštine Kantona Sarajevo potpuno ubili parlamentarni život ovdje u Skupštini Kantona Sarajevo i bilo kakvu vrstu mogućnost da opozicija u nečem učestvuje. Evo dragi građani, otprilike izmjena zakona koja podrazumijeva podrazumijeva pomjeranje starosne dobi korisnika navedenih prava podrazumijeva proceduru kod ove aktualne većine u Kantonu Sarajevo od godinu dana. E sad, zamislite kako bi bilo kakva druga inicijativa ili zakon prošli kada bi opozicija pokušala

nešto da uradi. Naravno, to bi zapelo barem na 5 stepenica, a i ovo da nije dovoljno osjetljivo pitanje bilo u kome je neki zastupnici iz pozicije ipak malo zacrvenili, ne bi nikada došlo na dnevni red. E, to vam je slika aktualne vlasti u Kantonu Sarajevo, a onda ta ista aktualna vlast, nešto kao prigovara opoziciji, da opozicija nešto nije konstruktivna itd. Itd. Pa znači, vi činite sve što možete da nama zabranite da na bilo koji način učestvujemo u parlamentarnom životu ovdje, branite nam da diskutujemo, branite nam da postavljamo pitanja, ovdje na sjednicama Skupštine u pravilu nema premijera i skoro nikada nikog od ministara. Napominjem da je 12 ministarstava plus premijer, da je kakve sreće, svi bi ovdje bili. Znači, mi danas raspravljamo o zakonu u ovoj izmjeni koja se tiče direktno Ministarstva za odgoj i obrazovanje, ovdje nema resorne ministrice. Bez obzira što je predlagač ovog izmjene ovog Zakona, kolega Bandić, u najmanju ruku je ministrica trebala doći, pa kazni što je njen stav, da li ona podržava ovakvu izmjenu ili ne podržava, ako ne podržava, da nam obrazloži zašto to ne podržava. Znači, to je jedno stanje koje je zaista na neki način diskriminirajuće, ali evo, opet kažem, pozdravljam, da se uspio da kažem, probiti taj embargo na demokratiju u Kantonu Sarajevo, pa barem i na ovako osjetljivoj temi u Kantonu Sarajevo. Paralelno s tim, naravno, vi krijete izvještaj raznih preduzeća, javnih ustanova koji po 3, 4, i 5 godina nisu došli ovdje na Skupštinu, ja sam to govorio na sjednicama Kolegija. Naravno, to ćemo i u narednom periodu obznaniti šta vi ustvari radite i kako radite. Poneki zastupnik da podršku nekim stvarima i nekoj demokratizaciji ovdje, ali u pravilu vi ste uveli embargo na demokratiju u Kantonu Sarajevo. Hvala.

Elvedin Okerić (predsjedavajući)

Zastupnik Davor Čičić replika, pretpostavljam? Ispravka krivog navoda zastupnik Davor Čičić.

Davor Čičić (zastupnik)

Znači netačan navod da smo mi uveli ovdje nekome da, odnosno da ne damo nekome da diskutuje, odnosno zastupnicima opozicije, da se usvajanjem novog Poslovnika, da smo zabranili da diskutuje. Evo ja bih volio da danas sa ove sjednice evo cijeli dan što se, da se izvuku, evo, naravno, Televizija Sarajevo prati, pa da vidimo koliko je ko prostora dobio u diskusijama, tako da evo, kada saberemo i oduzmemo, više vi diskutujete sigurno nego vlast, odnosno pozicija, a u svakom slučaju to je pozitivno i neka i treba imati demokratske. Ali nije istina da vam je neko zabranio govor, pa govorite čovječe, evo od ovih 8 sati četiri sigurno, tako da ne želim da prihvatim taj narativ da neko nekome ovdje nešto zabranjuje. Svima je skraćeno, ja imam ista prava za diskusiju, isto minuta koliko i vi imate. Tako da demokratskost nikome nije ukinut. Hvala.

Elvedin Okerić (predsjedavajući)

Poslovnička intervencija zastupnik Muamer Bandić, navedite član Poslovnika. Uključite zastupnika Mahira Devića.

Mahir Dević (zastupnik)

Član 12. Prava i dužnosti zastupnika. Dužan sam navesti zašto sam tražio poslovničku intervenciju jer ne postoji druga mogućnost da obrazložim ovo što sam kazao. Evo ja sam sada diskutovao, kolega i vi ste ispravili krivi navod moje diskusije i sada ja po Poslovniku nemam pravo kazati da to što ste vi ispravili se ne odnosi na to i vi kažete da niste uveli embargo na demokratiju u Kantonu? Evo kako sada ja ispravim de vi ime recite kako da ja ispravim sad vašu ispravku krivog navoda?

Elvedin Okerić (predsjedavajući)

Izađete na hodnik, porazgovarate sa zastupnikom Čičićem al ovdje nam sada nećete oduzimati vrijeme, na žalost, moram vam oduzeti riječ. Zastupnica Belma Kapo, izvolite imate riječ.

Belma Kapo (zastupnica)

Evo, čekam kolege da završe da bih ja mogla. Ja sam zaista šutila i slušala njihovo izlaganje cijeli dan, pa evo, zamolila bih sada i za malo pažnje. Ono što želim jasno da poručim odavde porodicama djece sa poteškoćama i djeci sa poteškoćama, koji su korisnici Zavoda za specijalno obrazovanje i odgoj djece „Mjedenica Sarajevo“. Ne smije i ne može biti ograničenja dobne granice za korisnike ovih usluga. Onaj ko ne može da shvati da su ta djeca i kada su odrasli ljudi zapravo djeca i da su oni tu u funkciji cjeloživotnog učenja, zaista ne treba ni da potegne za bilo kojim izmjenama bilo kojih akata, bilo zakona ili pravilnika ili drugih zakonskih, evo oblika, a da nije obezbijedio neku drugu instituciju u koju ti korisnici mogu da se prebace. I ovo je upravo ono što sam ja danas diskutovala u jednoj drugoj oblasti, Kanton Sarajevo, Federacija i Bosna i Hercegovina nisu se potrudili još uvijek da nađu adekvatan sistem i rješenje za djecu sa poteškoćama koja završe inkluzivno obrazovanje, za djecu koja završi obrazovanje u specijalnim školama. Ti ljudi moraju imati svoje mjesto i sistem mora osigurati mjesto za te ljude. Tako da podržat ću izmjene koje je zastupnik Bandić predlagao i mogu da najavim u narednom periodu u ime SDP-a da ćemo sigurno izaći sa prijedlogom vezanim za djecu sa poteškoćom od rane intervencije pa nadalje. Mi uz temu imamo jako puno stvari i jako puno je Kanton Sarajevo zaista učinio za ovu oblast, ali je sve nepovezano. I dalje imamo jako puno ulaganja, mada bilo koliko god novca treba da se izdvoji da bi porodice bile sretne i da bi se ispunilo ono što njima treba. Mi danas imamo šarenijadu svega i svi su nezadovoljni, djeca nisu zadovoljna, porodice nisu zbrinute i dalje te porodice pod navodnicima lutaju s timu, mora se napraviti sistem da se zna koje dijete ide u inkluzivno obrazovanje, koje je trebao specijalnu školu, da im se obezbijedi i vannastavne aktivnosti od plivanja, jahanja, nekih stvari koje toj djeci su potrebne, nemaju djeca sva istu potrebu. Centar za rani rast i razvoj pri domovima zdravlja jako mora dalje je da se razvija. On jeste otvoren, što je napredak, ali tu je kap vode u moru u odnosu na ono što njima treba. I jednostavno sa ove govornice želim da poručim roditeljima i korisnicima usluga u Mjedenici da mi dok smo ovdje iz SDP-a, zastupnici sigurno nećemo podržati bilo koju odluku po kojoj će ti ljudi ostati na ulici. Toliko.

Elvedin Okerić (predsjedavajući)

Zastupnica Elza Gaković se javila za riječ.

Elza Gaković (zastupnica)

Zahvaljujem predsjedavajući. Prvenstveno, opredijelit ću se prema inicijativi kolege Bandića i reći ću da svim srcem podržavam uređenje ove oblasti da odrasli koji se evo su predmet ove inicijative zaista moramo imati neku vrstu ogromne empatije prema tim ljudima. Možda da su birali svoj život, možda ne bi birali ga na taj način, ali kada je već činjenično stanje takvo kako jeste, onda je sistem tu da im pruži svu potrebnu i neophodnu podršku, a da bude u skladu sa dostojanstvenim životom te skupine. Svjedočili smo svi razvoju i situaciji u Zavodu Mjedenica i zaista ne kako smo svi bili sigurno u istom tonu da ti ljudi koji se nalaze u Zavodu i borave u Zavodu kroz razni vid terapije, terapija, okupacionih terapija, zaista zaslužuju ne da budu prekinuti u tome, nego da im budemo sav mogući suport. 20. 9. 2024. prošle godine, povodom svih dešavanja u Mjedenici, a onako kako zakon je tada predviđao, ja sam nekako zaista smatrala bitnim i potrebnim da podnesem zastupničku inicijativu koja je, evo do danas, čini mi se, važeća u vidu uredbe koja definiše boravak te djece u tom Zavodu i Uredba je bila

privremeno, tj. prijelazno rješenje. Toj djeci je omogućen ponovni boravak u Zavodu Mjedenica, a zaista nama nedostaje pravni okvir njihovog djelovanja i boravka, odnosno održivosti svih tih radionica koje ta djeca, odnosno ti odrasli ljudi trebaju. Ovdje ne smijemo praviti segregaciju u odnosu na dob tih ljudi, jer svi mi dobro znamo o kakvoj populaciji je riječ. Dobna granica nam ne smije biti separator za njihov boravak, nego zaista se trebamo potruditi da ta djeca uživaju sva moguća prava i da nekako budem podstrijek da što bezbolnije prolaze kroz svakodnevne životne situacije. Ja ovu svoju zastupničku inicijativu od prošle godine neću, naravno, čitati, nemam potrebe i to da radim, pogotovo sa ogromnom dozom empatije govorim o ovim ljudima i mislim da političkim prepucavanjima, kada je u pitanju ova oblast, nema mjesta jer mi danas govorimo o jednim, o našim građanima, o osobama koji su nekako u potrebi i gdje moramo svi da budemo dobro obazrivi i na sistem djelovanja i na prava djelovanja, a pogotovo na sistem donošenja odluka. Zaista zavodi u kojima imamo jedno osposobljavanje osoba sa teškoćama i invaliditetom moraju da budu mjesto, oni jesu mjesto gdje ta djeca, odnosno ti odrasli ljudi, rado dolaze i nekako na najbolji način prevazilaze svoje svakodnevne teškoće. I nekako, čini mi se da lagodnije uz svo to okruženje žive. Ja samo da najavim da ću, naravno, biti podrška ovoj inicijativi i zaista se radujem obzirom da sam i tada, evo, pročitao ću jedan dio svoje predmetne inicijative. Iniciram donošenje zakonskih normi kojima će jasno biti definisan rad radionica u zavodima ili specijalnim ustanovama u budućem periodu sa definisanim pripadajućim pravima djece i odraslih sa invaliditetom i poteškoćama u razvoju. Ja ću ovim završiti svoje današnje izlaganje. Zaista ne želim da se bilo kada više desi ovakva ili slična situacija.

Elvedin Okerić (predsjedavajući)

Zastupnica Marijela Hašimbegović se javila za riječ.

Marijela Hašimbegović (zastupnica)

Hvala predsjedavajući. Naprosto je tako divno čuti ovoliku dozu empatije od strane Skupštine koju, evo, nisam baš dugo, dugo doživjela i drago mi je što ona dolazi upravo od onih koji su inicirali i podržali jedan ovakav zakon koji je u sebi integrirao činjenicu ograničenja starosne dobi. Drago mi je da ste promijenili svoje stavove i drago mi je da smo zaista uvidjeli šta je stvarna problematika koja se dešava ovdje u centru, u Zavodu Mjedenica i naravno da starosna dob ovdje ne smije biti prepreka, da moramo sistemski rješavati sve ono što je po pitanju dakle, osoba sa teškoćama u razvoju i invaliditetom. Posebno ističem činjenicu roditelja djece sa teškoćama u razvoju i invaliditetom i njihove svakodnevne borbe i njihove svakodnevne želje da njihova djeca dobiju barem onaj minimum uslova koje zaslužuju. Djeca koja su u ovom zavodu u Mjedenici u ovim radionicama, oni ne vole promjene, oni ne mogu, uopšte ne mogu da funkcionišu kada imaju uslove koji im se stalno mijenjaju, oni moraju imati stabilno okruženje, ljubav i pažnju i ja se nadam da će ova Skupština i dalje njegovati ovakvu vrstu empatije i da više nećemo doći u ovakvu situaciju da raspravljamo o ovim temama na ovakav način. Hvala lijepo.

Elvedin Okerić (predsjedavajući)

Zastupnik Faruk Selmanović.

Faruk Selmanović (zastupnik)

Zahvaljujem predsjedavajući. Evo, prvo ću iskoristiti priliku da se zahvalim kolegi Muameru Bandiću koji je pokrenuo ovako nešto i uložio dodatni trud i napore, pored svega onoga što je kolega Mahir kazao, sa čime se kolega Muamer susreo. Odredba člana 80. Stav 3. Zakona o odgoju i obrazovanju u osnovnoj školi u Kantonu Sarajevo, čije je brisanje predloženo čak i

kad ne bi bilo diskriminirajuće, zasigurno duboko dehumanizirajuće. Ova zakonska odredba djeca sa poteškoćama i invaliditetom tretira kao neželjeni teret, opterećenje, kao stavku u budžetu, kao trošak. Novac je optika kroz koju ministarstvo posmatra ovu najranjiviju kategoriju djece. I umjesto empatije i maksimalnog senzibiliteta prema ovoj ranjivoj populaciji, ministarstvo shodno zasniva isključivo na tržišnom principu i korporativnog kapitalističkoj logici. Za njih briga o ovoj djeci nije plemenita krajnje humana misija, nego teret koji se treba što prije i po svaku cijenu riješiti. I umjesto da Ministarstvo na primjeru ove djece pokaže da u ovom društvu osjećaj za humanost još uvijek postoji. Izjašnjenje ministarstva potvrđuje, upravo suprotno, pokazuje da smo kao društvo došli u fazu potpune dehumanizacije, a nakon te faze slijedi i potpuni propast. Uostalom, društvo koje nije senzibilno da pokaže brigu za najugroženiju kategoriju svojih sugrađana i ne zaslužuje u koncu da postoji. U tom smislu poražavajuća je činjenica da Ministarstvo u svom izjašnjenju, od 07.07.2025. godine, na podnesenu inicijativu za izmjenu člana 80 stav 3. Zakona predlaže da Vlada Kantona Sarajevo ne prihvati predmetnu inicijativu. Da paradoks bude veći, u dijelu izjašnjenja ministarstva koje prethodi ovakav nehuman prijedlog, stranica 5 izvještaja, Ministarstvo slatkorječivo i licemjerno, kaže, iskazuje posvećenost inkluziju obrazovanja i naziva tu navedenu posvećenost ključnim vrijednostima u Kantone Sarajevo. Ističe inkluzivno obrazovanje kao strateški cilj obrazovne politike u Kantonu Sarajevo, a od riječi do dijela, hiljadu sela, što bi rekao naš narod. Međutim, kada treba prijeći sa riječ na djela, ministarstvo naprasno mijenja iskaz, opredjeljenje i posvećenost za 180 stepeni i umjesto da Vlada da predloži Vladi da podrži ovu inicijativu, Ministarstvo predlaže da se inicijativa odbije. Nakon izjašnjenja ministarstva jedini osjećaj koji se u čovjeku može pojaviti jeste osjećaj tuge i velike gorčine. Jer Ministarstvo navodi da ograničeni resursi mogu determinirati proces radnog osposobljavanja utječući na njegovu dostupnost, kao i kvalitet podrške u razvoju i kompetencija neophodnih za socijalnu uključenost i ekonomsku samostalnost osoba sa teškoćama i invaliditetom. Da rano osposobljavanje ove kategorije djece, zahtjeva uključenje i drugi relevantnih institucija kako bi se uspostavio održivi model podrške i stvorili uslovi za njihovu socijalnu uključenost i radnu inkluziju. Čitajući ove tvrdnje u čovjeku bi se mogla i pojaviti nada da će sistem ipak pokazati opredijeljenost i konkretnu spremnost da olakša život djece sa teškoćama i invaliditetom, kao i olakšava njihovim roditeljima kada je u pitanju briga o toj djeci. Međutim, Ministarstvo se opredjeljuje za pristup koji podrazumijeva da ova djeca nakon 26. godine života ostaju prepušteni sebi i njihovim roditeljima ili, u najboljem slučaju, spremnost i dobroj volji nekih drugih institucija sistema, u konačnici da brigu o ovoj djeci i roditeljima preuzem nevladini sektor. U stavovima ministarstva i kontradiktornostima samo je nebo granica, a najbolje potvrđuje i dio teksta u izjašnjenja ministarstva u kojem se navodi: “dostupnog radnog osposobljavanja osoba sa teškoćama i invaliditetom, neovisno o njihovoj starosnoj dobi, zahtijevaju multidisciplinarni pristup te je neophodna saradnja obrazovnog sektora sa sektorom socijalne zaštite kako bi se osigurali neophodni resursi za održivu podršku i profesionalni razvoj i za zaposlenost osoba sa teškoćama i invaliditetom te afirmisala politika koja podržava radnu inkluziju“. Suprotno svemu napisanom, prijedlog ministricе koji je upućen Vladi glasi da se ne podrži inicijativa za izmjenu zakona. Dakle, ovakav stav ministarstva najbolje pokazuje koliko je stalo za ovu kategoriju. Apelujem na kolegice i kolege u Skupštini Kantona Sarajevo da se izdignu iznad ovoga što je napisala ministrica i da podržimo inicijativu našeg kolega Muamera jer je ovo jedino humano i jedino što u ovom trenutku možemo uraditi da pomognemo najugroženijoj kategoriji društva, a onakvi smo kakav je naš odnos prema onima kojima je naša pomoć najpotrebnija. Hvala.

Elvedin Okerić (predsjedavajući)

Zastupnica Jelena Pekić. Izvolite, imate reći.

Jelena Pekić (dopredsjedavajuća)

Zahvaljujem predsjedavajući. Ja ću svoju diskusiju iskoristiti da pozovem kolege zastupnike da oni koji tu nisu učinili, da posjete Zavod Mjedenicu, i ne samo kolege zastupnike nego i članove Vlade Kantona Sarajevo ukoliko ih ima, a da nisu, posjetili ovu ustanovu, mislim da je jako važno da odu, da posjete i da vide sve izazove sa kojima se jedna takva ustanova suočava, kao što je nedostatak prostora, kao što je zidovi koji nisu godinama okrečeni i za to poprilično nije poprilično nego zapravo optužujem i rukovodstvo, jel direktore koji su bili u prethodnom periodu i evo vidjet ćemo sad šta će, s obzirom da je izabrano tamo novo i rukovodstvo i uprava Zavoda. Evo očekujem od njih da i uslove u kojima tamo djeca i korisnici borave da se znatno unaprijede i poboljšaju jer je stvarno nije u redu da budu uslovi onakvi kakvi jesu trenutno. Evo Belma moja kolegica je Belma govorila o tome, mi ćemo kao Klub SDP-a podržati ovu inicijativu i zaista ćemo raditi da se unaprijedi položaj porodica i djece sa poteškoćama u razvoju jer očigledno je da značajna sredstva su uložena, a da u sistemu apsolutno nije niko zadovoljan. I ja ne mogu se složiti sa konstatacijom moje kolegice, zastupnice Hašimbegović, da smo mi promijenili neke stavove i mišljenje, mislim da je vrlo jasan stav ne samo SDP-a, ali vjerujem i ostalih zastupnika kada je u pitanju rad sa djecom sa poteškoćama u razvoju i žao mi je što to nismo od tad reagovali u momentu donošenja zakona i što nije bilo više i diskusije o tome u tom momentu, ali evo prilike da se jedna takva činjenica i ispravi. I zaista se ne smije desiti u Kantonu Sarajevo, pa i bilo gdje drugo, da ti roditelji imaju bilo kakvu vrstu straha, da će djeca ostati bez brige. I ono što ovdje posebno želim da naglasim jeste da se ovdje zaista radi o cjeloživotnom obrazovanju korisnika Zavoda Mjedenica i da tako ga i treba posmatrati u tom kontekstu i da su te okupacione radionice zapravo dio cjeloživotnog učenja i zato smatram da treba biti riješeno na način kako je to predložio kolega Bandić i zaista je to jedna inicijativa koja je nas sve okupila i mislim da o takvim vrstama inicijative zaista ne trebamo niti ih populizirati, niti sad dovoditi u kontekste bilo koju političku opciju. Čak je par puta kolega Bandić i sam rekao evo, predloži, nek predloži bilo ko želi da predloži, ne mora to biti moje ime, meni je samo važno da ova inicijativa prođe. I zaista vrlo korektno i hvala na tome kolegi Bandiću. Dakle, naglašavam još jednom, mi ćemo kao Klub SDP-a podržati ovu inicijativu i na taj način na neki način ispraviti propust koji se desio prilikom donošenja Zakona. Zahvaljujem se.

Elvedin Okerić (predsjedavajući)

Replika zastupnica Hašimbegović.

Marijela Hašimbegović (zastupnica)

Hvala predsjedavajući. Tako, često me pitaju pa zašto se konkretno tako u svakoj oblasti pokušavaš da djeluješ i javljaš, ja kažem, da, teško je biti u ovom sazivu Skupštine, u opoziciji, ali ostat će zabilježeno ono što sam zagovarala i koju sam viziju i ideju nosila. Kolegice Pekić, ostat će zabilježeno da ste vi podržali ovaj Zakon koji jeste ograničavao starosnu dob i ja vam tu ne mogu pomoći, ali sam čestitala činjenici da ste ipak promijenili svoje mišljenje i stavove. Hvala lijepo.

Elvedin Okerić (predsjedavajući)

Replika zastupnik Mahir Dević.

Mahir Dević (zastupnik)

Hvala. Dobro je da postoji neka vrsta samorefleksije, pa barem unutar SDP-a, evo, kada je trojka u pitanju i mi pozdravljamo jednu takvu stvar. Evo, čini mi se, i kolegica Belma je tako

govorila i vi, kolegice Pekić, za razliku od vašeg kolege Čičića, koji je drčno branio stavove da mi ovdje nismo diskriminirani. Pa evo kolega Čičiću, ja ću vam ovako sada kazati, na narednoj sjednici Skupštine Kantona ću tražiti od Stručne službe Skupštine Kantona Sarajevo da mi dostavi izvještaj u ovih 25 sjednica, koliko puta je mikrofonski ugašen opoziciji, a koliko poziciji? Također ću tražiti da mi dostave prisustvo ministara na svim sjednicama ovih 25. Kad ti podaci budu nama dostupni, onda ćemo vrlo jasno uporediti pa ćemo vidjeti da li ćete tada uspjeti odbraniti činjenicu da će se desiti vjerojatno da neko.

Elvedin Okerić (predsjedavajući)

Kolega Deviću, možete li se vratiti na temu?

Mahir Dević (zastupnik)

Na temi sam.

Elvedin Okerić (predsjedavajući)

Ako ne budete se vratili, bit ću prinuđen opet da vam isključim mikrofonski.

Mahir Dević (zastupnik)

Pojačajte statistiku. Pa ja to i želim, naravno.

Elvedin Okerić (predsjedavajući)

Pa ja vidim da vi provocirate dalje.

Mahir Dević (zastupnik)

Još jednu crticu i...

Elvedin Okerić (predsjedavajući)

Ajte, kolega Deviću, vratite se na tačku dnevnog.

Mahir Dević (zastupnik)

..vi ovu Skupštinu predsjedavajući i razumijete kao ono križanje onih ikseva. U tome i jest problem i zato i dolazimo u ovu situaciju jer je nemoguće da glas razuma dođe do vas. Pogledajte što vi sada ponovo radite. Izvadit ćemo te podatke sve ovaj i iznijeti pred javnost javno, na nekoj Press konferenciji vama ovdje u Skupštini. Bit će to malo posla za službu, ali ja mislim da će se oni snaći, da kroz te zapisnike to izbroje, pa ćete vidjeti da li onda ćete moći braniti ove stavove kada uporedimo poziciju i opoziciju. Hvala.

Elvedin Okerić (predsjedavajući)

Odgovor na repliku dopredsjedavajuća Jelena Pekić.

Jelena Pekić (dopredsjedavajuća)

S obzirom da vam kolega Čičić nema mogućnost odgovora na repliku, evo ja ću vam odgovoriti. Kolega Čičić uopšte nije bio drčan prilikom svog izlaganja, kako ste vi to naveli, zato što je sasvim logično, osvrnuo se kako vi zapravo zloupotrebljavate da u toku diskusije na temu koja se tiče Mjedenice i govorite koliko je vama uskraćeno pravo govora ili nije. Stvarno mislim da takvu vrstu diskusije totalno, naravno, imate pravo na nju kao zastupnik, ali zaista je neprimjerena na jednoj temi koja se tiče podrške za izmjene i dopune zakona kada je u pitanju

Mjedenica. I svaku priliku koristite, bez obzira šta je tema da govorite kako je vama neko uskratio bilo koje pravo. Evo i ja vam sad govorim da vam ni jedno pravo nije uskraćeno i da govorite po cijeli dan na Skupštini i javljate se, tako da mislim da nije korektno prema ovoj ustanovi, prema korisnicima ove ustanove, da tako zloupotrebljavate ovu tačku dnevnog reda.

Elvedin Okerić (predsjedavajući)

Nije ona diskutovala, replika. Zastupnik Jasmin Šaljić jel diskusija ili? Izvolite, imate riječ.

Jasmin Šaljić (zastupnik)

Ja ću nastaviti tačno gdje je stala kolegica Pekić i ja pozivam sve nas zajedno, ko nije bio, da obiđe Mjedenicu, da se lično uvjeri u kakvim uslovima rade, borave, hajde ja ću reći djeca, osobe i da porazgovaraju sa roditeljima i onda bi vidjeli kako je to težak posao. 90 % posla se tu svali na roditelje jer nema ko drugi. Samo sekundu, mogu li? Roditelje niko ne razumije. Zamislite kako je to odjeknulo u javnosti i u njihovim životima kada su čuli da kada se navrš 26 godina, da uzmu djecu ili osobe te odrasle već i da vode kući. Kakva je to bila nesigurnost i kakva je to očaj bio, a to postoji desetinama godina. Moj kolega Muamer Bandić meni se čini od samog početka mandata bavi se ovom situacijom vezano za Mjedenicu, za način rada, način kako se odnosimo sistematski, roditelji su bez podrške. To ne može niko da razumije, osim onaj ko ne poznaje neki takav slučaj, takvu osobu i njihovu porodicu, vjerujte mi, ne bi nikad ovo došlo u pitanje, niti bi došlo na dnevni red da vidite vi koji je to teret i obaveza i uzimanje vremena. Roditelji nemaju vremena ni za šta u životu, osim za brigu o tom djetetu. To su osobe koje imaju jel, punoljetne su, ali kao što su neko reće od zastupnika razmišljaju kao djeca od 3, 4 godine i to je dobro ako se utvrdi taj stepen. Drago mi je što smo, bez obzira koliko je vremena proteklo, evo kolektivno svi, evo čuo sam i zastupnicu Kapo i izlaganje i zastupnika pozicije. Svi isto mislimo da ovu nepravdu ispravimo, a ovo je možda prvi korak. Ovo treba još ozbiljnije urediti da nam se ne dese slučajevi kao što se desilo, da ne spominjem sada bazen i gdje god krenu, imaju neka štopanja, diskriminaciju itd. Ja ću vam, evo zahvaljujem pošto ste rekli da ćete podržati ovu inicijativu kolege Muamera. Kolegica Pekić je rekla da i jest tačno, i ja sam bio prisutan par puta kada je Muamer govorio nije važno nek je bilo ko od vas, al samo nek ona prođe, da pomognemo roditeljima, da pomognemo tim osobama i djeci. Hvala vam još jedanput i u moje ime. Završio sam.

Elvedin Okerić (predsjedavajući)

Jel diskusija kolega? Mogu li ja prodiskutovati, pa onda vi kratko. Iskoristit ću svoje pravo da prodiskutujem o ovoj tački dnevnog reda, prije svega da skrenem pažnju na vrlo nekorektnu diskusiju kolege Selmanovića koja je stalno provejavala diskreditaciju minimiziranjem rada uposlenika Ministarstva za odgoj i obrazovanje u Vladi Kantona Sarajevo. Ono što je važno kazati da komparacijom rezultata iz prethodnog perioda i zadnjih 5 godina građani, javnost, roditelji, učenici, prosvjetni radnici mogu da vide ko je kako izražavao empatiju i zabrinutost. Resorno ministarstvo za odgoj i obrazovanje na čelu sa ministricom Naidom Hota-Muminović je izdvojilo desetine miliona konvertibilnih maraka kada je u pitanju unapređenje obrazovnog sistema i, naravno, poseban segment i fokus su stavili na djeca s poteškoćama u razvoju kapacitiranjem obrazovnog sistema preko prijama preko 400 asistenata, kolega Selmanoviću. To ste preskočili, zaboravili, vrlo nekorektno ste diskutovali gdje ste preskočili obrazloženje koje je Ministarstvo za odgoj i obrazovanje dalo, pa ću sada ja pročitati i kazati istinu onako kako jeste ono što ste vi pokušali da obmanete javnost i da prikrijete činjenice i argumente. Obrazloženje Ministarstva za odgoj i obrazovanje kada je u pitanju ova inicijativa ogledale su u sljedećem: “U članu 63, gdje su naveli da Zakon o odgoju i obrazovanju u osnovnoj i srednjoj školi u Kantonu Sarajevo propisuje da odgoj i obrazovanje u srednjoj školi počinje upisom u

prvi razred srednje škole i obavezno je za sve učenike od završetka osnovnog odgoja i obrazovanja do sticanja srednje stručne sprema, a najkasnije do 22. godine života, osim učenika sa teškoćama i učenika sa invaliditetom koji imaju pravo na nastavak redovnog školovanja do 26. godine“. Zatim član 4. Stav 1. Zakona o odgoju i obrazovanju u osnovnoj i srednjoj školi u Kantonu Sarajevo propisuje da je u školama zabranjena svaka vrsta diskriminacije u skladu sa zakonom u cilju zaštite i osiguranja uživanja svih ljudskih prava djece, osoba sa invaliditetom i unapređenja poštovanja zagarantovanih ljudskih prava, na prijedlog Ministarstva za odgoj i obrazovanje. Ovo ste vješto preskočili sa namjerom da minimizirate, obezvrijedite rad i da ostavite jedan dojam u javnosti kako pojedinci unutar ministarstva većine unutar Vlade Kantona Sarajevo nemaju empatiju i nisu ništa poduzeli niti uradili za ovu kategoriju našeg društva. Pa se, kaže: “Ministarstvo za odgoj i obrazovanje Kantona Sarajevo 2022. godine donijelo je poseban program na Vladi Kantona Sarajevo za unapređenje inkluzije u Kantonu Sarajevo, čime su stvorene pretpostavke za unapređenje inkluzije kroz sistemski i multisektorski pristup. S tim u vezi, ostvarena je saradnja sa sektorom zdravstva i socijalne zaštite, profesionaliziralo se, profesionaliziralo se radno mjesto asistenta u odjeljenju, grupi, određen profil i stručna sprema za članove mobilnog stručnog tima, psihologe, logopede, edukatore, rehabilitatore koji nikad nisu bili kolega Selmanoviću u prethodnih 25 godina, a tek su se pojavili u zadnjih 3 godine, 4. Te je izrađen program edukacije nastavnika, asistenata i članova mobilnog stručnog tima. Važno je istaći, kolega Selmanoviću, da mobilni stručni tim pruža podršku školskom timu, nastavnicima, stručnim saradnicima, asistentima i roditeljima starateljima učenika, učestvuju u predškolskoj opservaciji i procjeni sposobnosti, interesa i potreba učenika s teškoćama u razvoju, učestvuje na sastancima školskih timova Odjeljenjskog i nastavničkog vijeća, učestvuje u procesu tranzicije djeteta učenika, asistira u planiranju i realizaciji vannastavnih aktivnosti, sarađuje sa sektorom zdravstva i socijalne zaštite. Također, osnažene su stručne službe škola, zapošljavanjem psihologa i socijalnih radnika. Ovo ništa nije bilo kolega Selmanović. Ovo ste vješto htjeli da preskočite, da prikrijete i obmanete javnost kako se ništa nije uradilo, kako neko nema empatiju, kako se nisu izdvajala sredstva, kako se nije obrazovni sistem kapacitirao ljudskim i materijalno-tehničkim sredstvima i neophodnom opremom. Cjeloživotno učenje omogućava socijalnu inkluziju svih članova društva, neovisno o njihovoj dobi, društvenom statusu, stečenom obrazovanju, interesovanjima, sklonosti i potrebama. Član 78. Stav 2. Zakona o odgoju i obrazovanju, osnovnoj i srednjoj školi u Kantonu Sarajevo propisuje da se u srednjoj školi osim realiziranja programa općeobrazovnog i odgovarajućeg stručnog dijela mogu realizirati i programi obrazovanja odraslih i stručnog usavršavanja u skladu sa zakonom koji reguliše obrazovanje odraslih na području Kantona Sarajevo. Kolega Selmanoviću, dobro bi bilo da ste pročitali obrazloženje člana 2. Zakona o profesionalnoj rehabilitaciji i osposobljavanju i zapošljavanju lica sa invaliditetom propisuje da je profesionalna rehabilitacija, osposobljavanje i zapošljavanje lica sa invaliditetom od posebnog javnog interesa i spada u oblast socijalne zaštite. Lice sa invaliditetom je u smislu ovog zakona i učenik sa teškoćama u razvoju i učenik sa većim teškoćama u razvoju prema propisima o srednjem obrazovanju. Profesionalna rehabilitacija u smislu ovog Zakona obuhvata radno osposobljavanje, dokvalifikaciju, prekvalifikaciju, održavanje i usavršavanje radnih sposobnosti do zaposlenja. Član 11. ovog Zakona propisuje da profesionalnu rehabilitaciju organizira, izvodi Ustanova za profesionalnu rehabilitaciju, srednja škola, privredno društvo, osposobljavanje u skladu sa ovim zakonom Ustanova za profesionalnu rehabilitaciju u daljnjem tekstu ustanova u smislu ovog zakona jeste ustanova za organiziranje i provođenje profesionalne rehabilitacije lica sa invaliditetom. Fond za profesionalnu rehabilitaciju, zapošljavanje osoba sa invaliditetom Federacije Bosne i Hercegovine, javna ustanova koja pruža podršku u zapošljavanju i profesionalnu rehabilitaciju osobama sa invaliditetom. Fond financira, sufinancira programe putem kojih se može izvršiti dokvalifikacija, prekvalifikacije, radno osposobljavanje osoba sa invaliditetom u cilju stručnog

usavršavanja, u konačnici zaposlenja. Kolega Selmanoviću, žao mi je što ste izostavili ovo, međutim nisam vam dozvolio da izostavite ovaj dio istine i obrazloženja iz odgovora resornog Ministarstva Vladi Kantona Sarajevo i odgovora na inicijativu, gdje, naravno, podržavamo svaku vrstu inicijative koja će u skladu sa zakonskim propisima, kao što je ovdje navedeno od strane Ministarstva za odgoj i obrazovanje, iznaći način da se ovaj problem riješi. Dalje, kolega Selmanoviću, Vlada Kantona Sarajevo je uredbom riješila i prošlu i ovu godinu, do kraja 2026 godine. Ova kategorija naše djece, mogu slobodno kazati, neće trpiti nikakve posljedice za koju ste vi zdušno govorili da će trpiti. I naravno Skupština Kantona Sarajevo će podržati inicijativu, proslijedit će je Vladi Kantona Sarajevo, resornom ministarstvu, da u narednom periodu iznađu način kako i na koji način zakonski da ovu kategoriju uvrste, a ne ovako kao što vi govorite i pričate, koristite svaki momenat kako bi pojedince, skupine, većine, većinu u Skupštini, Vladu diskreditovali, minimizirali njen rad. To govori o vama, kolega Selmanoviću, to govori o vama, na šta ste vi sve spremni da prikrijete ovu istinu iz jednog akta dokumenta i da izvrćete riječi kako neko nema opredjeljenje i kako nema neko motiv da riješi ovaj i slične probleme. Komparativnom metodom, vrlo lako je utvrditi ko je, kako i šta radio, kako je trojka, kako su resorna ministarstva rješavale probleme građana kroz izmjene i dopune zakonskih i podzakonskih akata i to rješavanje problema dolazilo do krajnjih korisnika kao što će, ako bogda, doći i ovaj i onako kako ste vi to radili prethodnih 25 godina, niti ste mijenjali zakone, niti ste predviđali sredstva u Budžetu Kantona Sarajevo za ovakve i slične kategorije našeg društva, kao što su porodice šehida, poginulih boraca, djeca s poteškoćama u razvoju i niz drugih kategorija za koje se treba i mora brinuti država, odnosno sistem u kojem oni žive.

Ispravka krivog navoda. Odgovor na. Kolega Selmanoviću, ja sam diskutovao. Replika zastupnik Selmanović.

Isprava, ispravka krivog navoda, zastupnik Mahir Dević.

Mahir Dević (zastupnik)

Hvala. Najjednostavnije bi bilo predsjedavajući ispraviti cijelu vašu diskusiju, ali pošto to ne bi bilo u skladu sa Poslovnikom ispraviti ćemo one činjenice koje ste vi naveli kao netačne. Sve to što ste vi kazali da nije postojalo, postojalo je i asistenti u nastavi i edukatori i komisija za procjenu. Možda vi to niste znali, možda se vi ne sjećate, možda je problem vama ponoviti zaključke, ali zaboravili ste jednu stvar, vi ste tada bili ovdje, ako nešto nije ni bilo, nije bilo zato što ste vi bili ovdje, samo je sada došlo do promjene. Prošli put niste znali ponoviti zaključke za novinarom prije 2, 3 mandata, a sada nam čitate poruku koju je vama poslala ministrica i ja mislim da je najlošija strategija ovoj ministrici obrazovanja da vi branite obrazovanje...

Elvedin Okerić (predsjedavajući)

Kolega Deviću, moram vam zbog vašeg bezobrazluka oduzeti riječ. Čitam obrazloženje resornog Ministarstva koju je dostavilo odgovor na inicijativu odgovor prema Vladi. Oduzimam vam riječ kolega Deviću zbog..

Zastupnik Faruk Selmanović, replika.

Faruk Selmanović (zastupnik)

Zahvaljujem, predsjedavajući. Ono što bi vi kazali, evo nažalost ću vas mora citirati, ovo govori najbolje o vama. Kada ste već to pročitali, to sve tamo što ste pročitali, trebali ste i pročitati da je ministrica u svom materijalu prema Vladi predložila da se inicijativa ne usvoji. E, sada kada ste spomenuli tamo, asistente u nastavi, jedan asistent na petoro djece. Ili, recimo, zaboravili ste napomenuti da radionice za IPP da nemaju materijala pa da asistenti sami kupuju svoj

materijal. Zaboravili ste napomenuti da je ministrica odbila premještaj djeteta u invalidskim kolicima iz dvije škole, zato što u školi koju trenutno pohađa nema lifta. Ista ta ministrica. Zaboravili ste napomenuti da je u Mjedenici ukinut 1 fizioterapeut, da medicinska sestra radi samo prvu smjenu, ista ta ministrica. Zaboravili ste napomenuti još puno toga, ali evo, zahvaljujem što ste čitavu svoju diskusiju posvetili samo meni, što znači da vas je pogodilo ono što sam govorio ovdje, a da, odnosno ministricu, ne vas slično, nego ministricu, a žao mi je što ministrica nije ovdje pa da nam ona objasni zbog čega predlaže da Vlada Kantona Sarajeva ne prihvati predmetnu inicijativu. Inicijativa koju je predložio kolega Muamer Bandić je krajnje humana i rješava jedan diskriminirajući problem u samom zakonu, a sve ono što je ministrica uradila u ovom periodu može se svesti pod to da je upropastila obrazovanje u Kantonu Sarajevo. To govori struka, ne ja, a to ćemo vidjeti na kraju njenog mandata šta će se desiti od ove reforme koja je pokrenuta, koja nije do dana završena.

Elvedin Okerić (predsjedavajući)

Vi ste danas u svojoj drugoj diskusiji u ovoj replici kazali najbolje o sebi, a neka građani zaključe o kakvom se samo manipulatoru radi, kako koristi svaku priliku da minimizira rad i povrijedi pojedince bez obzira što to nije istina što govorite.

Zastupnik Faruk Kapidžić diskusija ili replika? Diskusija. Izvolite, imate riječ.

Faruk Kapidžić (zastupnik)

Hvala. Javio sam se za diskusiju samo zato što ste svoju diskusiju započeli na diskusiju Faruka Selmanovića ste se obratili jel obratili ste se na njegovu diskusiju, a započeli ste je sa riječima sada ću ja da kažem istinu, što drugim riječima ste htjeli reći da Faruk Selmanović govori neistinu. Pa zbog toga sam se javio da kažem da je nas iz SDA 7 ovdje u Klubu došlo i još uvijek tu 7 i niko od tih 7 ovdje ne govori neistinu. Dakle, vi možete, ove 3 stepenice vam ne daju za pravo da govorite da ćete vi govoriti šta je istina, šta nije, pa niste vi sudija ovdje. Znači vaš stav može to biti, a ne da počinjete sa: „Sad ću vam ja reći svima građanima šta je istina“ i od ovako dobre diskusije i svega, umjesto da se završi i da ovo izglasamo nakon godinu dana, sada ste vi produžili to sa tim svojim arogantnim stavom da vi tobož govorite šta je istina, kao da ste sud, a ne obični zastupnik koji može imati samo svoje mišljenje, a argumentima građanima pokazujete jel govorite istinito ili ne. Dakle, zbog toga sam se javio. Naravno, ako nastavim o ovome pričati, vi ćete me prekinuti jer nije u temi, a ni vi niste bili u temi jer ste pričali o Ministarstvu obrazovanja i o tome kako je ministrica sve što ju radila za svog mandata, da nas je naučila da postoji fluidna, fluidni moral, ali ne postoji fluidna istina. Hvala.

Elvedin Okerić (predsjedavajući)

Moguće da smo isti dokument držali. Imao sam potrebe da pročitam ono što je istina i što piše u dokumentu, a dio tog teksta je vrlo vješto i zlonamjerno kolega Selmanović izostavljao i namjerno na drugačiji način implementirao.

Zastupnica Vildana Bešlija.

Vildana Bešlija (zastupnica)

Jel sad replika ili sam ja?

Elvedin Okerić (predsjedavajući)

Uključite zastupnika Faruka Selmanovića, replika zastupniku Kapidžiću.

Faruk Selmanović (zastupnik)

Zahvaljujem. Pa kolega Faruk, naravno da će se pretvoriti ovo u diskusiju, jer kolega Okerić je zaboravio spomenuti da je ministrica u školi Mjedenica ukinula keramičku radionicu za djecu u vidu terapije koja je 15 godina radila u sklopu te škole. To vjerojatno nije pisalo u onoj poruci koju vam je ministra poslala, pa ste zaboravili da pročitate.

Elvedin Okerić (predsjedavajući)

Zastupnica Vildana Bešlija, diskusija.

Vildana Bešlija (zastupnica)

Tako je. Ja, evo, samo hoću da kažem da mi kao Klub, naravno podržavamo ovu inicijativu i vjerujem da to neće iznenaditi nikoga zato što smo se u svom djelovanju uvijek zalagali za inkluzivno obrazovanje i da se omogući u svim segmentima. Vjerujem da realizacija ove inicijative, iako smo, evo, čuli da postoji određena Uredba koja je to osigurala do 2026. godine, neće umanjiti potrebu za izmjenom zakona u ovom smislu zato što to nije trajno rješenje, tako da želim samo da kažem da ćemo i ovaj put to podržati. A što se tiče djelovanja, čisto onako jedan komentar malo na djelovanje dosadašnje po ovom pitanju, ja ću napomenuti da su 2019. godine ova većina je u suštini po prvi put uvela mobilne timove, pa onda smo aktivno učestvovali i obezbijedili da se asistenti u nastavi zaista prepoznaju, kao i zaposle. Znači da to ne bude na onaj način kako je to ranije bilo definisano. Dosta stvari je urađeno u ovom kontekstu i smislu, ali je činjenica da kada je Mjedenica u pitanju, da ovo treba ovaj riješiti, odnosno treba zakonski vidjeti kako je to najbolje riješiti. I naravno, puna podrška. Ja vjerujem da će i Ministarstvo i Vlada i da ćemo svi ostati na putu na kojem smo do sada bili. Hvala vam.

Elvedin Okerić (predsjedavajući)

Zahvaljujem se. Zastupnik Haris Zahiragić. Izvolite imati riječ.

Haris Zahiragić (zastupnik)

Zahvaljujem se predsjedavajući. Prije svega želim čestitati kolegi Bandiću na ustrajnosti i na Klub Stranke za Bosnu i Hercegovinu. Znam kako je teško da jedna tačka uopšte doprije na dnevni red u ovakvim uslovima i konstelacijama odnosa u Kolegiju i vladajućoj većini, tako da na tome posebno čestitam. Čestitam na tome što obezbijedili podršku i opozicionih klubova DF-a i SDA, ali evo i pozicionih klubova, kao što čujemo Naše stranke i SDP-a. Vjerujem da će i nezavisni zastupnici podržati ovu inicijativu. Prema svemu sudeći, jedini koji neće podržati vašu inicijativu je Narod i pravda. Žao mi je što Klub Naroda i pravde i predsjedavajući Okerić...

Elvedin Okerić (predsjedavajući)

Ispravka krivoga navoda.

Haris Zahiragić (zastupnik)

prema svemu sudeći...

Elvedin Okerić (predsjedavajući)

Ispravka krivog navoda. Mogu te prekinuti kada iznosiš laži i neistine, mogu te prekinuti, kolega Zahiragiću. Kolega Zahiragiću, govorite neistine da Narod i pravda neće podržati ovu inicijativu.

Nemojte prejudicirati, sačekajte da vidimo kako će se glasati. Izvolite, imate riječ.

Haris Zahiragić (zastupnik)

Osim što ste mi ugasili mikrofon, rekli ste mi da lažem i niste me persirali i na trenutak, na trenutak mali je izašao vaš manir, pa ste se ponovo vratili, počeli me persirati, postali mali, pristojni dječčić koji se ponaša sa ovom Skupštinom, kao da mu je igračka koju mu je neko dao u ruke. Ali brzo ćemo mi uzeti, vrlo brzo ćete ostati bez ove igračke, gospodine Okeriću. Ja sam to rekao na osnovu diskusije koju sam pažljivo slušao, dakle slušao sam u klubu gore, pošto je tačka važna, bez da me ometaju druge kolege, diskusije svih pažljivo posmatrao. Razgovarao sam na hodnicima s drugim kolegama donoseći svoju odluku. Ja sam iz svega pošto sam zaključio na osnovu tih diskusija, vaše prije svega jer ste vi diskutovali na jedan način po kojem se dalo naslutiti da nećete podržati tu tačku, donio taj zaključak da će NiP ostati usamljen. Ne, možda zbog vašeg odnosa spram te teme lično ili kolega iz Kluba NIP-a, nego zbog odnosa vaše ministricе koja je izgleda potpuno preuzela volju i organa i Kluba NIP-a, ministricе koja, kolega Selmanović je spomenuo slučaj Mjedenice i gašenje te škole ili pokušaj gašenja, koja na svaki mogući način pokušava, da, bilo bi ružno od mene bio bih zlonamjeran kada bih rekao da se ona sistemski bori protiv djece s poteškoćama u razvoju, ona se sistemski bori protiv svih djece, ona je od djece koja nemaju poteškoće u razvoju, pokušava napraviti djecu s poteškoćama u razvoju slanjem maloljetnika kod psihijatra sa nekim represivnim mjerama. Ja, evo, pozivam vladajuću većinu da zamijenite tu ministru. Ta ministrica je prešla svaku granicu. Ovo je trebala ono uraditi, ona predloži da ima imalo sluha, ona nema tog sluha. Zato zahvaljujem Stranci za Bosnu i Hercegovinu. Zahvaljujem se SDP-u i i SDP-U i Našoj stranci koji su shvatili značaj ove inicijative. I evo želim da vjerujem da će Okerić kada malo prokalkuliše, ako on donosi odluke u NIP-u, a još uvijek je predsjednik Kantonalnog odbora, još uvijek ga Čampara nije smijenio, možda neće, govore Muzur novi, ne vjerujem, ne vjerujem da će biti Muzur novi predsjednik, Okerić ostaje, ja vjerujem u tu struju.

Elvedin Okerić (predsjedavajući)

Moram vam oduzeti riječ zato što se odlutali sa teme.

Haris Zahiragić (zastupnik)

Pa možete mi replicirati...

Elvedin Okerić (predsjedavajući)

Zastupnik Muamer Bandić, izvolite, imate riječ. Imate riječ kolega Muamere Bandiću, izvolite. Zastupniče Vreto, izvolite, imate riječ. Kada se budete uozbiljili, dobili ste, maloprije ste dobili, dvije opomene ste dobili maloprije. Izvolite kolega Vreto.

Elvis Vreto (zastupnik)

Hvala, hvala predsjedavajući. Pa vrlo kratko. Obzirom na tajming kad je ova inicijativa podnesena, odmah da kažemo javno da nikada Klub Naroda i pravde, kako na Kolegiju ili na bilo koji način nije negirao potrebu rješavanja ovog pitanja. Obzirom da je odgovor Ministarstva došao kakav jeste, a da su u međuvremenu ili prije tog prije te inicijative donijeli Uredbu gdje su ovo pitanje riješili privremenog karaktera do kraja 2025. godine, možda u nekom trenutku i grub odgovor tačno na inicijativu da se odbija, ali u principu sigurno nije niko bio protiv ovog sistemskog rješenja. I ja evo vas molim zaista da, niti je ova inicijativa, niti je ova inicijativa od Kluba Naroda i pravde na bilo koji način spriječena na Kolegiju da dođe na dnevni red i mi ćemo pokazati svojim glasanjem, kako je rekao i kolega Okerić, na koji način prilazimo i pristupamo sistemskom rješavanju i ovog pitanja. Ni jednog trenutka ne želim da

prihvatim da je ministrica za odgoj i obrazovanje odbila da riješi sistemsko ovo pitanje, već je u tom trenutku, ponavljam, podnošenja inicijative koje je bilo krajem, evo ne znam petog ili šestog mjeseca ove godine, to pitanje već bilo riješeno Uredbom za 2025. godinu. Zaista nemam nikakav problem. Klub naroda i pravde odmah da vam javno kažem, će podržati ovo pitanje. Zaista mi je, pa mogu reći, malo i neshvatljivo, da neko donosi neke zaključke u svojim diskusijama, a da prije toga mi nismo iznijeli svoj stav. I s te strane, evo, ova inicijativa će dobiti podršku i očekujemo izmjene zakonskog rješenja koje će sistemski riješiti ovo pitanje, a te izmjene sigurno će uraditi ova ministrica bez bilo kakvog otpora ili bez bilo kakvog narativa kakvo je protiv ove ustanove i bilo kakvih aktivnosti koje se tiču podrške toj ustanovi i drugim ustanovama. Ono što želim još da naglasim, vrlo je teško raditi u ovoj atmosferi i govoriti, ali hajd. Tako da ja bih zamolio predsjedavajućeg, ako je diskusija pri kraju, da mi idemo ka glasanju i svak će pokazati to svoje opredjeljenje i bit će to veoma jasno.

Elvedin Okerić (predsjedavajući)

Racionalne diskusije su završene, međutim, sada imamo destrukciju i populizam na sceni, a sada ćemo vidjeti da li će od toga odustati ili ću ih morati isključivati.

Kolega Zahiragiću, replika. Kome replicirate? Kolegi Vreti, izvolite, imate riječ.

Haris Zahiragić (zastupnik)

Opet prelazite granice svojih nadležnosti sa prejudiciranjem sadržaja naših diskusija i vrijeđate nas nazivajući ih populizmom i ne znam čime već sve ne, time kako vi volite reći, najviše govorite o sebi, svako o sebi najviše govori. Kolega Vreto, hvala vam na toj korektnoj diskusiji. Izgleda da je Klub Naroda i pravde je odlučio biti na ispravnoj strani. Očigledno da jedina dva subjekta koja su bila protiv inicijative su ministrica Hota i gospodin Okerić. Okerić će radi svog autoriteta vjerovatno glasati za i onda će ministrica Hota ostati usamljena i konačno, da je Skupština Kantona Sarajevo rekla toj gospođi, ministrici Hoti-Muminović, da njen način diktatorski vođenja obrazovanja nije dobrodošao u skupštinske sale i nadam se da ćete je zamijeniti ili ćemo mi podnijeti inicijativu, pa ćemo za nju glasati jer ta žena je uništila osnovno i srednje obrazovanje u Kantonu Sarajevo. Hvala vam.

Elvedin Okerić (predsjedavajući)

Zastupnik Muamer Bandić. Zaključak, izvolite imate riječ.

Muamer Bandić (zastupnik)

Zahvaljujem se svim zastupnicima, evo, ja bih samo zamolio i na početku sam rekao da pokušamo da izdignem ovu situaciju iznad nekih političkih stavova. Uopće ne bih želio da komentiram, nije bitno inicijativu ko je podnio. Ono što jest meni bitno, okolnost da je inicijativa podnesena prije više od godinu dana, da ovdje nije određen rok, a s obzirom da se radi o jako kratkoj izmjeni, dakle praktično samo vremenskoj odrednici, ja bih želio da se u ovoj tački 2, dakle, odredi samo još rok od 3, 4 ili do kraja godine ili ne znam, da se ova, dakle, inicijativa stavi na dnevni red. Evo racionalni rok je neki eto. Samo malo. Može. Samo malo, dakle vidite, dakle s obzirom da je ovo Uredbom već riješeno na neki način, međutim, ta Uredba nije u skladu sa stavom zakonodavca. Ja sam to cijelo vrijeme isticao. Ali evo, nemam ništa protiv. Dakle, bitno je samo da se ovo riješi u roku od, ne znam nekoliko mjeseci, pa i 6 mjeseci, nije problem. Ali da zaista, može šest mjeseci. Slažem se, OK, može 6 mjeseci, nije problem.

Elvedin Okerić (predsjedavajući)

Jel možemo? Jel imate još nešto? To je to. Uključite zastupnika Muamera Bandića.

Muamer Bandić (zastupnik)

Želim da se zahvalim svim zastupnicima zaista na Kolegiju je bilo tu pozitivnih komentara i pravac djelovanja je bio pozitivan od strane pozicionih zastupnika. Mi nismo ni vidjeli ustvari ovu izmjenu kad je ministrica to predložila. Nažalost, ja sam bio u Mjedenici, ono što je mene najviše dirnulo tamo, da su ti ljudi komentarisali na način da su oni smatraju blagodat Božjim darom tu djecu i da oni se neće odustati od borbe prema njima, kako se mi borimo za svoju djecu, tako se oni bore za svoju i treba da budemo više, evo, da kažem senzibilni prema njima, imamo milijardu 888 miliona na raspolaganju i zaista, evo, većina je u tom pravcu i vodi svoje diskusije da se ova izmjena zakona, dakle, prihvati. Samo bi im se želio, dakle, još jednom zahvaliti.

Elvedin Okerić (predsjedavajući)

Zastupnica Elza Gaković se javila za riječ.

Elza Gaković (zastupnica)

Obzirom da je kolega Muamer imao diskusiju ili zaključak, evo da je vodimo kako god, nije replika, nego čista jedna dopuna i iz onoga što je zapravo suštinska potreba tih svih zavoda jeste multisektorski pristup. Ajmo, molim vas, razmišljati u tom pravcu. Ne postoji ovdje samo sistem, u redu, dobna granica, zaista je neosporno da se mora ići u ove izmjene i zaista je ograničavajuća dob jednostavno dovela možda do ovakve situacije, ali čuli smo i znamo da tamo rade i medicinske sestre i fizioterapeuti i nekako, ako pogledamo sve ostale fondove za rehabilitaciju ovih osoba, nekako i Ministarstvo socijalne zaštite itekako možda treba dati svoj doprinos, a sigurna sam da će ministrica Enda to uraditi na jedan najbolji način, zajedno sa ministrom Enisom. Tako da voljela bih da se jednostavno, sa svrhom što boljeg koncepta boravka ove djece u ovim zavodima razmotri mogućnost da se multisektorskim pristupom taj boravak, jednostavno, upravo onako kako oni zaslužuju, uradi kroz više ministarstava.

Elvedin Okerić (predsjedavajući)

Zaključujem raspravu. Pozivam zastupnike da uđu u salu, oni koji su izašli. Ako ima neko u hodniku ili negdje drugo, neka neka uđu.

Ovim smo iscrpili raspravu dnevnog reda sa 24. Radne sjednice, sada se vraćamo na glasanje pa ćemo onda doći do ove tačke da se izjasnimo.

U skladu sa članom 94. Poslovnika Skupštine Kantona Sarajevo, prelazimo na glasanje po preostalim tačkama dnevnog reda.

Molim zastupnike da se izjasni o Prijedlogu odluke o usvajanju programa uređenja građevinskog zemljišta, realizacije kapitalnih investicija za 2025. godinu. Tačka 5 je ovo.

Zaključujem glasanje. Molim službu da objavi rezultate glasanja. Za je glasalo 19 zastupnika, protiv 5, suzdržanih 5. Konstatujem da Skupština donijela ovu odluku.

Prelazimo na izjašnjenje tačka 6.

Molim zastupnike da se izjasni o Prijedlogu odluke o standardima i kriterijima za izbor i imenovanja na pozicije predsjednika članova Nadzornog odbora Kantonalne agencije za privlačenje investicija i privatizaciju.

Zaključujem glasanje. Za je glasalo 19 zastupnika, protiv 6, suzdržana 3.

Konstatujem da je Skupština donijela ovu odluku.

Prelazimo na izjašnjenje tačke 8.

Molim zastupnike da se izjasne o Prijedlogu odluke o imenovanju predsjednika i članova Upravnog odbora Kantonalne agencije za privlačenje investicije i privatizaciju. Zaključujem glasanje. Za je glasalo 19 zastupnika, protiv 5, suzdržana 2. Konstatujem da je Skupština donijela ovu odluku.

Izjašnjavamo se o tački 9.

Molim zastupnika da se izjasne o Izvještaju o radu sa finansijskim izvještajem Kantonalne agencije za privlačenje investicija i privatizaciju za 2023 godinu.

Zaključujem glasanje. Za je glasalo 19 zastupnika, protiv 5, suzdržano 2.

Konstatujem da je Skupština usvojila ovaj izvještaj.

Izjašnjavamo se o tački 10.

Molim zastupnike da se izjasne o Izvještaju o radu sa finansijskim izvještajem Kantonalne agencije za privlačenje investicija i privatizaciju za 2024 godinu.

Zaključujem glasanje. Za je glasalo 19 zastupnika, protiv 7, suzdržanih 3.

Konstatujem da je Skupština usvojila ovaj izvještaj.

Izjašnjavamo se o tački 11.

Molim zastupnike da se izjasne o Izvještaju o poslovanju Kantonalnog javnog preduzeća Veterinarska stanica d.o.o. Sarajevo za 2022. godinu.

Zaključujem glasanje. Za je glasalo 19 zastupnika, protiv 8, suzdržano 2. Konstatujem da je Skupština usvojila ovaj izvještaj.

Prelazimo na tačku 12.

Molim zastupnike da pristupe izjašnjavanju o Izvještaju o poslovanju Kantonalnog javnog komunalnog preduzeća RAD d.o.o. Sarajevo za 2023. godinu.

Zaključujem glasanje.

Za je glasalo 15 zastupnika, protiv 10, suzdržana 4.

Konstatujem da Skupština nije usvojila ovaj izvještaj.

Molim zastupnike da se izjasne o tački 13.

Molim zastupnika da pristupe izjašnjavanju o Izvještaju o radu Univerziteta u Sarajevu za period 01.01. do 31.12.2023. godine.

Zaključujem glasanje. Za je glasalo 19 zastupnika, protiv 4, suzdržana 4.

Konstatujem da je Skupština usvojila ovaj izvještaj.

Prelazimo na tačku 14.

Molim zastupnike da pristupe izjašnjavanju o Izvještaju o radu Odbora za žalbe javnosti za 2024. godinu.

Zaključujem glasanje. Za je glasalo 18 zastupnika, protiv 5, suzdržanih 5.

Konstatujem da je Skupština usvojila ovaj izvještaj.

Tačka 15.

Molim zastupnike da pristupe izjašnjavanju o Izvještaju o izvršenju sankcija o Kantonu Sarajevu za 2023. godinu. Zaključujem glasanje. Za je glasalo 18 zastupnika, protiv 6, suzdržana 4.

Konstatujem da je Skupština usvojila ovaj izvještaj.

Tačka 16.

Molim zastupnike da pristupe izjašnjavanju o Izvještaju o izvršenju sankcija o Kantonu Sarajevo za 2024. godinu. Zaključujem glasanje. Za je glasalo 19 zastupnika, protiv 6, suzdržana 4.

Konstatujem da je Skupština usvojila ovaj izvještaj.

Tačka 17.

Molim zastupnike da pristupe izjašnjavanju o Izvještaju o realizaciji Plana povratka u i iz Kantona Sarajevo za period 01.01. do 31.12.2023. godine, sa osvrtom na problematiku obezbjeđenja alternativnog smještaja, privremenog smještaja i Plan povratka u i iz Kantona Sarajevo za 2024. godinu.

Zaključujem glasanje. Za je glasalo 19 zastupnika, protiv 7, suzdržana 3.

Konstatujem da je Skupština usvojila ovaj izvještaj.

Tačka 18.

Molim zastupnike da pristupe izjašnjavanju o Izvještaju o stanju u oblasti socijalne zaštite, zaštiti civilnih žrtava rata i zaštite porodice sa djecom u 2023 godini.

Zaključujem glasanje. Za je glasalo 19 zastupnika, protiv 8, suzdržano 2.

Konstatujem da je Skupština usvojila ovaj izvještaj.

Prelazimo na tačku 19.

Molim zastupnike da pristupe izjašnjavanju o Studiji o zdravstvenom stanju stanovništva, odrednicama zdravlja, zdravstvenoj zaštiti u Kantonu Sarajevo u 2022 godini sa prijedlogom mjera za poboljšanje zdravstvenog stanja stanovništva u Kantonu Sarajevu i Mišljenje Ministarstva zdravstva Kantona Sarajevo.

Zaključujem glasanje.

Za je glasalo da 22 zastupnika, protiv 5, suzdržana 2. Konstatujem da je Skupština usvojila ovu studiju.

Prelazimo na tačku 20.

Molim zastupnike da pristupe izjašnjavanju o Izvještaju o zdravstvenom stanju stanovništva, odrednice zdravlja i zdravstvena zaštita u Kantona Sarajevo u 2023. godini sa prijedlogom mjera za poboljšanje zdravstvenog stanja stanovništva u Kantona Sarajevo.

Zaključujem glasanje. Za je glasalo 23 zastupnika, protiv 5, suzdržanih 1. Konstatujem da je Skupština usvojila ovaj izvještaj.

Tačka 21.

Molim zastupnike da pristupe izjašnjavanju o Izvještaju o provedenoj jesenjoj preventivnoj sistematskoj deratizaciji u 2024 godini.

Zaključujem glasanje. Za glasalo 21 zastupnik, protiv 8, suzdržanih ništa.

Konstatujem da je Skupština usvojila ovaj izvještaj.

AD-22.

I pročitat ću zaključak tačke 22. o kojoj smo maloprije razmatrali inicijative zastupnika Muamera Bandića.

Zaključak:

1. Prihvata se Inicijativa zastupnika Bandić Muamera broj: 01-02-42163/24 od 13.09.2024. godine za izmjenu Zakona o odgoju i obrazovanju u osnovnoj i srednjoj školi Kantona Sarajevo („Službene novine Kantona Sarajevo“, broj: 27/24).
2. Određuje se Ministarstvo za odgoj i obrazovanje Kantona Sarajevo za nosioca izrade Nacrta Zakona o izmjeni Zakona o odgoju i obrazovanju u osnovnoj i srednjoj školi Kantona Sarajevo („Službene novine Kantona Sarajevo“, broj: 27/24) u skladu sa propisanim postupkom i načinom pripremanja i dostavljanja propisa u roku od 6 (šest) mjeseci od dana donošenja ovog zaključka.
3. Inicijativa iz tačke 1. ovog zaključka, sa mišljenjem Vlade Kantona Sarajevo i Zakonodavno-pravne komisije Skupštine Kantona Sarajevo, dostavlja se Ministarstvu za odgoj i obrazovanje Kantona Sarajevo.
4. Ovaj zaključak stupa na snagu danom donošenja.

Molim zastupnike da pristupe izjašnjavanju o zaključku po inicijativi za izmjenu Zakona o odgoju i obrazovanju u osnovnoj i srednjoj školi Kantona Sarajevo.

Zaključujem glasanje. Za je glasalo 29 zastupnika, protiv i suzdržanih nije bilo.

Konstatujem da je Skupština usvojila ovaj zaključak.

Obzirom da smo iscrpili sve tačke dnevnog reda današnje sjednice, zaključujem rad na 24. Radnoj sjednici i zahvaljujem se zastupnicima na dolasku i diskusijama koje su imali. Blagovremeno ćete biti obaviješteni o novoj sjednici i nastavku 19. Radne sjednice Skupštine Kantona Sarajevo.